





M



CASPARIS ZIEGLERI,

De

DIACONIS

&

DIACONISSIS

Veteris Ecclesiæ

LIBER COMMENTARIUS.



VVITTEBERGÆ

Sumptibus Hæredum JOBI VV.

ANNO M DC



13-23, C, 29

PERILLUSTRI DOMINO


DN. HENRICO
LIBERO BARONI
A FRIESEN

Domino in Schönsfeld / Puckau /
Graupa / Jessen & Praschwiß /
&c.

SERENISS. AC POTENTISSIMI
ELECTORIS SAXONIÆ COMITI ET
CONSILII INTIMI DIRECTORI,
&c:

DOMINO MEŒ GRATIOSISSIMO.



 Gnosco, DOMINE, ab eo tempore, quo TE Mœcenatem habere contigit, & ex quo minimæ etiam parti tantæ tuæ fortunæ adhæsi, clarissimum, me inter nostros redditum, & dignitatum Academicarum fastigia te Autore occupasse penè immaturum. Nec enim affirmare sustineo, meruisse id industriam meam, quam nec ipse tùm promittere potuissem satis convenientem, nisi spem concepisses, fore eam aliquando isti muneri haud imparem. Futuris igitur magis dum me destinasti temporibus, quid præstiterim illis subsequutis, ipse ex TE audiam. Hoc certè operam dedi enixè, ne per otium obscuram, & ignobilem expectarem senectutem. Et quo minus id facerem, TUA me identidem excitavit bene-

benevolentia. Nec diffiteor, contempla-
tione virtutum tuarum & singularis planè
atqve diffusissimæ eruditionis adductum,
me fuisse, ut ipse etiam ambulare[m] viam,
non omnibus tritam, longiùs iturus, nisi
corporis ægri vitia sese proderent subinde
haud pauca. TUA igitur benignitate
dum ago, quicquid ago, nuncupare TIBI
omninò volui, quia debuì, exiguum hoc o-
pusculum, ab reliquis meis scriptis nunc
fortè diversum, quod acriùs hodiè premar
curis domesticis, defunctâ conjuge, quæ
eas olim sustinuit univ[er]sas sola.

DEUS TE SERVET.

Dab. DRESDÆ d. 9. April.

1678.



PRÆFATIO.

Dum spartam, quam nactus sum, ornare satago, dumque saxum istud, quod ex Decretalibus Romanorum Pontificum epistolis mihi natum est, assidue volvo, & varia vel illustramenta vel *ἀμφερίματα* subinde colligo atque observo, quotidianam mihi cum illis, qui Ecclesiæ Christianæ se ministros profitentur, rem esse intelligo. Nec enim occurret facile Constitutio aliqua, quæ non mentionem faciat vel Episcopi, vel Diaconi aut alterius alicujus, ex ordine vel *τῶν ἱερατικῶν*, vel *τῶν κληρικῶν*, saltem in frontispicio & inscriptione. Suboriri mihi inde solent de Rep. Ecclesiasticâ, qualem ea faciem habuerit olim, quamque aliena à se ipsa facta deinde fuerit, frequentissimæ considerationes. Neque crediderim ego, Apostolorum temporibus de Rep. tali, qualis nunc Romæ conspicitur, cogitatum fuisse, tantum abest, ut persvaderi mihi patiar, autores eos hujus rei extitisse. Ecce enim, dum Pontificem primùm, deinde Cardinales, Patriar-

Patriarchas , Primates , Archiepiscopos , Episcopos , &
 post hos Archidiaconos , archipresbyteros , proximos ab
 his presbyteros & diaconos atque subdiaconos , tandem
 acolythos , exorcistas , Lectores , Ostiarios intuemur , eo-
 rumque officia , qualia nunc sunt , attendimus , atque præ-
 cipuos istos magno & vestimentorum splendore , & co-
 mitatus magnificentiâ , & affectatâ insuper gestuum com-
 positione superbientes videmus , quis credere velit , Pe-
 trum & reliquos Apostolos atque discipulos Christi per
 hunc cœtum repræsentari , & quis porrò fidem faciet , ab
 Apostolis dignitates istas atque officia suam habuisse ori-
 ginem ? Nihilominus anathematis fulmine ex Concilio
 Tridentino percussi fuerunt isti , qui diversum sentirent ,
 quive hierarchiam istam divinâ ordinatione institutam
 sibi persvaderi nollent. Nec verò defuerunt eo tempo-
 re Viri cordati , qui dirum istud fulmen haud veriti Patres
 Tridentinos parum consideratè in sententiam istam pro-
 lapsos dicerent , tùm quod nomen hierarchias inter Apo-
 stolos & primos Ecclesiæ Doctores inusitatum , imò &
 praxi atque consuetudiniâ nascente Ecclesiâ receptæ pla-
 nè contrarium communi decreto firmaretur , tùm verò
 quam maximè , quod facies Ecclesiæ externa ad imitatio-
 nem Reip. secularis ex tyrannide Pontificiâ & αλαζονείᾳ
) (Præ-

Prælatorum composita divinæ institutioni adscriberetur. Enimverò quod nomen concernit, rector utique tum fuit sententia eorum, qui putarunt, si stylus dicendi & modus operandi Salvatori Christo ejusque Apostolis usitatus observari debuisset, non hierarchiam, verum hierodiam aut hieroduliam statuendam fuisse. Non erat hoc Apostolorum axioma, ut principatum gererent, quippe quibus disertè à Magistro prohibitum erat ἀρχὴν τῶν ἐκκλησιῶν, quibusque è contrario mandatum erat, ut qui inter eos primus & præcipuus videri voluisset, reliquorum ἀκόλουθος atque δούλος existeret. Unde ipse etiam Apostolus in Scripturis ἀκολουθία dicitur aliquando. Sed & observatum fuit deinceps in Ecclesiis potissimum Africanis, ὅπου πάλιν τί latere sub vocabulis, quæ ἀπὸ τῆς ἀρχῆς, aut à Latino principii deducta communiter usurpabantur. Astutia namque Augusti Imperatoris & politicum sophisma, quo Rempublicam sub Principis nomine occupaverat ex eventu docuit, multum & magnum discrimen esse inter τὸν πρῶτον, & τὸν ἀρχόντα, qui uterque tamen Principis nomine veniret. Dum ergo in Ecclesiis Africanis, qui Græcis dicebatur ἀρχιερεὺς, princeps Sacerdotum communiter vocaretur, & plurimi sub vocabulo isto insatiabilem suam ambitionem occultarent, atque hinc dominatum aliquem

quem in Symmyftas affectarent, propter ancipitem hunc vocis ufum noluerunt Patres in Concilio Carthaginenfi III. quenquam deinceps *principem Sacerdotum, aut summum sacerdotem, aut aliquid hujusmodi*, uti verba habent, appellari. Nec profectò illi hierarchias vocabulum unquam recepiſſent, etſi id maximè aliis placuiſſet Eccleſiis, quod jam tùm valdè ſuſpecta illis eſſet ambitioſa iſta in univerſas Eccleſias *ἐπιſκοπή*. Et cur ergò dicam, impingit proteſtantibus Jctus noſtræ ætatis haud ignobilis Arnoldus Corvinus, quod Concilii Tridentini placita ſecum probare nolint? Edidit is libellum ſub titulo : **IMPERATOR JUSTINIANUS MAGNUS CATHOLICUS**, in quo quidem hoc principaliter agit, ut Juſtinianum Imperatorem paſiſtam fuiſſe doceat, ſimul verò & quaſi obiter non tamen ſine anxietate, quantum à rectâ fide & antiquitate diſceſſerint proteſtantes, quos vocat, manifeſtum reddat. Id verò à Jcto tentatum fuiſſe, mirantur multi; plurimi rident, quibus ſcilicet probè perſpectum eſt, non ſine periculo in ſatyris cani Alabarchas; plerique haud magni faciunt; quod iſtiusmodi farrago ex Bellarmini libris facilè colligi potuerit, neque in iſtâ rhapsodiâ inveniatur quicquam, quod non ſit dictum prius. Unicum iſtud indiſtriæ Corvinianæ ſpe-

cimen est, quod ex Justiniani Constitutionibus *συμβουλευ*
doctrinæ instituerit, ut laudatissimum Legislatorem ejus-
dem religionis assertorem, si diis placet, faceret, cujus
sunt hodiè, qui *αυτοκρατορίας* defendunt Pontificiam. Ve-
rum enimverò, uti negare non possumus, seculo Justinia-
neo plurimos jam abusûs multasque superstitiones in
Ecclesiâ invaluisse, quas etiamnum retinet, & haud pau-
lo auctiores reddidit Romana: ita ex simili quarundam
ceremoniarum observatione, & in quibusdam capitibus
doctrinæ conformitate, eandem illicò inferre fidei pro-
fessionem, hominis est non satis accuratè rerum figuras
discernentis. Neque id fortè statuisset Corvinus, nisi id
sibi negotii datum esse credidisset, Ecclesiæ Romanæ, cui
se non ita pridem addixerat, ut placerent, quas fecisset
fabulas. Ea enim est *τῶν ὁμοειδῶν* perversitas, ut probent
& laudent omnia, quæ atro carbone notarunt olim, so-
cietatis noviter electæ instituta. Natus ille, educatus, &
studiis imbutus inter eos, qui à fide Romanâ recesserunt,
uti fatetur ipse, cum aphorismos Juris Canonici collige-
ret, mox Circeo poculo immutatus, & Hildebrandinæ fi-
dei sectator factus, cives & populares suos aggressus est,
quosque eruditione suâ adjuverat prius, mutatâ nunc sce-
nâ omni conatu invasit, totusq; in eo fuit, ut conquisitis

un-

undecunque argumentis, sed ficulis sæpiusculè & elumbibus, confoderet. Nec in suam tantùm ille, cui junctus fuerat olim, sed in nostram etiam ubique Ecclesiam stylum vertit, eamque ut hæreticam & variis erroribus inquinatam accusat, & Kemnitium inprimis, summum olim Theologum, perversæ religionis reum facit. Ut cum illo Theologi nostri in arenam descendant, expectandum fortè non erit, quod infra eorum iram esse videantur istæ à Jcto profectæ φησας, & habeant illi inter suos, quod agant. Ne tamen ille existimet, impune hanc vindictam se fecisse, occupabo hanc provinciam nemini adhuc destinatam, & ut liceat *in τῷ κεραιδῷ τὸ ὕψωμα γινώσκειν*, unicus mihi in re præsentī sufficiet articulus, in quo nostra continebitur disputatio, & quidem eâ lege, ut nostrarum tantùm Ecclesiarum placita tueri, ea autem, quæ à diversæ sectæ Doctoribus dicta proferuntur, quos omnes Protestantium nomine comprehendit adversarius, haudquāquam defendere adstrictus sim. Habeant illi res suas. Nobis nostræ curæ cordique sint. Dicere cœpi de hierarchiâ Ecclesiasticâ, cujus ego originem aliunde, quàm ex instituto humano, peti non debere, breviter adstruxi. Agit de eâ Corvinus in dicto libello *sub tit. 44*. Videamus, quid præstet. Primum refert sententiam Protestantium

his verbis: *Protestantes ferè omnes docent, nullos in Ecclesiâ DEI gradûs esse constituendos, omnes pastores Doctores in eodem gradu esse, Nec ullum gradum vel dominium esse admittendum.* Ut fidem hujus suæ assertionis faciat, recitat verba Calvini, quibus similia esse ait nostratis Chemnitii. Calvini doctrinam, uti dixi, meam non faciam, quāquam ex verbis allegatis id non probetur, quod probare in se recepit Corvinus. Chemnitius autem tantum abest, ut doceat nullos ministrorum in Ecclesiâ Dei gradûs esse constituendos, ut potius contrarium difertissimè pronunciet. *Negve enim, inquit, distributionem illorum graduum, qualis fuit in Apostolicâ & in veteri Ecclesiâ simpliciter rejicimus aut damnamus, sed pro ratione necessitatis & adificationis in nostrâ Ecclesiâ illâ utimur, eo modo, sicut dictum est. &c.* Video autem, quid velit Corvinus, malè scil. docere Chemnitium, nullam olim inter Episcopum & presbyterum fuisse differentiam. Sed eo tamen ipso non statuit ille, nullos in Ecclesiâ Dei ministrorum debere esse gradûs, quod probare intenderat Corvinus. Et est verò ista Episcopi & presbyteri *ισότης* in Scripturâ S. ita fundata, ut contrarium ex eâ neutiquam probare queat; *ἰσότης*. Nec tamen inde sequitur, eos, qui discrimen inter Episcopos & presbyteros in Scripturis fundatum esse negant, protinus omnes in Ecclesiâ tollere ministrorum gradûs, sed hoc tantum sequitur, discrimen istud non constitutum esse jure divino, quod contendunt

dunt *q̄s iē inuasiōe*. Quod de dominio addit Corvinus, et si probatione destituatur, verum tamen est, inter protestantes doceri, & rectè quidem, nullum inter ministros Ecclesiæ tali prærogativâ gaudere debere, ut in reliquos dominium aut dominatum exerceat. Cum iisdem sentit Johannes Paulus Lancellottus, testis sine dubio apud Corvinum omni exceptione major, *Instit. lib. 1. tit. 24.* quando amplificatis non nihil Hieronymi apud Gratianum *c. esto dist. 95.* verbis ait: *Majores quoque* (hoc est, qui in majori ordine constituti sunt) *meminerunt, se majores esse, non dominos, & ob id inferioribus non tanquam subditis dominantur, sed quasi Clericos honorans & diligant: & tales sint, qui non solum præsent, verum etiam præsent.* Sequitur apud Corvinum thesis protestantibus opposita: *Catholici docent cum Concilio Tridentino, esse in Ecclesiâ hierarchiam divinâ ordinatione, institutam ex Episcopis, presbyteris, & ministris constantem, & Episcopos jure divinò presbyteris respectu jurisdictionis & ordinis superioris esse.* Per Catholicos in toto hoc suo tractatu intellectos vult illos solos, qui cum Romano Pontifice communionem colunt Ecclesiasticam. Sed ea communio ne utiqvam est universalis, & ne numero sectantium quidem omnibus aliis Ecclesiis superior. Imò vero Catholicorum hoc nomen omnes penè hæretici sibi jam olim tribuerunt, singulis coetibus hæreticorum se potissimum Christianos & suam esse Catholicam Ecclesiam putantibus, uti alicubi loquitur Lactantius. Non invidemus igitur titulum

sine

finere, quem jactitat Ecclesia Romana ; ridemus potius
 vanitatem, cum à re subjectâ *τῇ καθόλου* ea sic absit longè,
 ut quæ vel abest longissimè. Nec litem movebo de po-
 testate ordinis & jurisdictionis, ut inter se differant, cum
 eâ de re multa adhuc sit controversia inter Canonistas.
 Cardo controversiæ in præsentî in duobus his consistit,
 utrum inter ministros verbi divini ordo aliquis constitui
 debeat? & utrum ordo iste jure divino jam constitutus sit?
 Primum haudquaquam negant Protestantes, qui Augu-
 stanæ Confessioni addicti sunt, etsi hoc eos negare dicat
 Corvinus. Sed alterum rectè negant iidem, statuentes,
 nullos tales jure divino institutos esse ordines, quales ho-
 diè visuntur, nec jure divino Episcopos presbyteris esse
 superiores. Sanè *Act. XX, 17.* nominantur presbyteri,
 qui mox *vers. 28.* appellantur Episcopi; certissimo argu-
 mento, nullum tùm fuisse discrimen. Corvinus, ut id
 jure divino introductum probet, recurrit ad veteris Te-
 stamenti instituta. *Uti enim, inquit, in V. T. distincti fuerunt jure*
divino gradus, Pontificum, Sacerdotum & Levitarum, ita ut Pontifex major es-
set, Sacerdotibus, Sacerdos Levitis: ita & in novo Episcopi successerunt Pontifici-
bis, presbyteri Sacerdotibus, Diaconi Levitis. Potuisset verò Corvi-
 nus eâdem facilitate cum Gratiano suo *dist. 21.* distinctio-
 nem Episcoporum, Archiepiscoporum & Patriarcharum
 à gentilibus primùm introductam fingere & nihilominus
 ad

ad jus divinum referre. Quorsum enim nobis obvertitur facies Synagogæ Judaicæ? Sit ita, regimen Ecclesiarum Christi ad Synagogarum exemplar adornatum fuisse: an propterea, quod ab hominibus ex merâ libertate factum est, lege divinâ institutum dicemus? Si quæ talis inter gentiles ad imitationem Judæorum instituta fuisset flaminum distinctio, an eam jure divino introductam putabimus? Sed pergit Corvinus: *Fuere etiam in eo ab Apostolis distincti discipuli, qui istis inferiores.* Hoc verò nos non ferit, quæquam ex dictis Scripturæ, quæ recensentur, nihil tale probetur. Infert tamen hinc Corvinus: *Apostolis successerunt Episcopi, discipulis presbyteri*, dicitque hanc esse omnium Patrum constantem doctrinam. Quid tùm? an propterea, quod in exemplum alterius constitutum quid fuit, eandem cum illo habebit originem? Potuerunt enim verò, postquam gradûs inter ministros verbi divini facti sunt, qui primum gradum obtinuerunt, cum Apostolis, cæteri cum septuaginta allectis aliquo modo comparari, ut quo modo septuaginta duodecim primis à Christo ipso succenturiati sunt, eodem etiam presbyteri Episcopis ab Ecclesia succenturiati crederentur. Sed est tamen totus ille ordo ex impositione & instituto humano, imò verò ordinationi Apostolicæ hætenus minimè congruens, quod proba-

ri nequeat , septuaginta discipulos , ut maximè prioribus dignitate cederent, ab ulla, quæ ad primarios illos spectabat, functione Ecclesiasticâ exclusos fuisse, prout nunc & à multis retrò seculis ab ordinationibus, confirmationibus, aliisque actibus submoti sunt. Concilium Neocæsareense, ad quod provocat Corvinus , de Episcopis & presbyteris nihil decernit, sed de Chorepiscopis ait, quod sint ad exemplū septuaginta, *ὡς τύποι τῶν ἑβδομήκοντα*. Chorepiscopi autem qui fuerint, alibi exposui. Et ipsum illud Concilium Neocæsareense circa annum CCCXV. celebratum fuit, quo tempore plurimis istiusmodi comparationibus ornari solebant scripta Ecclesiastica. Damasi & Anacleti epistolæ spurix sunt, & autores suos mentiuntur, quod eruditè demonstravit David Blondellus in *Pseudo Isidoro*. Reliqui, quos porrò ad testimonium vocat Corvinus, doceant, ut velint Apostolis successisse Episcopos, & discipulis presbyteros; sciendum tamen est, comparationem istam longè post Apostolorum tempora excogitatam fuisse. Et quis verò nunc colligere ex his testimoniis poterit, jure divino discrimen inter Episcopos & presbyteros constitutum fuisse? Pergit verò Corvinus, & ex partibus suis stare profitetur, Ignatium, Clementem Romanum, Dionysium Areopagitam, Irenæum & Ter-

tul-

tullianum. Qvinque hæc testimonia *πέντε πλόν* aliquod
 conficiunt, sed propter qvod cursu contendere vix vel-
 lent ephēbi. De prioribus tribus nolumus esse multum
 solliciti, qvandoqvīdem scripta qvæ sub eorum nomini-
 bus prostant, manifesto *νοθείας* vicio laborant, uti de Igna-
 tio & Dionysio prolixè probavit Johannes Dallæus *scri-
 pto peculiari* de Clementis constitutionibus Apostolicis
 Jacobus Usserius Archiepiscopus Armachanus *in annot.
 ad Ignat. epist. c. 7. seq.* Irenæi autem testimonium nihil
 adversus nos. nec præter Episcopū alterius alicujus men-
 tionem facit, à quo discriminari debeat. Imò verò, qvam
 contrarius Corvino pluribus aliis in locis sit Irenæus, vi-
 deri potest apud Davidem Blondellum *in apol. pro sent.
 Hieron. de Episc. & presb. sect. 2. n. 9.* Tertullianus autem
 mentionem facit Episcopi, presbyteri & diaconi, sed non
 ait, jure divino istud discrimen factum esse. Nihil igitur
 per universa ista testimonia proficit Corvinus, & ne per
ὁπολιμοία qvīdem ista si vel maximè admitterentur, qvæ
 licet distinctionem aliquam Episcoporum, presbytero-
 rum, & diaconorum insinuent, nihil tamen omninò de
 autore aut origine ejus distinctionis commemorant ;
 qvam cæteroqvīn non averſamur, sed in nostris Ecclesiis
 ut valdè utilem constanter retinemus. Quandoqvīdem

autem in rogandis & colligendis Patrum sententiis tam sollicitus est Corvinus, mirari subit, quâ fiat, quod Epiphanius profus omiserit, qui tamen præ cæteris à partibus ejus stat, dum *heres. 75*. Episcopum ex Pauli sententiâ & rei ipsius institutione presbytero antecellere acriter contendit, fuscq; argumentis inducit. At vidit ille sine dubio, nihil se Epiphaniï auctoritate effecturum, eò, quod Hieronymus Epiphaniï æqualis & amicus summus, virtutisqve, ejus admirator singularis disertè contradicit, & liqvidò docet, apud Veteres eosdem Episcopos & presbyteros fuisse, quia illud nomen dignitatis, hoc ætatis esset, uti ait *epist. 83*. Ac ne quis existimet, istud Hieronymo aliud agentis obiter excidisse, id ipsum destinatâ operâ & pluribus propugnaculis defensat, conquisitis in hanc rem variis Scripturæ dictis, illudqve repetit datâ occasione non unis vicibus. Consultò hinc abstinuit Corvinus allegandis Hieronymi dictis, quæ tamen ex Gratiani Decreto *c. legimus dist. 93. & c. olim dist. 95*. fugere eum non poterant. Dum verò nos adstipulantem habemus Hieronymum, cui uni, judicio Scaligeri *proleg. in Euseb.* plus debent Ecclesiasticæ literæ, quàm multis aliis, quàmvis summis Viris, parum benignè nobiscum agit Corvinus, si velit nos testimoniis vel falsis & confictis, vel ad rem minimè facienti-

entibus convincere. Et hæc Hieronymi in genuinis ejus scriptis expressa sententia facit, ut probari nequeat, qui nomine ejus circumfertur, liber de *septem ordinibus ad Rusticum Narbonensem*, Gratiano etiam *c. diaconi dist. 93. Et c. ecce dist. 95.* allegatus, cujus proinde à *divinis* jamdiu impugnarunt Desiderius Erasmus, Guilielmus Esthius, Robertus Cocus, David Blondellus, Jacobus Usserius & alii. Denique & hoc notandum est, de hierarchiâ Ecclesiasticâ thema sibi proposuisse Corvinum, totam verò ejus tractationem circa Episcopos tantum, presbyteros & diaconos occupari, cum tamen à Doctoribus Romanæ Ecclesiæ plerisque omnibus ad hierarchiam non majores tantum, sed minores etiam ordines referantur. Imò verò si productas à se autoritates sequi velit Antagonista, difficile ei erit futurum, ordinum omnium, quos statuunt ejus Socienni, summam conficere. Anacletus *epist. 3.* ita scribit: *Amplius, quam isti duo ordines Sacerdotum, Episcoporum scil. & presbyterorum, nec nobis à DEO collati sunt, nec Apostoli docuerunt.* Et tamen ex his duobus ordinibus unum tantum, ubi diximus, facit Hieronymus. Pariter Clemens Romanus *epist. 2. Tribus*, inquit, *gradibus commissa sunt Sacramenta divinorum secretorum, id est, presbytero, diacono & ministro.* Ubi nisi per ministrum Subdiaconum intellexeris, nihil differet

minister à diacono. Apud Pseudo Dionysium *bier. c. 5.*
 aliter recensentur tres ordines, Episcoporum scil. presby-
 terorum & diaconorum. Ordinibus minoribus, in qui-
 bus Ostiarios, Lectores, exorcistas & acoluthos consiste-
 re volunt, Ignatius *epist. ad Antiochen.* addit tres alios,
 Cantores scil. Laboratores & Confessores. Clemens *e-*
pist. 1. Catechistas sive eos, qui prima fidei rudimenta do-
 cent adnumerat. In tantâ opinionum diversitate, quo-
 usque hierarchiam suam ampliare, & ex jure divino fa-
 bricare constituerit Corvinus planè incertos nos reliquit.
 Quæ porrò adducit ex Jacobi Magnæ Britanniae Regis,
 Hadriani Saraviae, Calvinii, VWhitakeri & Parei scriptis te-
 stimonia, quos *ἑταῖροι* sibi, & à reliquis suis sodalibus,
 tùm & à seipsis dissentientes esse jactitat, cancellos no-
 stros egrediuntur, neque ad nos pertinent. Pertinent
 autem verba Chemnitii, quæ subjungit, si modo ullibi ta-
 lia extent. Nec enim locus, quem refert, sub designatis
 numeris invenitur. Neque interpretatio ipsa satis con-
 venit verbis Hieronymi, quæ habentur apud Gratianum
d. c. legimus dist. 93. Non enim dicit Hieronymus, inæ-
 qualitatem Episcopi temporibus demum Heraclæ & Dio-
 nysii apud Alexandrinos invaluisse, sed ait, Alexandriae à
 Marco Evangelistâ usque ad Heraclam & Dionysium,
 pres-

presbyteros semper unum ex se & ex Collegio suo electū
in excelsiori gradu collocatum Episcopum nominasse.
Marci autem successores, uti ex indice Episcoporum A-
lexandriæ constat, fuerunt Anianus, Abilius, Zacheus,
Cerdo, Primus, Justus, Eumenes, Marcus, Celadion, A-
grippas, Julianus, Demorrius, Heraclas &c. qui omnes,
ex mente Hieronymi, à presbyteris Ecclesiæ Alexan-
drinæ ex corpore suo electi fuerunt, nondum scilicet eo tempo-
re aliunde accersitis aliis. Et hæc sanè nihil quicquam
faciunt ad statum præsentem, neque eò inducere voluit
Chemnitius. Quod si verò Hieronymi hæc est senten-
tia, usque ad Heraclam & Dionysium Antecessores omnes
primatum ordinis tantum habuisse, Heraclam verò &
Dionysium atque Successores etiam potestatis primatum
tenuisse, uti colligere videtur Chemnitius, (supponamus
enim verba adducta ejus esse) ne sic quidem aliquid cau-
sæ accedet Corvinianæ. Manet enim, potestatem istam
non esse ex jure divino, sed seculo demum secundo circa
annum *CXL.* uti calculum ducit Chemnitius, initium
suum habuisse. Tantam verò nec eo tempore illic po-
testatem acceperunt Episcopi, quantum deinceps sibi ex
πλειονεζία sensim vindicarunt. Cæterum optimè exponit
Hieronymus *ad cap. 1. epist. ad Tit.* quæ fuerit causa, quod
reli-

reliquis ministris Ecclesiæ præpositus fuerit Episcopus ?

Paulatin, inquit, ut dissensionum plantaria euellerentur, ad unum omnem sollicitudinem esse delatam. Sicut ergò presbyteri sciunt, se ex Ecclesia consuetudine ei, qui sibi præpositus fuerit, esse subiectos: ita Episcopi noverint, se magis consuetudine, quàm dispensationis dominica veritate presbyteris esse majores, & in communi debere Ecclesiam regere. Et ex *epist. ad Evagrium* maximè no-

tanda sunt hæc ejus verba: Quod postea unus electus est, qui cæteris proponeretur, in schismatis remedium factum est, ne unusquisq; ad se trahens Christi Ecclesiam rumperet. Nam & Alexandria à Marco Evangelistâ usque ad Heraclam & Dionysium Episcopos presbyteri semper unum ex se electum in excelssiori gradu collocatum Episcopum nominabant. quomodo si exercitus sibi Imperatorem faciat, aut diaconi eligant de se quem indulturum noverint & archidiaconum nuncupent. Quid enim facit, exceptâ ordinatione, Episcopus quod presbyter non faciat? &c. Non poterat explicatiùs sententiam suam declarare Hieronymus, neque eos Ecclesiarum nostrarum doctrinam proponere magis perspicuè. Hinc enim patet, consuetudine receptum id esse, non jure divino institutum, ut Episcopus superior esset presbyteris, & quidem eum in finem, ut schismata vitarentur. nec quicquam Hieronymi tempore plus potuisse Episcopū, quàm presbyterum, nisi quod illi ordinationis actus commissus esset soli, non quidem jure divino, & ne quidem ex traditione Apostolicâ, quæ sæpè fingitur, sed jure Ecclesiastico & consuetudine ita receptâ. Idque eodem modo explicat, *homil. 11. in 1. Timoth.* ubi rationem reddit, cur Apostolus c. 3. cum de Episcopis præcepta dedisset, nullâ factâ presbyterorum mentione, illicò ad diaconos trans-

cat.

eat. *Cur hoc quæso?* inquit, & respondet, *quia non multum interest inter ordinem Episcoporum & presbyterorum. Nam & presbyteri assumpti sunt ad docendum populum & ad præfectoriam (πρεσβυτερίαν,) Ecclesiæ, ideoque quæ de Episcoporum ordine dixit, etiam presbyterorum ordini congruunt. Solâ enim impositione manuum ascenderunt Episcopi supra presbyteros (ἀναβιβήκασιν αὐτῶν) & hoc solum lucri videntur præripuisse presbyteris, (καὶ τὸ τοιοῦτον δοκεῖσι πλεονεκτεῖν τοὺς πρεσβυτέρους.)* Non dicit, constitutos esse Episcopos super presbyteros dignitate imponendi manûs ordinandis ad sacerdotium, aut tributam illis à Christo fuisse hanc præminentiam, sed de facto proprio sacerdotum ait: ἀναβιβήκασιν, ascenderunt super presbyteros, & hoc unum videntur plus acquisivisse. Qvi positus verborum apertè ostendit, prælationem Episcopi venire ex usurpatione & accedente consuetudine.

Quandoquidem igitur Ecclesiæ nostræ eandem cum Hieronymo & Chrysostomo doctrinam profitemur, tribui nobis hauquaquam potest, quod Aërii olim in hæreticorum album relati patrocinium suscipiamus. Aërius enim, præterquam quod Arianus esset, & universa ea, quæ ab Ecclesiâ ad externum ordinem conservandum, & non ab ipso Salvatore Christo mandata fuerant, repudiaret, etiam Episcopum nullâ ratione, nullo jure presbytero superiorem esse contendebat, totamque adeo dignitatem Episcopalem prorsus proculcabat. At nos

) () (

cum

cum Hieronymo Episcoporum in Ecclesiis institutionem
 utilem & propemodum necessariam ac propterea reti-
 nendam judicamus, neque inficias imus, antiquissimam
 eam esse, & longo usu continuatam. Quin & hoc lar-
 gimur, maximam partem hierarchiæ Ecclesiasticæ, qua-
 tenus & quousque per eam officia sacra explentur, in fre-
 quentioribus Ecclesiis esse perquam utilem, ut κατὰ τὰς ἐκ-
 κλησιαστικὰς λειτουργίας peragantur omnia. Διὲς ἀλλὰ παρ' αὐτὴν igitur ab
 Aerii hæresi nostra distat sententia. Et absolvere nos
 potest à tali inculpatione Gregorius de Valentia *tom. 4.
 dist. 9. q. 1. punct. 2.* dum ait: *Omnes protestantes admittunt tres sal-
 tem ministrorum gradus, nempe Episcoporum, quos vocant Superintendentes, ut ha-
 beant curam Ecclesiastica disciplina: presbyterorum quos vocant ministros verbi &
 Sacramentorum: ac diaconorum, qui Superintendentibus & pastoribus navent
 operam in administratione Sacramentorum & officiis aliis.* Sed notandum
 tamen cum Chemnitio, non esse verbo Dei mandatum,
 qui vel quot gradus seu ordines in Ecclesiâ esse debeant,
 nec fuisse tempore Apostolorum in omnibus Ecclesiis &
 semper eosdem & totidem ordines: nec fuisse etiam tem-
 pore Apostolorum talem distributionem graduum il-
 lorum; quin sæpiusculè unum & eundem omnia illa of-
 ficia quæ ad ministerium pertinent, sustinuisse, & reli-
 ctum fuisse adeò Ecclesiæ libertati, quales & quot gradus
 una-

unaquæque sibi necessarios duxerit , constituere. Hunc
 in modum facile assentior Corvino, Justinianum Impe-
 ratorem non improbasse ordines eo seculo in Ecclesiâ re-
 ceptos. Quod enim diu jam obtinuerat in Ecclesiâ,
 immutari temerè non poterat, nec ab ipso quidem Im-
 peratore, nisi in commodum & utilitatem ea immuta-
 tio cessura esset. Et sic utique non uno in loco men-
 tionem facit Patriarcharum , Metropolitanorum , Epi-
 scoporum , presbyterorum , diaconorum , cantorum ,
 Ostiariorum , Lectorum , Exorcistarum , acoluthorum ,
 & si qui alii ministeria talia obirent. Illam autem or-
 dinum seriem & totam eam compagem jure divino con-
 stitutam nusquam dicit , nec dicit, necessarios esse istos
 ordines universos in Ecclesiâ quâcunque. Nec proin-
 de ex eo, quod plerosque omnes istos ordines, quos ho-
 diè supersticiosè retinet Ecclesia Romana , in constitu-
 tionibus suis commemorat Justinianus, papistam eum
 fecerit Corvinus. Certè, si vel maximè ordines istos
 omnes ab Justiniano approbatos fateamur, non credi-
 dit tamen ille tantam Pontifici Rom. competere *autorita-*
tem ut non liceret sibi eo inconsulto quicquam immuta-
 re. Imò verò persuasum habuit Imperator in ipsam.

hierarchiam Ecclesiasticam jus majestatis sibi competere,
& potuisse adeò se in ipsos ordines ^{vopu&eociv} exercere.
Patet id ex *novellâ constitutione 3. c. cap. 1.* quâ numerum
clericorum Constantinopolitanorum valde imminuit.
Sancimus, inquit, *non ultra sexaginta quidem presbyteros in sanctissimâ ma-*
jore Ecclesiâ esse, diaconos autem masculos centum, & quadraginta feminas, sub-
diaconos verò nonaginta, Lectores autem centum & decem, Cantores viginti
quinque: ita ut sit omnis numerus reverendisimorum Clericorum sanctissima ma-
joris Ecclesiæ in quadringentis viginti quinque, & insuper centum existentibus iis,
qui vocantur ostiarii. In sanctissimâ siquidem majori Ecclesiâ hujus felicissimæ
nostra civitatis, & per tres venerabiles domos unitas ei, tanta Clericorum sit
multitudo, nullo quidem horum, qui nunc sunt excludendo, licet multo plurium
sit numerus ab iis, qui à nobis nunc determinati sunt: nullo autem de cætero ad-
jiciendo in unoquoque ordine in iis, qui nunc sunt, donec ad hunc numerum men-
sura redigatur. Videtur hierarchia tunc temporis in Eccle-
siâ Constantinopolitanâ constitisse ex Episcopo, pres-
byteris, diaconis, subdiaconis, lectoribus, cantoribus,
& ostiariis sed ita ut ostiarii inter Clericos non computa-
rentur, quos tamen connumeravit seqvior ætas teste Isi-
doro apud Gratianum *c. clericos dist. 21.* Nulla præterea
ab Justiniano *d. l.* fit mentio exorcistarum, nulla acolu-
thorum. Dum verò illos ipsos, quos recenset, ordi-
nes ad certum numerum redigit, vereor ego, ut id pla-
ceat Ecclesiæ Romanæ, quæ leges civiles in rebus Eccle-
siasticis prorsus respuit hodiè, nisi autoritate Pontifi-
cis sui firmatæ fuerint. Et hinc firmiter concludo, ex
sola

solâ hierarchiæ mentione frustra colligi, Justinianum fuisse papistam, utut magno conatu id asserat Corvinus.

Cæterum ad initium nascentis Ecclesiæ cum respicimus, constituisse eam invenimus primum ex presbyteris, qui & Episcopi aliquando nominati fuerunt. Episcopi quidem, ab inspectione & curâ, quam de Ecclesiâ agunt: & ita hoc vocabulum ex usu lingvæ vulgari desumptum ministris Ecclesiæ peculiariter tributum est. Episcopos, si velimus, Latine Superintendentes dicere nos posse censet Augustinus *lib. 19. de C. D. c. 19.* Idem illi particularium Ecclesiarum Doctores ut plurimum presbyteri dicti sunt ab ætate, quod in illorum ordinem ferè Seniores cooptarentur. Adjuncti deinde ab ipsis Apostolis sunt Diaconi. Et hos solos ordines, diaconatum scil. & presbyteratum primitiva legitur habuisse Ecclesia, fatente Urbano Papâ apud Gratianum *c. nullus dist. 60.* Obtinuit verò successu temporis, ut inter presbyteros aliquis præesset, cui deinceps nomen Episcopi κατ' ἐξοχήν adhæsit. Sed ille tamen quoad functiones Ecclesiasticas nihil habebat præcipui. Docere Evangelium, baptizare & S. Eucharistiam ce-

) () () 3

le-

lebrare non minùs ad officium presbyterorum spe-
 ctabat, quàm ad Episcopos specialiter ita dictos. Sed
 & quod regimen Ecclesiasticum nullum tùm Episco-
 pis competeat imperium monarchicum aut despo-
 ticum, sed omnia ex consilio & consensu τῶν συνπρα-
 βούτων disponebantur. Post aliqua verò temporum
 intervalla inter presbyteros & Episcopos notabile ex-
 ortum est discrimen. Postquam enim, qui inter eos
 primus erat, quique Episcopi nomen sustinebat, sin-
 gularem præ cæteris ὑπεροχὴν tùm quoad auctoritatem,
 tùm quoad potestatem sibi deberi ratus, nova subin-
 de προσέλα sibi sumeret, plerumque etiam in rebus a-
 gendis & ingenio & prudentiâ cæteris præstaret, ut
 facilè illi ejus cupiditatibus obsecundarent, novus
 inde tandem prodiit ordo Episcoporum à presbyte-
 ris planè distinctus, & in magnificam illam προνομίαν
 evehctus. Et primùm quidem hoc sibi tantùm arro-
 garunt Episcopi, ut soli ordinarent ministros Eccle-
 siæ, presbyteros à χειροθεσίᾳ illâ prorsus exclusis. De-
 inde cùm novæ quotidiè producerentur ceremo-
 niarum figuræ, & instituta Ecclesiastica multiplica-
 rentur, qualia fuerunt chrismatis & olei sacri confe-
 ctio & usus, consecratio altarium & templorum no-
 viter

viter extructorum , benedictio & imitatio monachorum & monialium , reconciliatio pœnitentium, & alia plura , mirum non est, Episcopos novarum rerum cupidos & dignitatis suæ augendæ studiosos talia sibi peculiariter vindicasse, quæ tamen ipsa pleaque presbyteris æqvè ac Episcopis ab initio fuerunt communia. Hinc igitur firmiter concludimus, Servatorem ipsum inter Episcopos & presbyteros nullum fecisse discrimen , nec officia ita distinxisse, ut Episcopis solis aliquid tribueret , quod non æqvè presbyteris licitum esset, nec esse adeò jure divino inter Episcopos & presbyteros differentiam constitutam.

Quod diaconos attinet, ab Apostolis primum eos institutos sacra nos docet pagina. Et hos quidem inferiores presbyteris jam inde ab initio fuisse nemo est, qui ambigat. Sæpè tamen cornua eos sustulisse, & elato animo non in presbyteros solum, sed in ipsos etiam Episcopos insurrexisse, plurima in historiâ Ecclesiasticâ ostendunt exempla. Et leguntur eâ de re apud Gratianum *c. legimus* & *c. seq. dist. 93.* querelæ atque increpationes Hieronymi & Cy-



JUVANTE DEO!

DE

DIACONIS ET DIACONISSIS.

CAPVT I.

De summa hominum Ecclesiam facientium divisione,
qua dicuntur esse vel Clerici, vel Laici: deque distin-
ctione Clericorum inter se, & eorum ordinibus.

- I. *Vocabulorum Laici Clerique atas examinata.* II. *Significatus vocis* κληρικός. *Eam Tertullianus verbi ministris fecit propriam.* III. *Ex separato actu peculiare nomen Clericorum inventum; quod tamen nullam praeminentiam infert.* IV. *Varii Clericorum ordines unde sint orti, & numerus.* V. *Eorum certa genera secundum Lancelottum; quae schema hierarchiae exhibent.* VI. *Origo horum ordinum perquisita. Concilii Laodicensi tempus, auctoritas.* VII. *Minores ordines ex Ecclesiae ordinatione instituti.* VIII. *Officiorum Ecclesiasticorum alia sunt Divini, alia humani instituti. ιεροπαιδοί. κληρικοί. Sacerdi ordines quinam?* IX. *Occasio minores ordines instituendi verbis Daureni descripta. Canones Arabici Concilii Niceni dubii.* X. *Eusebii testimonium de schola Alexandrina, Antiochena.* XI. *Seminaria Ecclesiarum sub Episcoporum cura, eaque triplicia.* XII. *Ordines isti ex institutione Ecclesiae Sacramenta non sunt.* XIII. *Ordines minores ex arbitrio Ecclesiae augeri minuique possunt. An ministeria Ecclesiae non nisi ordinati debeant obire?* XIV. *Pueris committi possunt.* XV. *Num sint ordinandi & tanto numero alendi?* XVI. *Minuenda sacerdotum multitudo de sententia Cassandri. Justinianus eorum numerum ex sufficientia redditum definit.* XVII. *Instituti ratio breuiter signata.*

A

VUL-



Vulgaris admodum & summa personarum ad Ecclesiam Christi pertinentium divisio hæc est, quod vel Laici in eâ sint, vel Clerici. Quæ vocabula, quo primum tempore diversa hæc personarum genera discriminare inceperint, & quando ea huic differentię exprimendæ adhibita primum fuerint, non una omnium est sententia. Sunt, qui serò eadem in usum Ecclesiæ recepta putant, & inter hos nonnulli, qui ab illis ἀγέφ-
Φοις, ambiguis & malè sonantibus terminis abstinere prorsus jubent. Gisbert. Voet. *polit. Eccles. part. 2. lib. 1. tr. 1. cap. 1. conclus. 3.* Alii verò antiquissimum eorum esse usum, contendunt, idque ex Clementis Romani epistolâ ad Corinthios, quam anno hujus seculi XXXIII Patritius Junius primum edidit, probari putant. Ut David Blondellus in *apol. pro sentent. Hieron. de Episc. & presb. scët. 2. pag. 12.* Priores illi consuetudini & usui recepto valdè reniuntur, quem evertere & uno impetu interciderè vix licebit. Verba valent sicut nummi, nec alium ex se præbent significatum, quam prout admittit cujuscunque gentis & Ecclesiæ institutum. Si quæ impuritas illis inest, aut perversa extensio, de mi potest ea, & ad justum atq; con-

venientem significatum revocari. Posterior autem sententia auctoritati epistolæ Clementinæ nimium tribuit; Sed quæ adhuc non temerè sollicitari, & sæpissimè prorsus rejici, Theologorum nos docent auditoria. Conf. Gisb. Voet. *disp. de Patr. part. 2. pag. 95. & 103.* Quæ porò in hanc rem ab aliis afferri solent ex Canonibus Apostolicis, & Ignatii *epistolâ ad Philadelphienses*, tamdiu apud nos *νοθέας* suscipione laborant, quoad certius nobis de illorum auctoritate dari poterit testimonium. Quantis enim ea res involuta sit difficultatibus, docent ea, quæ passim disputant Isaac Vossius, Jacobus Usserius, David Blondellus, Andreas Rivetus, Robertus Cocus, Johannes Dalæus, Richardus Montacutius, & alii, quæ hîc examinare nostrum non patitur institutum.

II. In sacris literis vox *κλήρ* integræ denotat Ecclesiæ sive cœtum fidelium ex utroq; genere personarum constantem, idque, ut videtur, propterea, quod is alicui vel aliquibus regendus obveniat. *1. Pet. V, 3.* Aliâ notione, quicunque convertuntur, *κλήρον* sive sortem accipere dicuntur inter sanctificatos, *Act. XXVII, 18.* & *κλήρωθῆναι*, in sortem acciri, *Eph. I, 11.* Postea verò usus & auctoritas Ecclesiæ nomen Clericorum proprium & *ἐκείνων* fecit eorum, qui in sacro ministerio erant, con-

constituti, & hoc nomine distingvere eos voluit ab reliquo cœtu fidelium. Primus Scriptorum Ecclesiasticorum, apud quem vox *κλήρ* ministris verbi divini peculiariter tributa est, videtur esse Tertullianus, qui circa initium seculi tertii vixit, & in libro de monogamia Clericorum & illorum, qui sunt in Cero, nec non affectionis in Clerum, meminit. Secuti sunt mox alii, Cyprianus, Hieronymus & plerique omnes, quibus id nomen in tali discretivo significato quotidie usitatum fuit. Et ab his denique acceperunt Imperatores. Sic enim definit Clericum Constantinus M. in l. 2. C. Theod. de Episc. quod sit, qui divino cultui ministerium religionis impendit.

III. Sanè quod *ἀφορίζεν* & separare jubet Spiritus Sanctus ab reliquo cœtu Barnabam & Saulum ad opus, ad quod eos vocaverat, Act. XIII, 2. inde rectè concludunt Doctores, aliquem ritum separandi ministros verbi divini ab reliquo populo esse necessarium ex præcepto divino. Neque hoc proinde solius Ecclesiæ institutum est, uti existimavit aliquando Tertullianus, notatus ab Claudio Espencæo lib. 1. digress. c. 3. Separatum ergo illi dum faciunt statum, speciali eum nomine exprimere ipsa jubet, quæ ita facta est, hominum distinctio. In ipsâ etiam Scripturâ vocabulum *κλήρ*

diversimode circa distinctos istos statûs usurpari, observat Franciscus Florens, Jctus & Antecessor Aurelianensis, in dissertat. ad rubr. tit. de vit. & honest. Cler. Clericorum, inquit, nomen, sicut & Cleri, latissimè patet. Ecclesiam enim omnem complectitur, & Christianos omnes, sicut & Sacerdotis nomen aliquando. --- Omnes quippe sunt heredes Christi, Patris, συγκαληθέντες ὁσώσωμεν, unde & fratres mutuo se appellabant. Distinctionis tamen causa in duas species dividuntur à Paulo Apostolo. Prima species est Cleri & Διακονίας, id est, ministerii, Act. I, 25. sacer ordo. --- Alia species eorum est, qui ut ait idem Paulus Coloss. I, 12. εἰς τὴν μερίδα τῆς κλήρας τῶν ἁγίων ἐν τῷ φωτί, digni facti sunt in partem sortis sanctorum, in lumine, & convenit etiam fidelibus Laicis, &c. Quod verò addit Florens, speciem primam, id est, partem illam Cleri, quæ mancipata est divino officio, præstantiorem & nobiliorē esse secundā, quā Laici continentur, id in ignominiam cedit, Principum & magistratuum, quorum autoritas per affectatam ejusmodi præstantiam prorsus intercidit. Alii enim minime contenti hac præeminentia in Ecclesiā, non obscure inferunt, non solum miserum sacrificium, sed minimum etiam Diaconum in mensā communi & quovis conventu summis Imperatoribus ac Regibus præferendum esse.

Vid. Baron. *tom. 1. ad ann. 57. num. 31.* Bellarm. *l. 1. de R. P. cap. 7.* Imò verò majorem sacerdoti tribuunt potentiam, quàm DEVS omnipotens in mundi efficientia habuit, & hinc parum abest, quin sacerdotem Deo ipsi præferant. Plurima talia congestit Calixtus in *Respons. ad Dn. Ernest. Hiss. Landgr. pag. 113. seqq.*

IV. Postquam ita ex instituto & mandato divini certum ordinem hominum conficerent illi, qui ad ministerium Ecclesiæ vocabantur, & officia talia obirent, quibus præstandis non admittebantur non vocati; officia autem illa non uniusmodi essent, præsertim in amplioribus Ecclesiis, ubi, quæ cultui divino & disciplinæ externæ necessaria erant, à pluribus curari oportebat, factum inde, ut ipsi quotque Clerici inter se officia dividerent, & certos constituerent gradus, quos ordines dixerunt. Illi quot numero sint, aut esse debeant, cum in ordine generaliter sumpto Sacramentum statuatur, valde solliciti sunt Canonistæ & Theologi Pontificii; illis scilicet in numero novenario, his in septenario *in episcopis* suam ostendantibus. Qui ab utrisque tales habentur, sub his nominibus veniunt: Ostiarius, Psalmistatus seu Lectoratus, Exorcistatus, Acoluthatus, Subdiaconatus, Diaconatus, & Presbyteratus. Canonistæ adhuc addunt duos, & qui-

dem ante Ostiariatum primo loco ponunt Clericatum, seu primam tonsuram, & post Presbyteratum, supremo loco referunt Episcopatum. Ut in gratiam redeant utrique hanc vulgo comminiscuntur distinctionem, Episcopatum non esse ordinem, capiendo ordinem, prout est sacramentum, quia scilicet Ordo, ut est sacramentum ordinatur ad Eucharistiæ Sacramentum, cujus respectu Episcopus superiore potestate non habeat, quàm habet sacerdos simplex; sed capiendo ordinem prout denotat officium, sive gradum potestatis respectu quarumcumque suarum actionum, Episcopatum esse ordinem & supra sacerdotium. Alphons. Alvarez Guerrer. *de jur. ac potest. Pontif. Imp. c. 8. n. 6.* Petr. Gregor. *de benefic. c. 36. n. 6.* Aug. Barbosa *de jur. Eccles. lib. 1. c. 33. n. 4.*

V. Ut ordines istos ad certa redigeret genera, & classes inter eos aliquas communes constitueret Joh. Paulus Lancellottus in *institut. lib. 1. tit. 4.* his distinctionibus procedit: Clericorum qui divinis officiis mancipati sunt, quidam sunt in sacerdotio, quidam in sacris, quidam nec in sacerdotio, nec in sacris. Rursus eorum, qui in sacerdotio constituti sunt, quidam sunt in altiore gradu vel ordine positi, quales sunt Episcopi, quidam verò in inferiore, ut sunt presbyteri. In sacris constitutos esse dicit Diaconos & Sub-

Subdiaconos. Illos verò, qui neque in sacerdotio, neque in sacris sunt, dicit esse omnes reliquos, qui ab aliis in minoribus ordinibus consistere dicuntur, ut sunt Acolytus, Exorcista, Lector, Ostiarius. Et hac ratione nobis exhibetur schema totius hierarchiæ Ecclesiasticæ, quæ ut cœlesti in novem ordinibus secundum commenta Dionysii Areopagitz consistenti respondeat, clericatu insuper, sive primæ tonsuræ ordine augetur, quam scilicet januam esse dicunt reliquorum ordinum omnium, adeò, ut qui eam neglectâ ad alios promotus fuerit, non per ostium, sed per posticum in ovile ingressus censeatur.

VI. Quid nunc de distinctione istâ, & singulis ordinibus in specie sentiendum sit, & an verum in illis inveniantur Sacramenta, nimis prolixum esset hic discutere. Lucem tamen aliquam tota hæc materia accipiet, si de origine istorum ordinum aliqualis hic primis apicibus inferatur notitia. Inter canones concilii Laodicensi præter Presbyteros & Diaconos, *can. 21. & 24.* mentio fit Subdiaconorum, Lectorum, Psalmistarum, Exorcistarum & Ostiariorum, & sic satis vetusta eorum est institutio. Etsi enim adhuc lis sit inter eruditos, quo tempore Concilium istud habitum fuerit, dum alii circa annum Christi CCCXXI celebratum contendunt, ut Baronius in ap-

pend. ad rom. 4. Francisc. Long. à Coriolano in *summ. pag. 55.* Severinus Binius in *not. ad Concil. Laodic. p. 293.* & Franc. Sylvius in *not. ad Cironz.* alii ad annum CCCLXV istud producant, uti facit Caranza *p. 131.* Petrus de Marca *de concord. sacerdot. & Imp. lib. 3. c. 3. num. 1.* à quibus non multum discedit Johannes Dallæus *de jejun. & quadrag. lib. 3. cap. 3.* qui vel anno CCCLXX, vel certè aliquo alio, sed post CCCLV habitum existimat; omnes tamen isti in seculum quartum id referunt uno consensu. De autoritate autem hujus Concilii dubitari non potest, quia ejus Canones non tantum in Græcâ collectione, à Chalcedonensi Concilio approbatâ, sed etiam in Latinâ versione Dionysii Exigui, quam utramque edidit Christophorus Justellus Jctus, recensentur. Et hujus collectionis in Orientali & Occidentali Ecclesiâ maximam semper fuisse autoritatem nemo ignorat qui non hospes est in historiâ Ecclesiasticâ. Sed & alia ejusdem seculi, prostant documenta, ex quibus probari potest, inferiores istos ordines, quos enumeravimus, in usu fuisse. Disertè enim Exorcistarum, Lectorum & Ostiariorum mentionem facit Gratianus Imp. in *l. 6. C. de Episc. & Cler.* eorundem Exorcistarum, Theodosius M. in *l. 121.* Lectorum, Arcadius in *l. 163. Cod. Theod. cod.* Imò verò illicò post celebratum

concilium Nicenum & Lectorum & Hypodiaconorum & cæterorum. Clericorum meminit Constantinus Magnus in l. 7. C. Th. de Episc.

VII. Minores istos ordines non ex divino mandato aut præcepto, sed ex nudâ Ecclesiæ ordinatione institutos primùm fuisse, agnoscit, Papa Urbanus II, & quod ab eo habitum fuit, Concilium Beneventanum, prout istud edidit Stephanus Baluzius in not. ad Petr. de Marca, de concord. sacer. & Imp. lib. 8. cap. 13. Canonem ipsum refert Gratianus c. nullus dist. 60. & Innocentius III. Papa c. 9. X. de et. & quat. ord. Sequitur, & disertè magis de omnibus minoribus ordinibus asserit, Abbas Panormitanus ad c. un. X. de Cler. per salt. prom. dum ait: In primitivâ Ecclesiâ non erant instituti minores ordines, & tamen erat sacerdotium. Ita & Petrus Lombardus, qui Magister sententiarum vulgo dicitur, lib. 4. dist. 24. ad tit. 1. postquam de septem ordinibus disseruisset; Excellenter, inquit, *Canones duos tantum sacros ordines appellari censent, Diaconatus scilicet & Presbyteratus: quia hos solos primitivæ Ecclesiæ legitur habuisse, & de his solum præceptum Apostoli habemus. Apostoli enim in singulis civitatibus Episcopos & presbyteros ordinaverunt. Levitas etiam, id est, Diaconos ab Apostolis ordinatos legimus, quorum maximus fuit B. Stephanus. Subdiaconos vero*

& Acolythos, procedente tempore, Ecclesiæ sibi constituit. Verba hæc in ultimis tribus lineis comprehensa habentur sub eadem connexione apud Gratianum c. an. 1. dist. 21. in fin. qui, ut vulgò traditur, frater fuit Lombardi adulterinus. In eandem sententiam peroravit in Concilio Tridentino F. Hieronymus Brauo Dominicanus, referente Petro Svav. hist. lib. 7. pag. 659. Et ne dubitetur, Ecclesiæ hanc potestatem instituendi ordines competere, de Subdiaconatu id expressis verbis asseritur in c. minimus X. de serv. non ord. Et hæc ratione etiam Psalmistatum inter minores ordines Ecclesiæ decreto relatum fuisse, scribit Jo. Paul. Lan- celottus in Instit. l. 1. c. 23. §. 2.

VIII. Scilicet plurima talia, quæ Ecclesiastica dicuntur, officia commoditatis & decori gratiâ ab hominibus introducta sunt, neque si bene usurpentur, reprehendi possunt, dum tamen ab aliis essentialibus officiis rectè distinguantur. Hæc enim quia necessaria Ecclesiæ & à DEO ipso instituta sunt, multum distant ab utilibus, ac ab hominibus ad essentialium commoditatem & subsidium excogitatis. Et sicut aliàs ex utilitate quæ æstimanantur, multo inferiora sunt illis, quæ necessaria sunt: ita etiam in Ecclesiasticis officiis superior est ille, qui essentialia ejus officium sustinet. Hæc ratione jam olim distincti fuerunt Clerici in sacer-

facerdotes, seu in sacerdotio constitutos, qui & primi dicuntur *l. 24. C. Tb. de Episc.* & in ministros, qui inferioris loci Christianæ legis ministri dicuntur *l. 41. Cod. Tb. de Episc.* Priores illi *ἱερατικοί*, posteriores *κληρικοί* speciali significato dicebantur. Inter priores referebantur Episcopi, Presbyteri & Diaconi. Posteriorum classis ex cæteris inferioris ordinis & loci ministris constabat. Vid. Jacob. Gothofrèd. *ad l. 7. C. Theod. de Episc.* Et hæc divisio Clericorum dilucida magis videtur, quam illa Lancelotti superius adducta, quippe quæ obscurè admodum certam speciem in sacris constitutorum facit. Cur enim ordines alii sacri, alii non sacri dici debeant, cum omnes ad cultum divinum & sacramentorum administrationem ordinati sint, nulla hæcenus dari potuit ratio solida. Quod enim alii qui non sacros ideò dici putant, quia constituti in illis sacra vasa tangere non liceat, id in subdiaconis nunquam obtinuisse contendit Augustinus Barbofa *de jur. Eccles. lib. 1. cap. 37. n. 15.* ubi deinceps sub *nu. 16.* mavult, ordinem sacrum dici debere illum, qui annexum habet votum castitatis, non sacrum verò, qui hujusmodi votum annexum non habet. Sed & ipsum hoc castitatis votum olim sacris officiis annexum non fuisse, & interdictum conjugii Scripturæ Sacræ adversari, alibi commodius dicitur.

IX. Occasionem, quam habuit Ecclesia, ut minores istiusmodi ordines institueret, verbis Francisci Duareni *ex lib. 1. de sacr. Eccles. minist. cap. 14.* describendam puto, quæ hæc sunt: *Ut seminarium quoddam esset eorum, qui Episcopis, presbyteris & Diaconis succederent, alebatur sumptu publico magnus juvenum numerus, Ecclesie ministerio consecratorum, qui interim non solum instituebantur in studio literarum, sed portio aliqua etiam munerum Ecclesiasticorum ipsis committebatur. Eorum nempe quæ leviori minorisq; momenti essent, quæq; antea à diaconis obiri solebant, ut his veluti rudimentis quibusdam ad majora graviorisq; obcunda præparentur. Ac ne quæ confusio perturbatioq; eam functionem impediret, distincta sunt divisioq; inter ipsos officia, ita ut unusquisq; suo muneri bonâ fide incumbens de alieno sollicitus non esset. In quâ distributione gradus quidam ideò constituti sunt, quod eorum munerum alia aliis digniora videbantur, nec potest quisquam ad majus promoveri, qui in minore antea versatus non fuisset, &c.* Si canonibus Concilii Niceni, quos ex Codice Arabico Bibliothecæ Marcelli II Pontificis edidit Franciscus Turrianus, fides haberi debet, haud obscura ejus rei vestigia *ex cap. 55.* colligere licebit, quod ita se habet: *Chorepiscopus, cum visitat Ecclesias & monasteria, quæ sub potestate suâ habet, videat, an pauci sint, vel*

vel desint fratres & sorores. Congregat Seniores castelli & predicet atque exponat eis scripturas sacras, eosq. de omnibus sanctis præceptis admoncat. Item interroget, an habeant filios aut filias, & faciat, ut ad se adducantur, ut signet eos, & oret super eos, imponatq. manus, ac benedicat; & instituat ministros, sicut prius eos admonuerat; debetq. distribuere eos per Ecclesias & monasteria & providere ut discant, ut reddantur apti & idonei ad edificationem monasteriorum & Ecclesiarum, & aliorum locorum, quæ horum opera indigebunt. Sed enim, quia dubiæ adhuc fidei sunt isti Canones Arabici, & viginti tantum Concilii Niceni canones ab antiquis Scriptoribus numerantur, uti videre licet apud Theodoret. lib. 1. hist. Eccles. cap. 8. Ruffin. lib. 1. hist. Eccl. cap. 6. Gelas. Cyzinen. l. 11. aſſ. Conc. Nic. & in Cod. Can. Eccles. African. pag. 58. it. in Cod. Can. Eccl. univ. pag. 2. & in versione Dionysii Exigui pag. 40. atque Baronius ipse de eorum fide adhuc valde dubitat tom. 3. ad ann. 357. ſcſſ. 180. qui tamen ad scripta *ὑποβολιμαία* non unis vicibus provocat; validæ inde probationes adduci nequeunt.

X. Pluris faciendum est testimonium Eusebii, quod de scholâ Alexandrinâ commemorat lib. 5. hist. Eccl. c. 10. dum ait: *Per idem tempus fidelium scholæ præerat Vir doctrinæ causâ celeberrimus, nomine Pantænus,*

quippe jam inde à priscis temporibus, sacrarum literarum schola in eâ civitate fuerat instituta: quæ quidem nostrâ adhuc ætate perseverat, & ab hominibus tum eloquentiâ, tum divinarum literarum studio instructissimis obtineri dicitur. Hic ergo Pantænus post multam præclarè gestâ tandem Alexandrinæ præfuit scholæ: ubi partim vivâ voce, partim scriptis divinarum dogmatum thesuros exposuit. Idem Eusebius lib. 7. cap. 29. Antiochenæ meminit scholæ, ex quâ prodierat Malchion, Pauli Samosateni acerrimus oppugnator. Præcipuè, inquit, illum coarguit & latere cupientem refutavit Malchion quidam Vir disertissimus, quippe qui Sophistica apud Antiochiâ scholæ præfuerat, & qui ob fidem Christianæ sinceritatem in ejus loci Ecclesiâ presbyterii honorem erat consecutus, &c.

XI. Probabile igitur est, in majoribus Ecclesiis semper ejusmodi seminarium fuisse, in quo erudirentur, qui Ecclesiasticis officiis studia sua addixerant. Quod referunt, quod inter gradus ministerii Ecclesiastici Paulus Apostolus 1. Cor. XII, 28. recenseat Doctores, qui postea κατηχηται fuerant dicti. Et sicut Viri sancti suos habuerunt discipulos domesticos, familiares, clientes, sectatores & auditores: ita credibile est apud Episcopos, qui eruditione & vitæ sanctitate ordinibus antecellere credebantur, plurimos tales Cleri-

ET DIACONISSIS. CAP. I.

Clericatus rudimenta edoctos fuisse. *Apud insignes Ecclesias, inquit, Albertus Cranzius metropol. l. 3. c. 43. ab antiquo docti Viri fovebantur, qui publicas scholas sustinerent, priusquam publica literarum gymnasia, quæ nunc multa florent, per Christianissimum erigerentur. Sed cùm tempestate, quam nunc explicamus, valuit vetus Ecclesiarum consuetudo ab usq. Origene & Clemente & primis Ecclesie Doctores traducta, qui apud memorabiles Ecclesias Antiochia & Alexandria suis temporibus docuerunt. Cumque ea collapsa aliquando fuisset disciplina, ut ea restauraretur, & seminarium inter Clericos aliquod conservaretur, lege Ecclesiastica deinceps cavere oportuit. Sic enim constitutum legitur in Concilio Toletano IV. can. 23. Omnis ætas ab adolescentiâ prona est in malum. Nihil enim incertum, quàm vita adolescentium. Ob hoc constituere oportuit, ut si qui in Clero impuberes aut adolescentes existunt, omnes in uno conclavi commaneant, ut lubrica ætatis annos, non in luxuriâ, sed in disciplinis Ecclesiasticis agant, deputati probatissimo seniori, quem & magistrum doctrinæ & testem vitæ habeant. Triplices autem olim fuisse scholas notat Franciscus Florens ad c. 3. X. de vir. & honest. Cler. quippe presbyteris alias & Clericis, alias monachis, alias denique pueris destinatas. Qui in primâ scholâ erant, dicebantur juniores Ecclesiæ; & in-*

ter clericos jam referebantur, ut patet ex Concilio Turonensi II. c. 13. & 20. Karoli M. cap. lib. 5. tit. 121. & lib. 6. tit. 154. Notabile de illis est decretum Concilii Vafensis II, quod tertium nonnullis dicitur, c. 1. Placuit, ut omnes presbyteri, qui sunt in parochiis constituti, secundum consuetudinem, quam per totam Italiam satis salubriter teneri cognovimus, juniores Lectores quantoscunque sine uxore secum habuerint in domo, ubi habitare videntur, recipiant, & eos quomodo boni patres spiritualiter nutriendos, psalmos parare, divinis lectionibus insistere, & in lege domini erudire contendant, ut & sibi dignos successores provideant, & a domino præmia eterna recipiant. Cùm vero ad ætatem perfectam venerint, si aliquis eorum pro carnis fragilitate uxorem habere voluerit, potestas ducendi conjugem non negetur. Natum hinc est vocabulum *junioratus*, quod de ministerio explicat Petrus de Marca ad can. 7. Concilii Claremontani, de beneficio & præstimonio, quod junioribus Clericis in officii solatium datum fuit, Joh. Baptista Souchet. ad Ivonis Carnotensis epist. 286.

XII. Quandoquidem igitur plerique isti ordines ab Ecclesiâ instituti sunt, Sacramenti autem tota actio ex Dei institutione & dispensatione dependet, cujus solius est, media gratiæ homini præscribere, facile hinc patet, ordines istos inter sacra-

B

menta

menta referri non posse. Fuerunt quidem jam olim inter Scholasticos, qui putarunt, Sacramenta, quædam immediatè vel ab Ecclesiâ, vel ab Apostolis instituta fuisse, & inter recentiores Petrus de Ledesma, de *Sacram. in gen. cap. 1.* postquam discretè statuisset, solum Deum posse determinare res sensibiles, ut habeant rationem sacramenti & signa operativa gratiæ, addit mox ὁπῶς istud: facere istud Deum vel immediatè & se solo, vel mediatè & commissione aliis datâ; ista tamen sententia omni destituitur fundamento. Quemadmodum enim solius Dei est, bona cœlestia dare & promittere, ac suam erga nos voluntatem declarare: ita ejusdem solius est, sigilla ac certa suæ erga nos benevolentia pignora promissioni annectere. Quod autem talia sigilla non ipse solus immediatè, sed etiam per alios instituere velit, de eo altum in Scripturâ Sacrà est silentium. Quod si causæ illæ mediæ non possunt institui sui auctoritatem divinam & mandatum ostendere, nec Deo quidem id erit tribuendum. Nec proinde Deus solus autor Sacramentorum dici poterit, quod tamen, ut statuatur, Christiana nos jubet religio.

XIII. Quapropter cum ex Ecclesiasticâ institutione primam suam originem habeant ordines illi minores, uti vocantur, in Ecclesiâ uti-

que arbitrio erit, augere eosdem pro re natâ, aut minuere, aut etiam prorsus tollere, prout Ecclesiæ ratio exegerit. Non omnibus placuit Decretum Concilii Tridentini, ut ministeria ordinum à Diaconatu usque ad Ostiariatum non exercerentur, nisi à promotis ad ordinem cujusque proprium. Sed satis difficile videbatur observatu, ut nullæ in Ecclesiâ pulsari possent campanæ, aut portæ obserari vel aperiri, nisi ab ordinatis ostiariis; sed nec accendi Lampades & candelæ nisi ab acolythis, munera illa manuarum exercentibus, ut ad Sacerdotium pervenire possent. Et videbatur nonnihil contradictionis habere, quod absolutè decrevisset, ut illa ministeria non obirent, nisi ordinati, & postea Prælati præcepissent, ut ea, quantum commodè fieri posset, restituerent. Nam observato decreto absoluto, ex necessitate fieri, ut ubi ad illarum functionum exercitium personæ ordinatæ haberi nequeant, iis exercendis supersedeatur. quod si exerceri possint sine ordinibus, tamen minus commodè, rectius absolutum illud Decretum omitti potuisse. Sunt verba Petri Snavis, in *hist. Concil. Trid. lib. 8.*

XIV. Fecit hoc concilii Tridentini decretum, ut Georgius Cassander in *Consultatione* suam, ad *art. 13. de ordine Ecclesiastico* sententiam, expositorum non improbaret omni-

non restitutionem omnium istorum ordinum per desuetudinem jam penè collapsorum; sed eam tamen non tam ex necessitate, quàm ex utilitate Ecclesiæ metitur, & pueris committi ista officia debere arbitrat. Constat, inquit, sacros ordines propriè dici Diaconatum & presbyteratum, ut quos solos primitivam Ecclesiam in usu habuisse legatur, id quod testatur Urbanus Papa, & annotavit Chrysostomus & Ambrosius in epist. Pauli ad Timotheum priorem, ex eo, quod Episcopi ordinationi statim Diaconi ordinationem subiciat; ad minores verò ordines quod attinet, qui ôtim quinque se ordine consequentes memorari consueverunt, hi sanè præ sente tempestate, neglectâ omni disciplina & politâ Ecclesiasticâ, prorsus confusi sunt, & eorum officia propemodum æsternant, etsi vestigia quædam in frequentioribus Ecclesiis in pueris & adolescentibus, minora quædam officia Ecclesiastica obeuntibus cernuntur. Subdiaconi verò & Diaconi officio plerumque presbyteri funguntur. Utile tamen esset, pueros aliquot communibus Ecclesiæ sumptibus ali, ad ministerium Ecclesiasticum destinatos, qui nunquam tyrones ad graviora in Ecclesiâ officia instituantur & exerceantur, &c. Si rectè percipio mentem Casandri, non videtur ille statuisse, ad expedienda officia ista Ecclesiastica minora ordinem necessarium esse, & suppuduit eum fortasse doctrinæ Ca-

nonistarum, quam refert Johannes Andreæ & Cardinalis Zabarella, in gloss. ad c. fin. de atat. & qual. in Clement. eandem septennii ætatem & Clericali tonfuræ & reliquis minoribus ordinibus suscipiendis sufficere, quandoquidem vestigia tantum aliqua primæ horum ordinum institutionis in ejusmodi pueris & adolescentibus superesse ait Casander.

XV. Quod si solenniter olim in vetustiore Ecclesiâ ordinati fuerunt, qui minoribus istis officiis obeundis adhibiti erant, haud immeritò dubitatur, num adhuc ordinari debeant, qui idem quidem nunc nomen gestant, non tamen idem amplius sustinent officium. Sic enim Ostiarii, exemp. gratia, seu janitores, tempore mysteriorum, post denunciationem diaconi templo ejiciebant, gentiles, catechumenos, pœnitentes, energumenos, hæreticos, & excommunicatos. Sed disciplina hæc ejiciendi catechumenos, pœnitentes & energumenos jamdudum collapsa est. Ut autem fores templi occludantur, ut canes expellantur, ut pavementum purgetur, ad illud non est opus peculiari ordinis Sacramento. Imò verò fores claudere ac aperire, cereos accendere, vasa sacra custodire, mundare, & ad divinos usus præparare, mensam Domini vestire, pastori ad ministrandum adstare, aquam ad baptismum, panem & vinum ad Eucharistiæ celebrationem

nem adferre, &c. talia sunt ministeria, quæ à paucioribus & ut plurimum ab uno eodemque homine facile præstari possunt. Et poterit igitur hinc unaquæque Ecclesia, prout sibi commodum visum fuerit, quandoque pluribus quandoque paucioribus ministeria ista committere, tantum abest, ut necessitas aliqua distinctionis hic supponi debeat.

XVI. Optimè consultationem supra adductam continuat Cassander his verbis: *Illud autem ad omnem, quæ de hoc articulo existere possit, controversiam præcidendam, in primis conduclurum puto, si multitudo illa & turba inutilium Sacerdotum minuat, neque alii eligantur vel ordinentur, quam quibus ad ministerium Ecclesiasticum opus est, hoc est, præter Episcopos per singulas civitates ampliores, territoria (quæ diœceses dicuntur) presbyteri, seu Pastores, qui singulis Ecclesiis, quæ nunc parochiales vocantur, præsent, cum uno aut altero Coadjutore, qui alibi Capellani, alibi Visitatores dicuntur, qui & in officiis Ecclesiasticis Diaconorum vices obire poterunt, ut jam ferè receptum videmus, &c.* Viderat Cassander, oneri magis esse Clericorum in una Ecclesia numerum excessivum, quàm, adjumento, & restringi propterea eum cupit, ut officio Ecclesiastico, quod præcipuum est, sua constet dignitas, & quorsum mini-

sterium ab initio constitutum sit, eo magis eluceat. Viderat id etiam Justinianus Imperator, sed qui tamen numerum Clericorum non ex necessitate & indigentia populi, atque totius cœtus Ecclesiastici, sed ex sufficientia redituum, ne Ecclesia mutuum contrahere teneretur, definire maluit. Quapropter, inquit sanctimus, non ultra sexaginta quidem presbyteros, in sanctissima maiore Ecclesia esse, diaconos autem masculos centum, & quadraginta feminas, subdiaconos verò nonaginta, Lectores autem centum & decem, cantores viginti quinque, ut sit omnis numerus reverendissimorum clericorum sanctissimæ majoris Ecclesiæ in quadringentis viginti quinque, & insuper centum existens, &c. Et multo tamen plures antea fuisse, suoque tempore, dum ita constitueret, adhuc existere ait idem. Vid. Novell. 3. cap. 1. De presbyteris enim verò & diaconis, nec non de subdiaconis nolo nunc disquirere, quousque restringi eorum numerus debuerit, quandoquidem profiteretur Justinianus, præter Ecclesiam majorem tres alias Ecclesias ei unitas illis curæ esse debuisse: *In sanctissima, inquit, maiori Ecclesia hujus felicissima nostra civitatis, & per tres venabiles domos unitas ei, tanta Clericorum sit multitudo.* Quo respectu numerum aliquem & presbyterorum & diaconorum necessarium fuisse,

se, nec ab uno aut altero sacra peragi potuisse, nemo ibit inficias. Reliquorum autem ordinum, & præcipue Ostiariorum numerus quin exuberans fuerit, & modum excesserit, dubium apud me nullum est. Ad quid enim centum ostiariis opus fuit? nisi quis ostia templi Constantinopolitani numerum dierum exqvassse statuere velit cum Bellonio, sed quæ vix capiet ambitus illius templi, quem describit Evagrius *lib. 4. cap. 30.* dum tamen ne maior aut amplior fuerit olim, uti se persuasum scribit Augerius Busbeqvius *epist. 1.* Nobis verò Evagrii ab Justiniani ætate proximi autoritas major est.

XVII. Nos omisiss cæteris omnibus de Diaconis nunc agemus, ut, qualis eorum conditio ab Ecclesiæ Christianæ primordiis fuerit, qualisve mutatio subinde contigerit,

plenior & accuratior nobis comparetur notitia. Ne verò *αὐτοθόως* & sine omni prorsus ordine procedamus, post inspectionem nominis sequentia potissimum nobis curæ erunt, ut, quæ circa electionem & ordinationem Diaconorum observata olim fuerint, tum de officio eorundem & qualiter sese tum in sacris peragendis, tum in reverentiâ erga Episcopum, sive in Ecclesiâ, sive in Conciliis, sive in communi vitâ gesserint, aut gerere debuerint, tum deniq; qualiter se vita eorum privata & cum aliis consuetudo aut conversatio habuerit, quibusque vitiis inquinati, quibus penis affecti, & a quibus iudiciis condemnati fuerint, & si quid porro observandum venerit, sub certis & specialibus titulis exhibeamus.

CAPVT II.

De nomine Diaconi, & vocabuli eius usu.

- I. Latissimus *Διακονίας* significatus. II. Apud scriptores sacros de verbi ministerio cum primis accipitur. III. Episcopi quoque Diaconi dicuntur: eorum condiaconi. IV. Diaconi strictius dicti quinam? V. Diaconos Optatus inter Sacerdotes refert. VI. Duplex vocabuli Sacerdotis acceptio. VII. In Codice Justiniano solis episcopis itemque presbyteris tribuitur. VIII. Sacerdotes jam sæculo IV ministris oppositi, & conjuncti. IX. Diaconi vocati Levitæ. X. Propter similitudinem functionis Levitica in veteri testamento. *Λειτουργία*

γδς, ιερουργεῖν, vocabula sacrificantibus propria. XI. Sacerdotum ac Levitarum in utroque testamento comparatio. XII. Triplex ministrorum Ecclesia ordo ex Dionysio Arcopagim. XIII. Sacerdotium Novique testamenti sacrificia quanam de sententia Joannis Chrysostomi? XIV. Διάκονος, ἐκκλῆσις. XV. Διάκονικόν. XVI. Qvalis fuerit locus, ex mente Jac. Gothofredi signatur. XVII. Non male Secretarium adpellatur.

I. Diaconi & Διάκονας vocabulum etiam apud profanos Scriptores de quocunque ministerio & obsequio, generali significato usurpatur. Sic enim πρεσβυτέρους τῶν ἐκκλησιῶν Διάκονους dicuntur Platoni emendis & vendendis mercibus præpositi, lib. 2. de Rep. & Luciano anorum ministri οἱ ἐκκλησιαστικῶν ἀρχιερέων. Quâ ratione etiam Demostheni Διάκονας δημοσίας dicuntur munera publica & administrationes publicæ. Qvalia apud bonos autores occurrunt plura. In Scripturâ divinâ & DEVS suos dicitur habere diaconos, Rom. XIII, 4. Matth. IV, 11. & Diabolus, 2. Cor. XI, 15. certissimo argumento, quæcumque ministeria non sacra tantum, sed profana etiam, & in his tam ea, quæ bona, quam quæ mala sunt & damnabilia, sub latissimo Διάκονας significato comprehendit.

II. In sacris literis & significato Ecclesiastico istud vocabulum ut plurimum de ministerio verbi accipitur, quod Apostolos, Apostolicosque viros sustinuisse legimus Act. I, 17, 25. c. VI, 1. 4. c. XI, 29. c. XII, 25.

c. XX, 24. c. XXI, 19. Rom. XI, 13. c. XV, 31. 1. Cor. XII, 5. 2. Cor. III, 8. 9. c. IV, 1. c. V, 18. c. VI, 3. c. VIII, 4. c. IX, 1. 12. 13. c. XI, 8. Coloss. IV, 17. 1. Tim. I, 12. 2. Tim. IV, 5. 11. Apoc. II, 9. qui Diaconi proinde dicebantur, 1. Cor. III, 5. 2. Cor. III, 6. c. VI, 4. c. XI, 23. Ephes. III, 3. c. VI, 21. Coloss. I, 7. 23. 25. c. IV, 7. 1. Thessal. III, 2. 1. Tim. IV, 6. & Διάκονους sive ministrare, Act. XIX, 22. Rom. XV, 25. 2. Cor. III, 3. c. VIII, 19. 20. 1. Tim. III, 10. 13. 2. Tim. I, 18. Hebr. VI, 10. 1. Petr. I, 12. & c. IV, 10. Sed tamen vocabulum hoc adhuc late sumitur, in restrictione tamen ad ministerium divinum, quod & verbum complectitur & Sacramenta. Cumque Paulus utrumque hoc officium per Διάκονας ναυῆς Ἀθήνης intelligat 2. Cor. III, 6. nolim ego eadem verba in precatatione, quæ habetur in liturgiâ Basilii, ad Eucharistiæ tantum sacramentum restringere, uti facit Casaubonus, exercitat. 16. n. 35. Etsi enim Eucharistiæ tantum Sacramentum administrare intendat sacerdos, dum ista pronunciat, verba, nihil tamen prohibet ex toto suo officio eum potestatem hanc administrare.

ministrandi æstimare, & idcirco ad totum istud habitatem à Deo expectere, præsertim cum Eucharistia sine verbo administrari nequeat.

III. Hæc ratione ipsi etiam Episcopi Diaconi non malè dicuntur, qui propterea ministros reliquos condiaconos suos quandoque appellare consueverunt, uti adversus autorem quæstionum in V. & N. T. exemplis ostendit David Blondellus, *Apolog. de Episc. & presbyt. scilicet. 2. sub n. 22.* Etsi enim Διακόνες & Διακονίαι sive distinctiones ministeriorum inter eos sint, 1. Cor. XII, 5. hoc est, etsi munia diversa obeant, omnium tamen intentio ultimato huc fertur, ut cultus divinus tum per doctrinam verbi, tum per administrationem Sacramentorum peragatur, & ad hunc scopum omnium Διακονία concurret. Idem autem est Dominus, inquit Apostolus, hoc est, ministeria quidem distincta & diversa sunt, eidem tamen Domino universa & singula præstantur, ita ut Διακονία omnium non eadem quidem sit, sed uni tamen eidemque Domino debita. Ministerium dispensationis mysteriorum Dei in genere vocat Episcopatum Augustinus *epist. 238.* Et hæc ratione Episcopi verè Diaconi sunt & dicuntur, notante Chrysostomo, in *Epist. ad Phil. inquit.* quomodo etiam Auctori consti-

tutionum Apostolicarum, *cap. 26. λόγος Διακόνου*, sive ministri verbi dicuntur; & adeo omnes illi, qui ita in commune operantur & laborant, condiaconi non immerito appellari possunt.

IV. In strictiore autem significato Diaconi peculiariter appellati sunt illi, qui locum in Ecclesiasticis gradibus ab Episcopis & Presbyteris proximum tenent. De quorum officio perpetuum id responderi potest, eos esse Sacerdotum, ut Ambrosius ad literam Pauli loquitur, *ministros*, in omnem Ecclesiastici muneris partem assumptos, sed quod tamen non iisdem semper partibus constitit. Et in hoc strictiore significato etiam ministerii vocabulum, quod aliquando Episcoporum officio tributum diximus, ad solos Diaconos applicatum legitur. Ignatius Antiochenæ Ecclesiæ Pastor ad Heronem Diaconum suum scribit ex itinere, quo trahebatur ad martirium: *Nihil sine Episcopis agas. Sacerdotes enim sumus, tu vero minister sacerdotum.* Illi enim baptizant, *ἱεργυῖον*, sacerdotium agunt, ordinant, manus imponunt, tu verò eis ministras, &c. Inter canones Concilii Carthaginensis IV, num. 4. hæc leguntur verba: *Diaconus dum ordinatur, solus Episcopus, qui cum benedicit, manus super caput ejus ponat, quia non ad sacerdotium, sed ad ministerium*

rium consecratur, apud Gratianum can. diaconus dist. 23. Quid & spectat Isidorus apud eundem Gratianum, dist. 21. c. clericos, dum ait: Hi (Levitæ) græcè diaconi, latine ministri dicuntur, quia sicut in sacerdote consecratio, ita in diacono ministerii dispensatio habetur. Speciale hoc esse ministerium ab reliquis ordinibus distinctum, nemo non intelligit; sed quâ ratione ab sacerdotio distinctum sit, videndum est.

V. Enim verò Optatus Milevitanus, lib. 1. contra Parmen. Diaconos inter Sacerdotes connumerat: *Quid commemorem, inquit, Laicos, qui tunc in Ecclesiâ nulli fuerant dignitate suffulti? quid ministros plurimos? quid Diaconos in tertio? quid presbyteros in secundo sacerdotio constitutos? Ipsi apices & principes omnium, Episcopi, &c. Distingvit Optatus diaconos à presbyteris & Episcopis, sed ita ut, nihilominus eos inter sacerdotes referat. Id cum concoquere non posset Gabriel Albaspinæus, Episcopus Aurelianensis, in not. ex supra adducto Concilii Carthaginensis canone Optato contradidit, dum ait: Sacerdotii duo tantum sunt gradus, Episcopatus & presbyterium. Diaconi enim sacerdotii vim & consecrationem non consequuntur, ut ajunt Patres Concilii Carthaginensis, neque illis manibus ab omnibus clericis imponebatur in consecratione, &c. At nosse debuerat*

Albaspinæus, Concilii Carthaginensis autoritatem opponi non debere Optato, quippe quod triginta annis posterius atque recentius fuit, & interea temporis valdè mutari potuit forma Ecclesiastica externa.

VI. Cæterum jam diu observatum est ab Viris eruditis, in Novi Testamenti libris nusquam Sacerdotes vocari, qui divino ministerio addicti fuerunt. Obtinuit tamen, deinceps & consuetudine receptum fuit, ut ministri Ecclesiæ Christianæ non solum in generali illâ significatione, secundum quam omnes pii dicuntur Sacerdotes, 1. Petr. II, 5. & 9. Apocal. I, 6. c. V, 10. sed etiam speciali quodam significatu & respectu Sacerdotes dicerentur, quatenus scilicet prædicatione Evangelii & doctrinâ verbi sacrificant, & in eam rem peculiariter sese Deo consecrant. Optimè Gregorius Nyssenus, orat. de baptism. Verbum DEI, inquit, sacerdotem augustum & honorandum facit, novitate benedictionis à communitate vulgi segregatum. Quum enim heri ac tempore superiori unus è multitudine & plebe esset, repente redditur præceptor, præfatus, doctor pietatis, mysteriorum latentium præsul, eaque contingunt ei nihil corpore vel formâ mutatis, &c. Uti verò Sacerdotes propriè dictos, ad sacrificium propitiatorium Deo offerendum destinatos in Ecclesiâ Christianâ non agnoscimus, cum Christus sit sacerdos

dos æternus & absque successore: Ita Nyssenum & cæteros Patres nomen Sacerdotis improprie usurpasse, & sensu eo, quem explicavimus, dubium non est.

VII. Recepto ita sub aliâ notatione in Ecclesiâ Christianâ nomine Sacerdotis, parum absuit, quin Episcopis solis id aliquando tribueretur. Et generalem proinde hanc de legibus Codicis Justiniani, quæ extant sub tit. *de Episcop. & Cler.* ad l. 7. adscriptis notam Antonius Continus: *Observ.* inquit, *Sacerdotem semper in his legibus poni pro Episcopo.* Sic enim intelligi debent textus in l. 10. l. 14. l. 18. l. 31. l. 33. l. 42. l. 43. l. 44. C. de Episc. & Cler. l. 13. l. 34. C. de Episc. aud. & alii plures. Nihilominus tamen promiscuè etiam presbyteri hoc nomine in eodem Codice insigniuntur, uti patet ex l. 16. l. 19. l. 44. l. 53. C. de Episc. & Cler. l. 8. §. 2. C. de hæret. l. 34. §. 4. C. de Episc. aud. Vid. Cujac. ad l. 14. C. de Episc. & Cler. Quâ ratione etiam antiqui Canones presbyteros & Episcopos indistinctè sacerdotes vocare solent.

VIII. Imò verò, ne quid dissimulem, seculo jam quarto, antequam Optatus Milevitanus inclamauerat, sæpè Sacerdotibus Ministros oppositos aut adjunctos, & per illos, Episcopos atq; presbyteros, per hos vero, Diaconos & cæteros Clericos denotatos fuisse, tum in Canonibus Ecclesiasticis, tum in Legibus civili-

bus observo. Concilii ex totâ Hispaniarum dioecesi, Eliberi Bætice congregati vetus Epitome hunc facit canonis XVIII titulum: *De sacerdotibus & ministris si moechaverint.* & can. XXXIII, *De Episcopis & ministris, ut ab Uxoribus se abstineant.* Ita & conjunguntur deinceps in can. 1. Concilii Turonensis I, Sacerdotes vel ministri Ecclesiæ, de quibus dictum est, vos estis lux mundi, &c. it. in Concilio Toletano IX, cap. 3. 4. 8. 10. in concilio Toletano X, cap. 4. in Concilio Emeritensi, cap. 23. in concilio Toletano XIII, cap. 7. & cap. 11. In quibus locis omnibus per ministros tum diaconi, tum etiam cæteri clerici inferiores intelligendi sunt. Eodem sensu in l. 10. C. de Episc. & Cler. edicit Honorius Imp. *Si quis in hoc genus sacrilegii proruperit, ut in ecclesias catholicas irruens sacerdotibus & ministris vel in ipso cultu locog, aliquid importet injuriæ &c.* Vocabulum autem ministri tum temporis cæteros clericos omnes, qui sunt infra diaconos, comprehendisse, ostendit ejusdem Honorii constitutio in l. 41. Cod. Theodos. de Episc. ubi dicitur: *Si Episcopus vel presbyter, diaconus & quicumq; inferioris loci Christiane legis minister &c.*

IX. Consimiliter, sicuti Episcopi & presbyteri Sacerdotes, ita diaconi aliquando Levitæ dicebantur. Concilii Valentie Segovellaunorum in provinciâ Viennensi ex totâ Gal-

Et similes oleo sparsam, & lagana & thura. Nos autem tam crasso ministerio relicto præceptum habemus, ut tenue ac spirituale & subtile perficiamus. Offerimus enim in odorem suavitatis DEO virtutes omnigenas, fidem, spem, charitatem, iustitiam, continentiam, perpetuas laudes & alias virtutes &c.

XI. Qvale igitur est sacrificium, tales etiam sunt Sacerdotes; tales Levitæ. Uti apud Judæos Sacerdotum munus in universum hoc fuit, ut victimas in templo caderent, vota pro populo offerrent, Levitarum autem, ut sacrificantibus Sacerdotibus ministrarent, arcam ferrent, & cætera id genus exequerentur, quæ libris sacris prodita sunt: ita presbyteris ex consuetudine post Apostolorum tempora in Ecclesiâ receptâ Eucharistiæ celebratio competebat, quæ tunc temporis non competebat diaconis, quippe qui celebrantibus presbyteris assistebant tantum & ministrabant. Similis igitur est aliqua ratio, & non nisi in remotiore aliquâ habitudine, non eadem. Nec negari potest, regimen Ecclesiarum Christianarum plurimum conformatum fuisse ad exemplar Synagogarum Judaicarum assumptaque sæpè vocabula ex Judaicâ religione in Christianam propter conformitatem aliquam, licet valde generalem & longius petitam. Quandoquidem enim veteris popu-

li cessant sacrificia & victimæ, fidelium oblationes & eleemosynæ dici aliquo modo hostiæ possunt, per manus presbyterorum & diaconorum dispensandæ, & veluti DEO in pauperibus offerendæ.

XII. Dionysius Areopagita, doctus quidem, non tamen ita vetus Scriptor, qualem eum faciunt nonnulli, hierarch. cap. 5. tres facit ordines ministrorum Ecclesiæ, *ιερεῖς, ιερίων & λειτουργῶν*. Ex quo non malè colligit Isaacus Casaubonus, exercitat. 16. n. 41. *λειτουργῶν* nomine significari diaconos, *ιερίων* sacerdotes, *ιερεῖς* Episcopos, qui aliàs *ἐκκλησιάρχαι* dici solent. Sed horum vocabulorum usus Dionysio planè singularis est, & præter receptam loquendi consuetudinem, quæ propterea perstringit Johannes Dallæus, de script. Dionys. & Ignat. lib. 1. cap. 30. Qui *λειτουργίας* vocabulo sacrificandi actum & sacrificium verum, intelligunt, evitare non possunt, quin diaconos veros faciant Sacerdotes, quos tamen ab invicem tam curiosè separare solent. Sed jam diu annotarunt Doctores, *λειτουργίαν* apud profanos Scriptores quodlibet munus publicum, apud Ecclesiasticos autem laxè quidem omne ministerium, quod ad sacra pertinet; sed propriè magis ministerium cultus divini, & quidquid circa sacram mensam peragitur, denotare. Vid. Casaub. d. l. Joh. Reinold. in colloq.

cum Hart. cap. 8. sect. 4. Gisbert. Voet. polit. Eccles. part. 1. lib. 2. tr. 1. cap. 1.

XIII. Optimè, nî fallor, sacerdotium & sacrificia Novi Testamenti exponit, & ad verba Apostoli Rom. XV, 16. commendatur Johannes Chrysostomus, homil. 29. in Epist. ad Rom. Post multam, inquit, dictorum probationem, ad id quod gravius est, sermonem ducit, non simpliciter latrariam i. e. servitutem ponens, quemadmodum initio fecit, sed λειτουργίαν & ιεραρχίαν h. e. sacrorum administrationem. Ipsum enim mihi sacerdotium est, predicare & evangelizare. Hanc offero hostiam. Sacerdoti verò nemo vitio vertit, quod immaculatam hostiam offerre satagit. Hec autem, dicens & simul illorum mentes erigit, quod hostia sint ostendens, & quæ ad se pertinent descendit, eò quod ista in mandatis divinitus habeat. Μακάριον siquidem mea, inquit, evangelium est, prædicationis videlicet sermo. — Neque enim lignis, neque igne, neque altari, neque gladio opus est, sed spiritualia sunt apud nos omnia. Propterea omnia facio, ne ignis iste extingvatur, &c. Spiritualia inquit esse omnia, ne quis putet, Apostolum talem fuisse sacerdotem, quales fuerunt olim in V. T. Unde, dum explicat suam istam ιεραρχίαν, mysticam ubique facit interpretationem. Gladium docet esse Evangelium, actum sacrificandi esse prædicationem,

ignem esse Spiritum, gentes vero hostiam, sacerdotem seu ministrum esse Paulum ratione Apostolatûs.

XIV. Diximus hæcenus, variis nominibus insignitos fuisse diaconos, & inter alia ministrorum quoque nomine venisse. Id vocabulum etsi & ipsum generale sit & latiore significatum habeat, strictius tamen, quandoque sumitur, & pro conditione materiæ, de quâ agitur, explicari atque accipi debet. Græci accuratius quandoque Διάκονον & ὑπηρέτην, quod utrumque vocabulum ministrum significat, distinguunt, ita ut ὑπηρέται dicantur illi, qui diaconos sequuntur, & illis inferiores sunt. Sic enim legitur in decretis Concilii Laodicensi, can. 20. ὁμοίως δὲ ἔχει τιμὴν καὶ τὰς Διακόνους ὑπὸ τῶν ὑπηρέτων, καὶ πάντων τῶν κληρικῶν. Similiter autem diaconis honorem haberi à ministris & omnibus Clericis oportet. Sed tamen nomen ὑπηρέτης non minùs strictè accipitur, & strictius adhuc quam vocabulum Διακόνου, quippe quod & ipsum latiore pro subiectâ materiâ significatum habere solet. Nec puidit Apostolum, semetipsum vocare ὑπηρέτην, 1. Cor. IK, 1. quem tamen nemo inter subdiaconos aut alios diaconis inferiores ministros posuerit. Rectè proinde Balsamon ad dicti Concilii can. 21. commentatur: ὑπηρέται λεγόνται οἱ ὑποδιάκονοι.

101, quod per eos subdiaconi intelligantur.

XV. Sed quid est, quod in hoc *canone* 21. dicitur: *ὅτι ὁ δὲ ἐν ὑπαρχῇ τῷ ἁγίῳ ἡρώδῃ ἐν τῷ Διακονικῷ, καὶ ἀπὸ τοῦ δεσποτικῶν συνεῶν.* Quid est hic loci *Διακονικόν*? Id enim ut explicemus, ipsa nos jubet vocabuli à *Διακόν* voce inflexio. Dionysius Exiguus in *Codice suo pag. 80.* latine sic reddidit: *Quod non oporteat subdiaconos habere locum in diaconico & dominica vasa contingere.* Sententiā parum Latinā, & significatum vocabuli nequaquam exprimente. Sed inter titulos, qui apud eundem *pag. 13.* inveniuntur, inscriptio hujus Canonis ita habet: *Quod subdiaconi à diaconico, id est, à Secretario, sint remoti.* Et sic etiam explicatur in latinā versione, quæ habetur in *Codice canonum Ecclesiæ universæ pag. 75.* *Quod non oportet ministros locum habere in secretario & dominica vasa contingere.* Id vocabulum etiam legitur apud Georgium Codinum Cuiuspalat. *de officiis Constantinop. cap. 14. num. 24.* ubi refert, Imperatorem in Festo Pentecostes circa vespertinum tempus se se conferre ad Ecclesiam S. Sophiæ, si Patriarcha præfens sit, & ab illo audire magni Basilii preces prope diaconicum. Id verò Jacobus Goarus *ibid.* perperam explicat de sede Diaconis datā, ac si prope sedem illam stetisset Imperator & preces audivisset.

Rectius Jacobus Gretserus *lib. 3. observat. cap. 9.* dicit esse locum, ubi ministri sacras vestes ad divina officia peragenda induunt.

XVI. Locum fuisse Diaconicum istud, nemo dubitat, idque aperte probat Arcadii constitutio in *l. 3. C. de hæret.* Et explosa jamdiu est sententia Balsamonis, qui *d. l.* diaconicum de munere & officio Diaconi accepit. Scribit etiam Philostorgius Cappadox, *lib. 7. hist. Eccles. c. 3.* statum Salvatoris Paneade ab hæmorrhousā Syro-Phœnissā positam ex publico in diaconicum Ecclesiæ translata fuisse. Ex quo satis patet, & locum fuisse hoc diaconicum, & locum Ecclesiæ. Sed qualis ille fuerit, diversa est Doctorum sententia. Glossa in *c. 1. X. de vit. & honest. Cler.* per diaconicum intelligit sacrarium istud, quod continet altare, & per cancellos alicubi ab reliquo choro separatum est, eò quod diaconus ibi ministraret altari. Hanc verò sententiam dum perstringit Franciscus Florentis, Jactus Aurelianensis, in *dissertat. ad d. c. 1.* statuit ipse Diaconium idè appellari, quia Diaconi custodiæ illius loci deputati fuerint. Sed neque hoc placet Jacobo Gothofredo *ad l. 30. C. Tb. de hæret.* ubi Florentis opinionem suppresso nomine contodit. Ipse igitur putat, Diaconicum non fuisse propriè partem Ecclesiæ, sed locum ad Ecclesiam siue prope Ecclesiam constructum, ubi

vasa, vestesque, aliæque res sacris
usibus destinatae, quin & lippiana seu
reliquia & fragmina asservata, & re-
posita fuerint. Diaconicum autem
ideò appellatum, quod sacro mini-
sterio destinata continuerit.

XVII. Nec malè igitur locus iste
ab Interpretibus Canonum Secreta-
rium dictus fuit, quod secretas &
cultui divino dicatas contineat res.
Ab aliis sacrarium & hodiè Sacristia
dicitur. Et sic etiam explicatur in
Concilio Agathensi, c. 66. *Quoniam*
non oportet in sacros ministros licen-
tiam habere in secretarium, quod Graeci
diaconion appellant, ingredi & con-
tingere vasa Dominica. Gratianus c.
31. dist. 23. pro *secretarium* ponit *sac-*
crarium. Guilielmus Somnerus, in
glossario, quod historiae Anglicanae

Scriptoribus antiquis junxit: *Secre-*
tarium. id est, sacrarium, sanctuarium,
adytum, cimeliarchium sacrum, locus
scilicet in templo, ubi res sacra repo-
nuntur, quarum custos Sacarius di-
ctus, item mystagogus, &c. Ab isto
loco per Canonem Laodicensem su-
pra adductum prohibiti sunt Sub-
diaconi & reliqui Clerici, ne ibi con-
sisterent, aut vasa sacra tractarent,
aut inde depromerent, quod id mu-
nus ad diaconos pertineret, quibus
honor iste meritò relinquendus est,
ut suum quisque habeat officium,,
quod gerat. Conf. Joh. Steph. Du-
rant, de ritib. Eccles. Cath. lib. 1. cap.
14. Guilielm. Bevereg. in can. 11.
Concil. Nicen. l. n. 15. ubi simul ichno-
graphiam templorum veterum, & in
eà diaconici delineationem exhibet.

CAPVT III.

De Origine Diaconorum & primo eorum officio.

- I. *Prima Diaconorum institutio per quos & quo tempore facta.* II. *Trin-*
circà hanc ex Actorum VI discutienda. III. *Occasio Diaconos in-*
stituendi. ἡ ἀνάστασις ἡ πρώτη? IV. Ministerium mensarum. V.
Causa γογγυσμοῦ τῶν ἐκκλησιῶν indicata. VI. *Hinc ordinati, qui*
mensis ministrarent communibus. VII. *Sacra & communes mensa*
non eadem. Eucharistia. Agapa. VIII. *Diaconorum munus, distri-*
buerè elemosynas, ministrare mensis communibus. IX. *Mensa num-*
mularia. Mensarii, Mensularii. X. *Diaconi non fuerunt ministri*
altaris. XI. *Idem prater alia demonstratur ex Concilii CPni VI ca-*

none

none XVI, XII. Cujus auctoritas contra Pontificios adseritur. XIII. De Diaconorum munere Baronio responsum. XIV. Manuum impositio, ubi sit adhibita, & quare. XV. Stephanus Apologiam, non concionem ad populum habuit. XVI. Diaconos progressu temporis conciones habuisse, non negatur. Duplex inde Diaconorum genus. XVII. Ignatii Epistola suspecta. XVIII. Diaconi Mysteriorum quoniam? XIX. Λειτουργία quibus conveniat? XX. Diaconus est minister Episcopi Presbyterique. XXI. Diaconorum institutio distincte proposita. XXII. Tale ministerium Diaconorum intendunt Apostoli, ut cum verbi ministerio aliquando commutaretur. XXIII. Diaconorum munus circa pauperum & ararii Ecclesiastici curam. XXIV. Diaconia, qualis locus? Regionarii. Cardinales.

I. PRIMA Diaconorum institutio quando & quâ ratione facta sit, acta Apostolorum nos docent, cap. VI. quæ hic recensere opera erit precium. In diebus autem illis crescente numero discipulorum, factum est murmur Græcorum adversus Hebræos, quod despicerentur in ministerio quotidiano viduæ eorum. Convocantes autem duodecim multitudinem discipulorum, dixerunt: Non est æquum, nos derelinquere verbum & ministrare mensis. Considerate ergo, fratres, viros ex vobis boni testimonii septem, plenos Spiritu S. & sapientiâ, quos constituamus super hoc opus. Nos verò orationi & ministerio verbi instantes erimus. Et placuit sermo coram omni multitudine, & elegerunt Stephanum Virum plenum fide & Spiritu S. & Philippum & Prochorum & Nicanorem & Timonem & Parmenam & Nicolaum, advenam Antiochæ-

num. Hos statuerunt ante conspectum Apostolorum: & orantes imposuerunt eis manus, &c. Ubi inprimis istud observandum, ordinem Diaconorum non à Salvatore & Christo, ministerii Ecclesiastici autore, institutum esse, sed ab Apostolis, post ascensionem Christi in cælos, quod etiam Cyprianus lib. 3. Epist. 9. notavit: Meminisse autem Diaconi debent, quoniam Apostolos, id est, Episcopos & prapostos Dominus elegit, Diaconos autem post ascensum Domini in cælos Apostoli sibi constituerunt, Episcopatus sui & Ecclesiæ ministros, apud Gratianum c. Dominus dist. 93. Ex quo colligere licet, quid sentiendum sit de opinione eorum, qui ordinationem Diaconorum inter Sacramenta numerant, cum utique in Apostolorum potestate non fuerit, nova Sacramenta condere, atque illis efficaciam aliquam divinam conferre, quâ

quâ de re jam diximus *cap. 1.* Nihilominus tamen præposterè statuit Nicolaus Rodriguez Ferosinus, *ad rubr. de offic. Archidiacon. q. 1. n. 40. à Christo institutum esse diaconatum* idèd, quia inter Catholicos pro Sacramento habeatur. Ergò Ecclesia Catholica suâ constitutione & sententiâ facere potest, ut aliquid à Christo sit institutum. Id quod ἀλλογεν planè est, & ordini naturæ adversum.

II. Ut verò de diaconorum primitus institutorum officio exactiorem habeamus notitiam, tria potissimum nobis ex dicto *cap. 6. actor. Apost.* discutienda sunt. 1. Quæ occasio & causa moverit Apostolos, ut diaconos sibi facerent. 2. Quid notet ministerium mensarum, cui destinati illi fuerunt, & 3. Utrum præter mensam communem etiam sacram curaverint, sive utrum simul ministri altaris fuerint. In his tribus occupata est dissertatio Cardinalis Baronii *tom. 1. annal. ad ann. 34. n. 281. seqq.* in quâ hoc agit, ut diaconos, quales nunc in Ecclesiâ Pontificiâ habentur, quoad officium hoc suum, ab ipsis Apostolis, nascentis Ecclesiæ tempore, institutos doceat. Videamus de singulis.

III. Occasionem & causam impulsivam hanc refert Sacra Scriptura: *multiplicatis discipulis γὰρ γινόμενον ἢ murmur exortum esse Græcorum adversus Hebræos, eò quod ipsorum vi-*

*dua in ministerio quotidiano despicere-
rentur.* Hic duplex occurrit dubium. Primò quæ fuerint Græci illi, sive ἑλληνισταί, uti vocantur; & deinde, quale id fuerit ministerium, quo τὰς ἐξ ἀλλογενῶν viduæ dicebantur exclusæ. De primo sic censet Baronius, non ita accipiendos hoc loco Græcos, quasi gentiles, ad distinctionem Hebræorum, quia tunc nondum gentilibus Ecclesiæ Christi patuerit ostium, sed quod, sicut in cæteris Orbis partibus, ita etiam in Græcorum regionibus Judæi agerent: Palæstinæ verò indigenas proprio nomine appellatos fuisse Hebræos. Eandem sententiam tenuit & Orbi literato perſuadere voluit Daniel Heinſius, Hellenistas illos fuisse origine Judæos, hinc inde dispersos, quæ Græcè loquerentur, & Græcâ Bibliorum translatione in Synagogis suis uterentur. Sed eruditè ostendit Antagonista ejus Claudius Salmaſius, in *comment de Hellenistica*, item in *ſumere lingvæ Hellenist. τὰς ἐξ ἀλλογενῶν*, quorum frequens in actis mentio est, Græcos origine, sermone & moribus fuisse, sed Judæos religione, quippe profelytos, eorumque filios ac nepotes omnes, incolatu saltem, Hierosolymitanos, hoc est, de profelytis Græcè loquentibus Christianos, Hebræorum autem seu Judæorum nomen gentis esse, non lingvæ, non loci. Id quod obiter & primis lineis adduxisse sufficiat.

Argu-

Argumentorum enim momenta ab ipso Salmasio addiscenda sunt.

IV. Porro de ministerio quotidiano, à quo exclusæ dicebantur viduæ, hunc in modum disserit Baronius: Duplex, inquit, reperiuntur eâ de re fuisse sententia. Existimârunt alii, certas Hebræorum viduas mensarum servitio fuisse præfektas, nam & mulieres Domino ministrasse, testantur Evangelistæ. Alii verò idem ministerium quotidianum esse putârunt ipsam eleemosynarum quotidianè fieri solitam distributionem, ac in singulos partitionem, de quâ Lucas superius: Dividebatur, inquit, singulis, prout cuique opus erat. Cæterum secundum priorem sententiam ministerium illud esse potius accipiendum, ea, quæ inferius Lucas scribit, de electione septem diaconorum, facile persuadent, &c. Ministerium ita vel activum statui potest, quo viduæ ministrabant aliis, vel passivum, quo viduis ministrabatur. Et de priori illo textum Apostolicum accipiendum esse statuit Baronius. Rectius tamen, nisi fallor, Gaspar Sanctius, ad Act. cap. 6. posterius istud subinnui contendit. Dum enim, inquit, Apostoli probate fidei ac viri diaconos, id est, ministros eligunt, qui mensis ministrarent, id agunt planè, ut collectas in unum communes jam facultates bonâ fide pro cuiusque necessitate distribuant. Quod antea commodè, dum minor esset fidelium numerus, fieri poterat;

crecente verò non poterat non esse opus & impeditum & difficile, &c.

V. Optimè in hunc sensum murmurationis causam exponit Lucas Osiander, in glossâ interlineari: Cum magnus esset jam Christianorum numerus, cæpit administratio Oeconomia in Ecclesiâ fieri difficilior: præsertim cum Apostolis præter eam inprimis incumberet ministerium prædicandi Evangelii. Itaque in tantâ hominum multitudine fieri non potuit, ut Apostoli omnibus sufficerent, & cuique necessaria porrigerent: quippe quorum indigentiam scire non poterant. Factum itaque est, ut viduæ eorum, qui ex gentilismo ad veram religionem conversi erant, negligi viderentur, nec tantum acciperent, quantum ipsorum inopia requireret. Itaque murmurabant & ipse, & proselyti ad Christum conversi. Suspicionem enim falsam conceperunt, suas viduas propterea negligi, quia non essent de populo Israelitico oriundæ: Sic meynentes gienge parteysisch zu! & sermonibus amarulentis obliquè traducebant Apostolos, quasi non ex aquo & bono, sed cum respectu personarum facultates communes administrarent, &c.

VI. Κοινωνίαν hunc & mystificationem τῶν ἑδνησιῶν ut supprimerent & coercerent Apostoli convocatis discipulis proposuerunt, non posse se simul prædicare verbum, ampliùs & ministrare mensis, constituendos igitur esse alios, qui hoc

ultimum suscipiant, se autem velle predicationi insistere, quod suum officium propter ministerium mensarum derelinquere non possent. Videndum igitur nunc, quid notet ministerium istud mensarum, cui se impares dicunt Apostoli, & cui sustinendo eligere voluerunt alios probata & perspecta fidei viros. Baronius his verbis pergit: *Si quis primitivæ illius nascentis Ecclesiæ principia repetat, & discat consuetudinem, quam sibi fuerint illa mensa, cognosceret: nimirum easdem fuisse sacras aequæ atque communes. Sicut enim Dominus ac Redemptor noster in ultimâ illâ memorabili cænâ utramque mensam unâ conjunxit, communem & sacram, in quarum priorî agnum ex more comederent, in alterâ verò mox consecratâ sacratissimum suum corpus & sanguinem propinavit: ita etiam temporibus Apostolorum eadem in Ecclesiâ consuetudo noscitur conservata, ut simul utramque mensam conjungerent, &c.*

VII. Quod dicit Baronius, easdem fuisse sacras & communes mensas, nunquam nobis persuadebitur. Neque id credit Gabriel Albaspinæ, Episcopus Aurelianensis, quippe qui lib. 1. *Observ. c. 18.* firmissimè persuasum habet non nisi manè sumtam fuisse Eucharistiam, agapas autem Christianorum non nisi vesperti celebratas. Faciamus verò, conjunctas fuisse mensas & sive antecessisse agapas, quod receptum aliquan-

do fuisse. colligunt nonnulli ex 1. *Cor. XI, 20. 21.* vel secutas fuisse Eucharistiæ functionem, nunquam tamen ita confusim utraqve illa cœna peracta fuit, ut pro eadem haberi debuerit. Distinctè de utraqve loquitur Chrysostomus, *homil. 27. in epist. 1. ad Cor.* dum ait: *Statim diebus mensas faciebant communes: & peractâ synaxi, post mysteriorum communionem communie inebant convivium, divitibus quidem cibos asserentibus, pauperibus autem, qui nihil habebant, etiam vocatis, & omnibus communiter vescentibus.* Dum ergo non simul Eucharistiâ, sed post eandem convivium istud Christianorum habitum fuit, nulla nos cogit ratio, ut eodem utriusque mensæ statuamus ministris, præsertim si intervallum aliquod inter utramque statuamus, quantumcumque id fuerit. Tale enim intercessisse colligitur ex verbis Plinii junioris, agapas Christianorum, lib. 10. *epist. 97.* ita describentis: *Affirmabant hanc fuisse summam vel culpa sue vel erroris, quod essent soliti stato die ante lucem convenire, carmenque Christo quasi DEO dicere secum invicem: seque sacramento non in scelus aliquod obstringere, sed ne furti, ne latrocinia, ne adulteria committerent, ne fidem fallerent, ne depositum appellati abnegarent, quibus peractis morem discedendi sibi fuisse, rursusque coeundi ad capiendum cibum, promiscuum tamen & innoxium.* Et

Chry-

Chrysostomus *homil. in 1. Cor. XI, 19.* scribit, post preces, post Sacramentorum communionem solutâ concione non mox domum concessisse, sed divites & abundantiores alimenta & edulia à domibus suis auferentes pauperes vocasse, communescque fecisse mensas, communiaque prandia, communia convivia in Ecclesiâ.

VIII. Nec patitur textus in actis Apostolicis, ut mensæ sacræ sive Eucharistiæ celebrandæ adhibitos dicamus primos Diaconos. Illi enim negotio destinandi & præficiendi fuerunt Diaconi, propter quod murmuratio extitit, & quod aucto Christianorum cœtu impedimento fuit ministerio verbi. At propter mensam sacram aut Eucharistiæ celebrationem non fuit exorta murmuratio τὸν ἐκκλησίαν, neque Eucharistiæ celebratio impedimento fuit ministerio verbi, neque eam deprecabantur Apostoli, cum optimè scirent, Apostolatûs sui ministerium & verbum completi & Sacramenta. Instituti igitur diaconatûs causa non fuit alia, nisi onus illud Apostolorum ministerio superadditum, quod salvo Apostolatûs ministerio ab aliis probatæ fidei Viris expediri poterat, distributio scilicet eleemosynarum, & ministerium mensæ communis. Probabile enim est, inter agapas & convivia illa Christianorum Ecclesiastica, etiam ex eleemosynis par-

tem cuique pro conditione suâ datam fuisse. Siquidem non ea tantum, quæ eius erant, sed plura etiam alia, & stipēs quoque à fidelibus conferebantur, quibus sustentari possent egeni & pauperes: Sicnamque legimus, *Act. II, 34. 35.* ad pedes Apostolorum deposita fuisse pretia venditorum agrorum & domorum, & distributum fuisse hoc singulis, prout cuique opus erat.

IX. Nectamen necesse est, ut ad agapas & convivia Christianorum, veterum hic recurramus, etsi id valde placeat Theodoro Bezzæ, *adversus Hadr. Sanviam de divers. gradib. ministr. Evang. cap. 7.* quandoquidem vocabulum mensæ non semper locum, ubi fercula adponuntur, denotat, sed sæpè mensam nummulariam, apud quam scilicet recipiuntur pecuniæ, & vicissim erogantur. Unde mensarii & mensularii dicti, sæpè & nummularii, qui pecunias custodiunt, easque recipiunt & persolvunt, & earum rationes tractant. Marcell. Donat. *ad Sveton. August. c. 4.* quia & accipiunt pecuniam & erogant per partes, quarum probatio scriptura codicibusque eorum maxime continetur, & frequentissimè ad fidem eorum decurritur, *l. 9. §. 2. ff. de edend.* Nec verò mensarii ideo semper dabantur pecuniæ, ut fenus exercerent, sed quandoque solius custodiæ causâ *l. 7. §. 2. ff. de pos.* Et ut vel deponenti vel ejus man-

dato alii solverent, quas acceperant. Quemadmodum igitur, qui mensis ejusmodi præfetti erant, pecunias accipiebant, postea iterum erogabant, emebant, vendebant, auctiorem & omnia negocia exercebant, deque his omnibus rationes conficiebant: ita etiam Diaconi mensis inservire dicebantur, qui bona Ecclesiæ communia administrabant, & inter egenos atque pauperes dispensabant. Quo in significato si accipiatur vocabulum *την πέντης* aut mensæ, uti accipi commodè potest, corrui argumentum, quod ex conjunctione mensæ communis & sacre circa officium diaconorum fecit, Baronius.

X. Et ex his facile nunc responderi potest ad quæstionem, utrum, primi diaconi, ab Apostolis constituti, ministri altaris simul fuerint? Id enim negandum esse, ipsa textus Apostolici *συνήθεια* ostendit. Nec aliter cum interpretatus est Oecumenius, *incollestanteis ad acta: Apostoli electos creantur diaconos, non juxta gradum, qui nunc est in Ecclesiâ, sed διακόνως, id est, ministros, ut omni cum diligentia & non neglectim distribuerent viduis simul & orphanis ea, quæ ad alimentum reposita erant, id quæ potissimum viduis & orphanis, propter quas maxime exortum erat murmur. Vocat autem ministerium, quotidianum, elemosynam, ut quæ & facientibus medicina loco sit, & bene-*

ficio affectos honoret. Non erat autem malitia, quod vidua contemnerentur, sed ignavia multorum. idcirco quoque ubi dignum visum est, ut cura adhiberetur, sedatus est animi dolor. Veleriam publicam dicunt administrationem. nam hoc significare vult nomen διακονία. siquidem Græci publicum penu λήτων appellant, quod quisque magno studio contendit liberaliter in illud inferre ad communem impensam, quæ sibi abundans.

XI. Eandem sententiam tenet Thomas de Vio Cardinalis Cajetanus, cui propterea insulat non Baronius tantum, sed etiam Ambrosius Catharinus Archiepiscopus Compæ. Sed Cajetanum non sine suffragatore ita statuisse, laudans eam in rem Oecumenii verba modo adducta, ostendit Sixtus Senensis, *biblioth. lib. 6. annot. 225.* qui ipse litteram eam componere non audet, sed Lectorem dubium, & causam in suspensio relinquit, adductis in utramque sententiam testimoniis non contemnendis. Nec omitti tamen ab eo debuisset canon XVI Concilii Constantinopolitani VI, in Trullo habiti, qui talis est: *Quoniam actuum liber septem diaconos ab Apostolis constitutos esse tradit, Neocæsarensis autem synodus sic in a se editis canonibus apertè differuit: quod septem debent esse diaconi ex canone, etiamsi sit magna civitas, ex libro autem Actuum persvadeberis: nos cum dicto Apostoli-*

populorum mentem adaptassemus, invenimus, eos esse locutos non de Viris, qui ministrant mysteriis, sed de ministro, quo in usu mensarum adhibebatur, cum liber altium sic habeat: In diebus illis cum discipulorum multitudo crederet &c. — Hec interpretans Ecclesie Doctor Johannes Chrysostomus sic prosequitur: Est opera precium administrari, quomodo non est scissa multitudo in Virorum electione, quomodo non sunt ab ipsis reiecti ac reprobatii Apostoli. Quamnam autem habebant hi auctoritatem & quam acceperunt ordinationem, scire est necessarium. Nunquid diaconorum? atqui hoc non est in Ecclesiis, sed est presbyterorum dispensatio: Atqui nullus adhuc erat Episcopus, sed soli Apostoli. — Post hac ergo nos quoque predicamus, ut predicti septem diaconi non de iis accipiantur, qui ministeriis serviunt, ut est prius exposita doctrina, sed eos esse, quibus fuit concredita ac tradita dispensatio eorum, qua tunc collecta fuerant, &c.

XII. Nihilominus tamen Pontificii hodie plerumque omnes diversum sentiunt, & primos illos Diaconos ministros etiam altaris fuisse, & præter mensam communem, etiam sacram, hoc est, eucharisticam curasse contendunt. Eamque sententiam acerrimè propugnant Alphonsus Salmeron, Gaspar Sanctius, Cornelius à Lapide, & alii in Acta apostolica commentatores, quibus addi

potest Jacobus Pamelius, ad Cyprianum epistol. 65. Et ne adducti modo Concilii Quinisexti, in Trullo habiti, auctoritate premantur, istud totum rejiciunt, nec canones ejus ab Ecclesia Romanâ unquam receptos fuisse asserunt. Ad canonem memoratum, erroneum est, inquit Severinus Binius, Diaconos non sacris, sed profanis tantum mensis ministrasse. Et Franciscus Silvius: Quod dicitur de diaconis, nec verum est, nec receptum ab Ecclesia. Baronius Spurium cum canonem vocat, num. 286. Sed & ipsam totam Synodum Pontificii plerumque pessimis elogiis excipiunt, eum scilicet in finem, ut canones de æqualitate Episcopi Romani & Constantinopolitani, de ministrorum Ecclesie cœlibatu & similes alios, suspectos faciant, & testimoniis inde prolatis omnem probandi vim adimant. Longè alia fuit mens & sententia Hadriano Papæ, c. sextam dist. 16. alia etiam Nicephoro Episcopo Constantinopolitano, in capitibus contra Iconoclastas, alia Laurentio Surio Carthusiensi, in admonitione ad Lectorem Tom. 2. Concil. pag. 1036. Sed ista ut prolixius hic discutiantur, nostrum non patitur institutum.

XIII. Totum igitur munus Diaconorum ab initio constitit in eo, ut illa bonorum communione, quæ in Ecclesia Hierosolymitanâ vigebat, providerent fidelibus de neces-

sariâ sustentatione, utque bona illa pro cuiusque indigentia distribuerent. Putat tamen Baronius, ex ipso textu diversum patefcere. *Facessat*, inquit, *sententia affirmantium, diaconos mensis tantum communibus fuisse praefectos*: Quos, rogo, dicant quid tantum oportuit Apostolos adhibuisse studium in deligendis, qui prandia carnasque pararent, ministris, ut non ex trivio quosque petitos Viros, sed boni testimonii, plenos insuper Spiritu Sancto, & sapientia, eosdemque ut tradit Epiphanius, ex numero LXXII discipulorum accersitos eligerent: cum alioqui ad id, quod majoris esset operis nempe iudiciorum praefectura, qui essent contemptibiles, si forte sapientes deessent in Ecclesia, Paulus praeficiendos esse mandavit. Respondeo, Mensarum nomine caetera etiam munera intelliguntur, quae cum illo conjuncta sunt, quae scilicet ad curam pauperum, & aegrotorum, & viduarum, & orphanorum pertinent, ita ut non distribuendi tantum, sed consolandi etiam facultate praeditos esse oportuerit Diaconos. Et quis verò aërio Ecclesiastico hodie praeficere vellet homines ex trivio? Spiritus S. dona varia sunt & diversa, 1. Cor. XII, 4. seq. Talia igitur in diaconis requiruntur, quae colligendis & distribuendis elemosynis sufficiant, ut diligentes sint in colligendo, bonae fidei & prudentes in dispensando, ut afflictis auxilientur, ut visitent vi-

duas & orphanos, ut beneficentiam erga omnes homines, maxime erga domesticos fidei exercent. Quae sane non vulgaria sunt, aut cuiusvis promiscue contingentia Spiritus S. dona. Quod de iudicii consilium dat Paulus 1. Cor. I, 4. id comparate intelligendum est, nimirum de rebus *βιωτικαῖς* potius villissimis & contemptibilibus in Ecclesia committendam esse iudicandi potestatem, quam admitendum, ut fideles coram magistratu infideli de talibus rebus litigent.

XIV. Pergit Baronius: *Quid insuper ad communium mensarum ministros instituendos tantis opus fuisset religiosi ritibus, ut non nisi praevia cum communi omnium oratione ac manus impositione ad tale munus ob-eundum idonei censerentur?* Tanti enim ponderis erat manus impositio, ut eodem ferme ministerio Paulus & Barnabas initiati fuerint ad Apostolatum. Respondeo, etiam vicinis immolandis apud Iudaeos, aliisque actibus solennibus tum apud ipsos, tum apud Christianos impositio manuum adhiberi solebat, ut inter benedictiones & preces ipsa res seu persona, de qua agebatur, palam certiusque designaretur. Sic apud Ictos Theophilo traditio est translatio rei de manu in manum, ut per eam transferri dominium rerum corporalium intelligatur. Quemadmodum verò ex causa conjuncta si-

ve

ve titulo, non ex simplici traditione dominium in alterum translatum dicitur, & nuda traditio nunquam transfert dominium, sed ita demum, si venditio aut alia iusta causa præcesserit, propter quam traditio secuta sit, l. 31. ff. de A. R. D. ita etiam preces sive invocatio nominis divini super personam, per manuum impositionem designatam, plus facit in ordinatione, quam ipsa manûs impositio. Unde & Augustinus manuum impositionem per orationem definit, quando ait: *Manus impositio, quid est aliud, nisi oratio super hominem?* apud Gratianum c. manus 1. q. 1. Et quia ritus ille non in ordinationibus tantum, sed etiam in ægris curandis, in benedictionibus, aliisque negociis non paucis adhibebatur, uti ostendit Hugo Grotius, in *Hebr. VI, 2.* non video, quantum inde momentum accedere possit, sententiæ Baronianæ, etiamsi demus, eodem modo & Paulum & Barnabam initiatos fuisse Apostolatui. Manet enim adhuc, diversa conferri Spiritus S. dona, neque externo ritui & ceremoniæ esse alligata.

XV. Sed instat Baronius: *Quod si communium tantum mensurarum ministri erant, (diaconi) quomodo & aliquando Evangelii prædictio illis est credita, cujus causa Apostoli à cæteris vacare muneribus cupierunt? certe Stephanum & Philippum, qui Evangelica prædicationis causa Evangelista*

dici meruit, eo munere functos esse, nullus ignorat. Tantum etiam meriti, qui curarent cibaria, diaconi exquirendi essent, ut iisdem moribus, quibus Episcopi, absolutissimi esse deberent? nam Apostolus Paulus eandem fere consummatam perfectamque morum integritatem a diacono æquè exigit, atque ab Episcopo, sicut & Ignatius & Polycarpus tradunt. Respondet ad hæc Gisbertus Voetius, polit. Eccles. part. 2. lib. 2. tract. 3. cap. 8. ex actis Apostolicis non probari, Stephanum prædicasse, sed apologeticâ oratione esse usum apud populum, & causam apud iudices dixisse, Philippum vero Act. XXV, 8. vocari Evangelistam, quod ex diacono Evangelista factus esset, & ab Apostolis ad hunc gradum promotus, antequam Hierosolyma discederet, aut extraordinariè à Deo per angelum vocatum fuisset.

XVI. Cæterum negari fortè nequit, non adeò diu in ministerio hoc suo perstitisse diaconos primos, sed progressu temporis aliis officiis Ecclesiasticis & imprimis habendis ad populum concionibus præfectos fuisse. Et hoc exemplo diaconi etiam in aliis Ecclesiis ad majores ordines promovebantur. Ita enim intelligo verba Apostoli 1. Tim. III, 13. quando de diaconis ait, eos, qui benè ministraverint, gradum sibi bonum acquirere, hoc est, qui religiose in inferiori ordine ministraverint, bonum



num sui experimentum dederint, & solerter fuerint versati, in altiore & superiore promovēbuntur, sacerdotio digni fient, sicut, inquam, presbyteri Episcopi, &c. uti commentatur Claudius Espencæus *ad istum textum*. Atque illis tū vel sufficiebantur alii qui *τὰ θιασά* curarent, vel iidem ipsi si superesse ei labori possent officium diaconatus proprium simul retinebant. Et hinc duo non malè à quibusdam statuuntur diaconorum genera, alterum primæ institutionis ad curam mensarum communium & pecuniarum ac elemosynarum; alterum verò altaris variusque sacrarum rerum ministeriis successu temporis ab Ecclesia deputatum. B. Gerhard. *Loc. de Ministerio* n. 233. Marc. Anton. de Dominis *de Rep. Eccles.* lib. 2. c. 4. n. 54. ubi addit: *Primum, quod est proprium & verum Diaconorum genus jamdiu in Ecclesia cessavit: ex quo pecuniarum & reddituum tota massa ad Episcopos & beneficiarios solos transiit: alterum verò vix ad speciem aliqua tantum adhuc servat vestigia.*

XVII. Ne autem sine suffragatore sententiam suam tam prolixè proposuisse dicatur Baronius, Ignatium in partes vocat, cum hanc præfatione: *Sed etsi ex his satis ostensum sit, hos errasse, adhuc tamen, ad eos penitus confutandos non alium, quàm qui diaconorum ministerium quoddam esset, oculis spectavit, adhibeamus te-*

stem, Ignatium inquam, qui iisdem temporibus vixit, existimantes, neminem fore adeò refractarium & impudentem, qui tanto testimonio obniti audeat, &c. Antequam audiamus Ignatii verba. prima nobis disquisitione erit de ipso autore & epistolarum, quæ nunc prostant autoritatē. Hic verò non omnibus idem persvasum est, quod Baronio. Observarunt jam diu eruditi orationis inconditæ ac involutæ, multumque ab Apostolici seculi simplicitate abhorrentis perplexitatem, laciniosam inscriptionum *πρεσβυτερων*, barbarè nonnulla & præter idioma seculi, nonnulla etiam incommode & absurdè, haud pauca anxie & cum quâdam sollicitudine dicta. De quibus videri possunt Robertus Cocus *in censur. verb. Ignat.* David Blondell. *in præfat. apol. de Episc.* & presbyt. p. 40. seqq. Joh. Dallæus *de jej. jun. lib. 3. cap. 4.* Andr. Rivet. *Critic. sacr. lib. 2. c. 1. & 2.* qui plerasque omnes Epistolas Ignatii haud vanis argumentis pro supposititiis habent.

XVIII. Sed audiamus ipsa testimonia. Primum petitur ex epistolâ ad Trallianos, quod his verbis recenset ipse: *Oportet & diaconos mysteriorum Christi ministros per omnia placere, nec enim ciborum & potuum ministri sunt, sed Ecclesie DEI administratores.* Duo hinc exculpere videtur Baronius, 1. Quod diaconi ministri mysteriorum Christi dicantur,

tur. 2. Qvod negentur esse ciborum & potuum ministri. Qvod primum attinet, Græcus textus ita habet: *οὐκ ἔστι καὶ τοὺς Διακόνους οὐκ ἔστι μυστηρίων Ἰησοῦ Χριστοῦ*, &c. Jacobus Usserius Archiepiscopus Armachanus, in append. Ignat. in margine, ad hæc verba scribi vult: *μυστήριον*, hoc sensu, qvod diaconi sint mysterium Jesu Christi, quia scilicet repræsentant per *Διακονίαν* suam Jesum Christum, qui & ipse venit, ut ministret, *Matth. XX, 28.* & exemplum *Διακονίας* præbuit, *Johann. XIII, 4.* seqq. quique propterea servus dictus fuit, *Es. LIII, 1. Philipp. II, 7.* Sed etsi retineamus vulgarem lectionem, nihil tamen inde conficietur, cum mysterii vocabulum non semper de sacramentis, sed sæpe de aliis rebus ad religionem facientibus usurpetur, uti talia exempla collegit Casaubonus *exercitat. 16. n. 43.* Significat enim mysterium, vel rem ipsam spiritua-lem & arcanam, vel externum symbolum significans aliquid arcani. Possunt igitur etiam dispensatores bonorum Ecclesiasticorum esse ministri mysteriorum, quatenus per ejusmodi dispensationem, alia bonorum spiritualium dispensatio subintelligenda est. Qvod verò deinceps diaconi negantur esse ciborum & potuum ministri, id ipsum pertinet ad mysterium & arcanum illud velatum, ne quis putet, nullam esse inter communes dispensatores sive

Oeconomos, & diaconos differentiationem. Hoc enim maximè interest, qvod illi ea tantum, quæ esui sunt, distribuunt, hi verò Ecclesiæ & corpori mystico inserviant, & distributione suâ opus Christianum exerceant.

XIX. Secundus Ignatii locus ex eadem ad Trullianos epistolâ petitus est: *Quid verò diaconi? quam imitatores angelicarum virtutum, qui purum & inculpatum ministerium illis (sacerdotibus) exhibent, ut S. Stephanus B. Jacobo, Timotheus & Linus Paulo, Anacletus & Clemens Petro.* Hæc verò verba parum faciunt ad Baronii sententiam. Non enim ideò, quia quis alterius minister est, etiam ejus in labore socius est. In græco textu *λειτουργίας* vocabulum extat: *λειτουργῶντες αὐτοῖς λειτουργίαν καθαράν καὶ ἀμώμωτον*, operantes illi operationem mundam & immaculatam. At si propriè pro sacrificandi actu sumendum est vocabulum *λειτουργίας*, presbyteris id conveniet magis, quam diaconis. Ut taceam jam, verba ista Ignatii non in omnibus exemplaribus inveniri, quæ propterea minio signavit Jacobus Usserius. Et si vel maximè in hoc sensu ea accipienda essent, quem sibi fingit Baronius, nihil tamen adhuc facerent, quandoquidem nobis propositum fuit dispicere, non quid tempore Ignatii obtinuerit, sed quod primum diacono-

rum officium fuerit, cum primitus instituti essent.

XX. Ultimum Ignatii testimonium ex epistolâ ad Heronem Diaconum petiit, idque ita se habet: *Nihil sine Episcopis facito. Sacerdotes enim sunt, tu verò Sacerdotum minister: baptizant, sacrificant, eligunt, manus imponunt; tu verò illis ministras, ut S. Stephanus Jacobo, & presbyteris, qui erant Hierosolymus.* Si Baronius ex his verbis sententiam suam more scholastico probare debeat, vereor ego, ne plus sit in conclusione, quàm fuit in præmissis. Quæ enim consequentia est: Tu ministras Episcopis, ergò ministras in altari? Illi baptizant, sacrificant &c. & tu illis ministras: Ergò ministras inter baptizandum, inter sacrificandum, &c. Nihil sine Episcopis facito: Ergo baptiza, sacrificas, si Episcopi consenserint, cum præsertim nec eleemosynas dare licuerit, nisi consensio & autore Episcopo, si vera sunt, quæ refert autor Constitutionum Apostolicarum, lib. 2. cap. 31. Nullibi hic exprimit Ignatius, in quo ministerium diaconi consistat, hoc tantum innuere voluit, plura posse Episcopum & presbyterum, quàm diaconum, & hunc propterea, ut *ὑποδι* novus sive ministrum, reverentiam illis debere. Sed neque hoc omitendum est, plura de hac ad Heronem Epistolâ suppetere *ῥοθίας* argumenta, quàm de reliquis quibus-

dam Ignatii Epistolis. Videri potest Jacobus Usserius in *annotat. cap. 5. seqq.*

XXI. Sed enim nulla planè nobis pugna est, si *ὁ ἱερεὺς* *ἐκείνης* distingvere velint tempora. Prima enim Apostolorum intentio in constituendis diaconis hæc fuit, ut curam mensarum haberent, & ut ipsi hoc onere liberarentur, quippe quod extrinsecus adveniebat, & annexum erat, Apostolatui. Ipsi igitur, quæ essentialia erant, retinebant, ministerium scilicet verbi & sacramentorum. Reliquum officium in alios transferri volebant. Et sic igitur, quæ circa *τὰ βιωτικά* versabatur, cura in diaconos devolvebatur, quàm illi ita gerebant, ut nihilominus successu temporis ad majores gradus promoverentur, si habiles essent. Nec repugno, si quis dicat, ipsos etiam Apostolos mox ab initio in animo habuisse, eligendi viros tales, qui aliquando in doctrinâ verbi subsidiariam præstare possent operam. Sed quod illic ipso actu admoti ejusmodi ministerio fuerint, id vereor, ne statuatur refragante textu.

XXII. Nec ergò displicet, quod adversus Theodorum Bezam, de *diversis gradibus ministrorum Evangelii* cap. 7. scribit Hadrianus Saravia: *Non enim diaconie officium ita cum docendi munere pugnat, ut nullo modo consistere simul queant. Utriusque enim aliquandiu Apostoli habuerunt, di-*

sim

tiis in ea perseveraturi, si nulla diffensio inter Græcos & Hebræos intervenisset. Quæres cum novam & solito majorem exhibitura fuerit molestiam, eo labore levari postularunt, & transferri ad eos, qui commodius illi ministerio vacare poterant. Quod cum ita accipiendum non sit, tanquam pauperum & viduarum omnem curam abjcturi fuerint Apostoli; ita non eos censuere eligendos, qui docendi prorsus essent rudcs, ut nihil ea in parte auxilii pastoribus prestare possent. Partiri opera possunt, ut quantum pastores sollicitudinis, curæq; pauperum, viduarum & pupillorum retinent, tantum diaconi de ministerio pastoris ferant: sin minus, saltem alter alterum, quoad posset, juvaret, &c. Faciamus enim verò, Apostolos ab initio intendisse tale diaconorum ministerium, quod aliquando cum ministerio verbi commutari, aut ei jungi posset, non tamen, uti dixi, primum hoc fuit eorum officium, sed tum temporis, cum constituebantur, pauperum tantum & viduarum atque orphanorum cura eis fuit commissa. Et hoc inter Canonistas novissimè agnoscit atque fatetur Nicolaus Rodriguez Femosinus, ad rubr. de officio Archid. qvæst. 1. num. 42. haud veritus iudicium Baronii, neminem adeò refractarium & impudentem fore existimantis, qui Ignatii testimonio obniti audeat.

XXIII. Cæterum non adeò leve

est officium eorum, qui curam pauperum & ærarii Ecclesiastici gerunt, ne quis putet, causas non satis prægnantes fuisse Apostolis, cur id deprecarentur. Qui in frequenti populo, ubi plurimi sine dubio pauperes, egeni, viduæ, pupilli, orphani &c. inveniuntur, id muneris suscipiunt, illi quotidiè experiuntur, admodum grave id esse onus, & quandoque totum hominem requirere. Invisendi sunt sæpenumerò miseri & afflicti, statûs eorum explorandi, juvandi consiliis, consolationibus variisque subsidiis, & omni contentione agendum, ut melior eorum existat conditio. Quod si porro à talibus Curatoribus rationem exigas acceptorum & expensorum, ad quam reddendam illi, ut alii plerique administratores obligati sunt, multum temporis in illis consignandis infumi experieris, & diligentiam sæpè labori imparem esse, ut difficile sit, omnia ex voto expedire. Maluerunt igitur Apostoli officium hoc, quod hætenus sustinuerant, cedere aliis, & in ministerio suo, quod præcipuum & summum erat, retinere, quam retento illo hoc negligere.

XXIV. Ab hoc diaconorum officio locus ipse, ubi id expediebatur, seqvioribus temporibus *diaconia* dicebatur. Sic enim vocabulum hoc explicat Card. Baronius, in martyrol. ad d. 8. Augusti. Erunt *diaconia loca*

E 2

sacra,

factum, ubi diaconi regionarii per singulas Urbis regiones residentes stipem ministrabant egentibus, viduarumque, pupillorum aliarumque miserabilium personarum necessitatibus consulebant: erant etenim veluti quidam eleemosynarum promptuaria. Tenebantur huiusmodi diaconiarum ministri rationem reddere de sua administratione summo Pontifici, nisi ab eodem eximerentur. Dicebantur hi exhibere diaconiam, idemque erat, quod pauperibus, erogando eleemosynas ministrare, &c. In sequentibus Baronius adhuc alias huius vocis addit signifi-

cationes, quas hic præterimus. Dicebantur autem diaconi Urbis Romæ Regionarii, à quatuordecim regionibus, in quas divisisse Urbem Romam, & singulis diaconis binas assignasse creditur Fabianus Pontifex. Dicebantur etiam Cardinales, quod, licet diversis in locis aut regionibus agerent, unius tamen Ecclesiæ ejusque primariæ cardine continerentur. Vid. Severin. Binium ad vit. Fabiani & ad Concil. Romanum sub Sylvestro, tom. 1. Concil. p. 147. & 304.

CAPVT IV.

Qui, & à quibus electi fuerint Diaconi.

- I. Ratio creandi Diaconos à prima institutione petenda. II. Septem illi primi non fuerunt è numero LXXII discipulorum. μαθηταί, novi Christiani. III. An Diaconi ex Græcis tantum lecti? IV. Quænam sint in his eligendis observanda? V. Eorum electio à tota Ecclesia præsentis facta. VI. Confirmatio vero per manus impositionem ab Apostolis. VII. De præfule per plebem eligendo testimonium Constitutionum Apostolicarum. earum autoritas. VIII. Origenis testimonium. IX. Cypriani. X. Ex eo duplex observatio. XI. Athanasii. XII. Ejusdem in Epistola ad Orthodoxos. XIII. Epistola Synodica è Concilio CPno 1. XIV. Concilii Carthaginensis IV. XV. Siricii Papæ. XVI. Hieronymi Presbyteri. XVII. In contrariam partem Gratianus adfert ex historia tripartita testimonium. XVIII. Quod expenditur, Imperatorique jus electionis adscribitur. XIX. Theodoretus explicatus. XX. Itemque ex Concilii Laodicensi

XIII. Canone, *Ανεγώδιστοι*. XXI. Probatur etiam consensus populi, auctoritate Cælestini. XXII. Leonis I, Pontificum. XXIII. Concilii Chalcedonensis. XXIV. Apollinaris Sidonii. XXV. Gelasii Pape. XXVI. Concilii Parisiensis. XXVII. Aurelianensis. XXVIII. Pelagii. XXIX. Gregoriiqve I, Pontificum. XXX. Exemplorum in Gregorianis epistolis obviourum. XXXI. Martinus Bracarenfis cum Martino Papa confunditur à Gnatiano. XXXII. Textus Martini Bracarenfis illustratus. XXXIII. Plebis in electione consensus ulterius probatus testibus seculi VII, Isidori Hispalensis. XXXIV. Concilii Toletani IV. XXXV. Principis assensus est necessarius, non tamen solus. XXXVI. Propter officia aulica, quibus illa aitate sacerdotes honestabantur. XXXVII. Non tamen unus hic procedendi modus. XXXVIII. Canon VI Concilii Toletani XII. XXXIX. Eidem lux. XL. Regis Galliarum jus in electione ac investitura Episcoporum. XLI. Nec ad assensum modo, sed suffragia quoque plebis in episcopi electione concurrebant. XLII. Quod contra Gnatianum ostenditur. XLIII. Ordinatio, electio ad quos pertineat. XLIV. Concessio Pontificis circa electionem nulla. XLV. Relictæ unicuique de plebe votum relinquitur, saltem negativum, si non semper affirmativum. XLVI. Differentia electionis primitivæ & hodiernæ ostensa ex diplomate Cathedralis Ecclesiæ Magdeburgensis de Præbenda Diaconali. XLVII. Canonici titulares nullum habent votum. XLVIII. Aliud dictæ Ecclesiæ diploma, unde diaconorum existimatio munerisque in Ecclesiis collegiatis ratio cognoscitur.

I. Cum pleraque Apostolorum, facta non nuda exempla sint, sed exemplaria sacra, divino consilio ad imitandum proposita, divinasque normas, ad quas posterorum omnium facta & consilia universa dirigenda sint, contineant, non malè rationem creandi diaconos ab Apostolorum primâ institutione petimus, quam proinde ulteriori discussione illustrare operæ erit præcium. Nec profectò errabit,

qui in Ecclesiâ jam constitutâ observat & facit id, quod fecerunt Apostoli in constituendâ. Et electionum formæ non possunt habere, præstantius archetypon, quàm istud, quod ab ipsis Apostolis relictum, fuit. Videamus igitur, quid porro ex praxi Apostolicâ observari oporteat.

II. Postquam multitudinem discipulorum convocassent Apostoli,

Actor. VI. deligite, inquirunt, ô fratres,

E 3 ex

ex vobis viros septem, idoneo testimonio ornatos, plenos Spiritu S. & sapientiâ, quos huic usui præficiamus. Quia hic discipulorum fit mentio, putavit Epiphanius, *lib. 1. cap. 21.* ex numero septuaginta duorum discipulorum diaconos istos cooptatos fuisse. Sed eam sententiam prolixè refutat David Blondellus, *in apol. de Episc. & presb. selt. 3. n. 8. seq.* & ostendit, diaconatum in nullum ex primis illis Evangelii præconibus cadere potuisse, quod ita gradu deturbati & ex sublimiore loco in inferiorem detrusi fuissent. Quæ ratio utrum satis commoda sit, vident alii, quibus plus otii est, cum, præsertim nullibi nominatim scriptura doceat, quo loco ac numero septuaginta illi discipuli fuerint. Sentio tamen cum Blondello, diaconos ex istis septuaginta non fuisse selectos, quippe qui jam ab olim ipso Salvatore Christo designati fuerunt, *Luce X, 1.* At discipuli illi, ex quibus diaconi selecti fuerunt, noviter, Christo jam in Cælos sublato, coisse & numerum fecisse dicuntur *Act. VI, 1.* ut ita τῶν μαθητῶν vocabulum generaliter de novis Christianis, & de totâ Ecclesiâ tum temporis præsentē, accipi debeat. Idque confirmatur ex versu *seq. 7.* ubi dicitur, verbum Domini crevisse & valde multiplicatum fuisse numerum discipulorum Hierosolymis, quod utique de septuaginta discipulis accipi nequit.

III. Gaspar Sanctius, *ad istum locum actorum*, diaconos istos ex Græcis electos fuisse putat, & prudenter quidem, uti ait, ut Græcorum offensionī ac seditioni obviam iretur. Docere id nomina ipsorum, quæ Græca sunt, & de Nicolao dubium non esse, cum & Antiochenus & profelytus dicatur. Neque de Stephano levem esse conjecturam, quod cognatus Pauli, qui è Tharso Ciliciæ fuerit, communiter existimetur. Conjecturis nititur hæc sententia, quæ sæpè fallunt, quæque svadent, non persvadent. Nobis sufficit id, quod certum est, nosse, sumptos istos diaconos fuisse ex toto corpore Ecclesiastico tum præsentē; idque corpus non ex Græcis tantum constabat, sed etiam ex Hebræis. Nec profectò, si conjecturis locus dari debet, satis prudenter egisse videntur Apostoli, si dicamus, eos non alios fecisse diaconos, nisi Græcos; cum hac ratione, dum Græcis consulebatur, Hebræis occasio murmurandi dari potuisset. Satiùs tum fuisset, ex utrisque Collegium ejusmodi constituere, omnemque ulterioris contentionis occasionem amputare, ne alteri favendo nimis, alter despectui haberi videretur.

IV. Describunt autem Apostoli, quales eligere oporteat, quibus administratio bonorum Ecclesiasticorum committi debuerit, μαρτυροῦντες scilicet, πλήρεις πνεύματος
ἀγάης,

ἀγῶν, & σοφίας, Viros bono testimonio ornatos, plenos Spiritu S. & sapientia. Eleganter ibi Lucas Oslander, ut doceat, quid nos in ejusmodi personis eligendis observare debeamus: *Habeant, inquit, bonum testimonium integritatis, ne periculum sit, quod defraudent Ecclesiam. Sint pii & Christiano Zelo ardentes, ut animadverti possit, eos Spiritu S. gubernari. Sint prudentes & sapientes, ut sciant, quomodo officium suum recte administrare debeant, ne quid negligatur, aut perperam fiat, unde postmodum iusta querela oriri possint, &c.* Præeat igitur necesse est examen aliquod, tum doctrinæ, tum morum, cum specialis aliqua prudentia ad officium boni Oeconomi requiratur.

V. Videamus porrò, à quibus electi fuerint isti diaconi. Dicit textus: *Deligite ergo, ô fratres, ex vobis viros septem, — quos huic usui præficiamus. — Et placuit hic sermo toti præsentī multitudini, & elegerunt Stephanum, & Philippum, &c.* Apertè dicitur, totam præsentem multitudinem elegerisse, quæ multitudo non ex Clericis tantum constabat, sed ex omnibus illis, qui Christo nomen dederant, quique præsentēs tūm erant. Eos jubent Apostoli *ἀναγγεῖν* & ἀρᾶς, hoc est, recensere, & iustrare quasi, viros inter se, atque dispicere, utrum sint, qui muneri huic præfici possint. Atque ista *ἀναγγεῖν*

οὕτως talem inspectionem denotat, quæ sit cum curâ & sollicitudine aliquâ, ne animus fallatur, & ne prodigno habeatur, qui talis non est. Hæc *ἀποκρίψαι* præviâ elegerunt, deinceps Stephanum & reliquos; *ἐξελέξατο*, inquit Apostolus, hoc est, ex pluribus optimos designarunt, eosque ab reliquis separarunt, quippe quos maxime idoneos huic officio habuerunt, quosque propterea in conspectum Apostolorum statuerunt, ut ei muneri præficerentur.

VI. Sic igitur tota & universa Ecclesia, quæ tūm præfens erat, inquisivit primum in cœtu suo, utrum tales invenirentur, quales descriperant Apostoli, eosque repertos deinceps elegit, & Apostolis, ut per manus impositionem confirmarent, exhibuit. Atque iste modus procedendi normam præscripsit, quam sequi deinceps posset unaquæque Ecclesia particularis in eligendis personis, qui ministerium Ecclesiasticum constituerent. Et hanc normam observavit diu Ecclesia in eligendis non tantum Diaconis, sed etiam presbyteris & Episcopis, donec exsurgerent, qui indignum id esserati, ut personæ Ecclesiasticæ ab secularibus officio sacro deputarentur, Laicos promiscuè omnes jure isto privarent, eosque à suffragiis ferendis prorsus excluderent. Nec longius petenda sunt exempla, quod ea Gra.

Gratianus, Decreti compilator, *sub distinctione 62. & 63.* plenā manu exhibeat, quibus ipse suam deinde addit interpretationem, sed ad seculi sui mores adaptatam, & praxi prioris Ecclesiæ minùs conformem. Redigamus eadem in meliorem ordinem, quandoquidem hāc ratione, quid quovis tempore obtinuerit, & quando mutatum quid fuerit, optimè cognoscemus. Neque alienum hoc erit ab instituto nostro, cum omninò necessarium sit, scire, quid Ecclesia post Apostolorum tempora observaverit, & utrum Apostolorum instituta pro lege habuerit. Attexemus autem subinde aliorum testimonia, quæ ad præsentem rem faciunt, quæque Gratiani farraginem auctiorem reddere poterunt.

VII. Initium faciemus à Constitutionibus Apostolicis, uti vulgò dici solent, si quis fortè sit, qui fidem earum suspectam habere nolit. Et si enim autoritas earum hodiè à quamplurimis rejiciatur, nec de ætate ejus farraginis, & quo tempore compilata sit, quidquam certi constet, quia tamen semper reperti fuerunt alii, qui earum testimonio uti haud vererentur, & negari nequit, inveniri subinde in illis, quæ veteres ritus & praxin in Ecclesiā receptam comprobant, non pigebit, ex lib. 8. cap. 4. hæc verba annotare: *Ego igitur primus Petrus dico, ordinandum esse Episcopum, ut omnes pariter antea*

constituimus, scilicet de quo in nulli re sit querela, & qui sit à cuncto populo ex optimis quibusque electus. Quo nominato & placente populus in unum congregatus una cum presbyteris atque Episcopis presentibus die Dominico consentiat. Qui verò inter reliquos princeps Episcopus est, percontetur presbyteros & populum, an ipse sit, quem præse petunt: & illis annuentibus rursus percontetur, an tribuant ei omnes testimonium, quod dignum sit hoc magno & illustri munere præsidendi, &c.

VIII. Seculo tertio vixit Origenes ab ingenio laboriosissimo Adamantinus dictus, cujus verba refert Gratianus, c. licet 8. q. 1. sub nomine tamen Hieronymi, idèò quod Hieronymus homilias istas Origenis in Leviticum latinas fecerit, licet de earum autoritate ipse adhuc dubitet Bellarminus Cardinalis, de verbo Dei lib. 4. cap. 11. quod aliis discutiendum relinquo. Verba ita recensuit Gratianus: *Licet ergò Dominus de constituendo principe præcepisset & elegisset, tamen convocatur etiam Synagoga. Requiritur ergò in ordinando sacerdote etiam populi presentia: ut fiant omnes & certi sunt, quod qui præstantior est ex omni populo, qui doctior, qui sanctior, qui in omni virtute eminentior, ille eligitur ad sacerdotium, & hoc attestante populo, ne qua postmodum retractatio cuiquam, ne quis scrupulus resideret. Hoc est autem, quod*

quod & Apostolus precipit in ordinatione Sacerdotis dicens: Oportet autem illum & testimonium habere bonum ab his, qui foris sunt, &c.

IX. Eodem seculo in Ecclesiâ Carthaginienfî maximè celebris fuit Cyprianus, cuius verba, ex *epist. 68.* digna sunt, quæ adscribantur: *Plebs obsequens præceptis dominicis* — maximè habeat potestatem vel eligendi dignos sacerdotes, vel indignos recusandi. Quod & ipsum videmus de divinâ auctoritate descendere, ut sacerdotes plebe præsentē, sub omnium oculis deligatur & dignus atque idoneus publico iudicio ac testimonio comprobetur. — Quod postea secundum divinam magisteria observatur in *Actis Apostolorum*, quando de ordinando in locum Judæ Episcopo Petrus ad plebem loquitur. — Nec hoc in *Episcoporum* tantum & sacerdotum, sed & in diaconorum ordinationibus observasse Apostolos animadvertimus, de quo & ipso in *Actis eorum* scriptum est. — Quod utique idcirco tam diligenter & cautè convocatâ plebe totâ gerebatur, ne quis ad aliud ministerium vel ad sacerdotalem locum indignus obreperet. — Propter quod diligenter de traditione divinâ & Apostolicâ observatione observandum est, & tenendum, quod apud nos quoque & serè per provincias universas tenetur, ut ad ordinationes ritè celebrandas, ad eam plebem, cui præpositus ordinatur, Episcopiusdem provincie proximi quoque

convenient, & Episcopus deligatur plebe præsentē, quæ singulorum vitam plenissimè novit, & uniuersusque actum de ejus conversatione perspexit, &c.

X. Locus hic Cypriani valdè insignis est, & ab omnibus laudatus, tantæque perspicuitatis, ut sine cavillatione in alium sensum torqueri nullo modo queat. Ex eo autem duo inprimis notanda veniunt, 1. Quod modum procedendi in electionibus ministrorum Ecclesiæ ex Scripturâ & ex ipso hoc Actorum Apostolicorum exemplo petat. 2. Quod eandem in eligendis Episcopis & diaconis formam præscriptam putet, ne quis dicat, facilius ad electionem diaconorum admitti populum, quam ad electionem Episcoporum. Quâ ratione de Clericis in genere mentem suam exponit idem Cyprianus, *lib. 5. epist. 5.* dum presbyteros, diaconos & plebem universam his alloquitur verbis: *In ordinandis Clericis, fratres charissimi, solemus vos ante consulere & mores ac merita singulorum communi consilio ponderare.* Generaliter enim Clerici dicuntur omnes, qui in Ecclesiâ Christi deserviunt. Alphons. Alvarez Guerrer. *de jur. Pontif. Imp. &c. cap. 66. n. 1.* Et sic de Cornelio Papa idem refert Cyprianus, *lib. 4. epist. 2.* electum eum fuisse à plurimis Episcopis de testimonio & suffragiis totius Cleri & populi. Factus, inquit,

est Cornelius Episcopus de DEI & Christi ejus judicio, de clericorum penè omnium testimonio, de plebis, quæ tunc affuit suffragio, & de Sacerdotum antiquorum & Virorum bonorum Collegio. Sic etiam de ipso Cypriano in ejus vitâ narrat Pontius, sive ut ab aliis vocatur, Pontianus, Ecclesiæ Carthaginienfis Diaconus, electum eum fuisse ad officium Sacerdotii, & Episcopatus gradum, judicio DEI & plebis favore.

XI. In seculo quarto celebris est episcopatus Athanasii, quem criminabantur Eusebius Episcopus Nicomedienfis, & qui cum eo sentiebant, quod à sex aut septē Episcopis clanculū & in loco obscuro in præfulem electus fuisset, quodq; adeo defuisset plebis consensus. Sed respondet Synodus Alexandriæ congregata: Nos autem contra cum totâ civitate & universâ provinciâ testamur, omnem multitudinem populūq; Catholica Ecclesiæ in unum coactū, quasi in speciem unius corporis & animæ, clamoribus, vociferationibusq; postulasse, Athanasium Ecclesiæ Episcopum dari, idq; publicis votis à Christo expetisse, nosq; uti faceremus per multos dies ac noctes jurejurando obtestatos fuisse, cum interea nec ipse ab Ecclesiâ discederent, neque nobis discedendi facultatem permitterent, hoc nostrum totiusq; civitatis & universæ provinciæ testimonium, nec mali quicquam de eo, quod ab ipsis sit pronunciamus, &c. Epistola hæc Sy-

nodica habetur apud ipsum Athanasium apol. 2.

XII. Idem Athanasius, cum ex Cathedrâ Alexandrinâ nullo suo merito dejectus fuisset, & Georgium, Cappadocem susceptum sibi audivisset, in epist. ad Orthodoxos, hanc Georgii ordinationem inter alia his perstrinxit verbis: Sed ut demus, querelam aliquam adversum me susceptam esse, menimq; nomen inter reos receptam esse, non tamen oportuit in mei locum Arianum, aut qui Ariana saperet, surrogari, sed secundum Ecclesiasticos Canones, prout Apostolus præcepit, congregatis populis unâ cum Spiritu S. qui Episcopum constituent, publicè & in præsentia Clericorum Episcopum postulantium, inquisitionem fieri, atq; ita omnia canonice peragi: non autem ad præsentiam, postulationemq; Arianorum, qui ab Ecclesiâ alieni sunt, quig; Episcopale nomen non vereantur emere, successorem mihi dari, nundinatoremq; Episcopalis tituli præter consensum eorum, qui Episcopum postulare debebant, præterque voluntatem, conscientiamq; omnium, qui actis adhibiti non fuere, per vim opesq; judicium extraneorum in hanc dignitatem immittere, &c. Populi consensum desiderat Athanasius in electione Georgii, quem ex Apostoli præcepto necessarium esse dicit, & sic Apostolicum istum, processum pro normâ haberi voluit.

XIII. Hoc eodem seculo, ex Concilio Constantinopolitano hæxarata est ad Concilium Romæ convocatum Epistola Synodica, in quâ Patres absentiam suam, & quod Romæ comparere non possint, excusant, electionesque Episcoporum Ecclesiæ Constantinopolitanæ & Antiochenæ canonicè à se factas significant, his verbis: *Unde Ecclesiæ Constantinopolitana recens, ut ita dicam, edificata, quamque ex hæreticorum blasphemiam, tanquam ex ore Leonis per misericordiam DEI nuper eripimus, reverendissimum sanctissimumq; Nestarium in Concilio generali, communi omnium consensu, præsentè Theodosio Imperatore religiosissimo, totius denique cleri, totiusq; civitatis suffragiis Episcopum constituimus. Ecclesiæ autem vetustissimæ & verè Apostolica Antiochia Urbis Syria, in quâ primum venerationum Christianorum nomen auditum est, reverendissimum & sanctissimum Flavianum Episcopi illius provincie & diæceseos orientalis in unum convenientes, eam illa Ecclesiæ, uti canon postulat, suffragante & velut uno ore virum illum honorificè collaudante, Episcopum ordinarunt. Quæ quidem ordinatio uti legitimæ, communi Concilii consensu approbata est. Epistolam hanc recenset Severinus Binius tom. 1. Concil. pag. 528.*

XIV. Circa finem huius seculi habitum fuit Concilium Carthaginiense IV, in quo canone 22. statu-

tum est, ut *Episcopus sine consilio Clericorum suorum, clericos non ordinet, ita ut civium conniventiam & testimonium quærat. Habetur apud Gratianum c. Episcopus 7. dist. 24. & apud Binium hic legitur titulus: Ut Episcopus sine testimonio Clericorum & plebis clericos non instituat. De Clericis in genere loquitur, & in eorum electione cives audiri vult, quorum proinde suffragia concurrere oportet, ne invitis illis Clerici obtrudantur, de quibus parum honestè sentiunt. Sed quid est, quod iubetur Episcopum civium conniventiam quærere? Explicatiùs canonem istum exhibet editio Francisci Longi à Coriolano hoc modo: Ut Episcopus sine consilio Clericorum suorum Clericos non ordinet, ita ut civium assensum convenientiam & testimonium quærat. Convenientiam, hoc est, ut convenient suffragia civium cum consilio Clericorum, & ut populus assensum suum præstet. Alias enim conniventia non tam quærenda, quàm speranda est.*

XV. Non minùs etiam Siricius Papa sub finem seculi quarti, in epist. ad Himerium Tarracensem, n. 10. exponit modum, quo ad sacram militiam sive sacros ordines adspirare possit Laicus. Et primum quidem, ait, Lectorum aut exorcistarum numero jungendum esse. *Qui, inquit, dum initiatus fuerit, expleto biennio per quinquennium aliud acoly-*

ibus & subdiaconus fiat, & sic ad diaconatum (si per hac tempora dignus iudicatus fuerit,) provehatur. Exinde jam accessu temporum presbyterium vel Episcopatum, si cum clerici ac plebis evocarit electio, non immerito sortietur. Ultima hæc verba non eò pertinent, quod ad presbyteratum tantum & Episcopatum conferendum plebis electio accedere debet, sic enim eodem negotio etiam ad istos tantum ordines conferendos Cleri electionem necessariam dixero, sed quod majus dubium esset de presbyteratu & Episcopatu, quorum suffragiis promotio in his ordinibus fieri deberet, quam de diaconatu & reliquis.

XVI. Claruit in eodem seculo Hieronymus Presbyter & Ecclesiæ Doctor etiamnum notissimus, qui hanc Ecclesiæ praxin suo tempore usitatam non uno loco confirmat. In libro 1. adversus Jovinianum dum matrimonio paulo iniquior est, & virginitatem ita commendat, ut nuptias penè universas damnet, inter alia quærit; *cur calices non semper ad sacerdotium sumantur?* & post unam atque alteram rationem additam hanc addit: *Nonnunquam erat plebis vulgus, iudicium, & in Sacerdotibus comprobandis unusquisque suis moribus faveat, ut non tam bonum, quam sui similem quærat prepositum.* Evenit aliquoties, ut mariti, quæ pars

major in populo est, mariti quasi sibi applaudant, & in eo se arbitrentur minores non esse virginibus, si maritum, virgini præferant, &c. Populus ergo habuit sua suffragia in eligendis sacerdotibus, qui ex affectu sæpè procedebant, & eos eligeant, qui sibi similes erant. Pari modo, in comment. ad Ezechiel. cap. 33. ad populum refert electionem Episcopi, dum ait: *Speculator terre Judææ vel Rex potest intelligi, vel Prophetæ.* Speculator autem Ecclesiæ vel Episcopus, vel presbyter, qui à populo electus est. — Unde magnoperè formidandum est, ne ad hoc officium accedamus indigni, & assumpti à populo, negligentia nos demus atque desidia, & quod his pejus est, deliciisque ventrique & otio servientes, honorem non accepisse putemus, non ministerium.

XVII. Sunt tamen, quæ ex hoc seculo pro contrariâ sententiâ adducit Gratianus, c. *Valentinianus* 3. & c. *non est permittendum* 6. dist. 63. Primum petit ex historiâ tripartitâ, & Imperatoris jus, quod in eligendis Episcopis tribui solet, impugnare videtur, his verbis: *Valentinianus Imperator veniens ab Oriente ad Hesperias partes, (ut refert Historia Ecclesiastica) mortuo Auxentio, Arriane perfidia magistro, qui Mediolanensem Ecclesiâ ut lupus dilaniaverat, cum vellet Imperator catholicum Deo ordinare, ibi consecrari episcopum, evocans Episcopos, hac eis locutus est:*
Nostis

*Nosſia aperte, eruditi, divinis eloquiis
qualem oporteat eſſe pontificem : &
quia non decet eum verbo ſolo, ſed et-
iam converſatione gubernare ſubje-
ctos, & totius ſemetipſum imitatore
virtutis oſtendere, iſtemque doctri-
na converſationem habere bonam. ta-
lem itaque in pontificali conſtituite ſe-
de, cui & nos qui gubernamus imperi-
um, ſincere noſtra capita ſubmittamus
& ejus monita dum tanquam homines
delinquimus, neceſſario veluti curantis
medicamina ſuſcipiamus. Hac autem
cum dixiſſet Imperator, petiit Synodus,
ut magis ipſe decerneret, ſapiens &
pius exiſtens : atque ille ait : Super vos
eſt talis electio. Vos enim gratia divi-
nâ potiti, & illo ſplendore fulgentes
melius poteſtis eligere. Tunc Sacerdo-
tes egreſſi de episcopali ſede tractabant.
Cum autem ordinatione divinâ Am-
broſius nondum baptizatus electus fuiſ-
ſet, exultans Imperator ait : Gratias
ago tibi domine omnipotens, & Salva-
tor noſter : quoniam huic Viro ego qui-
dem commiſeram corpora, tu autem
animos. & meam ſententiam oſtendi-
ſti juſtitia tua convenire. Cumque
Sanctus Ambroſius contriſtaretur de
hoc quod acciderat (ut idem ipſe in
ſuis Epistoſis ſcribit) confortavit eum
Imperator, & ait : Noli timere, quia
DEUS, qui te elegit, ſemper te adjuva-
bit, & ego adjutor tuus (ut meum or-
dinem decet,) ſemper exiſtam.*

XVIII. Nolim ego ex his verbis
inferre, vel prorsus nullum jus com-

petere Imperatori in electione Epi-
ſcoporum, vel ſi competierit, eo ſe
abdicaſſe, aut abdicare potuiſſe.
Agnoverant Epiſcopi ſacrum hoc
Imperatoris jus, & ab eo ſolo
electionem novi Epiſcopi celebrari
volebant. An putabimus, etiam
Epiſcopos ſuâ hâc petitione juri ſuo
renunciaſſe ? Delatam hanc pro-
vinciam reſert Imperator Epiſcopis,
& ab illis potiùs expeditam vult.
Quid inde conficiemus ? confiteri
ſcil. eundem, nullam ſibi hâc com-
petere poteſtatem ? At hanc Epiſco-
pi potiùs negare debuiffent ; ſed qui
ultrò eam agnoſcunt, & electionem
ab eo expetunt. Ulro citroque dum
modestia aliqua ratio habetur, neu-
tra pars hoc agit, ut ſibi jus eligendi
competere neget, quod ſanè reſigna-
re prorsus nequit, non magis, quàm
diſcretio doctrinæ in univerſum,
quæ vera, quæ noxia ſit, reſignari
poteſt, vel à magiſtratu in judicium
Paſtoris ſui, vel à Paſtore aut plebe
in judicium magiſtratus. Valdè ta-
men eo tempore attendendum erat
judicium Epiſcoporum propter Ari-
anos, quorum in Occidente ante-
ſignanus fuerat Epiſcopus defun-
ctus Auxentius, atque idcirco eo-
rum ſuffragia præcedere voluit Im-
perator, præſertim cum non ſatis
cognitos haberet mores ſingulo-
rum, qui ei munere præfici potuiſ-
ſent. Simili modestia uſus eſt idem
Imperator Valentinianus circa ini-

tium imperii sui, cum Episcopi Hellesponti & Bithyniæ & alii omnes, qui Filium Patri consubstantialem, asserendum putabant, ab eo peterent, ut sibi de doctrinâ fidei ritè constituenda in unum conveniendi potestas permetteretur. Respondit enim illis: *Sibi qui unus è Laicorum numero erat, non licere se ejusmodi negotiis interponere*, referente Sozomeno, lib. 6. cap. 7. Potestas scilicet ordinaria indicendi, & convocandi concilia, & definiendi concilio locum, est penes eum, qui τὸ κύριον tenet in Rep. Et hanc potestatem Imperatori competere noverant Episcopi. Ille autem per modestiam eis liberum relinqvebat, quo loci convenire vellent. Delegare scilicet & communicare potestatem convocandi Episcopis voluit, alienare autem eandem in perpetuum non potuit.

XIX. Cæterum omittere nequeo, quod ex adducto Ambrosii exemplo valde confirmetur jus populi circa electionem Episcoporum. Refert enim Theodoretus, lib. 4. cap. 5. & 6. quid acciderit, postquam Imperator provinciam hanc sibi ab Episcopis impostam declinasset atque eis retulisset. Illi, inquit, egressi separationem per se de eo deliberare coeperunt. Civitatis autem habitatores inter se ipsos dissidere, quorum alii hunc, illum alii deligere contendebant. Nam qui errore Auxentii erant imbuti, hi sue

opinionis fautoribus suffragari sunt; qui verò à partibus sane sinceræque doctrinæ stabant, illi rursus Episcopum secum de fide consentientem habere laborarunt, &c. Partium studia refert Theodoretus, & quidem ex civitatis habitatoribus, hoc est, ex populo Mediolanensi, quem tantum abest exclusum fuisse ab electione novi Episcopi, ut potius deinde maxima ejus habenda fuerit ratio, etsi separatim Episcopos deliberasse referat Theodoretus.

XX. Alterum testimonium petit Gratianus ex Concilio Laodicensi, cujus canon decimus tertius, qui in codice Canonum Ecclesiæ universæ est centesimus decimus septimus, hunc in modum conceptus legitur: Περὶ τῆς, μὴ τοῖς ὁχλοῖς ἀπὸ τῆς πρὸς ἐκλογῆς ποιήσεως τῶν μελλόντων καθίστασθαι εἰς ἐπισκοπείαν. *Quod non sit permittendum turbis, electiones eorum facere, qui in sacerdotio constituendi sunt.* Verum enim verò non hæc fuit Patrum in Concilio Laodicensi congregatorum intentio, ut populum prorsus excluderent ab electionibus ministrorum Ecclesiæ, sed ut turbulentos motus compescerent, quibus illi prævertere Episcoporum judicia solebant, nec expectabant, quid ab reliquis ordinibus decretum fuisset. Sensus igitur hic est, non debere plebi soli permitti, ut sine Clero & magistratu electionem Episcopi aut alterius ministri Eccle-

sic faciat, non ut prorsus non eligat, sed ut nunquam excluso vel posthabito clero universam electionis potestatem ad se trahat, atque ita Cleri suffragia eludat. Fidem hujus interpretationis facit ejusdem Concilii canon quintus, qui est inter Canones Ecclesie universae centesimus nonus, ubi prohibentur electiones fieri in praesentia *ἀνεγνωσμένων* sive audientium. Sive enim per *ἀνεγνωσμένους* catechumenos intelligas, quorum duos facit gradus Christophorus Justellus, *ad can. 14. Eccles. aniv.* quatuor Gabriel Albaspinus *lib. 2. obs. 2.* sive certum ordinem poenitentium, de quibus idem videri poterit Justellus, *ad can. 25.* dum soli excluduntur audientes, reliquos omnes admissos dicemus. Et sic salva res est, nihil ob stare assertioni nostrae dictum canonem Concilii Laodicensi. Vide Dav. Blondell. *apol. de Episc. & presbyt. sect. 3. pag. 482.*

XXI. Pergimus ad seculum V, in quo apud Gratianum primo occurrit autoritas Coelestini I, *c. cleri 26. dist. 63.* qui ad Episcopos Galliae *epist. 2. sub num. 5.* hunc in modum rescripsit: Nullus invito detur Episcopus. Cleri, plebis & ordinis consensus ac desiderium requiritur. Si non desideria tantum populi audienda sunt, sed consensus etiam ejus requiri debet, & si non invitis dandus est Episcopus, suffragia ejus ut accedant,

neceffe est. Ille tamen ita se gerere & suffragia sua temperare debet, ne in veteres canones impingat, & precipiti desiderio eligat, quem non admisisset Ecclesia anterior. Tum enim licitum est Clero interloqui & populum ad saniora consilia reducere. Sic enim idem loquitur Coelestinus *in epist. 3.* quae est ad Episcopos Apuliae & Calabriae, apud Gratianum *c. docendus 2. dist. 62.* Docendus est populus, non sequendus. Nosque, si nesciant, eos, quid liceat, quidve non liceat, commovere, non his consensum praebere debemus, &c. Elegerant scilicet civitates nonnullae episcopos sibi ex Laicis, quod genus electionis admittere noluit Ecclesia, uti quamplurimis testimoniis id adstruit Marcus Antonius de Dominis, *de Rep. Eccles. lib. 3. cap. 4. num. 8. seqq.*

XXII. Post Coelestinum Leo I, idem populo jus tribuit multis in locis, ex quibus tria recenset Gratianus. Primum extat *cap. 1. dist. 62.* & est desumptum ex epistola Leonis ad Rusticum, Narbonensem Episcopum, quae est nonagesima secunda: Nulla ratio finit, ut inter Episcopos habeantur, qui nec a clericis sunt electi, nec a plebibus expetiti, nec a provincialibus Episcopis cum metropolitano iudicio consecrati, &c. Alterum refert Gratianus *c. metropolitano 19. dist. 63.* desumptum ex *epist. 84. ad Anastasium Thessalonicensem Episcopum*, his verbis: Metropolitano desuncto,

functo, cum in locum ejus alius fuerit subrogandus, provinciales Episcopi ad civitatem Metropolitannam convenire debebunt, ut omnium clericorum atq; omnium civium voluntate discussa ex presbyteris ejusdem Ecclesie, vel ex diaconibus optimus eligatur, &c. Tertium habet Gratianus in c. vota 27. ead. dist. ex epist. 89. quæ est ad Episcopos per Viennensem provinciam, ubi reprehendit Leo Hilarium Arelatensem Archiepiscopum, quod jus Metropolitanum sibi sumisset, & in locum Projecti Episcopi ægrotantis alium substituisset: Expellatur, inquit, vota civium, testimonia populorum, quæreretur honoratorum arbitrium, electio Clericorum, quæ in sacerdotum solent ordinationibus ab his, qui norunt patrum regulas, custodiri, ut Apostolica autoritatis norma in omnibus servaretur, quæ precipitur ut sacerdos Ecclesie præfuturus, non solum attestacione fidelium, sed etiam eorum, qui foris sunt, testimonio muniat. — Teneatur subscriptio Clericorum, honoratorum testimonium, ordinis consensus & plebis. Qui præfuturus est omnibus, ab omnibus eligatur, &c.

XXIII. Leonis hujus temporibus, anno nimirum CCCCLI, habitum fuit Concilium Chalcedonense, in quo actione II disputatum fuit inter Bassianum & Stephanum de Episcopatu Ephesino, quis eorum canonice electus dici debuerit. Neuter

probare poterat, electionem de se factam omni labe carere, uterque tamen provocabat ad consensum Cleri & populi. Stephanus dicebat: *Quadragesima Episcoporum Asianorum decreto & nobilium & plebis & totius reverendi Cleri & omnis civitatis me, ordinauerunt.* Eodem modo & Bassianus: *Me cum multa necessitate & vi inthronizaverunt in eadem civitate Episcopi populus & Clerus & Episcopi, quorum unus Episcopus Olympius hic est.* Non alia ab utroque potuit, commodior Episcopatus hæcenus gesti ratio dari, quam quod ab initio intervenerit auctoritas totius civitatis; alter etiam coactum se cathedram ascendisse profitebatur, quod ipsum olim valde ornabat, & insigni titulo condecorabat sacri præfulatus initia.

XXIV. Eodem seculo vixit Apollinaris Sidonius, qui lib. 4. epist. 25. Domnulum suum certiore reddit, quot in partes scissus fuerit populus Cabillonensis, cum de eligendo novo Episcopo deliberatum esset. Nequeo differre, inquit, quin grandis communione te gaudii festinus imperiam: nimirum nosse cupientem, quid pater noster in Christo pariter & Pontifex Patiens, Cabillonum profectus, more religionis, more constantia sua fecerit. Cum venisset in oppidum supra scriptum, provincialium sacerdotum, prævio partim, partim comitante collegio, scil. ut municipio summus aliquis anti-

antistes ordinaretur; cuius Ecclesia disciplina mutabat, postquam junior Episcopus Paulus discesse, decesseratque. Exceperunt Pontificale concilium varia voluntates oppidanorum, nec non & illa, quæ bonum publicum semper evertunt, studia privata; quæ quidem Triumviratus accenderat competitorum: quorum hic antiquam natalium prærogativam reliqua destitutus morum dote ructabat: hic per fragores parasiticos, culinarum suffragio comparatos, Apiciania plausibus ingerebatur: hic apice votivo sipotiretur, tacitâ pactione promiserat Ecclesiastica plausoribus suis prædæ prædiare, &c. Non debuissent attendi hæc plebis studia, nec à Patiente Metropolitano Lugdunensi & Euphronio Episcopo Augustodunensi secreta agitari consilia, quæ deinceptis Sidonius, nisi populi suffragia exquirere tum oportuisset.

XXV. Circa finem seculi V Romæ sedit Gelasius Pontifex, cuius ex epistolâ ad Philippum & Geronium Episcopos tale nobis exhibet fragmentum Gratianus, c. 11. dist. 63. Plebs Diotrensis datâ nobis petitione, deservit diu, se sine rectoris proprii gubernatione dispergi: ac, sicut asseritur, is qui à vobis jam probatus dicitur, à paucis & tenuibus putatur electus, cum ad vos pertineat universos adfida admonitione compellere, ut omnes in unum, quem dignum sacer-

dotio viderint, & sine aliquâ reprehensione consentiant. Et ideo, fructes charissimi, diversos ex omnibus sæpe dicti loci parocciis & presbyteros & diaconos & universam turbam vos oportet sæpius convocare: quatenus non prout cuilibet liberit, sed concordantibus animis talem vobis admonitionibus sibi quærant sola divinitatis attentione personam, quam nulla contrarietas à constitutis possit revocare rescriptis.

XXVI. Non alia fuit mens & sententia patrum, nec alia Ecclesiæ praxis in seculo sexto. Qui Parisiis congregati fuerunt, anno Christi DLII, canone 6. principaliter quidem hoc egerunt, ut electionibus regiis fibulam imponerent, quippe per quas canones Ecclesiastici prorsus evertebantur, eamque partem canonis refert Gratianus, d. dist. 63. c. 5. sed in principio tamen ejusdem quid observari in electionibus debeat, sollicitè præmittunt: Quia, inquit, in aliquibus rebus consuetudo prisca negligitur, ac decreta canonum violantur, placuit, ut juxta antiquam consuetudinem canonum decreta serventur. Nullus civibus invitis ordinetur Episcopus, nisi quem populi & Clericorum electio plenissimâ quæsierit voluntate, non principis imperio, neque per quamlibet conditionem contra Metropolis voluntatem vel Episcoporum comprovincialium ingeratur, &c. Seqvuntur nunc verba, quæ leguntur

tur apud Gratianum *d. l.* Dixi autem concilium hoc anno Domini DLII, habitum fuisse, & constitutum ita inveniri *canone sexto*, secutus Bartholomæum Caranzam, *in summ. Concil.* à quo tamen discedunt Severinus Binius & Franciscus Longus à Coriolano, qui in annum DLIX, aut DLX, istud conjiciunt, & verba adducta in canone ejus concilii *octavo* recensent. Quicquid sit, sufficit nunc nobis, ad seculum sextum id referri.

XXVII. De Concilio Aurelianiensi V, minus dubium est, celebratum id fuisse anno DLII. In ejus *canone 10.* statutum est: *Ut nullum Episcopatum premiis aut comparatione liceat adipisci, sed cum voluntate Regis juxta electionem Cleri ac plebis, sicut in antiquis canonibus continetur scriptum, consensu Cleri ac plebis, à metropolitano, vel quem vice suâ miserit, cum comprovincialibus Pontifex consecratur, &c.* Et porro *can. 11.* Item (sicut antiqui canonες decreverunt) nullus invitus ordinetur Episcopus, ita legitur apud Coriolanum; rectius, nî fallor, apud Binium: nullus invitus detur Episcopus, prior enim lectio pugnat cum *l. 31. C. de Episc. & Cler.* quæ anterior est & octoginta abhinc annis lata fuit. Sed nec per oppressionem potentium, personarum ad consensum faciendum civis, aut Clerici (quod dici nefastum) inclinentur. Quod si factum fuerit,

ipsi Episcopus, qui magis per violentiam, quam per decretum legitimum, ordinatur, ab indepto Pontificatus honore in perpetuum deponatur. In priore canone consensus plebis requiritur, ut electio sit canonica: In posteriore exponitur, qualis esse debeat ille consensus, nimirum ab omni coactione liber. Et quid opus igitur tum fuisset leges præscribere, nisi populi consensum necessariū arbitrati fuissent Patres?

XXVIII. Gratianus in *c. literas 14. dist. 63.* refert ex eodem seculo VI testimonium Pelagii Papæ, quod ita se habet: *Literas charitatis tue suscepimus, quibus significas, Latinum Diaconum tuum ad Episcopatum Ecclesie Marcellianensis à Clero & omnibus, qui illic conveniunt, postulari, hoc itaque dicimus, ut si omnes eum eligunt, & vis eum concedere, gratum nobis esse cognosce: & si potest, ante diem sanctum festinet occurrere, ut vel Sabbato ipso noctu magna post baptismum cum DEI gratiâ valeat ordinari.* Ab omnibus electionem fieri vult, non omnibus tantum Clericis, sed omnibus ejusdem civitatis civibus. Distincte enim loquitur tum de clero, tum de omnibus, qui illic conveniunt, quos utique præter Clerum oportet esse alios.

XXIX. Successit Gregorius I Pontifex, cujus hanc epistolam *30. ex lib. 2.* refert Gratianus, *c. quanto 10. dist. ead.* -- Desuncto igitur Antistite
Lauren-

Laurentio Ecclesia Mediolanensis Archiepiscopo sua nobis relatione Clerus immoruit, in electione se filii nostri Constantii diaconi sui unanimiter consensisse. Sed quoniam eadem non fuit subscripta relatio: ne aliquid, quod ad cautelam pertinet, omittamus, idcirco hujus praecepti auctoritate, suffutrum Genuam te proficisci necessum est: & quia illic multi Mediolanensium coacti barbaricâ feritate consistunt eorum te voluntates oportet, convocatis eis, (In antiquis quibusdam exemplaribus legitur: convocatis clericis, malè. cum intelligantur hîc cives & Laici barbaricam feritatem fugientes & Genuæ consistentes, uti optimè notat Carolus Molinæus ad Concil. Trident. num. 35.) in commune perferutari: & si nulla eos diversitas ab electionis unitate determinat, siquidem in prædicto filio nostro Constantino omnium voluntates atque consensum perdurare cognoscis, tunc cum à propriis Episcopis (sicut antiquitatis mos exigit) cum nostra auctoritatis assensu solatiante & auxiliante Domino facias consecrari, &c. Tâmpollicitus est Gregorius, ut electio omni vitio careat, ut etiam cives Mediolanenses alibi degentes interrogari velit, quid sentiant.

XXX. Plenæ sunt ejusmodi exemplis Gregorii hujus epistolæ, singula si quis colligere velit, integrum faciliè conficiet commenta-

rium. Ne longius ab hac epistola, quam modo adduximus, recedamus, invenimus in eod. lib. 2. epist. 14. scripsisse Gregorium Clero, ordini, & plebi consentienti in Terracina, & laudasse, quod Agnellum Ecclesiæ suæ Episcopum elegerint. In epist. 15. ad Scholasticum Ducem Campaniæ his verbis scribit: *Atque ideo salutantes hortamur magnitudinem vestram, ut convocantes priores vel populum civitatis, de electione alterius cogitatis, qui dignus possit cum Christi solatio & sacerdotium promoveri.* Non potuisset Gregorius clariùs exponere jus plebis, quàm his ipsis verbis, dum magistratum admonet, ut cives ad electionem faciendam convocet. Eodem ferè modo scribit, in epist. 22. Antonio subdiacono, rectori patrimonii in Dalmatiâ: *Quod si verum est, experientia tua omni instantia omnique sollicitudine clerum & populum ejusdem civitatis admonere festinet, quatenus uno consensu ordinandum sibi debeant eligere sacerdotem, factoque in personam, quæ fuerit electa, decreto, ad nos transmittere studebis, ut cum nostro consensu, sicut priscis fuit temporibus, ordinetur.* Et in epist. 26. quæ ad Magnum presbyterum Ecclesiæ Mediolanensis exarata est; *Admone clerum & populum, ut ad eligendum nullatenus dissentiant sacerdotem: sed uno consensu talem sibi eligant consecrandum episcopum, cuius*

Et alius laudabiles & grata DEO & hominibus possit esse persona. Sed nolo hic congerere plura, quandoquidem ex paucis his sufficienter colligere licet, quis fuerit Gregorii awo Ecclesiæ usus, & quæ plebi competierint jura.

XXXI. Unicum est, quod in hoc seculo assertioni nostræ obstare videtur, testimonium ex Concilio Martini Papæ, quod compilationi suæ inseruit Gratianus, c. 8. dist. 63. *Non licet populo clectionem facere eorum, qui ad sacerdotium promoven- tur, sed in judicio Episcoporum sit, ut Episcopi eum probent, si in sermone & fide & spiritali vitâ edoctus sit.* At verò animadvertendum hic est, nulum esse concilium Martini Papæ, ex cujus decretis tale aliquod ostendi possit, sed à Gratiano Martinum Papam perpetuò confundi cum Martino Bracarenfi Episcopo, qui diem suum obiit, antequam Martinus Papa nasceretur. Idque cum observasset Antonius Contius, in Decreto Gratiani, quod edidit, omnibus fere capitibus, quæ Martini Papæ inscriptionem habent, in margine addidit nomen Martini Bracarenfis, & quod ex capitulis Græcarum synodorum id sumferit. Conf. Antonius Augustinus *de emendat. Gratiani lib. 1. dial. 10. & 11.* Martinus hic collectionem canonum circa annum Christi DLXX ex Græcis Synodis composuit, & ad Ecclesias Hispanicas accommodavit. In eâ autem non integra verba ca-

nonum, sed vel breviate vel interpolata refert, non adscripto unde, nec ex quo concilio desumpta sint. Et putat tamen ille, plus cæteris se præstitisse, & perspicuè magis canones exposuisse. *Et quia difficile est, inquit, ut simplicius aliquid ex aliâ lingvâ transferatur in aliâ, simulq; & illud accidit, ut in tantis temporibus scriptores aut non intelligentes, aut dormitantes multa prætermittant, & propterea in ipsis canonibus aliqua simplicioribus videntur obscura, idè visum est, ut cum omni diligentia, & ea quæ per translators obscurius dicta sunt, & ea, quæ per Scriptores sunt immutata, simplicius & emendatius restaurarem, &c.*

XXXII. Confusionem talem etiam in textu allegato contigisse, eruditè ostendit David Blondellus, *apol. de Episc. & presbyt. sect. 3 pag. 487.* Compactum eum ait ex supra adducto canone decimo tertio, & duodecimo Concilii Laodicensi. Duodecimi verba hæc sunt: *Quod oportet Episcopos judicio metropolitānorum & simitimarum Episcoporum ad Ecclesiasticum magistratum constitui, plurimo tempore probatos & in verbo fidei & in recti verbis dispensatione.* In his nihil est, quod juri plebis derogare possit. Totâ igitur vis contraria ex prioribus Martini verbis resultat, adeoque ex canone decimo tertio Concilii Laodicensi, cujus verum sensum jam supra exposuimus, quemque nihil omnino, quod obverti possit, con-

continere probavimus. Potuisset igitur ab isto Martini testimonio, quod cum Laodicensi canone à se paulo ante adducto coincidit, abstinere Gratianus nisi numerum dissentientium augere voluisset.

XXXIII. Ex seculo VII Isidori Hispalensis testimonium prostat apud Gratianum, *d. dist. 63. c. Si in 20. Si in plebibus archipresbyteri obierint, aut pro aliquo reatu exinde eiectionis fuerint, archidiaconus quam citius proficiatur illuc, & cum clericis & populo ipsius plebis electionem faciat, quatenus dignus pastor domui DEI constituatur: & dum ordinatur, ejus providentiā ipsa plebs custodiat. Hæc scilicet Archidiaconi erat cura; electionem tamen deinde ab Episcopo confirmari oportuit. Et hoc jure usus Archidiaconus Ecclesiæ Pictaviensis testatur Arnulphus Lexoviensis, *epist. 27. ad Alexandrum III.* Nec tamen Archidiacono soli eam potestatem tribuit Isidorus, sed vult, ut electionem faciat unā cum clericis & populis ipsius plebis. Non poterant igitur populi suffragia omitti aut præteriri, ne civibus invitis obtruderetur vel Episcopus, vel alius aliquis Ecclesiæ minister, quod prudenter hæcenus in Ecclesiā ubivis terrarum cautum fuerat.*

XXXIV. Ne autem Isidori hoc testimonium merè privatum & solitarium quis dicat, addam aliud publicum ex concilio Toletano IV, *cap.*

19. in quo septuaginta Episcopi, anno DC XXXIII, hunc in modum decreverunt: *Permissa consuetudo nequaquam est reticenda, quæ majorum statuta præteriens omnem Ecclesiæ ordinem perturbavit; dum alii per ambitum sacerdotium appetunt, alii oblatiis muneribus pontificatum assumunt, nonnulli etiam sceleribus implicati vel seculari militia dediti indigni ad honorem summum ac sacri ordinis pervenerunt. De quorum scilicet casu atq; remotione oportuerat quidem statuendum; sed ne perturbatio quæ plurima Ecclesiæ oriretur, præteritis omissis, deinceps, qui non promoveantur ad sacerdotium ex regulis canonum necessariò credimus inferendum. Id est, qui in aliquo crimine detecti sunt, qui infamia notā adpersi sunt. — Sed nec ille deinceps Sacerdos erit, quem nec clerus nec populus propria civitatis elegerit, vel auctoritas Metropolitanæ vel comprovincialium Sacerdotum assensio exquisivit. Quicumque igitur deinceps ad ordinem Sacerdotii postulatus, & in his, quæ prædicta sunt, exquisitus in nullo horum deprehensus fuerit atq; examinatus probabili vita atq; doctrina extiterit, tunc secundum Synodalia vel decretalia constituta, cum omni clericorum vel civium voluntate ab universis comprovincialibus Episcopis, aut certè à tribus in sacerdotium die Dominicā consecrabitur, &c. Eodem modo in Synodo Cabilonensi sub Clodoveo Re-*

ge *can. 10.* statutum fuit: *Si quis Episcopus de quacunque civitate fuerit defunctus non ab alio, nisi à comprovincialibus, clero, & civibus suis alterius habeatur electio; sin aliter hujusmodi ordinatio irrita habeatur.*

XXXV. Fatendum verò est, multum sæpenuerò valuisse in electionibus Episcoporum auctoritatem Principum, imò solam sæpè & unicam electionis causam fuisse. Quod ultimum tamen vix est, ut excusari queat in benè constitutâ Rep. Aliquando enim, ubi seditiose in populo voces excitatæ, aut præsumptuosa Cleri suffragia dissensionibus & periculosis motibus causam dedèrunt, quin ex decisione Principis unica salutis & Ecclesiasticæ & politicæ ratio salubriter petita fuerit, negari nequit. Sanè interest Principis nosse, quæ & quales Ecclesiis præficiantur ministri. Omnibus ordinibus, non clero tantum, sed & populo & magistratui potestatem eligendi competere hæcenus diximus. At princeps caput est populi, apex magistratum, & cleri ipsius in externo regimine Episcopus. Imò verò, quia sacrorum antistites auditorum animos flexibiles occupare, & quandocunque libitum fuerit, *magorias*prehendere possunt, etiam sub speciali hac ratione assensus Principis erit necessarius, ut scilicet pacis & concordie amantes constituentur, ut legibus Reip. adstricti, ut

illi, qui boni cives sunt, quique statu in quo degunt contenti, præsentia sequuntur, futura meliora expectant. Didac. Covarruv. *ad c. posse* for de R. J. in 6. part. 2. §. 10. n. 5.

XXXVI. Accedebat aliquando ex statu Reip. ratio alia specialior, eaque valde prægnans, & quæ vel sola sufficere poterat ad consensum Principis exquirendum. Sic enim invaluerat in quibusdam regnis, ut in Regum consilia & Regni administrationem adhererentur Sacerdotes, potioremq; officialium numerum constituerent, ex quibus quidam Cancellarii, quidam iustitarii, quidam thesaurarii Regni erant, alii alia Regis munera atque negocia, procurabant. Aequum igitur & iustum erat, ut invito & repugnante Principe non assumerentur ad eam dignitatem, qui vel ignoti prorsus ei erant, vel suspecti, sed potius, qui essent illi & vitæ meritis, & prudentiâ ac fide undecunque probati. Utrum committi hæc Reip. cura Clericis debuerit, jam non disputo. Ubi tamen semel admoti illi fuerunt, difficulter & non nisi cum damno Reip. eos removeri, suo seculo didicit Henricus III, Rex Angliæ. Vid. Collectas *antiq. Britanni.* quas evulgandas curavit Matthæus Parkerus, Archiepiscopus Cantuariensis, in vit. *Huberti, & in vitâ Simonis Sudburg.*

XXXVII. Quandoquidem igitur maxima Principis in electionibus mini-

ministrorum Ecclesiæ haberi debuit ratio, non potuit ejus consensus negligi aut omitti. Sed in ipso tamen negotio non unus semper & ubique observatus fuit procedendi modus. Aliquando enim Principes ipsi eorum, quos promoveri vellent, nomina populo proponebant; aliquando post cleri ac populi decretum, eorum voluntas expectabatur, aliquando conjungebantur duo illi actus, & eodem tempore desiderium Principis & Ecclesiæ ad electionem peragendam concurrebat; aliquando vero electionum summam ad se revocabant; quod quidem, si ad vitandam tumultum occasionem, intentionem haberent, improbari non poterat, cum in ejusmodi dissensionibus sæpe nullus sperandus erat exitus. Sed quia intra modum illum Principes sese non semper continebant, nec pro innatâ rerum humanarum conditione supremum, istud arbitrium contineri facile poterat, sæpe illud, nullo existente discrimine, in simplex & absolutum vertebatur imperium, Regesque adeo sublatâ à Clero & à populo electionum libertate, rescriptis suis Episcopatus concedebant etiam invitis & repugnantibus populis. Id quod plurimis exemplis probatum dedit Petrus de Marca, *de concord. sacerdot. & imp. lib. 8. Cap. 9. & 10.*

XXXVII. Intelligi hinc facile potest, quid sibi velit canon sextus Concilii Toletani XII, hoc ipso se-

culo septimo anno scil. DC LXXXI habiti, quem refert Gratianus *dist. 63. c. 25. Cum longè lateq. diffusio transitu terrarum commearum impeditur celeritas nuntiorum, quo aut nequeat regibus audientibus decedentis præsulis transitus notificari, aut de successoris morientis Episcopi libera Principis electio expectari; nascitur sæpe aut nostro Ordini de relatione talium difficultas, aut regis potestati, dum consultum vestrum (nostrum) subrogandis Pontificibus sustinet numerosa necessitas. Unde placuit omnibus pontificibus Hispaniæ atq. Galliciæ, ut salvo privilegio uniuscujusq. provincie licitum maneat, deinceps Toletano Pontifici quoscumq. regalis potestas elegerit, & jam dicti Toletani Episcopi judicium dignos esse probaverit, in quibuslibet provinciis & in præcedentium sedibus præstare præsules, & decedentibus Episcopis eligere successores: ita tamen, ut quisquis ille fuerit ordinatus, post ordinationis sue tempus intra trium mensium spatium Metropolitani proprii præsentiam visurus accedat.*

XXXIX. Confirmatur hinc usus ille electionum à Regibus usurpatus, & singulare insuper additur *negotiorum*, Episcopo Toletano tributum. Is enim antea ordo servabatur, uti optimè commentatur Petrus de Marca *d. c. 10. n. 4.* ut Rex non prius successorem deligeret, quàm de obitu decedentis certior factus esset, & consultus de personâ præficiendi, consultus scilicet à Clero & plebe & à Metro-

Metropolitano & Coëpiscopis, qui consensionem suam mittentes regium decretum pro electo suus suffragiis, aut pro alio ex Regis arbitrio, expectabant. Hæc omnia non poterant brevitatis spacio expediri: molestiam creabant Episcopis provincialibus, quorum vota vel admittere vel spernere penes Regem erat, ideoque ferè inutilis erat eorum æquæ ac Cleri plebisque consensio. Regis dignitas & potestas erat in suspenso, Ecclesiarum interim vacatio contra canones protrahabatur. Ideò maluerunt Episcopi omnia permittere Regis electioni, & iudicio Toletani Episcopi. Conf. Didacus Covarruvias *ad c. possessor de R. j. in 6. part. 2. §. 10. n. 5. 6.*

XL. Nec verò in Hispaniâ tantum Reges sibi hoc jus vindicabant; Sed etiam in Galliis idem istud usu invaluerat, cuius rei aliquot exempla recenset Hieronymus Bignonius *ad Marculfi form. pag. 451. seq. item Franciscus Juretus, ad Ivon. epist. 104.* Atque id per aliquot secula deinceps continuatum ex historiâ Ecclesiasticâ observare licet, ringentibus quamvis, & pro re natâ contradicentibus Episcopis, qui cum ad primitivâ Ecclesiâ instituta respicerent, graves sæpè admonitiones ingerebant, & Principes in ordinem redigere nō verebantur, sed conatu ut plurimum irritum. *Vid. c. porro 4. & c. si per ordinationem 5. dist. 63.* Inter e-

pistolâs Hincmari, Archiepiscopi Remensis, duodecima in editione Jacobi Sirmondi, scripta est ad Ludovicum III Regem, eo argumento, ut liberam Episcopi electionem in Bellovacensi Ecclesiâ, fieri permetteret. Initio refert sententiam literarum, quas ad eundem Imperatorem Episcopi apud Martyrium S. Macræ congregati scripserant, quibusq; formam electionis canonicam exposuerant. In illis, ait, nihil contineri, quod autoritati regis injuriam inferre possit. Deinde pergit: *Nam si quod à quibusdam dicitur, ut audiri, quando petitam apud vos electionem conceditis, illum debent Episcopi & Clerus ac plebs eligere, quem vos vultis, & quem jubetis, (quæ non est divina legis electio, sed humana potestatis extorsio) si ita est, ut dici à quibusdam audiri, ille malignus spiritus, qui per serpentem primos parentes nostros in paradiso decepit, & inde illos eiecit, per tales adulatores in aures vestras hæc sibilat; quia hoc in scripturis tam veteris quàm novi testamenti non continetur, neque in Catholicorum dictis vel sacris canonibus, nec etiam in legibus à Christianis Imperatoribus & Regibus promulgatis hoc scriptum vel decretum invenitur, sed talia dicta infernus cuomuit, &c.* Aliter jus Regum circa investituras & electiones Episcoporum explicat Ivo Carnotensis, *epist. 60.* his verbis: *Quod autem scripsisti, prædictum ele-*

ctum

Etum investituram Episcopatus de manu Regis acceptisse, nec relatum nobis ab aliquo, qui viderit, nec cognitum. Quod tamen si factum esset, cum hoc nullam vim sacramenti gerat in constituendo Episcopo, vel admissum vel omissum, quid fidei, quid sacre religioni officiat, ignoramus: cum post canonicam electionem Reges ipsos Apostolicâ autoritate à concessione Episcopatum prohibitos minimè videamus. Legimus enim sanctæ recordationis summos Pontifices aliquando apud Reges pro electis Ecclesiarum, ut eis ab ipsis Regibus concederentur Episcopatus ad quos electi erant, intercessisse; aliquorum quia concessiones Regum nondum consecuti fuerant, consecrationes distulisse. Quorum exempla supposuissimus, nisi prolixitatem epistola vitassemus. Dominus quoque, Papa Urbanus Reges tantum à corporali investiturâ excludit, quantum intelleximus, non ab electione, in quantum sunt caput populi, vel concessione, quamvis octava synodus solum prohibeat eos interesse electioni, non concessioni. Quæ concessio, siue fiat manu, siue nutu, siue lingua, siue virgâ, quid refert? cum Reges nihil spirituale se dare intendant, sed tantum aut votis petentium annuere, aut villas Ecclesiasticas & alia bona exteriora, quæ de munificentia Regum obtinent Ecclesia, ipsis electis concedere, &c. Conf. Fr. Juretus ibid.

XLI. Sed nolo ulteriùs excurre-
re, & ex sequentium seculorum hi-

storiâ, quàm variè se jus eligendi episcopos habuerit, prolixiùs recensere, quandoquidem, quæ de investituris Episcoporum deinceps inter Imperatores & Pontifices acerrimè & multâ cum effusione sanguinis agitata fuit controversia, plus temporis requirit, quàm ut hîc commodè, & pro ratione instituti nostri exponi queat. Ex dictis autem abunde liquet, per integra sex secula populi suffragia requisita fuisse in electionibus Episcoporum. Suffragia, inquam, ne quis putet, aut dicat, non alias plebis fuisse partes, nisi ut testimonium redderet de vitâ & moribus promovendi, utve digni atque idonei sub oculis omnium publico iudicio comprobarentur, ne ulla post ordinationem retractandi occasio remaneret, uti loquitur Sixtus Senensis, lib. 5. Biblioth. annot. 118. Paul. Laymann. in quest. canon. q. 20. Nic. Rodriguez Fermosin. de offic. & sacr. Eccl. ad rubr. de electione q. 6. Ex adductis enim testimoniis accuratè pensitatis faciliè constabit, non nudum populi assensum, sed suffragia etiam ad ipsum electionis actum concurrere debuissè. Id quod plenius ostendit Marcus Anton. de Dominis, de Rep. Eccles. lib. 3. cap. 3. n. 42.

XLII. Et ex hoc iudicium fieri poterit de glossâ Gratiani, quàm subjunxit c. cum longè dist. 63. his verbis: *Quod populus aut princeps jubetur electioni interesse, non precipitur advo-*

uari ad electionem faciendam, sed ad consensum electioni adhibendum. Sacerdos enim est electio, & fidelis populi est, humiliter consentire. Desiderium ergo plebis requiritur, ut Clericorum electioni concordet. Tunc enim in Ecclesiâ DEI ritè præficietur antistes, cum populus pariter in eum acclamaverit, quem Clerus communi voto elegerit. Sanè, quorum votum, voluntas, consensus, suffragium, ψήφος, arbitrium, iudicium, electio, &c. requiritur, uti talibus vocabulis populi & plebis jura promiscuè explicant Patres, ab illis plus requiritur quàm nudus assensus & nuda acclamatio, aut nudum desiderium. Et secundum Cælestini Pontificis assertum, quod illicò subjungit & in testimonium producit. Gratianus; & Clero & plebi conjunctim consensus & desiderium tribuitur. Meritò igitur hanc Gratiani glossam exagitat David Blondellus, in sepè laudat. i. apolog. sect. 3. pag. 471.

XLIII. Illud planè indignum est operâ nostrâ, ut refutetur, quod notatur apud Barthol. Caranzam, in summ. Concil. ad can. 3. Concilii Niceani II, de Episcopo electionem propriè dici, de presbytero autem & diacono abusive pro ordinatione. Et enim aliud longè est ordinatio, aliud electio. Ordinatio fit à presbytero per externas quasdam ceremonias, sed electio ac vocatio ministro-

rum pertinet ad omnes Ecclesiæ ordines. Neque ex eo, quod aliudhodie obtineat in Ecclesiâ Romanâ, in abusivos significatûs trahendi sunt, canones antiqui, præsertim cum eis assistat praxis Apostolica supra ex Actor. cap. 6. expolita. Atque hanc pro normâ habemus multo rectius, quàm sequioris Ecclesiæ instituta ab illâ recedentia, & ex typho clericali orta. Eamque propterea ut exemplum posterioribus seculis observandum rectè tuerentur celeberrimi hujus temporis Canonistæ, Antonius Bengueus & Franciscus Pinsfonius de benefic. ad verb. institutione §. 1. n. 3. nec diffiteri potest Antonius Dadinus Alteserra, ad c. 18. X. de elect. diu eandem in Ecclesiâ observatam fuisse, quod & ipsum non negat Cardinalis Bellarminus, notante Johanne Gerhardo, Loc. de ministr. Eccles. n. 97. in fin.

XLIV. In concilio Tridentino cum de hoc articulo controversiâ mota fuisset, Thomas Passius Canonicus Valentinus prolixè disseruit, ex sacrorum Canonum lectione manifestè constare, in Episcoporum electione & presbyterorum ac diaconorum deputationem summos & infimos è populo fuisse præfentes & suffragium tulisse, aut saltem præbuisse assensum; hoc tamen de Pape concessionem tacitâ vel expressâ, neque eim cuiquam Laico in rebus Ecclesiasticis ullam auctoritatem,

com.

competere, nisi privilegio Pontificio, &c. uti refert Petrus Svavis in *hist. Concil. Trid. lib. 7.* Quaso ego, cum de concessione tali nihil omnino legatur in primâ Diaconorum eligendorum formâ, *Att. VI.*, unde mihi persuadere velint *ô iſſe invarias*, inter quos ipse etiam est Bellarminus, concessionem ita à Papâ factam fuisse. Et quem mihi tûm Papam fingent? Nec enim solus Petrus, quem alias Paparum omnium faciunt primipilum, sed totum Collegium Apostolorum dicitur esse autor istius Consilii, ut Diaconi eligantur. Electionem non permittunt aut concedunt per modum privilegii, sed ut suscipiatur, jubent. Neque statuere privilegium licebit, nisi à priori probetur, nullam talem antea competiisse potestate, id quod nudè & crudè asserere non sufficit. Sed hoc usitatum est hominibus illis *νενομιμεν*, ut, ubi ex praxi Ecclesiasticâ convincuntur, speciale fingant privilegium ex aulâ Romanâ concessum, de quo ne somniare quidem potuerunt majores nostri.

XLV. Ut igitur concludamus, competit hoc jus suffragii universæ Ecclesiæ, & singulis in eâ membris jure divino, ita ut nulli statui abdicare illud prorsus liceat. Necesse tamen non est, ut singuli de plebe interrogentur & suffragia colligantur, nisi id usu receptum

fuerit. Poterit enim populus Magistratui aut ministerio aut etiam honoratioribus quibusdam ex corpore suo vices suas committere, & in eorum voluntate atque delectu acquiescere. Idque dum facit, jus vocandi ministros ad totam Ecclesiam pertinere non desinit, neque populus id amittit, sed retinet adhuc suffragium suum saltem negativum, si dissentiendi causam habeat. Consensus ipse est saltem interpretativus ex generali mandato proveniens, citra testificationem vel præsumptionem rationabilis dissensus, qui non obstante mandato aut commissione, aut etiam consuetudine, exerere sese quandocunque potest. Ergo, ut bono ordine fiant omnia, & vitentur confusiones, rectè quidem unicuique de plebe votum relinquitur suum, si non semper affirmativum, quod non necesse est semper, nec utile, saltem negativum, si iustas habeat dissentiendi causas.

XLVI. Cæterum ut constet, quantum in Ecclesiis Cathedralibus & collegiatis discessum fuerit à primævo & Apostolico Diaconos eligendi modo, lubet adponere Diploma, quo & præbenda, uti vocatur, Diaconalis instituitur, & officium tale illic certæ personæ committitur. Id ita se habet:

Fridericus DEI gratiâ Decanus, totius

et

capituli

sumque Ecclesia S. Nicolai Magdeb. Capitulum universis tam presentibus, quam futuris, quorum interest, vel interesse poterit, notitiam subscriptorum tenore presentium facimus manifestum: Quod Vescoko & Johannes de Burch Crues Magdeburgenses DEO devoti pro reverentia S. Nicolai & suarum remedio animarum redditus perpetuos de tribus marcis argenti & duobus eboris tritici comparaverunt humiliter supplicationes, quod redditus eosdem ad prebendam de novo in nostram Ecclesiam instaurandam deputare & assignare efficaciter curaremus, ad prebendam taliter instauratam personam idoneam in Canonicum recepturi. Nos igitur in premissis divini cultus augmentum & dilectorum civium pium propositum & devotionis affectum favorabiliter attendentes prebendam canonicalem de communiconsensu reverendi Domini nostri, Domini Borchardi Archiepiscopi Magdeburgensis & nostri Capituli ac omnium nostrum de novo in Ecclesia nostra creavimus & instituimus in eadem ad eam redditus predictos, prout petitus est, deputando volentes ad eam personam aliquam idoneam eligere recipere in Canonicum & in fratrem adjectis tamen palliis & conditionibus infra scriptis, quod videlicet is, quemcumque ad prebendam memoratam recipi contingeret, in Canonicum & in fratrem, debe-

bit in ipsa in diaconatus officio & ordine Ecclesie deservire, & quod in prebenda illa debeat quousque juxta receptionis suae ordinem prebendam majorem affectus fuerit, incommutabiliter permanere, & quod etiam in nullo tractatu Capituli idem Canonicus vocem litigiosam seu contradictionis habere debeat. Et si vota Canoniconum in electionis seu quovis negotio alio divisa fuerint, vox ejus nulli partium debebit aut poterit suffragium impetrare. Insuper etiam prebendam jam dictam cedendo vel decedendo, aut per modum alium quemcumque vacante, ad ipsam de novo Canonicus per Capitulum eligitur, nec alicui Canonico vacaturum expectandi prebendam poterit assignari. His omnibus sic peractis Cyriacum fratrem Germanum civium predictorum juxta devotam ipsorum supplicationem ad prebendam memoratam conditionibus premissis subjectam recepimus in nostrum & Ecclesiam nostram Canonicum & confratrem prebendam saepe dictam eidem cum omnibus suis juribus de consensu unanimi assignantes. Nosque Burchardus Dei gratia Magdeburgensis Ecclesiae Archiepiscopus ordinationem de Canonicatu & prebenda premissis gratam & ratam habentes ipsam auctoritate Ordinaria confirmamus. In quorum omnium testimonium &

con-

consensum nos Archiepiscopus & Decanus ac Capitulum ante dictum presens scriptum fecimus sigillis nostris adpensis fideliter communiri. Datum anno Domini M CCCXII.

XLVII. Hoc modo, qui in Diaconum eligebatur, Canonicus simul fiebat, sed in speciem tantum, & ut talis videretur. Negativum enim, quia ei non conceditur aut permittitur votum, qualiter ejus suffragium comparatum sit, nemo non videt, praesertim, cum nec attendi quidem aut computari id debeat, si inter se dissentientes fuerint Canonici reliqui. Quia quidem in re multo deterioris sunt conditionis titulares illi Canonici, quam apud nos quivis ex plebe tenuissimus, cui, si iustas habeat dissentendi causas, votum negativum in electionibus ministrorum Ecclesiae nunquam adimimus, tantum abest, ut eum coeco assensui in reliquorum suffragia adstringamus. Audiamus ex alio ejusdem Ecclesiae Magdeburgensis Diplomate similem promissionem à Diacono factam: *In nomine Domini, Amen. Constitutus in praesentia nostra videlicet Brunonis Decani, Guncelini Scholastici ac Capituli Ecclesiae nostrae S. Nicolai civitatis Magdeburgensis Johannes dictus de Disle Ecclesiae nostrae iam dictae Canonicus recognovit ac fideliter promisit condiciones praebendae suae Diaconalis, quam in Ecclesia nostra obtinet, annexas se deinceps*

firmiter servaturum, ut videlicet habens stallum in choro & vocem in capitulo, quod voce hanc non ad contradicendum, sed ad consentiendum uti possit & debeat, quousque praebendam majorem fuerit affectus. Insuper, quod si rogatus ab aliquo Dominorum Canoniorum nostrorum fuerit, ut vices ejus die noctuque legendo gerere debeat pro eodem, quod id non debeat denegare, salva remuneratione laboris sui sibi pro hoc solita & consuetà. Unde ad supplicationem Johannis praefati fecimus praesentes literas sigillo capituli nostri muniri ad memoriam futurorum. Actum & Datum Magdeb. in capitulo nostro anno Domini M CCC XXXI, 13. Kal. Decembr.

XLVIII. Addam adhuc aliud ex seculi proxime antecedentis historia ejusdem Ecclesiae diploma, quo sub iisdem conditionibus instituta fuit praebenda diaconalis, ut eo clariùs constet, quia tunc temporis diaconorum fuerit in Ecclesiis Collegiatis existimatio & muneris atque officii ratio: *Anno Domini M CC LXXVII, 15. Kal. Martii Nos Henricus Dei gratia Decanus totumque capitulum Ecclesiae S. Nicolai Magdeb. Canonicorum numerum augmentare volentes redditus & proventus bonae memoriae quondam Friderici de Tortim de communi consensu omnium unam statuimus esse praebendam & ad illam constituimus Sacerdotem & non alium inferioris ordinis in Canonicum eligendum,*

dum, qui vices suas tanquam Canonici faciet & pleno Canonici jure gaudet, eo dumtaxat excepto, quod vocem contentiosam in Capitulo non habebit, hoc est, ut si in electionibus vel assignationibus inter partes fuerit exorta contentio, vox ejus non computabitur, & alicui parti adjudicare non valeat. Officiari nihilominus idem Canonicus altare bonae memoriae quondam Johannis de Hildensheim alternis hebdomadibus procurabit. Stabit etiam in cā praebeudā, ita ut nec ipse nec quicumque alii eligendi post ipsum pueris nunc electis in mediis praebeendis praeferi debeant siue possint, licet id fieri possit in majoribus praebeendis, si Capitulum placuerit juxta consuetudinem hactenus approbatam. Adjectum est etiam, ut si subdiaconorum penuriam fieri casu quocumque contingat, hoc est, si pauciores minus quinque fuerint, unus vel duo pueri medias praebeendas adepti in septimanā ipsis pertinente juxta arbitrium capituli legi epistolam procumbunt. In cujus rei testimonium sigillum nostrum his literis duximus adponendum.

XLIX. Sanè proprius Canonici character ex sententiā Canonistarum in his duobus consistit, ut habeat stallum in choro, & vocem in capitulo, eaque vox libera esse debet, ne veluti *ὡς ἐσπαζον ἀγᾶλμα* adsideat, & alieno judicio suum corumpat. Vocem hanc si tollas, maxima pars characteris perit, & vix est ut pro genuino Canonico, qualis nunc describitur habeatur. In corpore & capitulo esse dicitur, sed non de corpore aut de capitulo. perinde ut aliqua in territorio sed non de territorio dicitur provincia. Joh. Petr. Surdus, *decis. l. 39. n. 17.* Carpov. in *process. tit. 2. art. 2. n. 17. 18.* Et hoc est, quod alibi dixi, beneficium à beneficio non Ecclesiastico ordine aut munere & officio discerni, sed temporali quaestu, copiā aut inopiā, & Canonicum non amplius dici propter officium, sed propter praebeendam, quatenus haec vocem liberam confert, aut adstrictam.

CAPVT V.

De numero Diaconorum.

- I. Quare septem electi fuerint Diaconi. II. Septenarius plenitudinis & perfectionis numerus. III. Septenarii Diaconorum perfectio consistit in sufficientia. IV. Justiniani de Clericorum numero constitutio.

V. Quare

V. *Qua conditione facta sit.* VI. *Septenarium Diaconorum numerum nec augendum esse nec minuendum, superstitiose creditur à Concilio Neocæsarensi.* VII. *De hoc Euaristi Papæ testimonium reiectum.* VIII. *A Neocæsarensi mox discessit Concilium Nicanum.* IX. *Et aperte magis Quinum Sextum Trullense.* X. *Septem Ecclesie Romanæ Diaconi.* Cornelii Romanorum Episcopi ad Fabium Antiochensem epistola interpolata. XI. *Numerus Diaconorum in quavis Ecclesia sit conveniens.* XII. *Fabiani Rom. Pontificis epistola spuria.*

I. IN sæpè allegato capite sexto Actorum Apostolicorum Apostoli iungunt, ut eligantur viri septem, qui deinceps mensis ministrent. Paruit Ecclesia ibi congregata, & elegit, tot numero diaconos, quorum omnium nomina specialiter recensentur. Cur verò septem præcisè eligi debuerint, non alia mihi videtur commodior dari posse ratio, quàm quod numerus iste sufficere creditus fuerit ad illam administrationem Oeconomicam. Conjecturis hinc indulgere qui velit, in incerto vagabitur, nec quicquam proficiet, nisi quod in suavia sæpè excidet somnia, & inanes speculationes.

II. Immane aliàs sibi quam plurimi in numero septenario fingunt mysterium, & non ex Gentilium tantum sed sacræ etiam historiæ curiosè exempla colligunt, ut divinitatis quandam opinionem ei comparent. Videri inprimis possunt Ludovicus Coelius Rhodiginus *lect. antiq. lib. 12. c. 12.* Henr. Corn. Agrippa, *de occult. philof. lib. 2. c. 10.* Barth.

Chassanæus in *cat. gloriæ mundi. part. 12. consid. 37.* Joh. Steph. Durantus *de ritib. Eccles. lib. 3. c. 3. n. 3.* quibus lucem præferunt Agellius *lib. 3. not. Attic. cap. 10.* & alii, quos refert Joh. Selden, *de jur. nat. & civ. secundum doct. Ebræor. lib. 3. cap. 17.* Et verò negari non potest, pro numero plenitudinis & perfectionis semper habitum fuisse in sacris numerum septenarium, unde plurima ejusmodi exempla, quæ numero septenario in Sacram Scripturam designantur, à veteribus ad vitam æternam adplicantur, ob summam scilicet perfectionem status, & perpetuam satietatem gaudiorum, quæ in illâ habebitur. Vid. Gerhard. *Loc. de vit. ætern. v. 25.*

III. Ut verò in septenario Diaconorum numero mysterium aliquod quæramus, necesse non est, quamquam ab illis, qui dignitatem istius numeri commendant, inter exempla Scripturæ S. etiam diaconi referantur, & specialia in eam rem multa collegerit Rodericus à Cunha, quem refert & sequitur Augustinus Barbofa

bosa *ad c. 1. X. de celebrat. miss. n. 17.* Septem eos, uti dixi, idèd voluerunt Apostoli, quia totidem sufficere videbantur officio, cui destinabantur. Quod si septenarius numerus perfectionis nota est, perfectio illa in sufficientiâ consistet, ut scilicet cuique coetui sacro tot numero praesto sint, quot officio illi expediendo necessarii fuerint, adeò, ut si Ecclesia nimis ampla fuerit, diaconorum numerus ultra septenarium, intra tamen limites sufficientiæ, excurrere, si minor, infra eundem subsidere debeat. Hunc modum ut teneret in Ecclesiâ Constantinopolitanâ Justinianus, utque exuperantem Clericorum numerum temperaret, qui oneri magis erat Ecclesiæ, quam ministerio & adjumento, specialem in hanc rem edidit Constitutionem, novellam scilicet tertiam, in quâ prae-mittit, fundatores Ecclesiarum non pro ædificio solum cogitasse, sed etiam ut expensas sufficientes darent à se factis venerabilibus domibus, & determinarent, quantos quidem competens esset presbyteros per unamquamque Ecclesiam, quantosque diaconos, masculos & foeminas & quantos subdiaconos & rursus Cantores atque Lectores & ostiarios constitui, &c. Deinde ait, numerum horum ministrorum in Ecclesiâ Constantinopolitanâ antiquitus definitum non sufficere amplius, quod majora indies ceperit

incrementa, & majore hinc apparatu opus haberet; constringendum tamen esse numerum, qui hactenus fuerat, & pauciores posthac in omnibus ordinibus admittendos, ne propter defectum reddituum Ecclesia ex re alieno gravetur.

IV. Verba ita habent: *Quoniam pridem etiam reverendissimorum Clericorum sanctissimæ majoris Ecclesie Regiæ nostræ civitatis determinatus est numerus, & valde brevis erat, utpote una existente sanctissimâ Ecclesiâ: postea verò & venerabilis domus sanctæ glorioseque Virginis & DEI genitricis Mariæ juxta sanctissimæ majoris Ecclesie viciniam posita, adificata est à pia memoria Verina, & veneranda domus sancti Martyris Theodori à Speculatio gloriosa memoria dedicata est: erat autem etiam venerabilis domus S. Helens, quæ sanctissimæ majori Ecclesie copulata est, propterea redigere numerum ad antiquam figuram impossibile est. Non enim sufficientes tantis Ecclesiis pauci consistentes: quoniam quidem non proprios Clericos, neque una quidem harum trium habeat Basilicarum, sed communes sunt & sanctissimæ majoris Ecclesie & earum: & omnes circumcunctes secundum quendam ordinem & circumministra in eis celebrant: deinde etiam plurimâ multitudine & ex antiquis hæreticis ad sanctissimam majorem Ecclesiam deducta, gratiâ quidem magni Dei & Salvatoris nostri Jesu Christi, laboribus autem*

Et immutationibus nostris oporteat plures quam à principio ad præsens officii ministerium definiri. Quapropter sancimus non ultra sexaginta quidem presbyteros in sanctissimâ maiore Ecclesiâ esse, diaconos autem masculos centum & quadraginta foeminas, subdiaconos verò nonaginta, lectores autem centum & decem, Cantores viginti quinque; ita ut sit omnis numerus reverendissimorum Clericorum sanctissimæ majoris Ecclesiæ in quadringentis viginti quinque & insuper centum existens iis, qui vocantur ostiarii, &c.

V. Etsi verò non dubitem, numerum omnium Clericorum à Justiniano definitum adhuc immodicum & exuperantem esse, sufficit tamen nobis ostendisse, Imperatorem ad Ecclesiam ipsam respectum habuisse, & pro ejus conditione majorem vel minorem ministrorum numerum constitui debere. Cæterum conditio illa non sub eâ tantum ratione attendi debet, qui & quanti redditus quotannis accipiantur, quod unicum respexisse videtur Justinianus, sed hoc etiam & potissimum quidem considerandum venit, quantus in quâlibet Ecclesia fuerit coetus, quantusque eorum, quorum cura habenda est, numerus. Sed nec moles quidem ædificii huc aliquid facit, aut templi ipsius structura. Demus enim, templum Sophiæ ab Justiniano ædificatum tantæ

fuisse amplitudinis, & esse adhuc, ut centum millia hominum concipere completique possit, (quod à summæ dignitatis Viro per quatuor menses Constantinopoli versato didicisse se refert Antonius Mornacius, ad l. 4. C. de SS. Eccles. quam hâc de re dubitare nos faciant ea, quæ de capacitate templi istius refert Petrus della Valle, in *Itinerar. epist.* l. pag. 13. & ante eum Sandys *itiner. lib.* l. pag. 70.) nisi tamen simul tanta hominum extiterit multitudo, quanta templum istud explere queat, quorsum tam copiosus constituetur Clericorum numerus? Hominum scilicet non lapidum aut columnarum habenda est ratio, & animabus cura ea, quæ Clericis incumbit, impendenda est, non ædificiis aut prodigiosa structura. Proinde absurdum non est, ut in parvo populo pastoris simul & diaconi partes idem homo obeat. Imò verò ridiculum est, si præfecti parvæ parochiæ quinquaginta aut sexaginta capitum seniores & diaconum, aut plures habere velint, aliàs mutilam & imperfectam credentes suam Ecclesiam.

VI. Superstitiosi verò mihi videntur illi, qui numerum diaconorum septenarium ab Apostolis constitutum religiosè observatum cupiunt. Et isti quidem in duplici sunt differentiâ. Aliqui enim augeri eum debere prorsus negarunt; vicif-

sim alii minui eundem noluerunt. Prius illud statuerunt Patres in Concilio Neocæsareensi, quod circa annum CCCXIV habitum creditur. Ejus Concilii canon decimus quartus à Gratiano dist. 93. his verbis refertur : *Diaconi septem debent esse secundum regulam, quamvis non magna sit civitas. Regule autem auctoritas est ista, quod & liber altuum Apostolorum idem insinuat.* Ita legitur in quamp plurimis exemplaribus. Sed qui iussu Gregorii XIII Pontificis Gratiani compilationem reviderunt, collatis exemplaribus aliis, & græco imprimis, negativam particulam expunxerunt, hoc modo : *Diaconi septem debent esse secundum regulam, quamvis magna sit civitas.* Sic enim legitur in Codice Canonum Ecclesiæ universæ, quem edidit Christophorus Justellus : *Διάκονοι ἐπὶ ὁφείλουσιν εἶναι ἑπτὰ πρὸς καθόλου, καὶ πρὸς μεγάλην εἴη ἡ πόλις.* Vocabulum, *πάντες*, αὐξητικῶς potestatem habet, & hic copiosissimam atque amplissimam civitatem denotat. Noluerunt igitur Patres Neocæsareenses numerum diaconorum ab Apostolis constitutum augeri debere, licet civitatis amplitudo id exigere videatur.

VII. In eandem sententiam refert Gratianus, d. dist. 93. c. *diaconi, antecedente*, testimonium Euaristi Pontificis : *Diaconi, qui quasi oculi videntur esse Episcopi, in unaquaque civitate septem debent : qui custodiant Episco-*

pum prædicantem, ne ipse Episcopus ab insidiatoribus quovis modo infestetur aut ledatur à suis, aut verba divina detrahendo aut insidiando polluantur vel despiciantur : sed veritas spirituali redoleat fervore, & pax prædicata labiis cum voluntate animi concordet. Hanc custodiam Franciscus Turrianus Jesuita ad can. 62. Concilii Niceni, cuius à nobis mox fiet mentio, hoc sensu accipit, ut duo essent Episcopo ad dextram, duo ad sinistram, duo retrò & unus à fronte. Postquam verò non opus fuisset amplius custodire prædicantem, successisse putat numerum curæ septipartitæ rerum Ecclesiæ. Talis custodiæ forma, utrum unquam in usu fuerit, Turrianus ipse videat, ut probet. Nos Euaristi epistolam totam & in eâ simul hoc testimonium rejicimus, quippe quam ab impostore confictam & ex variis posteriorum Scriptorum sententiis confutam eruditè ostendit David Blondellus, in *Pseud. Isidoro pag. 147.*

VIII. Ab illo verò, quod modo recitavimus, Concilii Neocæsareensis decreto discesserunt mox Patres Concilii Niceni, si credendum additiis canonibus, quos ex Arabico interpretatus est modo nominatus Franciscus Turrianus. Sic enim legitur can. 62. *Ut non sint pauci presbyteri in Ecclesiâ, ne deficiat oratio & ministerium Ecclesiæ, & ne sit magnus Sacerdotum numerus, ne sumptus Ec-*
clesiæ

clesia augeatur. Quamobrem qui Ecclesius præsunt, ii quidem quid in hac parte opus sit, videbunt, atq; ita oportet, ut tot in Ecclesia diaconi sint, quot Ecclesia ferre possit; & ut illis Archidiaconus præsit, sicut sancti Apostoli canonibus suis constituerunt, & sancti patres, qui ante nos fuerunt, & ut sint septem diaconi, qui Ecclesia sumptu vivant, ac reliqui gratis ministrent. Plures quidem, sed non pauciores septem videtur admittere hic Canon, ita ut septem isti pro ordinariis, reliqui pro extraordinariis haberi debeant, cum illi sumtu Ecclesiae, hi gratis, ministrare teneantur. Et hic quasi per saturam observo, nondum creditum fuisse eo tempore, habere Clericos, qui aliunde sibi victum comparare possunt, jus petendi necessaria vitæ subsidia à populo, nec teneri ex alio fonte subsidia vitæ petere, quam ex redditibus Ecclesiae, aut ex oblationibus Laicorum, uti recentior schola docere solet. Vid. Didac. Covarruv. l. 1. resol. 17. n. 3.

IX. Ut autem canon hic Nicenus subobscurè Neocæsarensis Synodi decretum confutat & refellit, quod & observatum fuit in Concilio Florentino anno M CCCC XXXVIII, Sess. 7. ita apertè magis & verbis disertis, sed sub alio colore, id perstringunt Patres Concilii Quinisexti in Trullo, an. DCXCII habiti, qui can. 16. ita loquuntur: Quoniam aliorum liber septem Diaconos ab Apostolis constitutos esse tradit, & Neocæsariensis Syno-

dis in canonibus suis sic apertè diffinit, quod septem debent esse Diaconi &c. Nos cum dicto Apostolico mentem Patrum adaptassemus, invenimus eos esse locutos non de viris, qui ministrant mysteriis, sed de ministerio, quod in usum mensarum adhibeatur, cum liber Actorum sic habeat: cum discipulorum multitudo, &c. Quod & accepimus à Johanne Chrysostomo sic hac verba interpretante in comment. super act. Apost. cap. 6. &c. Utrum ferenda & probanda sit hac interpretatio, supra disquisivimus: Hic illud annotasse operæ est precium, non putasse patres Concilii hujus Constantinopolitani, septem præcisè debere esse diaconos, quod voluit Synodus Neocæsarensis. Plures igitur sine dubio admittunt; pauciores autem utrum constitui possint, colligere exinde non licet.

X. In Ecclesiâ Romanâ septem fuisse diaconos, ex epistolâ Cornelii Romanorum Episcopi ad Fabium Antiochensis Ecclesiae præfulem, quam refert Eusebius lib. 6. hist. Eccl. cap. 43. disci potest. Verba, quæ huc faciunt, ex interpretatione Henrici Valefii adscribam. Postquam enim de Novato Ecclesiae Romanæ presbytero retulisset Cornelius, quâ temeritate Episcopum se creari fecisset, hanc addit *Ἐπεὶ οὖν*: Ergo illud Evangelii vindex ignorabat, unum Episcopum esse oportere in Ecclesiâ Catholica. In quâ tamen sciebat (quomodo enim illud nescire potuisset) presbyteros

quidem esse quatuor & quadraginta, septem autem diaconos, totidemq; Subdiaconos, ac alios duos & quadraginta, Exorcistas & Lectores cum Ostiariis quinqueaginta duos: viduas deniq; cum infirmis & egentibus plusquam mille & quingentas, &c. At verò ordines istos omnes eo tempore, quo acerrimi Christiani nominis persecutores Decius, Gallus & Volusianus rerum potiti fuerunt, in Ecclesiâ Romanâ extitisse, præsertim cum ad eam rationem, quæ postea invaluit, templâ adhuc nulla exædificata essent, haud frustra dubitare licet. Idque inter alia argumentum præbuit Johanni Georgio Dorscheo, in addend. ad exercitat. de Concilio Nicæni *Ἀγ. τῶν ὁσ. circa sacr. synax.* ut statueret, supposititia & in Cornelii Epistolâ intrusa esse ista verba. Neque hîc audio Valesium, qui ex hoc Eusebii loco colligendum putat, quot basilicas tunc Romæ habuerint Christiani. Cum enim singuli presbyteri, inquit, suas regerent basilicas, si quadraginta sex fuerunt presbyteri, totidem basilicas fuisse dicendum est. Imò verò gratis hæc dicta videntur. Unde enim habet Valesius, singulos presbyteros suas habuisse Basilicas? Certè ex adductâ Justiniani novellâ 3. constat, in unâ Basilicâ Sophiæ, quæ ex tribus aliis coaluit, presbyteros constitutos fuisse sexaginta. Et quæso ego, si singuli singulas habuerunt basilicas, quo modo tot numero presbyteris ministrare potuerunt diaconi tantum se-

ptem? cùm ex instituto Justiniani sexaginta presbyteris diaconi centum destinati fuerint.

XI. Diaconorum tamen in Ecclesiâ Romanâ numerum septenarium confirmat Sozomenus, lib. 7. hist. Eccl. c. 19. his verbis: *Diaconi apud Romanos hætenus non plures sunt, quam septem, ad similitudinem eorum, qui ab Apostolis ordinati fuerant, apud alios verò numerum eorum promiscuus est.* Si promiscuus, ἀπορροητός, & indifferens apud alios est eorum numerus, etiam pauciores esse possunt quam septem. Ἀπορροητός enim nullo numero constringitur, & minorem æquè atque maiorem complectitur, ac utrumq; ex æquo respicit. Manet igitur, quod ab initio dixi, numerum diaconorum in quavis Ecclesiâ debere esse convenientem, h. e. qui rebus divinis & officio huic sufficiens esse possit, nec definiri ad eum aut adaptari debere omnibus & singulis Ecclesiis promiscuè eundem. Et in in hunc sensum non malè pervetus autor Constitutionum Apostolicarum, quisquis is est, lib. 3. c. 19. ait: *Numerus verò eorum (diaconorum) ad proportionem multitudinis Ecclesiæ, ut possint ministrare imbecillis tanquā operarii, in quibus nihil sit pudendum.*

XII. Quò & pertinerent, si genuina essent, verba Fabiani Pontificis Romani ex epist. 1. dum ait. *Septem diaconos in urbe Româ per septem regiones civitatis sicut à patribus accepimus, habemus. — Similiter & vobis,*

propterea

prout opportunum fuerit, per singulas civitates est faciendum, ut divinum absque ulla morâ ac negligentia studiosè ac solenniter agatur officium. Significanter dicit: prout opportunum fuerit, ut conditionem loci & populi attendi debere significaret,

cùm omnibus civitatibus opportunum non sit, ut septem diaconi constituantur. Sed enim etiam hanc Iabiani epistolam totam confictam esse, nullum amplius dubium est. Vid. ad eam David Blondellus in *Pseudo Isidoro pag. 286.*

CAPVT VI.

De Ordinatione Diaconorum.

- I. *Ordinatio, qualis actus?* II. *Certum hominum ordinem designat. varii Romanorum ordines.* III. *Qualis in Ecclesiis nostris ordinatio sit actus.* IV. *Χερεσβία & Χερεσβία differentia.* V. *Χερεσβία exactior significatio.* VI. *Ritus inaugurandi solennis.* VII. *Leuitica eximonia abolita.* VIII. *Manus impositio ex Ebreorum schola profecta.* IX. *In Novo Testamento recentia.* X. *Rationes Martini Chemnitii producta.* XI. *Ex lege positiva Apostolorum observanda.* XII. *Ordinatio, legitima & vocationis confirmatio.* XIII. *De Χερεσβία nullum in sacris mandatum.* XIV. *Alia in ordinando presbytero, alia in Diacono.* XV. *Ordinationis preces ac formula.* XVI. *An sit vna ordinatio, quando Χερεσβία & preces à duobus facta?* XVII. *Ordinis materia signaque Sacramentalia diversi apud ipsos Pontificios Doctores.* XVIII. *Eorum conciliatores.* XIX. *Forma huius Sacramenti quanam?* XX. *An in diaconorum ordinatione manus chrismate perungenda?* XXI. *Ritus iste inventum est Ecclesia.* XXII. *Quatenus tolerari possit.* XXIII. *Character indelebilis.* XXIV. *An Diaconatus possit esse temporarius.* XXV. *Exemplum Sebastiani Diaconi.* XXVI. *Baronii distinctio examinata.* XXVII. *Tempus ordinandorum Diaconorum.*

I. **O**rdinatio personæ electæ ad ministerium Ecclesiasticum non est electio, nec est de essentiâ electionis, sed est actus planè disparatus presbyterii erga personam vo-

catam, & supponit non solum testimonium idoneitatis, sed etiam electionem ad officium curatum in Ecclesiâ jam factam, & confert potestatem docendi atque administrandi in

certo loco. Joh. Hulsemann, in *Breviar. cap. 19. n. 3.* Sicigitur distingvi debet ordinatio ab electione. Electio enim atque vocatio ministerium pertinet ad omnes Ecclesiæ ordines. Ordinatio autem fit à presbyterio; quam distinctionem non obscurè probat Gratianus *c. adjici-mus 16. q. 1.* Planè ad exemplum, & secundum institutionem Apostolorum. Multitudo enim discipulorum, quæ tùm præfens erat elegit, diaconos, & Apostoli deinceps illis imposuerunt manus, *Act. 1. 6.* Nec tamen negari debet, etiam ordinantem nomine totius Ecclesiæ agere, etsi actus ille externus presbyterio proprius sit. Episcopus namque una cum presbyterio manus imponens non agit privato arbitrio ac potestate propria, sed nomine, iure, suffragio, autoritate, consensu, approbatione, adeoque etiam conjunctis precibus totius Ecclesiæ, sicque propter *ecclesiæ* executio fit per Episcopum & ministerium, sed ita, ut à totâ Ecclesiâ illa dependeat & fieri intelligatur. Joh. Gerhard. *Loc. de minister. Eccles. num. 154.*

II. Ipsum ordinationis vocabulum certum hominum ordinem designat, in quem per externa signa veluti transfertur ordinatus. Plures enim tales ordines in historiâ Romanâ & potissimum ab antiquis *Ecclis* recensentur. Notissima sunt, nomina ex veteris Romæ usu: Or-

do Senatorius, Ordo equestris, plebejus. Mentio etiam fit ordinis decurionum *l. 15. ad municipal. l. 1. C. de jur. aur. annul. quorum collegium*, interdum absolutè ordo dictus fuit *l. 3. l. 6. §. 1. ff. quod cuiusque univers. nom. l. fin. ff. ad municipal.* & in ordinem allegi nihil aliud est, quam decurionem fieri. Ex quo originem suam habuerunt formulæ loquendi: ordine moveri, ordine interdicti, in ordinem redire, ad ordines reduci. *l. 3. §. 1. d. l. 15. ff. ad municipal.* Etiam publicanorum ordinis mentionem facit Cicero *lib. 13. epist. 9.* & metreticium ordinem fingit Plautus in *Cistellar. act. 1. scen. 1.* Hoc igitur sensu ordo certum hominum statum, collegium, societatem, & consortium denotat. Et quia sic etiam presbyteri & diaconi ac reliqui Ecclesiæ ministri Collegium aliquod sacrum & ordinem certum inter se constituunt, non malè ordinari dicitur, quisquis in sacros istos ordines promovetur. Sic & apud veteres Latinos ordinari dicebatur is, qui ad honorem magistratumve aliquem provehebatur. Utitur ita verbo isto Svetonius in *Vespasiano c. 23.* *Quendam è caris ministris dispensationem cuidam, quasi fratri, petentem cum discessisset, ipsum Candidatum ad se vocavit: exactâque pecuniâ, quantam is cum suffragatore suo pepigerat, sine morâ ordinavit.* Et in *Domitiano cap. 4.* *Auditus est cerè, dum*

ex eo quærit, *ecquid sciret, cur sibi visum esset, ordinatione proxima Ægypto præficere Metiam Rufum.* Hoc igitur sensu etiam in Ecclesiâ ordinari dicitur, qui ad sacros ordines promovetur, *c. 1. 2. 3. dist. 60.* aut officio sacro præficitur *c. nullam 18. q. 2. c. pudenda 24. q. 1.*

III. In significatu tamen hoc Ecclesiastico non nuda tantum promotio, quæ ex electione aut institutione resultat, sed etiam specialis insuper & ab electione separatus actus alius comprehenditur. Imò verò in sensu proprio & usitato, ipse ille actus qui certis solennitatibus absolvitur, seorsim consideratus, hoc nomine venit. In nostris enim Ecclesiis per vocabulum ordinationis significatur actio illa sacra, quâ Episcopus vel Superintendens in Ecclesiâ præsentem plebem, præsentibus etiam & comprecantibus presbyteris & Diaconis imponit præsentato & examinato Candidato ministerii, per verba & manuum impositionem officium docendi verbum DEI & Sacramenta administrandi, ligandi & solvendi, aliaque omnia peragendi, quæ cuique officio propria sunt. Actio ergo ista consistit in consecratione, quod vocabulum ordinationis synonymum, & Canonistis familiare magis est, per quam scilicet transferatur præsentatus è statu seculari in Ecclesiasticum, & uni particulari Ecclesiæ quasi addicitur.

IV. In Gracâ Ecclesiâ circa hoc negotium frequentia admodum fuerunt *χειρονομίας* & *χειροθεσίας* vocabula, quæ tamen ita discernuntur aliqui, ut *χειρονομίας* ad electionem, *χειροθεσίας* verò ad consecrationem vel ordinationem referant. Sed enim etiam *χειρονομίας* vocabulum pro consecratione usurpatum fuisse, ex canone quarto Concilii Nicensi probat Franciscus Florens, Antecessor Aurelianensis, *ad tit. X. de electione*, & post eum Petrus de Marca, *de concord. sacerdot. & Imp. lib. 8. c. 3.* Conf. Jacob. Gretserus *ad Georg. Codini Europalæ, de offic. Constantinop. lib. 3. obs. cap. 13.* Vocabulum *χειρονομίας* δὲ ἐξ ὧν in Ecclesiam translatum, & in Atheniensium Rep. maxime usitatum fuisse notat Christophorus Justellus, *ad Codic. Can. Eccles. univ. pag. 197.* ubi duplicem refert magistratus constituendi rationem apud Athenienses, unam, quæ fiebat per *κλήρον* sive per sortem, & alteram, quæ *χειροθεσία*, id est, porrectione manuum expediebatur. Qui enim ex populo suffragium dabant, manus in sublime porrigebant. Receptum tamen deinceps fuit, ut *χειροθεσίας* vocabulum pro quacunque electione; etiam eâ, quæ sine symbolica tali manus extensione fiebat, imò etiam pro simpliciter & qualicunque sine suffragiis factâ creatione & constitutione aliqujus in certum ordinem & dignitatem,

tem, usurparetur. Vid. Selden. *de Synedr. lib. 1. cap. 14.*

V. Diversam istam *χειροτονία* significationem suo jam tempore notavit Zonaras *ad can. 1. apostol.* cuius verba, uti ea ex MS. Bibliothecæ Regiæ recenset Justellus *d. l.* adscribere hîc videtur operæ precium, sed latine reddita: *Nunc quidem*, (inquit) *χειροτονία* vocatur perfectio precum, sanctique Spiritus invocatio, dum sacerdotio quis initiatur, & consecrationem sortitur ex eo dicta, quod Pontifex extendat manum benedicens homini ad sacra deligendo. Olim, verò ipsum etiam suffragium nominatum est *χειροτονία*. Nam cum populis civitatum licebat eligere sacrorum præfectos, conveniebat ipse populus, & alii quidem hunc, alii verò deligebant illum. Quatenus autem plurium suffragium vinceret, eligentes ferunt solitos extendere manus & per manus ita porrectas numerabantur, qui vel hunc vel illum delegissent, plurium vero suffragiis electum summo sacerdotio præficere. *Χειροτονία* nomen hinc sumptum, quo sic etiam synodorum patres conveniuntur usi, suffragium nominantes *χειροτονία*. Laodicensis nempe synodus in quinto canone dicit: non oportere *χειροτονίας* in audientium præsentia fieri. *Χειροτονίας* autem appellarunt suffragia. In plenâ quidem Pontificis approbatione seu consecratione magis obtinebat consuetudo, ut plures unâ convenirent, sed

in suffragiis ferendis, eò quod electorum Virorum crimina quædam proponerentur, aliquos vetatur adesse & hæc audire. Add. Jacob. Usserii Armachani in Hiberniâ Archiepiscopi not. ad Ignatii Epist. ad Heronem, *Diac.*

VI. Cæterum, quia separatim, prorsus hominum ordinem ab aliquo populo constituere debuérunt Ecclesiæ ministri, quos proinde *ἀποχρίσει* jubet Spiritus S. *Act. XIII.* 2. ut *ἀποχρίσει* iste eo magis in oculos populi incurreret, & persona ipsa solenni aliquo ritu inauguraretur, ceremonias certas adhibere placuit, quæ actum istum insignirent, & magis conspicuum redderent. Observatum hoc fuit in Ecclesiâ Israeliticâ, ubi DEVS ipse præscripserat, quomodo, & quibus ritibus inaugurari & consecrari debuerint Sacerdotes, *Exod. XXXIX. 1. seq.* ut manifestum inde fieret, non privatâ sed divinâ & publicâ auctoritate officium docendæ & regendæ Ecclesiæ illis commissum esse.

VII. Leviticæ istæ ceremoniæ, cum Christi adventu abrogatæ & abolitæ sint, meritò hodiè omittuntur. Tales enim si quis nunc trahere velit ad ordinationem eorum, qui in Christianismo sacris præficiuntur, nisi Judaïsmum velit revocare, & Tabernaculo iterum inservire, proinde nullam partem in Christo habere, debet ex Novo Testamento

& Apostolorum praxi ostendere, locutiones aq̃ue, vestium sacrarum ex præscripto confutarum usum, unctiones olei etiam à Christo & Apostolis fuisse præscriptum, & primos Ecclesiæ ministros hâc ratione ab aliis fuisse separatos. Andr. Riverus ad *Exod. XXIX, v. 4. seq.* Tale autem, quia nihil omninò habetur in Scripturâ Novi Testamenti, & Apostoli exemplo suo simpliciore ordinaudi ritum docuerunt, meritò eum retinuit, & ad hæc usq̃ue tempora, continuavit Ecclesia.

VIII. Ritus iste, quod Diaconos attinet, itidem describitur *Act. VI, 6.* verbis brevissimis, quod Apostoli Diaconis à multitudine electis & in conspectu suo constitutis orantes imposuerint manûs. Hæc manus impositio ex Ebræorum scholâ originem habet, apud quos illa usitatissima fuit, tam in publicis ac solennibus victimarum consecrationibus, quam in precibus ac benedictionibus privatis & publicis, in quibus qui alicui benè precabantur, indicabant hâc ceremoniâ, & designabant personam, cujus gratia Deum orabant. Sic oblati fuerunt Salvatori parvuli, ut manus eis imponeret, & benediceret illis, *Matth. XIX, 13. 15.* Ita Jacob imposuit manum, pueris, quibus benedixit, *Genes. XLVII, 14.* Ita presbyteri orant super ægrotos, *Jacob. V, 14.* Hanc eandem ceremoniam adhibuerunt,

etiam in benedictione personarum, quæ cultui divino consecrabantur, tum Judæi tum Christiani. Judæi hoc faciebant, quia ritum istum ex mandato divino observaverat Moses. Sic enim legitur *Numer. XXVII, 18.* Et dixit Jehova Moyfi, Sume tecum Jehoschuam filium Nunis, Virum in quo est Spiritus meus, & imposito manum tuam illi. Paruit Moses, v. 23. & imponens manûs suas, mandatis instruxit illum, quem admodum edixerat Jehova fieri per Mosen. Atq̃ue hinc *Deut. XXXII, 9.* dicitur: *Erat Jehoschuab filius Nunis plenus Spiritu sapientia, cum imposuisset manûs suas ei.* Vid. Jo. Selden. in *Eutychii orig. Alexand. pag. 23.*

IX. Quapropter cum etiam in Novo Testamento utile visum fuisset, ut qui ad ministerium verbi & Sacramentorum legitime electi erant, publico aliquo testimonio & publicâ testificatione Ecclesiæ sisterentur, & specialiter designarentur, noluerunt Apostoli externum hunc ritum impositionis manuum, qui in illo populo usitatissimus erat, negligere. Et per hoc externum symbolum acceperunt extraordinaria Spiritûs S. dona, quibus Apostoli manûs imposuerunt, *Act. VIII, 17.* Non quod Apostoli impositionem manuum voluerint esse ordinarium & generale medium, sine quo gratia non conferri posset à Deo, quandoquidem multi gratiam acceperunt,

K

sine

sine impositione manuum, ut Antiocheni, *Act. XI, 23*. Et Salvator Apostolis ipsi baptizatis insufflando dedit Spiritum Sanctum, *Job. XX, 22*. Sed quod Apostoli multa habuerint specialia privilegia, reliquis Ecclesiarum ministris non imitanda. Et jam diu est, cum cessarunt in Ecclesia dona ista supernaturalia. In ordinatione tamen ministrorum Ecclesiarum retenta est impositio manuum, ut indicium personarum designata & electa, & ritus additus publicae orationi in ejusdem personae destinatione ad munus Ecclesiasticum.

X. Rationes eleganter congeffit B. Chemnitius, in examine Concilii Tridentini part. 2. cap. 3. quas hic eodem ordine commemorare lubet: Ad hanc actionem, inquit, valde accommodatus fuit ritus impositionis manuum, ut persona illa Ecclesiae publice designaretur & renunciaretur legitime esse electa & vocata. II. ut hoc ritu ille, qui vocatus erat, de legitima & divina sua vocatione confirmaretur, & simul admoneretur, se destinari, ad idci & quasi devoveri ad ministerium & cultum DEI. III. ut esset quasi publica & sollemnis Ecclesiae coram DEO protestatio, in electione & vocatione servatam esse formam & regulam à Spiritu S. prescriptam. IV. Ut illo visibili ritu significetur, DEUM approbare vocationem, quae sit voce Ecclesiae: Sicut enim voce Ecclesiae DEUS ministros eligit: ita etiam testificatione

Ecclesiae vocationem approbat. V. In orationibus, quando super personam aliquam peculiariter invocabatur nomen Domini: adhiberi solebat impositio manuum, quia persona illa quasi offerretur DEO & sisteretur in conspectum ipsius, additis supplicationibus, ut DEUS gratiam & benedictionem suam illi largiri dignaretur. Ut igitur in ordinatione ministrorum considerata muneris illius utilitate & difficultate propositis etiam impedimentis Satanae, mundi, & carnis, significaretur, quam necessaria sit peculiaris gratia, & benedictio divina, atque ita oratio Ecclesiae accenderetur, & juxta Jacobum redderetur actiuosa seu operosa, ideo adhibitus fuit externus ritus impositionis manuum.

XI. Quando jam porro quaeritur, utrum ordinatio talis praecise necessaria sit, ita ut omitti nullo modo queat, nec intelligatur quis esse diaconus aut minister Ecclesiae alius, nisi ordinatus legitime fuerit, respondendo, aliquem ritum separandi Doctores à Laicis esse necessarium, necessitate non medii, sed praeccepti divini, *Act. XIII, 2. Ἀποστολῶν, separante mibi hos ad hoc officium, &c.* Ritum tamen & formam externam variare posse; Ordinatio namque non facit ad vocationis essentiam, sed ad capacitatem ex parte subiecti vocati publice declarandam, ejusque segregationem solennem à negotiis seculi ad munus Ecclesiasticum, nec

nōn commendationem apud DEVM & coram Ecclesiā. Retinendus igitur est ille ritus ex lege positivā Apostolorum, quanquam non sit absolute de essentiā instituendi pastoris. Joh. Hülsemann. *Breviar. Loc. Theol. Cap. 19.* Et magis tamen necessarius ille est, quā est coronatio Imperatoris Romani, aut gestatio ferti à Virgine in festivitàte nuptiali.

XII. Quapropter rectè definivit Bened. Carpzovius, in *Ip. Consistoriali lib. 1. def. 51.* actum ordinationis citra summæ necessitatis casum, omitti non debere, saltem propter scandalum novitatis evitandum & utilitatem, quæ inde ad ministrum Ecclesiæ redundat. Est namque ordinatio talis legitimæ vocationis confirmatio, per quam ministerium Ecclesiasticum vocato seu idoneo ad hanc functionem commendatur, ad quod per preces & impositionem manuum consecratur, de legitimâ vocatione certior redditur, & officii sui publicè in totius Ecclesiæ conspectu solenniter & graviter admoneatur. Licet ergo ordinatio non faciat vocationem, nec ingrediatur essentiam ejus, & legitimè aliquis vocatus esse possit, etiamsi ordinatus adhuc non sit; est tamen ille ritus publica testificatio & confirmatio, ut vocatio præcedens in conspectu Dei & ipsius nomine declaretur esse legitima & divina.

XIII. Fatendum verò est, de im-

positione manuum nullum extare in Scripturis mandatum divinum, nec DEVM promississe, se per hunc ritum daturum gratiam, sicut in baptismo & cenā Domini; nihilominus tamen libera & indifferenti usurpatione ab Apostolis in Ecclesiam is introductus est, non quod ullo modo Dei gratiam vellent alligare ad ritum, de quo nec mandatum habebant, nec promissionem, sed quod ille jam diu usitatus esset apud Judæos, inter quos ipsi versabantur. Chemnit. in *LL. Theol. de Eccles. pag. 137.* Ritum ita ab Apostolis introductum & exemplo confirmatum imitata est Ecclesia sequens, minus errare se posse persuasum habens, si in adiaphoris & ceremoniis aut solennitatibus Apostolos sibi autores constitueret, quos imitaretur.

XIV. Observo tamen etiam hinc varietatem aliquam. Primis enim, diaconis ab omnibus & singulis Apostolis imposita fuerunt manus, *Act. VI, 6.* At in Concilio Carthaginensi IV, quod anno CCCXCVIII habitum volunt, constitutum fuit, ut in ordinatione presbyteri non Episcopus tantum, sed omnes etiam præsentēs presbyteri manus ordinando imponerent, in ordinatione autem Diaconi solus Episcopus. Sic enim se habet canon tertius: *Presbyter cum ordinatur, Episcopo eum benedicente & manum super caput ejus tenente, etiam omnes presbyteri,*

K a

qui

qui praesentes sunt, manus suas juxta manum Episcopi super caput illius teneant. Et canon quartus: Diaconus, cum ordinatur, solus Episcopus, qui eum benedicit, manum super caput illius ponat, quia non ad sacerdotium, sed ad ministerium consecratur. Uterque Canon habetur apud Gratianum, c. presbyter, & c. diaconus dist. 23. Voluerunt ergo Patres Africani Presbyteris etiam in ordinatione aliquam praerogativam largiri, supponendo, sacerdotium majori cum solennitate esse conferendum. Atque id quidem non nego, lege Ecclesiastica constitui posse. Ubi autem lex talis aut consuetudo non extat, tutius erit Apostolorum factum imitari, praesertim, ubi praedicationi verbi & administrationi Sacramentorum adhiberi debet ordinandus.

XV. De precibus & formulis earum, quales esse debeant, in tali ordinationis actu nihil quidem habetur in Scripturis. Poterunt tamen illae facile concipi, si attendatur finis, propter quem Diaconi in Ecclesia constituuntur. In Constitutionibus Apostolicis, quae Clementis Romani nomen praese ferunt, lib. 8. c. 17. & 18. fingitur, Philippum Apostolum certam ejusmodi formulam praescripisse, his verbis: *De ordinatione vero Diaconorum ego Philippus constituo, ut diaconum ordines Episcopo imponendo ei manus presentibus omnibus presbyteris & diaconis, & precando ei dices:*

DEUS omnipotens qui venux es, qui non mentiris, qui dives omnibus qui te invocant in veritate, qui pertimescendum in consiliis, qui sapiens cogitatione, qui validus & magnus: exaudi orationem nostram, & auribus percipe preces nostras Domine & ostende faciem tuam super hunc servum tuum, electum tibi ad ministerium: & imple eum Spiritu S. & virtute, sicut implevisti Stephanum protomartyrem & imitatore passiois Christi tui, & concede ei, ut ministerio sibi commissio ad voluntatem tuam constanter, extra querelam & crimen administrato, majore deinceps gradu dignus habeatur, per mediatorem Christum tuum, eundemque unigenitum filium, cum quo tibi gloria, honor & veneratio nunc & semper, & in saecula saeculorum, Amen. Sed ne de hac vitio laborare constitutiones istas Apostolicas jam supra dixi, quamquam in hac precatione nihil sit, quod reprehendi queat.

XVI. Ex dictis constat, manus impositionem & preces in ordinatione conjunctas fuisse. Contigit vero aliquando in facto, ut Episcopus oculorum vitio laborans, cum ordinare Diaconum vellet, manus suas imponeret ipse, & presbyter adstans benedictionem daret, quare rebatur, an istiusmodi talis Diaconus vere ordinatus dici posset. Res in concilio Hispalensi II, anno DCXIX, can. 5, hoc modo decisa fuit:

Quia-

Quinto iudicio ad agnitionem nostri examinis Agabrensis diaconi relatu deductum est, de quibusdam ipsius Ecclesie Clericis, quorum dum unus ad presbyterium, duo ad Levitarum ministerium sacrarentur, Episcopus eorum oculorum dolore detentus, furtim manum suam super eos tantum posuisse, & presbyter quidam illis contra Ecclesiasticum ordinem benedictionem dedisse: qui licet propter tantam presumptionis audaciam poterit accusatus iudicio presenti damnari, si adhuc in corpore posuit, non fuisset mortis vocatione praeventus: sed quia iam ille examini divino relictus, humano iudicio accusari non potest, hi, qui supersunt, & ab eo non consecrationis titulum, sed ignominia potius elogium percepérunt, ne sibi licentiam talis usurpatio faciat, decrevimus, ut à gradu sacerdotalis vel Levitici ordinis, quem perversè adepti sunt, depositi, e quo iudicio abjiciantur. Tales enim meritis iudicati sunt removendi, quia pravè inventi sunt constituti. Legitur apud Gratianum, c. ex epistola 14. dist. 23. sed sub nomine paleæ & perperam ex epistola Simplicii Papæ. Videri ibi poterit Antonius Contius. Ipsum verò canonem falsè perstringit David Blondellus, apol. de Episc. & presbyt. fest. 3. pag. 170. nec video, quodnam istud tantum tamque enorme sit flagitium, propter quod ita indignantur Patres Hispalenses. Glossa apud Gratianum ad imperfectionem sa-

cramentorum referre videtur, quicquid hic peccatum fuit. Hic habes, inquit, quod duo imperfecta Sacramenta non constituunt unum perfectum. Ergò peccaverunt Episcopus & presbyter in eo, quod scissione sacramentum, quod fingunt, veluti laceraverint. Sed de Sacramentali hanc ordinis ratione altum in veteri Ecclesia est silentium.

XVII In Ecclesia Romanâ multus quidem hanc de re sermo est, & qui ordinem non velit habere pro Sacramento, anathematismo punitur. Nectamen inter Doctores ejus Ecclesie de materiâ & signis Sacramentalibus convenit. In majoribus namque ordinibus duplicia adhiberi volunt signa, quæ materiæ Sacramenti constitutionem, impositionem manuum & traditionem instrumentorum. Quidam igitur eorum volunt, utrumque signum essentiam hujus Sacramenti constituere, ut Bellarminus Cardinalis, lib. 1. de Sacram. ord. cap. 9. alii solam manus impositionem materiæ hujus Sacramenti faciunt, ut Vasquez, in part. 3. diff. 248. c. 4. à n. 43. alii solam instrumentorum traditionem, ut Dominicus Soto, in 4. dist. 24. q. 1. art. 4. ita ut tempore primitivæ Ecclesie, quo nundum scriptus fuerit Evangeliorum liber, Sacramentum hoc propriam materiam nondum habuerit. Diaconatum autem per Evangelii libri traditionem con-

ferri, ex usu ejus Ecclesiæ notum est.

XVIII. Ut aliquo modo in concordiam redigeret diversas has sententias, hoc Epiphonemate concludit Bellarminus, *d. l. Credibile est*, inquit, *Dominum instituisse istas omnes materias ordinum, non quidem in particulari, sed generatim monendo Apostolos, ut ordines conferrent per ceremoniam instrumentalem, quibus significaretur eorum potestas ex Ecclesiæ impositione seu ordinatione.* Ad hæc Bellarmini verba subjungit Paulus Laymannus, *Theol. mor. lib. 5. tit. 9. c. 5. n. 2. Quare nihil refert, quod in primitivâ Ecclesiâ ordinandis Diaconis non fuerit exhibitus liber Evangeliorum aut Missale, uti nunc solet. Potuit enim olim præter manuum impositionem, alia materia exhiberi, per quam & altaris ministerium & alia annexa officii Diaconi significarentur, &c.* Et hoc putat Augustinus Barbosa, *d. jur. Eccles. lib. 2. c. 35. n. 17.* congruentius esse, quàm cum Soto & Henriquez respondere tempore primitivæ Ecclesiæ sine traditione libri Evangeliorum ac proinde absque propriâ & verâ hujus Sacramenti materiâ ipsum Diaconatum tunc ex divinâ dispensatione collatum fuisse, vel etiam cum Vasquio & Ochogaviâ allèrere, eo tempore materiam hujus Sacramenti fuisse tantum manus impositionem, scriptis Evangeliorum libris tunc ipsos ma-

teriam esse incepisse. *Add. Th. Sanchez conf. mor. lib. 7. cap. 1. dub. 12. num. 14.*

XIX. Formam hujus Sacramenti constituunt in verbis, quæ cum materiâ ipsis signis proferuntur. Cum enim ordinandus est Diaconus, ex præscripto his verbis utitur Episcopus: *Accipe potestatem legendi Evangelium in Ecclesiâ DEI, tam pro vivis, quàm pro defunctis in nomine Domini.* Vid. Pontific. Rom. *de ordin. divin. presb. &c. fol. 20.* Quæ verba non tantum ex humanâ institutione sunt, sed etiam haud parum obscura, cum vix intelligi possit, quid sit legere Evangelium pro defunctis. Ut verò Sacramentum formam & essentiam suam accipiat ab hominibus, supra dixi, inauditum esse in Ecclesiâ orthodoxâ. Et quia ita, uti dixi, in determinandâ materiâ variant Doctores, argumento hoc produnt, de totâ Sacramenti hujus substantiâ admodum incertos se esse, cum præsertim nulla ejus ex Scripturâ peti possit cognitio, & in totâ antiquitate nullum omnino ejus vestigium appareat. Et miserum planè est effugium Guilielmi Esthii, quando in *dist. 24. 2.* ejus rei hanc rationem recedit, quod caverint Christiani vereres, ne tam sanctæ religionis nostræ mysteria in profani vulgi, præsertim infidelium notiâ, & per hoc in contemptum venirent. Nec enim taceri potuerunt, quæ toties exer-

exercebantur, sacræ ordinationes, nec ratio apparet, cur silentio magis obvolvi debuerint ordinationis, quam baptismi & SS. Eucharistiæ solennitates & ritus, qui à primis Ecclesiæ temporibus evulgati fuerunt. Vid. And. Rivetus in *Cathol. Orthodox. tr. 3. q. 14.*

XX. Disquisitum aliquando etiam hoc fuit, utrum diaconis perinde ut presbyteris debeant, cum ordinantur, manus chrismatis liqore perungi? Consultus eâ de re fuit Nicolaus I Papa à Rudolpho Archiepiscopo Bituricensi apud Gratianum *c. præterea dist. 23.* Ubi notat glossa, chrismatis vocabulum hoc loco oleum denotare. Sic enim obtinuit in Ecclesiâ Romanâ, ut Episcopus chrismate, sacerdos oleo benedicto, Episcopus in capite & manibus, Sacerdos in brachio solum, humero vel armo inungatur, in reliquis vero ordinibus conferendis, unctionis hic ritus planè non adhibeatur. Verùm chrismatis vocabulum propriè accipi hîc debere, quatenus denotat oleum balsamo mixtum, ex ipso contextu patet. Dicit enim Pontifex, de neutris agi in Ecclesiâ Romanâ, h. e. neque presbyterum neque diaconum chrismate inungi, neque legi usurpatum id à novæ legis ministris. Sequendum autem exemplum Ecclesiæ Romanæ ex Innocentii I epistola, quæ est ad Decentium Eugubinum episcopum, pro-

ponit. Si de oleo intelligendum esset vocabulum chrismatis, falsò diceret Pontifex, de neutro agi in Ecclesiâ Romanâ, cum utique presbyter oleo inungatur.

XXI. Sed enim non opus est, ut huic ritui exponendo prolixè inhareamus, quandoquidem iste neque ab autore totius ministerii Christo, neque ab Apostolis institutus legitur. Quæ enim ex adverso Dionysii, Cypriani, & aliorum adducuntur verba, quia scripta ista, ex quibus desumuntur, genuina non sunt, nullam vim probandi habent. Ingenuè fatetur Innocentius IV, Pontifex, in *comment. ad c. 3. X. de sacram. internd.* ritus istos omnes, quæ præter orationem & impositionem manuum adhibentur, non ab Apostolis introductos, sed Ecclesiæ inventum esse. *De ritu Apostolico*, inquit, *invenitur in Epistola ad Titum, aliàs Timotheum, quod manus imponebat ordinandis, & quod orationem fundebat super eos, aliam autem formam non invenimus ab eis servatam. Unde credimus, quod nisi essent forma postea inventa, sufficeret ordinatori dicere: Sis sacerdos, vel alia æquipollentia verba; sed subsequenter temporibus formas, quæ servantur, Ecclesia ordinavit, &c.* Ritus igitur unctionis non ab Apostolis, ut Pseudo Dionysius voluit, sed ab Ecclesiâ sequiore superadditus fuit. Ex quo in ipso etiam Concilio Tridentino disceptatum refert Petrus

Petrus Svavis in *hist. Concil. Trid. lib. 7.* utrum unctio ita necessaria sit in actu ordinationis, ut omitti nullâ ratione queat, & utrum ad substantiam ordinationis pertineat. Distinctionem utique inter ritus veteris & novi Testamenti hic facit S. Ephrem Diaconus Edeffenus, qui seculo quarto claruit, dum de Sacerdotio *tom. 1. pag. 2.* ita ait: *Populus, qui ante nos erat, cornu olei ferens ad sacerdotium promovebatur: nos verò servi inutiles DEI benedicti non cornu, non oleum sensibile sumimus; sed ipse qui est brachium excelsum atque tremendum, ex cælo descendens suum nobis per impositionem manuum donat spiritum, &c.*

XXII. Posset enim verò ritus iste non prorsus rejici, sed tolerari, ubi receptus est, nisi 1. conjunctam haberet opinionem istam necessitatis, 2. ad sacramentales ceremonias ut medium spiritualis & invisibilis unctiois referretur, & 3. characteris impressi inde deduceretur effectus. Nec enim probari debent, quæ apud eundem Innocentium mox sequuntur verba: *Et sunt tanta necessitas dictæ formæ, ut si iis non servatis aliquis fuerit ordinatus, supplendum sit, quod omissum est, & si formæ servantur, character infigitur animæ, id est, figura intellectualis & indeficibilis ostendens ordinem collatum ipsi consecrato. Nec mireris si per institutionem Ecclesiæ infigitur character in animâ,*

cum anima sint de jurisdictione Papæ & spiritualium patrum, unde super eis constitutiones suas facere potest, dummodo non sint contraria constitutionibus DEI, &c. Subdubitat ipse Pontifex de verâ characteris causâ, cum forma ab Ecclesiâ introducta non sit ex instituto divino, quomodo per eam character animæ imprimi queat, utque dubium istud solvat, ad jurisdictionem Papæ recurrit, quam in animabus fundatam ait, ut in illas statuere pro lubitu quid possit, utque illæ recipere teneantur, quicquid is ex cerebro suo fingit & comminiscitur.

XXIII. Scilicet characterem definiunt esse absolutam qualitatem soli animæ in hærentem, facientem hominem aptum ad cultum divinum, configurantem eum Christo, & distinguentem Sacerdotem à Laico. ita ut dum minister Ecclesiæ per ordinationem ponitur in certo statu, imprimatur à Deo immediate signum aliquod spirituale in animâ suscipientis ordinem, quo cognoscatur suscipiens esse in tali statu. Et hunc characterem dicunt esse indelebilem, ut ordinatio perinde ut baptismus iterari deinceps nequeat. At verò characterem hunc neque in Sacra Scripturâ fundatum, nec in vetustis Patrum Scriptis ejus mentionem fieri, nec in ratione necessario concludente radicari dudum agnovit non infimæ notæ Theologus Schola-

Scholasticus Gabriel Biel, cujus verba in compendium redegit Martinus Chemnitius, in *Exam. Concil. Trid. part. 2. p. m. 221.* Conf. Johan. Hülsemann, in *manual. A. C. adversus Hagerum disp. 12. q. 3.* Et quod propter indelebitatem characteris iterari non possit nec debeat Ordinatio, vereor ne assertio hæc exemplis contrariis evertatur. Sanè repetita videtur ordinatio in Paulo & Barnaba, jam ante ordinatis, *Act. XIII, 3.* quod eruditè probat idem Hülsemannus, de *ministro ordinat. Sa cerdot. §. 11. & 12.* Quod autem non repetatur ordinatio semel legitima peracta, non facit indelebitas impressi characteris fictitia, sed irrevocabilitas datæ fidei ab ordinato, quod velit in ministerio Ecclesiastico vitam suam consumere, & quod deficiat causa, propter quam collatio potestatis semel factæ iterari debeat. Id. Hülsemann. in *breviar. cap. 19. supplem. n. 7.*

XXIV. Caterùm memini me legisse apud Hadrianum Saraviam de diversis gradibus ministrorum Evangelii, *cap. 7. adversus Theodorum Bezam* his verbis commentantem: *Diaconiam restitutam cupio, qualis fuit instituta temporibus Apostolorum, & postea in Ecclesiâ, sicut ab eis fuerat tradita, usu fuit confirmata, quæ temporarios annuosque nusquam legitur habuisse diaconos, sicut nec presbyteros, &c.* Suspendium me tenuerunt

verba ista, quod putarem, distinguendos esse fines instituti diaconatus. Si enim pauperum tantum & ærarii Ecclesiastici cura Diacono committatur, quid obstat, quo minus temporaria possit esse istiusmodi functio, cum quæ fiscum concernunt officia non malè à quibusdam Rerum publicarum formatoribus jubeantur esse temporaria & ambulatoria. At si idèo constituantur Diaconi, ut presbyteris circa ministerium verbi & Sacramentorum auxilium præstent operam, rectius hoc eorum munus perpetuum statuatur, quamdiu scilicet vocatione suâ dignos se exhibent.

XXV. Invenio tamen in historiâ seculi sexti Ecclesiastica exemplum, quo à Vigilio Papâ Sebastianus Diaconus, qui postea Schismatis causam fovit, ad tempus constitutus legitur: Sic enim ipse refert Vigilius, in *Epistolâ Censoria ad Rusticum & dictum, Sebastianum*, quæ extat tom 2. *Concil. p. m. 578.* *Absentibus filiis nostris diaconis Anatolio atq; Stephano à nobis postulasti, ut ad tempus pro implendo officio absentium loco diaconum te interim faceremus. Quod idèo tibi ad præsens speranti concessimus, quia ante ordinationem tuam cautionem nobis propriâ voluntate legeris emisisse, quam & testibus roborasti & talis Evangelii juramentum corporaliter præstitisti, ut quicquid tibi à nobis pro Ecclesiasticâ utilitate fuisset injunctum, fide-*

L iter

liter & sine aliquâ fraude compleres: officium verò locumque diaconi sine aliquo vitio, sine aliquâ superbiâ, sine aliquo neglectu, donec reverterentur diaconi memorati, aut quanto te tempore in Levitarum voluiffemus ordinatione ministrare, cum omni humilitate & studio sine neglectu modis omnibus impleturum. — Tunc ergò ad præfens factus es sub eâ, quam sperabas, & pollicitus fueras, conditione diaconus. — Ideoque quod à nobis cum gemitu, sed cum B. Petri autoritate dicendum est, pro suprascriptis excessibus alicnos vos à diaconi esse honore decernimus, & omni ministerio officii Levitici prædictum honorem vobis auferentes penitus submovemus, &c.

XXVI. Putat quidem Baronius Cardinalis, ad annum 550. num. 24. verba ista non innuere diaconatum temporarium, sed exercitium tantum actus ministerialis: *Hec*, inquit, cum Vigilius ingrat in Sebastianum ad tempus creatum Diaconum, non accipias quoad ordinem, sed potius, quoad ministerium, ut qui diaconus jam esset, ministrare loco diaconi Cardinalis permetteretur. Sed enim, ut rectè observat Marcus Ant. de Dominis, de Rep. Eccles. lib. 2. cap. 4. n. 47. explicationem istam non ferunt verba Vigili: Postulaverat Sebastianus, ut Vigilius ad tempus se faceret diaconum, donec absentes, quorum vices supplebat redirent, & ait Pontifex, factum tunc

illum ad præfens sub conditione, prædictâ diaconum. At facere diaconum ad præfens & sub conditione, non est, diacono jam ante facto ministerium aliquod committere. Illud substantiam actûs denotat, hoc actus exercitium. Et per consequens non fuit absurdum visum Vigilio, Diaconum aliquem ad certum tempus aut sub conditione, fieri.

XXVII. De tempore, quo ordinari debeat Diaconus, curiosè agunt Canonistæ ad Gratianum, *dist. 75. & ad tit. Decretal. de temp. ordinat.* Eorumque doctrina communis hæc est, quod tantum tempora jejuniorum, id est, quadragesimæ & quatuor temporum, ei rei apta sint. Damnaturque quæ in Scotiâ & Valliâ invaluerat, consuetudo contraria *c. 2. X. de temp. ordin.* Cujus instituti nulla alia reddi ratio potest, quàm, quod Apostoli jejunantes imposuerint manus, *Actor. XIII, 3.* Cumque deinceps statâ & solennia quotannis haberentur jejunia, in illis potius, quàm alio tempore conferre ordines voluerunt. Apud Græcos, verò ex consuetudine quolibet die sacri ordines conferri solebant, ut patet ex antiqâ decretali apud Anton. Augustin. *c. 1. de temp. ordin. in compil. 2.* Nec audet tamen illic Pontifex hanc Græcorum consuetudinem improbare. Certè, quæ apud Latinos posita est, *Lex Ecclesiastica, super-*

superfitione non caret, cum nec careant ea jejunia solennia, quæ propterea eruditè perstringit Johannes Dallæus, lib. de jejun. & quadrag. Videntur tamen non omnes Græci diversam secuti sententiam, sed ali-

qui etiam cum Latinis fecisse, uti colligi potest ex Theodori Balsamonis respons. ad Marci Patriarchæ Alexandrini interrog. 56. in jure Græco-Rom. à Leunclavio edito, p. 389.

CAPVT VII.

De ætate, quæ quis Diaconatui aptus habeatur.

- I. *Ætatis maturitas, iudicii subactioris presumptio.* II. *Parti ætatis cuius, sua tempestivitas. Minorum in foro favor.* III. *Senator xxx annorum apud Athenienses, Romanos.* IV. *Ætas Diaconi de sententia Siricii Papa.* V. *Ante xxv ætatis annum neque Diaconus, neque virgo ordinetur.* VI. *Siricii sententia probatur ex epistola Zosimi Papa; cuius fragmentum è matrice suppletum & illustratum.* VII. *Paraphrasis verborum Siricii è Goffredo de Trano.* VIII. *Testimonium Concilii Agathensis. Conversi. Conversare.* IX. *Item Concilii Arelatensis III.* X. *Toletani II.* XI. *Novella Justinianea CXXIII.* XII. *Idem repetierunt Patres Concilii Toletani IV.* XIII. *Et Quinisexti in Trullo habiti.* XIV. *Alexandri III, Pontificis decretum de xxx annis.* XV. *Ejusdem de Laicis directoribus removendis & pueris retinendis constitutio.* XVI. *Personatus, qualem sit in Ecclesia officium.* XVII. *Adolescentes ad ministerium admissi vel propter divinas animi dotes, XVIII. vel propter necessitatem.* XIX. *Testimonium Aurelii Episcopi.* XX. *Sed quæ necessitatis sunt in exemplum trahi minime debent.* XXI. *Bernhardi de pueris sententia, XXII. Explicatur.* XXIII. *Honorii III Pontificis censura super diaconatu puerorum.* XXIV. *Praxis hinc canonibus contraria, fere obtinuit.* XXV. *Clementis IV decretalis de laxiori Diaconatus ætate, XXVI. quæ pristina constitutiones fuerunt immutata.* XXVII. *maxime cum dispensatio Pontificis accederet.* XXVIII. *Major in Scholis, quam Ecclesiis rigor canones observandi.*

I. **R**ECIſſimè Alexander III, Pontifex *c. cum in cunctis 7. X. de elect.* in cunctis facris ordinibus & Ecclesiasticis ministeriis atatis maturitatem, gravitatem, morum & literarum scientiam inquirendam esse docet. Præmittit ætatis maturitatem, quia ea præſumptionem facit, iudicii benè subacti, & ingenii jam fixi atque consideratè omnia agentis. Unde & Gregorius M. Adeodatum primatem provincie Numidie Episcopum *lib. 2. epist. 48.* monet: *Estate ergo præcipuè in ordinatione solliciti: & ad sacros ordines adſpirare nisi provectiores atate & mundos opere nullatenus permittatis, ne forte semper esse desinant, quod immaturè esse festinant. Eorum enim qui in sacro sunt ordine collocandi, prius vitam moresque discutite, & ut dignos huic officio adhibere possitis, non vobis potentia aut supplicatio quarumlibet surrepat personarum, &c.* Locus extat apud Gratianum, paucis omisſis, *c. estote 1. q. 1.*

II. Scilicet cursus est certus atatis & una via nature eaque simplex: sua cuique parti ætatis tempestivitas est data. Ut & infirmitas puerorum est, & ferocitas juvenum & gravitas jam constantis ætatis: sic senectutis maturitas naturale quiddam habet, quod suo tempore percipi debeat. Cicero in *Cat. maj.* Atque inde quotidianæ nobis de minoribus, tum in scholis, tum in foro, nascuntur con-

troverſiæ, plurimumque semper discipatur, utrum valeat negocium, quod ab eo gestum est, cui non satis firma est ætas. Uti enim lubrica est ista ætas atque hinc fragile & infirmum ejus consilium *l. 1. ff. de minor.* ita Romana Jurisprudentia admodum facilis est in rescindendis illis, quæ eâ ætate gesta sunt, adeò, ut, quamquam indultum se, & prudentem, atque in administratione rerum suarum valdè circumſpectum ostendet minor, si tamen læsus fuerit, adhuc jura ei subveniant, *l. 1. C. qui & adv. quos in int. rest. non poss.* Neque enim prudentia in minore tanta esse unquam potest, quin in eâ ætate semper resideat aliquid, atque adeò plurimum incitiæ propter experientiam rerum deficientem. Et ut rectè adſunt cætera, tamen ei ætati, quamvis prudentissimæ, semper adjuncta est facilitas & lenitas quædam, quâ fit, ut alienis consiliis aut blanditiis persuasi, aut suâ ipsorum libidine incitati minores faciliè huc illuc impellantur, & quæ alioqui utilia sciebant, contemnant & concedât aliis. Hugo Donell. *comm. l. 21. c. 10.*

III. Quæ cum ita sint, nō malè & in ſeculari & in Ecclesiastico regimine certi ætatis anni præſcripti fuerunt, quibz quis adhiberi illi poſſet. Apud Athenienſes minorem annis triginta Senatorem fieri non potuiſſe Critias apud Xenophontē *1. memorab.* refert, ubi monet Socratē, ne diſſerat ad eos qui

qui nondum prudentiam sunt consecuti, minores triginta annis, quibus nec Senatoribus fieri liceat. Idem apud Romanos obtinuit: *Cautum est, Domine*, scribit Plinius ad Trajanum lib. 10. epist. 83. *Pompeja lege, quæ Bithynis data est, ne quis capiat Magistratum, neve sit in Senatu minor annorum triginta.* Sed hæc ad provincias & propriè ad Bithyniam spectavit Lex. Alibi enim & in ipsâ Urbe Româ circa ætatem Senatoriam aliter servatum fuit. Vid. Lips. in Tacit. lib. 3. annal. Solon juvenes noluit in Senatum recipere, *ei ἡγήσασθαι δὲ οὐκ ἐν γυναικας ἔχουσιν*, etiamsi quid salis habere visi sint, Lycurgi instituto servato, qui è Senioribus Senatum, Græcis ob id *γερουσία* dictum, conscripsit. Plato autem nimis longè terminum posuit, qui ante quinquagesimum annum non admisit Senatorem.

IV. Non minor & quandoque longè major prudentia requiritur in administratore sacrorum, ut propterea non nisi ætate maturo conferri dignitates Ecclesiasticæ debeant. Et si enim in Scripturâ sacrâ nihil omnino definitum reperiatur, qvoto anno ministerio Ecclesiastico adhiberi quis debeat, sollicita tamen, semper deinceps fuit Ecclesia, & certâ determinatione cavere voluit, ne ex crudâ nimis ministrorum ætate dedecus & opprobrium aliquod resulteret. Primum, qvod hæc de re a-

pud Gratianum c. 3. dist. 77. occurrit, testimonium est Syricii Pontificis, qui circa annum CCCXC hanc ad Humerium Tarraconensem Episcopum epist. 1. c. 9. edidit decretalem: *Quicumque se voverit obsequiis Ecclesia a suâ infantia, ante pubertatis annos baptizari, & delectorum debet ministerio sociari: qui ab accessu adolescentiæ usque ad trigesimum* (ita legitur in vetustis exemplaribus, recentiora substituunt, *vigesimum*) *sua ætatis annum, si probabiliter vixerit, unâ tantum & ea quam virginem benedictione communi per Sacerdotem percipit, Uxore contentus, acolytus & subdiaconus esse debet: posteaque ad diaconii gradum, si se ipse primitus continentia præeunte dignum probaverit, accedat: ut si infra quinque annos laudabiliter ministraverit, congruè presbyterium consequatur: exinde post decennium Episcopalem cathedram poterit adipisci.* -- *Qui vero jam ætate grandævus melioris propositi conversatione provocatus, ex laico ad sacram militiam pervenire festinat, desiderii sui fructum non aliter obtinebit, nisi eo, qvo baptizetur, tempore statim Lectorum aut Exorcistarum numero societur, si tamen cum unam habuisse vel habere & hanc virginem accepisse constet Uxorem, qui tunc initiatum fuerit, expleto biennio per quinquennium aliud acolythus & subdiaconus fiat, & sic ad diaconatum (si per hæc tempora dignus judica-*

tus fuerit) provebatur: exinde jam accessu temporum presbyterio vel Episcopatu (si eum plebis aut Cleri evocaverit electio) non immeritò societur. Secundum hanc Syrii sententiam post trigessimum demum ætatis annum ad diaconatum quis promoveri potuit, si quidem vetustiores, quos dixi, Codices sequendi fuerint.

V. Secutum mox est, anno CCCXCVII, Concilium Carthaginense III, in quo *canone 4.* hoc modo constitutum legitur: *Item placuit, ut ante viginti quinque annos ætatis nec diaconi ordinentur, nec virgines conferrentur, & ut Lectores populum non saluent.* Ita leguntur verba apud Gratianum *dist. 77. cap. 5.* juxta quæ intra paucorum annorum spacium valdè relaxata fuit regula Syrii modo memorata. Aut certe dicendum, apud Africanos non fuisse receptam constitutionem Ecclesiæ Romanæ: aut vulgata apud Gratianum lectio in Syrii epistolâ, quæ viginti annos refert, probanda erit. In vetustis tamen quibusdam codicibus haud paulo aliter & hoc ordine legi dictum canonem Carthaginensem refert Severinus Binius: *Item placuit, ut Lectores populum non saluent, & ut ante viginti quinque annos nec Clerici ordinentur, nisi primum divina scriptis instructi vel ab infantia eruditi propter fidei professionem vel assertionem.* Indiffe-

renter de Clericis agit, si ita legatur, canon, nisi vocabulum Clerici, quod fieri quandoque solet, ad diaconos restringatur.

VI. Ut in Syrii epistolâ supra relatâ vulgatam probem de viginti annis lectionem, facit etiam Zosimi in sede Romanâ successoris epistola, quam ad Hefychium Episcopum Salonitanum scripsit anno CCCXVII. Ejus fragmentum, quod huc pertinet, recenset Gratianus *d. dist. 77. c. 2.* Sed concisè nimis & sensu obscuro. Supplebo id ex ipsâ matrice: *Hæc autem in singulis gradibus observanda sunt tempora. Si ab infantia Ecclesiasticis ministeriis nomen dederit, inter Lectores usque ad vicesimum ætatis annum continuata observatione perduret. Si major jam & grandævus accesserit, ita tamè ut post baptismum statim se divina militiâ desideret mancipari, sive inter Lectores, sive inter exorcistas quinquennio teneatur: exinde acolytus vel subdiaconus quatuor (quatuordecim legitur in plerisque codicibus Gratiani, sed perperam uti videtur) annis: & sic ad benedictionem diaconatus, si meretur, accedat, in quo ordine quinque annis, si inculpatè se gesserit, habere debet. Exinde suffragantibus stipendiis per tot gradus datis proprii fidei documentis presbyterii sacerdotium poterit promereri, &c.* Videtur Zosimus antecessoris sui Syrii decretalem repetiisse & ejus sententiam confirmasse. Et verisimile adeò est

est utrumque Pontificem cum Patri-
bus Africanis circa id tempus cen-
suisse, annum ætatis vigesimum
quintum personam cæteris paribus
facere idoneam, quæ ad diacona-
tum promoveatur. Obiter noto,
multum fluctuare glossam, *in c. qui-
cunque dist. 77.* dum explicare inten-
dit, quis ibi dicatur grandævus. Ego
non puto certum ætatis annum per
istud vocabulum designari, sed dici
ibi grandævum, quisquis provectio-
ris ætatis fuerit, ita ut & conjugio
habilis per aliquot annos extiterit.

VII. Syrici verba ita *παρὰ Ορ-
γᾶ* Goffredus de Trano antiquus ju-
ris Canonici interpretes *ad tit. de ætat.
& qual. præfic. n. 1.* Ant quis ab infan-
tia traditur militiæ Clericali, aut est
grandævus, qui postulatur ordinari. In
primo casu à septimo anno usque ad
duodecimum potest recipere omnes mi-
niores usque ad acolythatum; post dua-
decimum annum quandocumque, recipiet
acolythatum, in vigesimo anno vel vi-
gesimo primo recipiat subdiaconatum,
ut vigesimo sexto anno diaconatum, in
trigesimo primo presbyteratum. — In
secundo casu scilicet cum grandævus
postulatur ordinari, potest recipere or-
dines hoc modo: In primis duobus annis,
postquam clericus fuerit, recipiet o-
mnes minores, in reliquis quinque o-
mnes majores, &c. Circa grandæ-
vum tamen alia videtur fuisse sen-
tentia Zosimi, quippe qui talem per
integrum quinquennium inter exor-

cistas & Lectores, & per aliud qua-
driennium inter acolythos vel sub-
diaconos versari voluit, antequam
ad ultiores gradus provehatur.
Sufficit nobis observasse, per ista
tempora ad diaconatum neminem
promotum fuisse, nisi vigesimum
quintum ætatis annum absolvisset.

VIII. Ineunte seculo sexto, anno
scil. DVI, habitum fuit Concilium
Agathense in Galliâ Narbonensi. E-
jus concilii canon decimus sextus ap-
ud Gratianum, *d. dist. 77. c. 6.* ita se
habet: *Episcopus benedictionem dia-
conatus minoribus viginti quinque, an-
norum penitus non committat. Sanè si
conjugati juvenes se consenserint ordi-
nari: etiam Uxorum voluntas ita re-
quirenda est, ut sequestrato mansionis
cubiculo, religione promissa, postea-
quam pariter conversi fuerint, ordi-
nentur, &c.* De Uxorum voluntate
& sequestrato cubiculo, quod hic di-
citur, infra plenius discutietur, quan-
do de conjugio diaconorum sermo
nobis erit. Conversi autem dice-
bantur aliquando; qui monasticam
vitam profiteri incipiebant. Conver-
sare enim usurpabatur pro mona-
chum fieri. Aliquando ita vocaban-
tur illi, qui mutato seculari habitu
& assumpto regulari, quamvis di-
stincto à cæterorum religiosorum
habitu, alicui Ecclesiæ vel religioni
se devoverunt, emisso voto simplici
saltem continentiæ, interdum etiam
obedientiæ & paupertatis. P. Lay-
mann.

mann. *Theol. mor. l. 1. tr. 5. p. 2. c. 5. n. 4.* Breviter: qui ex statu seculari per votum continentiae, quod jam eo tempore invalescebat, in Ecclesiasticum translatus est. Sic enim de Theudario refert Gregorius Turorensis, *lib. 9. c. 33.* quod ex Referendario Sygiberti Regis conversus presbyterum honorem acceperit. Vid. *Dd. ad rubric. X. de conversione conjugator.* Ex allegato autem canone Agathensi liquet, adhuc vigesimum quintum aetatis annum diaconatum aptum habitum fuisse.

IX. Cum verò his canonibus non attentis saepissime adolescentes in diaconatus officium irreperent, antequam justum & canonicum aetatis terminum attingissent, indignè id ferentes Episcopi in Arelateni civitate principaliter quidem ad dedicationem basilicæ S. Mariæ congregati, anno DXXIV pristinas Ecclesiæ constitutiones renovarunt, & in concilio hoc suo, quod Arelatense III dicitur, *cap. 1.* hunc in modum canonem ediderunt: *Quia in ordinandis Clericis antiquorum patrum statuta non ad integrum, sicut expedit, observata esse cognoscantur, ne sortè quorumcunque importunis & inordinatis precibus sacerdotes Domini fatigantur, & ea quæ toties sunt præcepta, transgredi compellantur: hoc inter se observandum esse definiunt, (Notetur modesta definiendi ratio Episcoporum per modum pacti conventi se*

invicem obligantium, non per modum præcepti statuentium, quemadmodum etiam *cap. sequenti 2.* profitentur: *hoc inter nos sine præjudicio duntaxat canonum convenit constituere antiquorum, &c.* Provinciale enim tantum fuit concilium à quatuordecim Episcopis celebratum) ut nullus Episcoporum diaconum, antequam viginti quinque annos impleat, ordinare præsumat: episcopatus verò vel presbyterii honorem nullus Laicus ante præmissam anni conversionem, vel ante triginta annos aetatis accipiat.

X. Quod ita seculo hoc sexto in Galliâ Narbonensi constitutum fuit, id etiam in Hispaniâ, anno DXXXI, in Concilio Toletano II decretum invenitur. Capituli primi, quod huc facit verba leguntur apud Gratianum *c. 6. dist. 28.* hoc ordine: *De his quos voluntas parentum à primis infantia annis clericatus officio mancipaverit, id statuimus observandum, ut mox de tonsuræ vel ministerio Lectorum traditi in domo Ecclesiæ sub Episcopali præsentia à præposito sibi debeant erudiri. At ubi octavum decimum aetatis suæ compleverint annum, coram totius Cleri plebisq; conspectu voluntas eorum de expetendo conjugio ab Episcopo perscrutetur: quibus si gratia castitatis DEO inspirante placuerit, & promissionem castimonie suæ absque conjugali necessitate sese sponponderint servaturos, hi tanquam appetitores arctissimi*

ma via levissimo domini jugo subdantur, ac primum subdiaconi ministerium habita probatione professionis suae à vicesimo anno suscipiant. Quod si inculpabiliter ac inoffensè vigesimum & quintum annum peregerint, ad diaconi officium si adimplere id posse ab Episcopo probantur, promoveri debent, &c.

XI. Quæ adduximus hætenus, occidentalis Ecclesiae testimonia sunt, ejusque praxin & usum abunde ostendunt. De abusibus enim, qui per malitiam hominum sæpiusculè salutaria instituta pervertèrunt, solliciti nunc non sumus, cum id tantum nobis curæ sit, quod licitum fuit, quodque bonis moribus non fuit adversum. Eosdem verò ætatis annos etiam in orientali Ecclesiâ in Candidato diaconatus requisitos fuisse, fidem facit celebris illa Justiniani Imperatoris *Novella 123*, quæ compendii juris Canonici dici merito potest. Scripta est ea anno DXLI ad Petrum Præfectum Prætorio Orientis, sive, uti *novellæ 119. & 120.* vocatur, orientalium prætoriorum præfectum. Et in eâ caput decimum tertium ita se habet: *Presbyterum minorem triginta quinq; annorum fieri non permittimus. Sed neq; diaconum aut subdiaconum minorem viginti quinq; neq; minorem Lectorem decem & octo annorum.* Apud Gratianum c. 2. dist. 78. aliis verbis & præceptivis magis, sed sub palæ nomine

prostat: *Nemo presbyter consecratur, qui minor 30. annis sit. Nemo diaconus vel subdiaconus fiat, qui minor viginti quinq; annis sit. Nemo Lectoribus connumeretur, qui minor octo decim annis fuerit.* Cur palæ nomen adscriptum fuerit, vix alia dari poterit ratio, quàm quod ista talis materia ad potestatem *τοποθετικὴν* Imperatoris nequaquam pertinere visa fuerit Canonistis recentioribus. Quæ de re diximus alibi.

XII. Ut maximè verò tùm per canones & statuta Conciliorum, tùm per constitutiones Imperatorias perpetua fuerit hæc lex posita, minorem viginti quinq; annis ad diaconatus officium promoveri non debere, reperti tamen fuerunt identidem, qui insuper habitis istis omnibus, nec expectatâ justâ ætate & promoveri anxio desiderârunt, & promoveri tales haud veriti fuerunt. Graviter eâ de re conqueruntur Patres in Concilio Toletano IV, anno DC XXXIII, nec tamen aliud excogitare potuerunt remedium, nisi ut canones jam antea factos repeterent, & iteratâ editione renovarent. In veteri lege, ajunt, ab anno vigesimo quinto *Levita* tabernaculo servire jubentur: cujus auctoritatem in canonicis & sancti patres secuti sunt: nos & divina legi & præceptorum canonum immemores & infantes & pueros *Levitas* facimus ante legitimam ætatem, ante experientiam vitam, ideoque

ne ulterius fiat à nobis, & divinâ lege & canonicis admonemur sententiis, ut à vigesimo quinto anno suæ ætatis Levitæ consecrentur, & à trigésimo presbyteri ordinentur. Extat apud Gratianum dist. 77. c. 7.

XIII. Idem repetitum fuit anno DC XCII, in Synodo Constantinopolitanâ in Trullo habitâ, quæ Quinisexta aliàs dici solet, ubi can. 14. ita statutum legitur: *Sanctorum divinatorum, patrum nostrorum canon in his quoque valeat, ut presbyter ante triginta annos non ordinetur, etiamsi sit homo valde dignus, sed reservetur. Dominus enim Jesus Christus tricesimo anno baptizatus est, & cepit docere. Similiter nec diaconus ante viginti quing. annos nec diaconissa ante quadraginta annos ordinetur.* Et sic uno & perpetuo consensu Ecclesia orientalis & occidentalis noluit, quenquam promoveri ad officium diaconatus, nisi qui annum ætatis vigesimum quintum superesset. Post hoc enim tempus compleri virilem vigorem constat l. 1. §. 2. ff. de minor. conquescente scilicet illâ humorum ac corporis perpetuâ agitatione ac perturbatione, cui adolescentes obnoxii sunt. Et insubidum proinde visum fuit, curam animarum committere illis, qui ipsi curatorum auxilio regerentur, d. l. 1. §. 3. quique nondum ad consistentem ætatem venissent.

XIV. Pleraque hæc antiquitatis

testimonia hætenus à nobis adducta cum recensuisset Gratianus dist. 77. & 78. sic tandem ipse commentatur: *Hoc regulare est: Unde & Christus & Johannes Baptista & Ezechiel & nonnulli Prophetarum non leguntur ante hoc tempus prophetaisse vel predicasse. Verum quia Hieremias & Daniel ante juvenilem ætatem Spiritum prophetiæ accepisse leguntur: David quoque & Salomon in adolescentiâ sancti inveniuntur: & Johannes Evangelista, cum adhuc esset adolescens à domino in Apostolum electus & cum aliis ad predicandum missus afferitur: Ecclesia similiter necessitate exigente nonnullos ante triginta annos ordinare consuevit.* Videtur Gratianus sui sæculi moribus nonnihil blandiri, ne prorsus improbare diceretur, quod magnis & illustribus exemplis comprobatum hætenus fuerat. Scripsit autem ille & compilationem suam edidit circa annum MCL. At mox circa annum MCLXXX Alexander III Pontifex, id, quod regulare dixit Gratianus, observari voluit, & ne aliquod ex casu necessitatis exemplum trahatur, speciali in eam rem decretali prohibuit. Extat ea in c. 7. extra de elect. his verbis: *Cum in cunctis sacris ordinibus & Ecclesiasticis ministeriis, sint ætatis maturitas, gravitas morum & literarum scientia inquirenda, multo fortius in Episcopo hæc oportet inquiri, qui ad curam aliorum positus in se ipso debet ostendere,*

re,

re, qualiter alios in domo DEI oporteat conversari. Expropter ne quod de quibusdam pro necessitate temporis factum est, trahatur à posteris in exemplum, presenti decreto statuimus ut nullus in Episcopum eligatur, nisi qui jam trigessimum annum ætatis exegerit, & de legitimo matrimonio sit natus. — Inferiora etiam ministeria, ut puta decanatum, archidiaconatum, & alia quæ curam animarum habent annexam, nullus omnino suscipiat, sed nec parochialis Ecclesiæ regimen, nisi qui jam vigesimum quintum annum ætatis attigerit, &c.

XV. Optimè se hæc haberet Alexandri III. constitutio, nisi ipse per duas decretales alias, quæ extant, c. 2. & 3. extra de stat. & qual. prefic. à pristina disciplinâ discessisset, quod etiam notavit Claudius Espencæus Theologus Parisiensis de vot. continent. lib. 4. cap. 2. Subjungam verba Alexandri, ut quid ipse permiserit exactius constet. Verba cap. 2. ita habent: *Accepimus, quod Coventrensis Episcopus pueris, qui sunt infra decennium constituti in archidiaconatu R. Archidiaconi Cicestreensis Ecclesias plures concessit, quæ non per clericos, sed per laicos disponuntur. Unde quoniam non debet hoc aliquatenus tolerari: mandamus, quatenus prædictum Episcopum super his corripias, & Clericis idoneis administrationes & custodiam præscriptarum Ecclesiarum, donec prædicti pueri ad congruam veni-*

ant ætatem, laicis amotis, committas. Eidem Episcopo prohibens, ne de cate-ro ecclesias, nisi personis, quæ ætatem & scientiam habeant, regendas concedat, &c. Removeri vult Laicos directores, qui nomine puerorum disponebant Ecclesias pueris commissas, ipsos verò pueros removeri noluit, id quod pristino Ecclesiæ regimini planè fuit adversum. Dum prædictarum Ecclesiarum custodiam, inquit Espencæus, & administrationem Clericis idoneis commisit, donec prædicti pueri ad congruam venirent ætatem, fenestram aperuit, quia contra patrum mentem alii sererent, alii meterent, & penes alios titulus, alios labor, alios fructus maneret.

XVI. Non magis excusari potest, quod capitulo 3. legitur: *Indecorum est, ut hi debeant Ecclesias regere, qui non novérunt gubernare se ipsos, cum ad Ecclesiarum regimen tales persone sint admittenda, quæ discretionem præmincant & morum fulgeant bonestate. Nolentes itaque sustinere, ut parvulis Ecclesiæ regimen committatur, mandamus quatenus nemini infra annum quartum decimum constituto, personatum cujuslibet Ecclesiæ concedere præsumatis. Scituri pro certo, quod si contraire præsumseritis: quod inde feceritis, irritabimus, & inobedientiam vestram graviter puniemus. Quid hoc loco personatus vocabulum denotet, non ausim definire, cum ipsis etiam Canonistis aqua hæreat in ex-*

plicatione ejus, notante Cujacio *ad a. 2. extra de restit. spol. & ad c. ult. X. ut lit. pend.* neque exploratum adhuc sit, quale discrimen inter personatū & dignitatem antehac fuerit, cum & personatus sæpe dignitas dicatur, Jacobus Sbrozzius, *de Vicario Episcopi lib. 2. q. 27. n. 12.* & hæc duo vocabula plerumque vocis tantum sono & loquendi consuetudine magis quam reipsa differant. Ant. Bengueus & Franc. Pinsfon. *de benef. rub. de divis. benef. §. 19. n. 11. ubi subnum. 12. & 13.* refert, aliquando personam denotare Rectorem seu Curionem Ecclesiæ parochialis, eamque consuetudinem loquendi familiarem esse in Angliā, ut & in Galliā, ubi personæ dicebantur vicarii illi, qui ab Episcopis constituebantur, ut in monasteriis altarium ministeria peragerent, observante Petro de Marca *ad Concil. Claromont. can. 7.* Cum itaque utraque hæc Alexandri Decretalis ad Cantuariensem Archiepiscopum in Angliā scripta sit, dubium non erit, personatūs vocabulo tale officium Ecclesiæ denotari, quod accuratius judicium exposcit, quam ut ab eo, qui nudius tertius ex ephebis excessit, expediri queat. Et recte proinde Espencæus *d. l.* Dum mandat nemini intra decimum quartum annum constituto ejusvis Ecclesiæ personatum concedi, multum de grandæritate proficiendis olim prefixā remisit.

XVII. Diffidendum tamen non

est, aliquando, citra abusum, in Ecclesiā ministerium commissum fuisse adolescentibus, qui justam & canonicam ætatem nondum attigerunt. Id verò duplici ex causā fieri potuit, vel quod raræ atque divinæ in adolescentibus sese exsererent, virtutes, quæ parem officio facerent animum, & jam bene subactum eum insignibus speciminibus ostenderent, vel quod extrema necessitas observationem legis Ecclesiasticæ non admitteret. Prioris exempla suggerit Cyprianus Aurelium & Celerinum, utrumque confessorem & summis in Ecclesiā meritis conspicuum, *epist. 33. & 34.* Aurelius, inquit, frater noster, illustris adolescens, à Domino jam probatus & à DEO vocatus est, in annis adhuc novellus, sed in virtutis ac fidei laude prævectus, minor in ætate sua indole, sed major in honore. — Merebatur talis Clerici ordinationis ultiores gradus & incrementa majore, non de annis suis, sed de meritis æstimandus, &c. Pari modo cum Celerinum comendasset, sic tandem concludit de utroque: Ceterum presbyterii honorem designasse nos illis jam sciat, ut & sportulis iisdem cum presbyteris honorentur, & divisiones mensurnas æqvatis quantitatibus partiantur, sessuri nobiscum prævectis & corroboratis annis suis, quævis in nullo minor possit videri ætatis indole, qui consummavit ætatem gloria dignitate, &c. Noluic tamen Cyprianus

per

per saltum eos promoveri, sed utrumque inter Lectores primū constituit, ut tamen easdem cum presbyteris sportulas acciperent.

XVIII. Alteram causam ex necessitate oriri posse dixi. Quid enim si talis non inveniatur, qui huic officio par esse queat? Ego tūc præficiendum existimo omnium optimum, qui reperiri potest, etsi quoad requisita tantum non pessimus existat. Vulgare est proverbium inter coecos luscus Rex erit, quod hūc non ineptē usurpari poterit. Satiū enim erit ab aliquo curari cultum, divinum, quā eundem prorsus omitti & interciderē. Quod si ex præficiendi ætate solum defectus oriatur, minus attendi debere eum existimo, cætera requisita si præsto sint. Esse autem aliquando posse talem Ecclesiæ statum, ut nec haberi aut inveniri queat, qui diaconi munus expleat, Ecclesia Africana ex Concilio suo II, quod anno ECCCII, celebratum fuit, docere potest. Deliberandum in eo proposuit Aurelius Episcopus Carthaginensis, quā ratione ministerium, quo prorsus destituebantur Ecclesiæ, reparari posset, consuluitque, ut Romam & Mediolanum ablegarentur, qui Clericos inde peterent.

XIX. Digna sunt verba quæ hūc adscribantur ex codice canonum Ecclesiæ Africane, quem edidit Christophorus Justellus, pag. 162.

Aurelius Episcopus dixit: Ecclesiarum DEI per Africam constitutarum necessitates mecum optimē novit. charitas vestra, sanctissimi fratres, & quoniam præstitit Dominus, ut ex aliquā parte sancti coetus vestri esset congregata præsentia, videtur mihi ut has easdem necessitates, quas pro sollicitudine nostra indagare potuimus, in medium proferamus, quas cum approbaveritis vestra sinceritas, sit consequens eligendum esse unum à nostro numero considerandum, qui auxiliante domino orationibus vestris & has ipsas necessitates suscipere possit & gnave peragendas implere, perreiturus ad transmarinas Italia partes, ut tūc sanctis fratribus & consacerdotibus nostris, venenabili sancto fratri Anastasio sedis Apostolicae episcopo, quā etiam sancto fratri Venerio sacerdoti Mediolanensis Ecclesiæ necessitatē ipsam, ac dolorem, atque inopiam nostram valeat intinere. Ex his enim sedibus hoc fuerat prohibitum, quod noverint communi periculo providendum, maxime, quia tanta indigentia clericorum est, multi aq̃e Ecclesiæ ita deserta sunt, ut ne unum quiddam diaconum vel illitenum habere reperiantur. Nam de cæteris superioribus gradibus & officiis tacendum arbitror, quia ut dixi, si ministerium diaconi facile non invenitur, multo magis superiorum honorum invenire non posse certissimum est, & quotidiē nos plenus diversarum penē emortuarum plebium jam non sustinemus: quibus nisi fueris aliquando subveniens, gravis

nobis & inexcusabilis innumerebilia animarum pereuntium causa apud DEUM mansura est. In istis talibus necessitatibus excusatos esse puto, qui in eligendis ministris Ecclesiæ nullam ætatis rationem habent, dummodo munus commendatum utcumque expedire queant.

XX. Rēgē autem dixit Alexander III, Pontifex d. c. 7. X. de elect. id quod de quibusdam pro necessitate temporis factum est, trahi à posteris in exemplum non debere. Idem etiam dicendum puto de illis, qui propter summa in Ecclesiam merita & propter fidem constantissimè probatam ad ministerium Ecclesiasticum promoti fuerunt. Nec aberrabit, proinde, qui verbis Gratiani supra adductis hæc Gregorii Nazianzeni exorat. in sancta lumina, subjunget: Tercium ad eos spectat, qui juvenili ætate confidunt, atque ad instruendam doctrinā plebem, aut Ecclesiæ præfecturam amplectendam tempus omne idoneum esse arbitrantur. Iesus purgatur, & tu purgationem adspernaris? à Johanne: & tu adversus præconem tuum insurgis? trigessimum annum agens: & tu ante lanuginem senes docces, aut docere te posse credis, nec ab ætate, nec à moribus fortasse auctoritatem habens? Ac deinde hic Daniel profertur ac nonnulli alii juvenili ætate judicium munere functi, atq; in ore ac lingua exempla sunt. Quisquis enim injustè aliquid admittit, facti sui de-

fensiones in promptu habet. At pro Ecclesiæ lege nequaquam censendum est, quod rarè accidit, quandoquidem nec hirundo una ver, nec geometriam linea una, nec denique nautam una navigatio facit, &c. Idem Gregorius in oratione apologetica, quā suā in Pontum fugæ rationem reddit, graviter invehitur in eos, qui præfecturam Ecclesiasticam affectant, prius ferè, quā lanuginem primam abjecerint periculique more balbutire defierint.

XXI. Similia sunt, quæ ad Henricum Senonensem Archiepiscopum scribit Bernhardus Clara-vallensis Abbas epist. 42. Scholares pueri, inquit, & impuberes adolescentuli ob sanguinis dignitatem promoventur ad Ecclesiasticas dignitates, & de sub sculā transferuntur ad principandum presbyteris: latiores interim, quod virgus evaserint, quā quod meruerint principatum, nec tam illis blanditur adeptum, quā adeptum magistrum. — Nec dicimus quamcumque ætatem DEI gratia præmaturnam, sicut nec sciam, cum multos videamus juniorum super senes intelligere, moribus antiquare dies, prævenire tempora meritis, & quod ætati deest, compensare virtutibus. — Bonus puer Samuel, qui loquenti DEO promptus aderat auditor. — Bonus & Jeremias, qui ante sanctificatus quā natus, cum se excusaret de pueritiā, nihilominus constitutus est super gentes & super regna. Bonus

Bonus quoque Daniel, cuius Spiritum suscitavit DEUS, ut convinceret iniqua iudicia & sanguinem innoxium libenter. Denique cani sunt sensus hominis & etas senectutis vita immaculata. Sicubi huiusmodi puer senex promotus invenitur : opus DEI est his, qui tales non sunt mirandum, non imitandum. Ceterum curritur in Clero passim ab omni etate & ordine à doctis pariter & indoctis ad Ecclesiasticas curas, tanquā sine curis jam quisq; victurus sit, cum ad curas pervenerit, &c.

XXII. Hæc Bernhardi sententia omnium optimè explicat, quid de ætate ministrorum Ecclesiæ sentiendum sit, ut utrum certus ac determinatus annorum debeat esse numerus, ante cuius decursum neminem promovere liceat. Nec enim in N. T. ulla ætatis lex posita est, nisi quæ de viduis ad certas quasdam operas Ecclesiæ præstandas eligendis præscripta invenitur, 1. Tim. V, 9. Statutum siquidem de anno trigésimo prius expectando, antequam sacris ministeriis quis adhibeatur quod Numeror. IV, 3. & 23. extat, fuit Leviticum, ideoque nos in N. T. haudquaquam obligat. Gerhard. *Loc. de ministr. Eccles. in 185.* Et exemplum Timothei ostendit, etiam adolescentes Episcopos fieri posse, 1. Tim. VI, 12. Et dari adhuc istiusmodi juvenes, qui mente prius canescunt, quàm mento, quique prudentiâ ætatem superant, negari nequit. Sed uti rariora talia

sunt exempla, in quibus eruditio simul & mores, charitatis, Zeli, fidei & puritatis testes concurrunt: ita rectè ait Bernhardus, sicubi talis aliquis inveniat, opus DEI esse his, qui tales non sunt, mirandum, non imitandum.

XXIII. Nolim tamen immuturæ ætatis latitudinem tam amplam facere, ut etiam pueris ministeria Ecclesiastica committi posse putem. Gravi censurâ notavit Honorius III, Pontifex Episcopum Conventrensem in Angliâ, quod puerum tredecim annorum in diaconum promovisset. *Vel non est*, inquit, *compos sui Episcopus Conventrensis, vel nimis videtur à se scientiam repulisse, qui M. puerum latorem presentium adhuc tredecim annorum contra sacrorum canonum instituta, inordinate in diaconum dicitur ordinasse, in ludibrium ordinis clericalis. Discretionem vestram mandamus, quatenus si rem inveneritis ita esse, prædictum Episcopum à collatione ordinum suspendentes, ipsi, ut eidem M. quem ab executione officii diaconi usq; ad ætatem legitimâ in injuriam suspendimus ordinantis, provideat in Ecclesiastico beneficio compententi, per censuram Ecclesiasticam, compellatis. Decretalis hæc extat c. 14. X. de temp. ordinat. Ex quâ patet, adolescentem jam seculo decimo tertio, adhuc vigesimum quintum ætatis annum terminum constituisse, ex quo quis diaconatui apto haberetur.*

XXIV. Et mansit quidem terminus iste canonicus etiam sequentibus temporibus, etsi in praxi contrarium ferè obtinuerit, uti non tantum ex allegatis testimoniis, sed etiam plurimis aliis historiæ Ecclesiasticæ scriptoribus liquet. Eleganter ejus rei rationem reddit Goffredus de Trano, qui circa annum M CCC, summam Decretalium edidit, ubi *ad tit. de atar. & qual. ord. n. 1.* post relatos ætatis annos cuilibet ordini præscriptos hanc addidit notam: *Sed quamvis hac temporaliter sint statuta; Episcopi tamen nostri temporis in clericorum multitudine gloriantes, pueros ad sacros ordines promoveant, his interstitiis non servatis. Facit hoc nimia Episcoporum remissio, qui pompam multitudinis querunt, & putant ex hac turbâ aliquid sibi dignitatis adquiri, aut quibus aliud prestare non possunt, ordines largiuntur, quod tamen oportet districti semper esse judici, rarum est enim omne, quod magnum est, &c.* Sed hæc omnia fiebant *ὑπερβολῶς* & contra sancita Ecclesiastica, tam frequenti tamen & copioso consensu, & contraria hæc consuetudo faciliè legem vinceret.

XXV. Cum ergo antiquus rigor & nimia severitas obtineri amplius non posset, moribus hominum à pristina sanctitate & majorum innocentia ita degenerantibus, ut medicinâ omnem superarent, Clemens V,

Pontifex sub initium sæculi XIV cedere prævalidis & adultis vitiis maluit, quàm hoc adsequi, ut palam fieret, quibus abusus impar esset. Primus igitur à pristinis Patrum statutis, quæ per mille annos hucusque publicâ voce & decreto retenta fuerant, discessit, legemque conscripsit, quæ in *Clementin. ult. de atar. & qual. pratic.* habetur, eum in finem, ut, quia consuetudinem receptam abrogare in totum non poterat, temperaret saltem, & ad laxiores quidem sed certos tamen ætatis annos restringeret: *Genemlem*, inquit, *Ecclesia observantiam volentes antiquis iuribus in hac parte præferri, decernimus, ut alio non obstante impedimento canonico, possit quis libere in decimo octavo ad subdiaconatus, in vigesimo ad diaconatus, & in vigesimo quinto ætatis suæ anno ad presbyteratus ordines promoveri.*

XXVI. Hæc fuit prima lex publica, quâ in Romanâ Ecclesiâ pristina constitutiones immutatae fuerunt. Secutum deinceps est sæculo superiore Concilium Tridentinum, quod *Sess. 23. de reformat. c. 12.* in presbyteratu conferendo retinuit præscriptum annum vigesimum quintum, sed ad reliquos ordines qui promoveri desiderant, paulo provectioris ætatis esse voluit. Canon ita habet: *Nemo ordinetur ad subdiaconatum, ante vigesimum secundum, ad diaconatum ante vigesimum tertium, ad pres-*

presbyteratum ante vigesimum quintum ætatis sue annum, neq; ab hoc exempti sint regulares. Quia verò ætas ista sèra adhuc visa fuit Interpretibus, ut temporis Clericis liceret, præbendis fruisci, sufficere hinc ubique annum inceptum voluerunt. Joh. Gutierrez, *canon. qvæst. lib. 1. c. 26. n. 8.* Paul. Piafec. *prax. Episc. part. 1. c. 1. n. 23.* Thom. Sanchez, *consil. moral. l. 7. c. 3. dub. 23. n. 4.* licet nonnulli dissentiant, inter quos est Nicol. Garcias *de benefic. part. 7. c. 4. n. 22.* cujus opinionem juvat, quod anni olim definiti ipsos totos completos denotaverint, uti patet ex canonibus conciliorum Arelatenfis III, & Toletani II supra adductis. Quanti aliàs circa hanc materiam excitentur disputationum fluctus, videri poterunt Antonius Diana, *part. 12. resolut. 48.* Petrus de Ledesma *de sacra. ordinis c. 7.*

XXVII. Sed neq; sic tamen firma satis fuit ætatis Clericalis descriptio, cum licetia dispensandi adhuc manserit Pontifici Romano, quam non in minoribus tantum, sed etiam majoribus ordinibus & in ipso denique Cardinalium Collegio exercere scriptum est solet. Quid verò de dispensationibus istis sentiendum sit, ingenio ore constetur Petrus Gregorius in *institut. de benefic. c. 37. n. 5.* Non dubito, inquit, quin summus Pontifex habeat potestatem dispensandi propter plenitudinem potestatis in beneficiis. Sed non possum tacere has dispensationes

esse maxime damnosas Ecclesiæ habere maximum animarum & puerorum & impetrantium periculum, dare gubernacula pueris, committere lumen cæcie. Facere enim non potest dispensatio, quod infans mentem habeat, vel aliàs conjunctum beneficio divinum exerceat, quia natura lex ei mentem negat, quæ infringi nullà potest dispensatione, vel lege civili.

XXVIII. Nec prætereunda hic est censura, quam de praxi hæc, in Ecclesiâ temerè receptâ, facit Claudius Espenceus, *lib. 4. de vot. continent. cap. 2.* ubi miratur, plus rigoris observari in scholis, quam in Ecclesiis. *Egvidem, inquit, majores nostros non possum non approbare, qui tantum studiorum, artium, exercitiorum & omne genus disputationum imposuerint, ut vix tricenarii Theologiæ magisterium Lutetia assequi possimus: idq; statutum Pontificium, si tam exatè in Doctoribus servatur, cur non ad eandem amussim tot Conciliares Pontificalesq; canones in pastoribus exiguntur? Si doctores non iidem protinus pastores, nisi jam ingravescentes non promoventur, cur pastores iidem doctores, aliqui depastores, non raro, contra quam nos esse jubet Paulus 1. Cor. XIV. malitiâ provesti, sensu non adulti ordinantur? Et hic ergo in secularibus, quos vocant, ordinandis mos, vel magis abusus, quia priscis sanctorum Patrum statutis contrarius.*

CAPVT VIII.

De officio & ministerio Diaconorum in Sacris.

- I. Diaconi ad docendi ministerium admissi. II. Locus Pauli i. Tim. III, 9. ex interpretatione Espencei. III. Saravia Bezaque controversia, de Diaconorum munere docendi. IV. Non in Ecclesiis, sed Synagogis docuerunt. V. Saravia contrarium adserit & probat. VI. Κηγούμενοι Diaconis attributum, quid notet? VII. Ex Ambrosio monstratur. VIII. Presbyteri è suggestu, Diaconi ad pulpitem stantes concionati. IX. Commentarii in epistolas Pauli Ambrosio tributi. X. Hilarii sunt, urbis Romæ Diaconi. XI. Adversus quem ostenditur, Diaconos predicasse. XII. In administratione Sacramentorum dispensarunt. XIII. An & consecrarint? XIV. Justinus cum Rufino commissus. XV. Ambrosius adsertus. XVI. Diaconus monialium, ex Justiniani mandato ordinandus. XVII. Ἀναφέρειν, victimas offerre, itemque porrigere, exhibere. XVIII. Diaconi tantum dispensandi potestatem habuerunt: XIX. Maxime circa symbola eucharistica, jam consecrata in casu necessitatis. XX. Et presbytero concedente. XXI. Presbyter & diaconus nihil sine præcitu episcopi expediebant. XXII. Pœna in transgressores Diaconos incerta. XXIII. Diaconus in scio Episcopo, aut absente paroco, num, hodie solenniter baptizare queat? XXIV. Alia Diaconorum munia ex Isidoro producta. XXV. Similia è Gratiano. XXVI. Isidorus explicatus. XXVII. Diaconi sacerdotibus adstant, ministrant, illorum custodes. XXVIII. Patenam calicemque in altari reponunt. XXIX. Calicum vitreorum ac vasorum ligneorum usus in Ecclesia. XXX. Oblationes in patena & calice. XXXI. Cur ita dicantur. XXXII. Mensa Domini. XXXIII. Diaconi ferebant crucem in processionibus. XXXIV. Prædicabant Evangelium & Apostolum. XXXV. Cereemonia Diaconorum lectioni adhibita. XXXVI. Officium precum. XXXVII. Non in horis canonicis consistit. XXXVIII. Sed in precibus præviis ad fidelium animos præparandos. XXXIX. Earum mentio in Concilio Laodiceno. XL. Petrum

terum in mysteriis Christiana fidei peragendis reverentia. XLI. Ab eucharistia administratione exesse jubebantur catechumeni, energumeni, pœnitentes. XLII. Catechumeni dulum generum, ἀργόμοροι & εὐχρόμοροι. XLIII. Beneficium preccationis quibus fuerit impertitum? Competentes. XLIV. Missa catechumenorum. XLV. Cur iis non permissum sacramentorum interesse mysteriis. XLVI. Ἀλλόωγου acceperunt. XLVII. Energumeni. XLVIII. Ab Eucharistia communione exclusi. XLIX. Nec ad manuale in Ecclesiis ministerium admissi. L. Cum catechumenis homilias audiebant. LI. Severa primitivæ Ecclesiæ disciplina. LII. Pœnitentia publica. LIII. Ordines pœnitentium. LIV. Tempus pœnitentiæ delinquentibus præfinitum. LV. Diaconi exhortantur plebem ad preces. LVI. Singulis ordinibus denuntiant, ut exeant. LVII. Inde Missa dicta. XVIII. Recitant nomina. LIX. Præmonent preces ad Dominum, clamant. LX. Pacem anuntiant. LXI. Aliæ Diaconorum officia. XLII. Apostolis adhuc viventibus ampliora, quam hodie. LXIII. Apud Diaconum facere exomologesin quid sit? LXIV. Ex Albaspinai interpretatione. LXV. Ejus examen. LXVI. Absolvendi potestas. LXVII. Exomologesis ex mente Cypriani.

I. Supra capite tertio abunde explicavi, quem in finem primitus ab Apostolis constituti fuerint Diaconi, ut curarent scil. eleemosynas & τὰ βιωτικά. Non tamen omnes, qui tum temporis ordinati fuerunt, diu substituisse videntur in hoc munere, quandoquidem Apostoli ex illis, qui probati erant, ad docendi ministerium admisserunt. Atque hinc de Stephano *Act. VI, 8.* dicitur, quod plenus gratiâ & fortitudine fecerit prodigia & signa magna in populo, & *vers. 9.* quod disputaverit cum adversariis veritatis, quodque illi nequiverint obsistere sapientiæ & spiritui, qui per illum loquebatur.

Sic & Philippus, qui unus ex primis septem diaconis erat, vocatur Evangelista, *Act. XXI, 8.* ab officio scil. Evangelii, quod prædicabat, quem admodum Evangelistæ conjunguntur Apostolis, Prophetis, Pastoribus & Doctoribus, *Ephes. IV, 11.* Inde Apostolus easdem ferè virtutes in diacono requirit, quas in Episcopo, idè scil. quod qui benè ministraverint gradum sibi bonum acquirant, *1. Timoth. III, 13.* hoc est, quod gradum sibi faciant, ut ad altiora officia Ecclesiastica promoveri queant.

II. In hunc sensum explicat sententiam Pauli, *1. Tim. III, 9.* Claudius Espencæus in not. Dixerat Paulus,

Diaconos habere debere mysterium fidei in conscientia purâ. Hoc ita exponit Espencæus, debere in fidei arcano seu religione Christianâ sibi bene conscios esse. Et addit: *Format enim diaconorum affectum tum in fide, ut non tam tantum simplicem, quâ, de eâ populus intelligit, sed ejus quoque secretorum, quæ vulgi simplicitas capere non sufficit, intelligentiam habeant, eorumque rationem cuius poscenti reddere parati sint, 1. Per. 3. tum in conscientia, cum enim hoc quoque inter diaconorum officium sit, DEI verbum populo evangelizare, in cuius signum Evangelium eis legendum traditur, oportet eis fidei arcana laicis aliqui oculum, quæ alios docere valeant, esse nota.* Verbi gratia, Christi mortem, reliqua ejus mysteria mystica salutis esse nostra remedia, purè intelligere, de Domini humilitatibus non confundi & propter quod solum ea predicari debent, predicare, divinum sc. honorem in suâ doctrinâ, non v. proprium quæstum attendentes, &c.

II. De docendi hoc munere circa finem superioris seculi acriter disceptatum fuit inter Hadrianum Saraviam & Theodorum Beza, ejusdem Religionis foicos. Scripserat, Saravia *libr. de diversis gradib. ministr. Evâng. c. 7.* Mirum est, quod non tantum colligenda pecunie distribuendæ, openum dederunt (primi diaconi) docendi etiam partes assumisse videntur. Nam dum Stephanus ardentius Chri-

stum docet, & de eo tum præfatis Judæis disputat, primus Christi testis morte suâ factus est. Philippus verò Samaritanis quoque Evangelium nunciat, & baptizat credentes. Ex quibus exemplis, quid alii fecerint cogitandum relinquitur. Non enim, quia de ipsis nihil scriptum est, asserendi sunt fuisse otiosi. Nam & de Apostolorum Christi maximâ parte merum est silentium, quos tamen certum est munere sibi imposito fideliter fuisse perfunctos.

IV. Respondit Beza: Docendi in Ecclesiâ functionem quod tu non primis arbitraris, diaconis attributam fuisse, per absurdum est existimare. Quid enim ineptius fuisset illâ Apostolorum petitione, deligendos esse nonnullos, qui mensis simul & prædicationi vacarent, quando ipsi met Apostoli verbi administrationem curare & mensis ministrare non possent? Ad exemplum Stephani respondet, non dici eum docuisse in Ecclesia, sed in Synagogis Judæorum, atque in illis cuius licuisse percontrari & respondere, talemque fuisse postea conventuum Christianorum morem, abundantibus in Ecclesiâ Spiritus S. charismatibus; Philippum autem dici quidem postea evangelizasse in Urbe Samariæ, sed non amplius Hierosolymis diaconum, & jam Evangelistam factum atque Cæsareæ habitantem.

V. Rectè verò regerit Saravia, petitionem & propositionem Apostolorum

lorum non ita accipiendam esse, ac si pauperum & viduarum curam omnem abjecturi fuissent ipsi, atq; sic eadem ratione non censuisse eligendos esse tales, qui docendi prorsus essent rudes, ut nihil eâ in parte auxilii pastoribus præstare possent. *Partiri, inquit, opera possunt, ut quantum pastores sollicitudinibus, curæq; pauperum, viduarum & pupillarum retinent, tantum diaconi de ministerio pastoris ferant; sin' minus saltem alter alterum, quoad posset, iuvaret.* De Stephano hoc reponit, non adiuferse eum Synagogas, ut disceret, sed ut prophetias de Messia in domino Jesu impletas esse doceret. Cui addo ego, Synagogam olim fuisse intra templum, quod observandum docet Joh. Lightfoot, in *hor. Hebr. ad Luc. II. 46.* multumqve discriminis fuisse inter Synagogam & reliquas Judæorum scholas, cum illa templo & Ecclesiæ nostræ respondeat, hæ verò nostris Collegiis & Gymnasiis Vld. Buxtorf, in *Synagog. Jud. p. 186.* adeoque dum dicitur, Stephanum in Synagogâ docuisse, non licebit inde concludere aut inferre, eum non docuisse in templo. Philippum navult Saravia jam ante Evangelistam fuisse, quam diaconus fieret, quod suo loco relinquo. Certè non desuisse diaconum esse, dum Casareæ viveret, haud obscurè produnt verba *Act. XXI, 8.* πῶς ὁντος ἐκ τῶν ἱησῶ, quæ etiam de præsentī accipi pos-

sunt. Ut maximè igitur non Hierosolymis amplius extiterit, potuit tamen munus istud adhuc sustinere, si præsentēs alibi fuissent Apostoli.

VI. Tandem persuadere vult Beza, illos omnes, qui tūm ex veteribus tūm ex recentioribus Scriptoribus existimarunt, Diaconis etiam docendi munus impositum fuisse, deceptos esse ambigua significatione verbi κηρύττειν, quod pastoribus attributum idem denotet, atque ἐυαγγελίζεσθαι, in diaconis verò de rō declararet illa diaconorum edicta, quibus dato orarii signo, actionum sacrarum ritus & ordinem moderabantur. Vide sibi ob stare Beza canonem secundum Concillii Ancyranum, quod anno salutis nostræ CCCXIV habitum fuit, in quo hæc habentur verba: *Diaconos similiter qui immolaverunt, postea autem relictati sunt, illum quidem honorem habere placuit. Ipsos verò cessare ab omni sacro ministerio sive panem vel calicem offerendi, vel prædicandi.* Textus Græcus ita habet: *πρεσβυτεροι δὲ ἀντὶ τοῦ πένθος τῆς ἱερᾶς λειτουργίας τὸ πρεσβεῖν ἢ πρεσβεῖν ἀναφύγειν, ἢ κηρύσσειν.* Ubi, quæ notat Christophorus Justellus planè eadem sunt, cum illis; quæ à Beza adducta fuerunt. Et simul Matthæi Blastaris verbis explicat, qualiter se orarii illud signum habuerit, quod se ex verbis Beza non intelligere ait Saravia. Quæ de re sortè infra pleniùs.

VII. Rectè autem respondet Saravia, vocabulum *κηνότης* de diaconis in utraque significatione dici, atque ipsos utrumque præstitisse. Quamquam enim ejus rei obscura, admodum extent vestigia, supersunt tamen aliqua, quæ fidem facere possunt. Præter ea, quæ collegit Saravia, ex commentario in epistolam ad Ephesios, cap. 4. quæ Ambrosio Mediolanensi vulgò tribuitur, hæc occurrunt valde notanda: *Primum omnes docebant & omnes baptizabant quibuscumque diebus vel temporibus fuisset occasio: nec enim Philippus tempus quaesivit aut diem, quo Eunuchum baptizaret, neque jejunium interposuit: neque Paulus & Silas tempus distulerunt, quo Optionem carceris baptizarent cum omnibus ejus: neque Petrus diaconos habuit, aut diem quaesivit, quando Cornelium cum omni domo ejus baptizavit; nec ipse sed baptizare jussit fratribus, qui cum illo ierunt ab Joppe. Adhuc enim præter septem diaconos nullus fuerat ordinatus. Ut ergo cresceret plebs & multiplicaretur, omnibus inter initia concessum est, & evangelizare & baptizare & Scripturas in Ecclesiâ explanare. At ubi omnia loca circumplexa est Ecclesiâ, conventicula constituta sunt, & rectores & cetera officia in Ecclesiis sunt ordinata, ut nullus de Clero auderet, qui ordinatus non esset, præsumere officium, quod sciret non sibi creditum vel concessum, & capit alio ordine & pro-*

videntia gubernari Ecclesiâ; quia si omnes eadem possent, irrationabile esset & vulgaris res & vilissima videretur. Hinc ergo est, unde nunc neque diaconi in populo prædicant, nec clerici vel laici baptizant; neque quocumque die credentes tinguntur nisi ægri. Ideo non per omnia conveniunt scripta Apostoli ordinationi, quæ nunc in Ecclesiâ est, quia hæc inter ipsa primordia sunt scripta, &c.

VIII. Hoc vult, primis temporibus non ita fuisse secretum munus diaconi à munere presbyteri aut Episcopi, ut non liceret promiscuè omnibus, evangelizare, baptizare, & Scripturas in Ecclesiâ interpretari, sed hoc discrimen sequioris Ecclesiæ esse inventum. Ut maximè ergo primi diaconi eleemosynis præcipuè præfati fuerint, docendi tamen munus pro re natâ & necessitate exigente suscipere æquè poterunt, atque Apostoli & reliqui discipuli, cum utique compatibilia hæc sint officia & conjungi sine confusione facile queant. Propterea in verbis paulo antecedentibus comparat diaconos cum Evangelistis. *Evangelistæ*, inquit, *diaconi sunt, sicut fuit Philippus, quamvis non sint sacerdotes, evangelizare tamen possunt sine cathedrâ quemadmodum & Stephanus & Philippus memoratus. Ex quo colligere licet, hoc tantum discriminis fuisse, quod Episcopi & presbyteri ex cathedrâ aut suggestu conciones habuerint,*

buerint, diaconi verò ad pluteum, aut pulpitum in loco ediuore stantes verba fecerint.

IX. Ne tamen hîc quidquam dissimulem, verba ista, quæ adduxi, sub Ambrosii quidem nomine prostare volui, vulgarem & diu olim servatam opinionem secutus, quâ commentarii isti in uniuersas Pauli Epistolas operibus Ambrosii inserti adhuc inveniuntur, atque pro verè Ambrosianis & à Synodo Parisiensi, anno Domini DCCCXXIV, & ab Aquisgranensi anno DCCCLXII, & circa idem tempus ab Hincmaro Rhemenfi, *lib. de prædestinat. cap. 33.* & à Prudentio Tricassino, *contra Joh. Scotum p. 111.*, & ab aliis penè innumeralibus habiti fuerunt; Sed uniuersos istos in Epistolas Pauli commentarios Ambrosii non esse, constans ferè inter eruditos hodiè est sententia. Licet enim sub Ambrosii nomine adhuc veniant quibusdam, quando sententiæ suæ patrocinantur, uti videre licet apud Bellarminum, *de Rom. Pontif. l. 2. c. 16. & c. 25. it. l. 1. de Cleric. c. 19.* Stapleton. *part. 2. prompt cath. p. 140.* Alan. Cop. *de sens. purgat. c. 7.* plerique tamen alii agnoscunt esse supposititios, Francisc. Lucas Brugenf. *annot. in Gal. 3.* I. Maldonat. *in Matth. 19, 9.* Baron. *tom. 5. annal. ad ann. 397. n. 38.* Ant. Possevin. *v. Ambros.* quanquam de autore eorum plurima adhuc sit disputatio, quâ de re videri potest Ger-

hardus, *Loc. de conjug. n. 578.* Andr. Rivet. *Critic. sacr. lib. 3. cap. 18.*

X. Plerique omnes, cum animadvertunt, verba aliqua, quæ apud hunc PseudoAmbrosium in *Epist. ad Rom. 5.* inveniuntur, ab Augustino contra duas Pelagianorum epistolas *lib. 4. cap. 4.* sub nomine Sancti Hilarii citari, certissimum hinc ponunt fundamentum, Hilario potius alicui, quam Ambrosio adscribendum esse istum foetum. Cumque inter Ecclesiasticos Scriptores duo præcipuè celebres fuerint Hilarii, Arelatenfis alter, alter Pictaviensis Episcopus, PseudoAmbrosius autem suo tempore Damasum Ecclesiæ Romanæ Rectorem fuisse scribat in *1. Tim. 3.* & hic Damasus anno CCCLXXXIV. diem suum obierit, & Pictaviensis Hilarius antiquior, Arelatenfis autem eo junior fuerit, neutri eorum, commentarios istos adscribi posse persuasum habent. Quapropter verisimilem sibi dicit Gerhardus Johannes Vossius, in *hisor. Pelag. lib. 2. part. 1. thes. 6.* conjecturam Lovaniensium & Salmeronis, quorum illi in *ensurâ in August.* hic verò *comment. in Epist. Paul. disp. 19.* statuunt, opus istud esse Hilarii, Urbis Romæ diaconi, ejus, qui schismati Luciferi Calaritani adhæsit, & hæreticos docuit rebaptizandos. Eandem tenet sententiam Card. Bellarminus, *de Scriptor. Eccles. sub Ambrosio.* Quicquid tandem hujus sit, Ambrosio Scri-

Scriptorem istum coarctum fuisse, & de temporis sui, quod in seculum quartum incidit, institutis atque moribus Ecclesiasticis testem idoneum esse, nemo facile ibit inficias.

XI. Quod verò Hilarius iste dicit, suo tempore diaconos in populo non prædicasse, non fuisse videtur catholicum. Præstant enim conciones, quas eodem ferè tempore de incomprehensibili Dei naturâ, de anathemate, adversus Judæos, in Diaconatu habuit Johannes Chrysostomus; itemque Ephraimi Syri Diaconi Edesseni sermones eo tempore habiti tam celebres deinde facti sunt, ut teste Hieronymo, *lib. de Script. Eccles.* post lectionem scripturarum publicè in quibusdam Ecclesiis recitarentur. Ita etiam observo apud Philostorgium Cappadocem, *lib. 3. cap. 17.* Leontium Antiochiæ Episcopum ordinatum Aëtium ad diaconatum promovisse, ei que ut Ecclesiæ dogmata in Ecclesiâ doceret mandasse. Hunc vero diaconatum equidem suscipere veritum docendi tamen munus admisisse. Sed & apud Gregorium Magnum *lib. 4. epist. 44.* ubi res gestas Synodi Romanæ, à se habitæ recenset, legitur, diaconos eo tempore docendi munus sustinuisse. Reprehendit enim receptum in Ecclesiâ Romanâ morem, quod diaconi Cantores eligantur. *In sanctâ*, inquit, *Romanâ Ecclesiâ, cui divina dispensatio præ-*

seme voluit, dudum consuetudo est vâdè reprehensibilis exorta, ut quidam ad sacri altaris ministerium Cantores eligantur, & in diaconatûs ordine, constituti, modulationi vocis inserviant, quos ad prædicationis officium, eleemosynarumque studium vacare congruebat, &c. Verba habentur apud Gratianum, *c. in sanctâ, dist. 92.* Ex quibus patet, prædicandi potestatem non ita alienam fuisse ab munere diaconatûs, uti quidam per suasum habent, licet eanon nisi jubente & consentiente Episcopo exerceri potuerit. Et hæc de docendi officio.

XII. Alterum munus Diaconorum consistit in administratione Sacramentorum, in quâ tamen, quæ partes fuerint Diaconorum, non usque quaque constat. Et consecrationem, & dispensationem sive distributionem illis competuisse olim, statuit Johannes Juellius Episcopus Sarisburiensis adversus Thomam Hardingum *artic. 2. pag. mibi 87.* De dispensatione nolim dissentire, propter verba Justinii martyris *ex apol. 2.* *Qui apud nos diaconi dicuntur, dant unicuique eorum, qui adsunt, percipiendum panem, & vinum, & aquam, quæ cum gratiarum actione consecrata sunt, & ad eos qui absunt, perferunt.* Quò etiam faciunt verba Cypriani *serm. 5. de lapsis*: *Ubi solemnibus adimpletis calicem offerre diaconus presentibus cæpit, &c.* Con-

cræ-

crationem autem similiter à diaconis factam fuisse subdubito, an satis probatum dederit Juellus. Verba enim Justinì modo adducta præsunt, consecrata jam symbola, antequam munus suum aggrediantur diaconi. Ab aliis igitur consecrata ea fuisse, necesse est.

XIII. Verba Rufini ex lib. 1. cap. 6. parum faciunt. Ea ita se habent: *Præsentibus presbyteris diaconi ne dividant Eucharistiam, sed illis agentibus solum ministrent; si vero presbyter nullus sit in presenti, tunc demum etiam ipsis liceat dividere.* Juellus putat, hoc sentire Rufinum, Diacono fas esse, si presbyter abfuerit, consecrare populoque ministrare. Agnoscit autem, id aliquà ex parte pugnare cum canone decimo octavo Concilii Niceni. Imò verò non ex parte aliquà, sed ἀπρόσδην, & παντός pugnare id scitebitur, quisquis Rufini verba ita accipiet, & attentius explicationē istam conferet cum canone Niceno. *Pervenit, inquit Patres Niceni, ad sanctum magnumque concilium, quod in quibusdam locis & civitatibus diaconi presbyteris Eucharistiam præbeant. Quod neque canon, neque consuetudo tradidit, ut qui potestatem offerendi non habent, his qui offerunt corpus Christi porrigant.* Habetur apud Gratianum c. *pervenit dist. 93. ὡςπερ ἔτα ὁ κανὼν, ἡ ἔτα συνήθεια παρέδωκεν τοῖς ἐξουσίαις μὴ ἔχουσιν πρὸς Φέγειν,*

τοῖς πρὸς Φέγειν δίδοναι τὸ σῶμα τοῦ χριστοῦ. Per πρὸς Φέγειν consecrationem intelligi debere, ipse contextus ostendit, qui eam distinguit à δόσει, illamque denegat, hanc verò tribuit Diaconis. Si igitur dividere apud Rufinum idem est, quod consecrare, talis ex ejus mente Diaconis competet ἐξουσία, qualem nullatenus admittit canon Nicenus.

XIV. Dicis: non convenire ita Rufinum cum Justino Martyre, cum Justinus permittat, diaconis symbola, à presbyteris consecrata, presentibus distribuere, Rufinus autem non permittat, nisi in absentia presbyteri. Ego verò, nisi statuere velis, immutatum fuisse tempore Rufini morem Ecclesiæ pristinum, plus crederem Justino, quam Rufino. Neque enim is Vir est Rufinus, ut velis cum eo in tenebris micare. Eum jure optimo passim, & quidem acriter reprehendit Hieronymus, quod post alios notant Theologi Lovanienses in vulpe captâ, contra Johannem Martinez de Ripalda, pag. 46. & 47. Quid recentiores de eo sentiant, videri poterit apud Bellarminum, de Script. Eccles. verb. Rufinus. Baron. in annal. passim, ubi sæpius eum erroris & falsi postulat, inprimis tom. 2. ad ann. 258. n. 19. & ann. 142. n. 5. seq. tom. 3. ad ann. 327. n. 7. ann. 335. n. 38. ann. 355. n. 27. ann. 356. num. 81. ann. 359. n. 47. tom. 4. ad ann. 362. n. 234. 236. &c. Joh. Dallæum de usu patr.

patr. pag. 65. 122. 139. & de jejun. p. 253. & 426. Andr. Rivet. in Critic. sacr. lib. 4. c. 9. Sed & de ipso canone Niceno videri possunt, quæ notat B. Chemnitius, in exam. Concil. Trid. part. 2. pag. 286.

XV. Alterum testimonium Juellus ex Ambrosii *lib. 1. de offic. cap. 41.* petit. Verba ita habent: *Non prætereamus etiam S. Laurentium, qui cum videt Xystum Episcopum suum, ad martyrium duci, flere capit, non passionem illius, sed suam remansio- nem. Itaque his verbis appellare capit: Quo progredieris sine filio pater? Quid sacerdos sancte sine diacono properas? Nunquam sacrificium sine ministro offerre consueveras. Quid in me ergo distulcui pater? Numquid degenerem probasti? Experire certe, utrum idoneum ministrum elegeris. Cui com- misisti dominici sanguinis dispensationem, cui consummandorum consortium Sacramentum, huic consortium tui sanguinis negas, &c.* Ita legitur in editione Colonienſi, quæ prodit anno 1616. Sed Juellus pro verbis, cui commisisti Dominici sanguinis dispensationem, legit: cui commisisti dominici sanguinis consecrationem, & perperam verba ab Eutropio corrupta atque immutata putat, præsertim cum sequatur: *consummandorum consortium sacramentorum, &c.* Rectè autem immutata dicit Claudius Espencæus, *digress. lib. 1. cap. 5. circa fir.* Sed de corruptione

& immutatione textus cum nihil certi constet, & consummatio sacramentorum de usu eorum, dispensatione scilicet & acceptione, in quibus verè consummantur, accipi possit, imbecille planè ex verbis istis Ambrosii nascitur argumentum.

XVI. Tertium testimonium Juellus ex Justiniani Imperatoris novellâ 123. cap. 36. accersivit. Agit ibi Imperator de vitâ asceticâ, & jubet ut seorsum monachi, seorsum etiam moniales sive Nonnæ, (de quo vocabulo videri poterit Andreas Qvercetanus, in not. ad Biblioth. Cluniacens. pag. 148. Joh. Hornbeeck, in exam. bull. pap. contra Jesuitissas pag. 15.) sua habeant Cœnobîa. Ut verò essent, qui monialium negocia apud Episcopum agerent, & sacra eis administrarent, jubet Imperator eam in rem presbyterum sive diaconum ordinari. Famini autem, inquit, quemcumque ipse elegerint, sive presbyterum sive diaconum, ad faciendum eis responsum, aut sanctam eis communionem portandam, sanctissimus Episcopus sub quo sunt, deputet, quem recte fidei & vitæ bonæ esse cognoverit. Si verò qui ab eis electus est non sit presbyter aut diaconus, dignum tamen eum hujusmodi ministerio episcopus judicaverit, ordinationem ei imponat, qui dignus esse videbitur responsa, sicut dictum est, monasteriis distribuat, ita tamen, ut neque sic electus ad responsa faminarum, in-

monasterio maneat. Nihil omnino hic dicitur de consecratione. Textus originalis græcus ita sonat: *εις τ' ποιειν αὐταῖς τὰς ἀποκρίσεις, ἢ τὴν ἀγίαν αὐτοῖς κοινωνίαν φέρειν*, h. e. ut responsa reddat, & sacram eucharistiam ad eas ferat, sive ut Gregorius Haloander reddit: *ut pro ipsis respondeat, aut sanctam eis communionem deportet.* Innuitur scilicet ille pristinus, quo eucharistia ad absentes deferrebat, uti ex Justiniani Martyris supra allegato loco patet.

XVII. Tandem Concilii Ancyran canonem secundum, cujus etiam à nobis supra facta fuit mentio in partes vocat Juellus. Operæ precium erit, verba, quæ huc faciunt, denuò adscribere: *πισ- παῦδοι δὲ αὐτοὺς* scilicet diaconos qui immolaverunt & respuerunt, *πίσσης τ' ἱερῆς λειτουργίας, τῆς τοῦ ἁγίου ἢ ποτήριον ἀναφέρειν, ἢ κηρύσσειν.* Placet ipsos cessare debere ab omni sacro ministerio, sive panem vel calicem offerendi vel prædicandi. *Ἀναφέρειν* etsi quandoque de victimarum oblatione aut sacrificiis usurpetur, *Hebr. VII, 27. XIII, 15. 1. Petr. II, 5.* ut tamen hic eodem modo sumatur, nulla ratio svadet. Præter alias enim significationes idem denotat quod exhibere, porrigere, offerre. Et sic prohibentur tales diaconi, qui immolaverunt & ad Ecclesiam re-

diérunt, exhibere aut porrigere panem & calicem benedictum, communicantibus. Neque verò credibile est, eodem anno, qui Christi fuit CCCXIV, Arelate in concilio *can. 15.* quem ipse adducit Juellus, prohibitum fuisse, ne diaconi offerrent; Ancyrae autem nihil tale prohibitum fuisse, sed potestate eâ per delictum excidisse diaconos, nisi dissensum hic inter Ecclesias Occidentales & orientales statuere velis, quod si ne manifesto argumento non licet.

XVIII. Planior igitur mihi videtur sententia eorum, qui putant, diaconos nullam habuisse potestatem consecrandi, sed conferendi tantum, exhibendi & dispensandi Eucharistiam. Eoque pertinent, nisi fallor, verba Hieronymi, *ex epist. 85. Audio quendam ad tantam erupisse vecordiam, ut diaconos presbyteris, i. e. Episcopis antecederet. Quid patitur mensarum & viduarum minister, ut supra eos tumidus se effundat, ad quorum preces Christi corpus & sanguis conficitur?* Quinimò videtur ipsa illa dispensandi potestas sequentibus temporibus restrictior facta, ut non competeret, nisi ex speciali concessione Episcopi vel presbyteri, aut illis absentibus. Et quidem absentiae causam, justam, facit permissionis ejus rationem. Gelasius I Pontifex, in *epistola ad Episcopos Lucania*, uti constat ex c.

diaconos dist. 33. apud Gratianum. Diaconos, inquit, propriam constituimus observare mensuram: neque ultra tenorem paternis canonibus deputatum quippiam tentare permittimus: & nihil horum in suo ministerio penitus applicare, quæ primis ordinibus propriè decrevit antiquitas. Absque Episcopo vel presbytero baptizare non audeant nisi prædictis ordinibus fortassis longius constitutis necessitas extrema compellat: quod etiam Laicis Christianis facere plerumque conceditur. Sacri corporis erogationem (prærogationem aut prorogationem legunt nonnulli ex antiquis codicibus) sub conspectu episcopi seu presbyteri, nisi his absentibus, jus non habeant exercendi. Et in hunc sensum accipi debent, verba Rufini suprà nobis adducta, quibus potestatem facit diaconis dividendi seu distribuendi Eucharistiam, si presbyter nullus præsto sit.

XIX. Sic enim obtinuit aliquando, ut consecrarentur à presbytero aut Episcopo symbola eucharistica, eaque vel illicò darentur communicantibus, quæ ea in sudariolis & mantilibus domum ferebant, reservabantque in arculis, in canistris, in scriniis, donec sumere liberet, vel etiam in Ecclesiis ipsis quibuscumque reservarentur in usus repentinos. Contigit enim nonnunquam, ut postquam populus sa-

cra mysteria percepisset, quædam particulæ sacramenti intactæ relinquerentur. Eos autem sancti patres, qui illo tempore extiterunt, ad usum profanum minimè duxerunt, esse conferendas, verum in proximum potiùs diem (quotidianæ enim aliquando erant synaxes) reservandas esse iudicaverunt, quas in communione populus acciperet, aut perferre voluerunt ad ægrotos, ut ejusdem fidei consortes, & ejusdem mensæ participes se esse confirmarentur. In tali ergò casu ubi extra Ecclesiam communionem fieri oportebat, & quandoque in ipsâ Ecclesiâ, ubi necessitas exigebat, Diaconi in dispensatione aut distributione suam præstare operam, & adjuvamento esse, tenebantur.

XX. Sanè ubi presbyter præsens erat, & consecratio & exhibitio eucharistiæ ad eum spectabat, ut proprium ejus officium. Chrysostomus homil. 46. in Matth. ὁ ἄρχιεπίσκοπος μόνος ἔχει τὸ τοῦ αἵματος τοῦ κυρίου διδόναι ποτήριον, Non vides, qualiter soli sacerdoti licet calicem Domini sanguinis præbere. Et in hoc sensu accipiendum est, quod in Concilio Laodiceno can. 25. constitutum legitur: ἐπὶ τῶν ὑποκρίσεως ἀγῶν διδόναι, ἢ δὲ ποτήριον εὐλογεῖν, quod non deceat ministros panem dare, vel calicem benedicere, si quidem ὑπὲρ ἐκείνου vocabulum de diacono explicari debeat,

debeat, uti facit Gratianus, *c. non oportet dist. 93.* quanquam de subdiaconis id accipiat Bassamon, Zonaras & Alexius Aristenus. Alicubi tamen faciliores erant presbyteri, & traditionem diaconis relinquebant, ut hoc veluti *πρεσβειον* esset, & summa dignitas, quam diaconus in sacris administrandis sustineret. Idque innuere videtur autor quæstionum Veteris & Novi Testamenti, quæ Augustino vulgo, sed perperam ascribuntur, dum ait: *Diaconi ergo ordo est accipere à Sacerdote, & sic dare plebi.* Quemadmodum etiam Autor Constitutionum Apostolicarum, *lib. 8. c. 28.* loquitur: *Diaconus non benedicit, neq. dat benedictionem; accipit verò ab Episcopo & presbytero: Non baptizat, non offert; oblatione v. ab Episcopo aut presbytero facta ipse diaconus dat populo, non tanquam sacerdos, sed tanquam, qui ministrat presbyteris.*

XXI. Ut maximè tamen aliqua Diaconorum propria essent, & ad officium eorum pertinerent, factum tamen est deinde per constitutiones Ecclesiasticas, ut nihil omnino expectari ab eo posset, nisi ex præscitu & consensu Episcopi. Primum & præcipuum diaconorum munus hoc fuit, ut in elemosynis distribuendis occupati essent. Et tamen successu temporis ne in hoc quidem agere quicquam licuit, nisi consensu & auctore Episcopo, si quidem credendum

quod legitur in Constitutionibus, quæ dicuntur Apostolicæ, *lib. 2. c. 37.* Ita Philippus sine præscitu Apostoli alicujus baptizasse legitur, *Act. VIII, 12. 38.* Et tamen in Concilio Eboracensi anno MCXCVI, constitutum legitur: *Decrevimus etiam, ut non nisi summâ & gravi urgente necessitate Diaconus baptizet vel corpus Christi cuiuspiam erogat, vel penitentiam confitenti imponat, ut juxta paternorum tenorem canonum huic ordini sacerdotali propriè convenire decernat antiquitas.* Imò verò multo ante, seculo nimirum tertio Tertullianus, *de baptis. c. 17.* disertè scribit: *Superest ad concludendam materiolum, de observatione quoq. dandi & accipiendi baptismum commonescere. Dandi quidem habet jus summus Sacerdos, qui est Episcopus, debinc presbyteri & diaconi, non tamen sine Episcopi autoritate propter Ecclesiæ honorem, quo salvo salva pax est. Et Hieronymus dialog. advers. Luciferian. Sine chrismate & Episcopi iussione neque presbyter neque diaconus jus habent baptizandi. Eadem ratione Concilium Carthaginense IV, *c. 38.* apud Gratianum *dist. 93. c. presente*, non aliter admittit Diaconum ad dispensationem eucharistiæ præsentem presbytero, nisi iussum, & necessitate exigente: *Ut diaconus, inquit, presente presbytero Eucharistiam corporis Christi populo, si necessitas cogat, iussus erogat.**

XXII. Fecit ea res, ut, cum nulla

adhuc in transgressores, pœna Ecclesiastica statuta esset, disceptaretur inter Episcopos, quæ huic delicto proportionem sufficiens esse posset. Quæsitus eâ de re Fulbertus Carnotensium Episcopus in *epist.* 36. quam ad Guidonem Coepiscopum scripsit, hunc in modum ratiocinatur: *Si diacono, qui se presbyterum simulavit, missamque celebrare presumpsit, modum penitentia id divinis legibus propriè statutum non invenimus, per ratiocinationem similium sic asserere possumus. Chore, Dathan & Abiron iudicio DEI condemnati & horribili morte multati sunt, eò quod Aaron Sacerdoti se comparare, ejusque officium usurpare presumpserunt. Hic autem Levita more illorum illicitè sibi sacerdotium usurpavit. Quis ergo in isto dubitet esse mortale commissum, qui in illis Deo iudice videt mortem punitum? At quia jam Salvator noster, qui venit salvare, quod perierat, non vult mortem peccatoris, sed ut convertatur & vivat, clementer agitur, ut degradentur huiusmodi & inter Laicos penitentiam agant, &c.* Credo ego potissimam & Legis Ecclesiasticæ, quæ merè positiva est, & tantæ severitatis in transgressores exercitè causam fuisse, ut hâc ratione ἀλαζονεία diaconorum comprimeretur, ne quando animos resumerent adversus Episcopos & presbyteros, quos non unis vicibus indignis modis exceperunt, uti infra plenius dicam.

XXIII. Qui hodiè inter Canonistas excellunt, ita docent, potuisse quidem in Ecclesiâ primitivâ diaconos propter penuriam ministrorum solenniter baptizare, sed hodiè ratione officii id facere non posse ne quidem in extrema necessitate nisi de licentia Episcopi vel presbyteri, ita ut irregularitatem incurrant, si solenniter baptizare ausi fuerint sine tali consensu, ut maximè habuerint consensum parochi. Absente v. Episcopo ac presbytero, ac necessitate cogente posse Diaconum non solenniter baptizare, h. e. privatim. Similiter non posse ratione officii Eucharistiam fidelibus ministrare, posse tamen datâ necessitate & in absentia Sacerdotis, aut in ejus præsentia, si id iusserit. Aug. Barbofa de *jur. Eccles.* lib. 1. c. 35. n. 29. seq. Petr. de Ledesma de *sacram.* cap. 6. Antonin. Dianapart. 5. tr. 3. resol. 28. Sed qui tamen ipsi inter se & cum aliis non, usquequaque consentiunt.

XXIV. Cæterum sunt adhuc alia Diaconi munia in sacris, quæ veluti in compendio recenset Isidorus Hispalensis, in epistolâ ad Leudefredum Episcopum Cordubensis Ecclesiæ, & habetur sub actis Concilii Toletani VIII, apud Gratianum c. *perlellis dist.* 25. *Ad Diaconum, inquit, pertinet, assistere Sacerdotibus, & ministrare in omnibus, quæ aguntur in Sacramentis Christi, in baptismo scil. in chrismate, in patenâ & calice obla-*

oblationes inferre, & disponere in altario, componere mensam Domini, atq; vestire, crucem ferre, predicare Evangelium & Apostolum. Nam sicut Leviticus vetus testamentum, ita diaconibus novum predicare preceptum est. Ad ipsum quoque pertinet officium precum, recitatio nominum, ipse præmonet preces ad dominum, ipse hortatur orare, ipse clamat, & pacem ipse annunciat. Ultima hæc verba aliàs ita leguntur: ipse præmonet aures habere ad DEUM, ipse hortatur clamare, ipse donat pacem & ipse annunciat.

XXV. Similia refert idem Gratiannus c. diaconi dist. 93. ex Hieronymi libr. de septem ordin. Eccles. Diaconi sunt, quos in apocalypsi legimus, septem angeli Ecclesiarum, hi sunt septem cantabiles aurea, hi sunt voces tonitruorum virtutum operatione præclari, humilitate præditi, quieti, humiles, evangelizantes pacem, annunciantes bona, dissensiones & rixas & scandala rescentes: docentes: soli DEO colloquentes in templo: nihil penitus de mundo cogitantes: dicentes Patri & matri, non novi vos, & filios suos non agnoscentes. Sine his sacerdos nomen non habet, ortum non habet, officium non habet. hic minister DEI dicitur, scriptum est: major est, qui ministrat, quam cui ministratur. & sicut est in sacerdote consecratio, ita in ministro Sacramenti dispensatio. Sacerdotibus etiam propter presumptionem non licet

de mensa domini calicem tollere, nisi ei traditus fuerit à diaconis. ita enim Dominus noster omnipotens universa disposuit, ut qui majorem se esse crederet, minor esset, & qui minor videretur, major existeret. Deniq; quam hoc verum sit, tu ipse perpende. Levitæ componunt mensam Domini, Levitæ sacerdotibus, cum sacramenta benediciunt, assistunt: Levitæ ante Sacerdotes orant, ut si distinctio locorum ereditur in mundo, etiam in altari DEI videant sibi Episcopi, qui superbi sunt, diaconos anteponi, si humilitatem diligunt, & diaconi majores se esse in eo, quod sunt humiles recognoscant. tunc demum ut aures habeamus ad DEUM, diaconus acclamat, ipse predicat, ipse hortatur, ipse etiam commonet adstantibus sacerdotibus, ne leviter hanc vocem, quâ loquitur hæc & pacem annunciat, audiant, aut negligenter adspiciant, &c.

XXVI. Ut verò de Isidori verbis exactius constet, quale in illis describatur diaconorum ministerium, breviter nonnulla adjiciemus, quæ commentarii vicem subire possint. Præmonendum autem hoc est, non facile carere posse cultum divinum ceremoniis atq; ritibus externis, quamquam in primitivâ Ecclesiâ oppidò simplices illi fuerint, nec alii ferè, quam qui Scripturæ habuerunt mandatum atq; exemplum. Postea autem superaddi paulatim cœperunt alii, consilio primum nec malo,

malo, nec impio, ut scil. homines invitarentur ad verbum, ad Sacramenta, & ad cætera pietatis exercitia: ut doctrina commodius proponeretur, pluris fieret, avidius acciperetur, & melius retineretur, utque accenderetur & foveretur pœnitentia, fides, oratio, pietas, misericordia & reliquæ Christianæ virtutes, utque *ἅπαντα ἐν ᾧ εὐαγγελισμῶ* omnia peragerentur. Nec sentiendum tamen est, ordinationes illas humanas iustitiam mereri coram Deo, aut in illis quicquam esse, quod acceptos nos reddere queat, aut cultus esse necessarios ad iustitiam Evangelii, aut inesse illis physicam aliquam agendi virtutem, sed statuendum esse res omnino adiaphoras & indifferentes, non quidem ita, ut privatâ autoritate introduci & abrogari possint, sed ut Ecclesia libertatem habere intelligatur easdem mutandi, corrigendi, abrogandi & prorsus tollendi, si ad ædificationem utiles esse desinant, & à salutari fine atque usu in superstitionem atque abusum degenerent.

XXVII. Primum ait Isidorus, diaconum assistere debere sacerdotibus & ministrare in omnibus, quæ agantur in Sacramentis Christi. Per sacerdotes intelligit tùm Episcopos tùm presbyteros, qui generali sacerdotum nomine veniunt, uti ex plurimis constitutionibus Codicis Justiniani, *sub tit. de Episcopis & cler.*

apparet. Disertè magis hoc statuitur in Concilio Carthaginensi IV, *can. 37.* apud Gratianum *can. diaconi, dist. 93.* *Diaconi ita se presbyteri, sicut Episcopi ministros esse cognoscant.* Quomodo autem assistere aut ministrare debeant, exponit Anacletus Papa *epist. 1.* quæ allegatur Gratiano *c. episcopus s. de consecrat. dist. 1.* *Episcopi DEO sacrificans testes secum habeat in sollemnioribus diebus aut septem aut quinq, aut tres diaconos, qui oculi ejus dicuntur, & subdiaconos atque reliquos ministros, qui sacris induti vestimentis in fronte & à tergo, & presbyteri è regione dextrâ lavâ, contrito corde & humiliato spiritu ac prono stent vultu, custodientes eum à malevolis hominibus, & consensum præbentes sacrificio.* Consimilia leguntur in Euaristi Papæ *epist. 1.* quæ est ad Episcopos Africanos: *Diaconi, qui quasi oculi videntur esse Episcopi, in unaquâq, civitate juxta Apostolorum constituta septem debent esse, qui custodiant Episcopum prædicantem, ne aut ipse ab insidiatoribus quovis modo infestetur, aut ledatur à suis, aut verba divina detrahendo aut insidiando polluantur vel deficiantur, sed veritas spiritali redeat fervore, & pax prædicata labiis animi cum voluntate concordet, &c.* Hanc custodiam ita factam interpretatur Franciscus Turrianus, in *can. 62. concilii Niceni*, quem ex Arabico transtulit, ut duo diaconi Episcopo essent ad dexteram,

ram, duo ad sinistram, duo retrò & unus à fronte. Alibi, ubi defendit epistolas à Pseudosolidoro collectas lib. 5. c. 24. rationem septenarii, aut quinari, aut ternarii hanc reddit. *Aut duo sunt, inquit, qui utrumque latus custodiant, & duo item à tergo, & item duo à fronte, & unus diaconus, qui discurnat, necesse est, ministrandi causa. Aut duo ad dexteram & sinistram, & unus à tergo, & item unus à fronte, & quintus qui discurnat: aut duo presbyteri utrinque & unus diaconus ad discurrendum.* Sed & Anacleti & Euaristi epistolas spurias esse & supposititias eruditè ostendit David Blondellus in *Pseudo Isidoro*, ut adeò, quicquid ex illis de custodia Episcoporum refertur, non ex istorum Pontificum & antiquioris, sed multo recentioris Ecclesiæ ceremoniis petitum videatur. Et illam diaconorum à Turriano diversimodè ordinatam *videtur*, ut absurdam convincit Blondellus d. l. p. 117. Nec satis capio, què custodia diaconorum etiam hoc efficere possit, ut Episcopi labia cum animi sensibus conveniant. Est enim consensus ille sermonis & cogitationum actus merè internus, neque dignosci à quoquam potest, tantum abest, ut alterius observationi subijci queat.

XXVIII. Pergit Isidorus, ad officium diaconi spectare, ut in patenà & calice oblationes inferat & disponat in altari. Ubi ex verbis antece-

dentibus statuendum, munus deferendi ad altare patenam & calicem ad subdiaconum spectare. Diaconi ergo munus erit, patenam & calicem à subdiacono accipere, & in altari reponere. Ceremonias adhuc prolixiores refert & describit Ordo Romanus, quas necesse non est ut hic recenseamus, cum recentiores illæ sint, & cum superstitione conjunctæ. Cæterum à primis Ecclesiæ incunabulis patenas & calices in usu fuisse nemo facile negabit, sed vitreos plerumque, id quod ex variis antiquitatis documentis constat. Liber Pontificalis, qui Damafo Pontifici vulgo, sed falso adscribitur, & vel Anastasium Bibliothecarium, vel alium eo antiquiorem autorem habet, in vitâ Zephyrini mentionem facit patenæ vitreæ, quam ex præscripto deinceps uti deberet Ecclesia. Idem de Zephyrino testatur Valafridus Strabo, de reb. Eccles. cap. 24. Zephyrinus, ait, Pontifex Rom. patenis vitreis missas celebrare constituit.

XXIX. Eadem ratione etiam calicibus vitreis usam fuisse aliquando Ecclesiam locuples testis est Cyprianus Gallus in vitâ Cæsarii Episcopi Arelatensis, qui claruit temporibus Theodorici Regis Italiæ, *Annon, inquit, in vitro habetur sanguis Christi?* Et Epiphanius, in *Panar. hares. 34.* refert, Marcum quendam hæresiarcham Apostolorum temporibus proximum, amulatam Ecclesiam

tantum homines certis horis adstringunt, & hos ipsos etiam multâ cum dispensatione. Et si enim septem horas communiter præscribant, quas in officio illo expleri velint, sunt tamen nonnulli, qui statuunt, Sacerdotem unâ horâ suas horas effundentem & cumulantem officio suo satisfacere, & posse talem, qui simul & semel totum suum servitium singulis diebus recitat, reliquum temporis alibi consumere, & posse adeo post completorium statim dici matutinum sequens & mane totum officium diei. Quos merito perstringit Andr. Rivetus in *cathol. orthodox. tr. 2. q. 35.* & ex suâ scholâ confutat fabula de Severino Coloniensi Episcopo, quam ex Petri Cluniacensis epistolis refert Fr. Juretus, *ad Ieronis Carnotensis epist. 19.*

XXXVII. Non videtur tamen Isidorus per officium precum horas canonicas innuere, sed id potius, quod extra eas in divino ministerio incumbit, quodque prolixè exponit Pseudoclemens in *Constitutionibus Apostolicis lib. 8. c. 6. 7. 8. 9.* In eâ enim, quæ Catechumenorum missa dicitur, Diaconus omnibus fidelibus denunciât, ut orent pro iis dicentes: *Domine miserere. Pro catechumenis omnes DEUM obsecremus: ut bonus & singulari in homines charitate DEUS benevolè eorum preces & obsecrationes exaudiat, &c.* Deinde dimissis catechumenis Diaconus pro energu-

menis orandum edicit: *Intente pro eis precemur, ut summâ in homines charitate DEUS increpet per Christum immundos & malos spiritus, qui increpavit legionem demonum, &c.* Dehinc dimissis energumenis, Diaconus pro iis, qui baptismum petunt, DEVM orari sic jubet: *Omnes fideles intende pro eis oremus, ut Dominus faciat eos dignos, ut baptizati in mortem Christi cum ipso resurgant, regniqve ejus consortes ac mysteriorum ejus participes fiant, &c.* His quoque pariter dimissis Diaconus tandem pro penitentibus peccandum omnes clarâ voce admonet, ut benignus DEUS supplicationibus eorum quàm celerrimè exauditis restituat exultationem salutaris, & spiritu principali eos confirmet, &c. Pari modo apud eundem Constitutionum parentem *c. 35. 37. 38. 39.* in vespertinis sive nocturnis & matutinis precibus diaconus denunciât, ut omnes Dominum precentur, & misericordias ejus exorent.

XXXVIII. Hoc videtur esse istud officium precum, quod Isidorus intendit, quodque ita incumbit Diacono, ut precatiunculâ aliquâ præviâ præparet animos fidelium, ut attentè magis deinde preces ab Episcopo superadditas repetant, & majore cum devotione verba ad DEVM fundant. Ita quando de precum spiritu sive dono aut gratiâ concionatur Chrysostomus, *Homil. 14. ad Rom.* eamque laudat quod, qui prædictus eâ

vitanus testis esse potest, qui *lib. 6. adversus Donatistas* ait: *Quis fidelium nescit in peragendis mysteriis ipsa ligna linteamine cooperiri? Inter ipsa Sacramenta velamen potuit tangi, non lignum.* Præcepit id Synodus Rhemenfis apud Burchard. *l. 3. c. 97. Altaria in quibus Corpus dominicum consecratur, sanguisque ejus hauritur, cum omni veneratione honoranda sunt, & mundissimis linteis ac palliis cooperienda.* Imò verò calamitatis & luctus publici hoc erat indicium, si altare linteaminibus suis nudatum, aut aliâ veste lugubri accinctum, fuisset, id quod tamen seculo septimo ex livore & vindictâ sæpè facti tate solebant Clerici, graviter propterea reprehensi in Concilio Tolitano XIII, *c. 7.* Verba recenset Gratianus *c. qvicumque 26. q. 5.* *Qvicumque sacerdotum vel aliorum ministrorum deinceps causâ doloris cujuslibet permotus aut altare vestibus sacris exuere præsumserit, aut qualibet aliâ lugubri veste accinxerit, seu etiam conspersa luminariorum obsequia de templo DEI subtraxerit, & extingvi præceperit: si eum antea vera pœnitudo non purgaverit, loci sui dignitate se noverit & honore privari: illis procul dubio personis ab hac ultionum sententia separatim, quas aut contaminationem sanctorum Ordinum, vel subversionem sanctæ fidei metuentes, aut hostilitatem vel obsidionem perfe-*

rentes, seu etiam divinatorum judiciorum sententiam metuentes hac fecisse contigerit: in quorum facto plus humilitas, quâ DEUS placatur, quàm interni livoris dolositas declaratur, &c.

XXXIII. Quartum Diaconi officium ab Isidoro relatum est, quod debeat crucem ferre. Id de processionibus intelligit Nicolaus Serarius *de sacr. process. lib. 1. cap. 6. sub num. 1.* Et quidem seculo Justiniani publicas ejusmodi supplicationes & litanias in processionibus factas, atque cruces adhibitas fuisse ex *Novellâ 123. c. 32. patet: Sed & ipsas honorandas cruces, cum quibus & in litiis ingrediuntur, non alibi nisi in venerabilibus locis reponi, & si quando opus vocaverit ad litanias celebrandas, tunc solum ipsas sanctas cruces accipere eos, qui consuevit eas portare solent, & cum Episcopo & Clericis litanias celebrare, &c.* Quæ verba ostendunt, non præcisè diaconorum hoc fuisse munus, ut crucem portarent, sed secundum receptam consuetudinem, etiam alios. In Ecclesiâ Constantinopolitanâ Archidiaconum aliquando crucem tulisse, testis est Georgius Codinus *Curopolata, de offic. Constantinop. cap. 9.* Et quia ex sacris his processionibus ortum deinde cœperunt processiones aliæ, quibus eximia dignitatis Viri ad Urbem accedentes crucibus antelatis excipiebantur,

tur, de quibus eruditè agit Petrus de Marca *dissertat. de primatib. num.*

129. Archiepiscopi etiam promiscuè omnes in Concilio Viennensi potestatem acceperint, ut elatà cruce in omnibus locis provincie suæ procedere queant *c. Archiepiscopo, de privilegiis in Clementinis*, utrum cruces istæ semper à diaconis ferri consueverint, videant illi, qui ἀλαζονείας hujus spectatores sunt, & admiratores. Quid verò de sacris illis processionibus sentiendum sit, videri potest apud Andr. Rivet in *Cathol. Orbod. tract. 2. q. 39.* Add. Fr. Florens in *dissertat. Canon. pag. 68. seqq.*

XXXIV. Quintum Diaconi officium est prædicatio Evangelii & Apostoli, h. e. Epistolarum Apostolicarum. Nam, inquit Isidorus *sicut Lectoribus vetus testamentum, ita diaconibus novum prædicare præceptum est*. Dixerat enim in antecèdenti-
bus: *Ad Lectorem pertinet Lektionen pronunciare, & ea quæ Propheta vaticinarunt, populis prædicare.* Glossa hic prædicationis verbum infle-
xit: *Prædicare, id est, legere, ne sit contra XVI, q. 1. c. adjicimus.* Sed ibi Leo Papa Sacerdotis vocabulum in latiore significato accipit, dum monachis & Laicis opponit, quos ab officio prædicationis excludit. Sacerdotis enim vocabulum promiscuè sæpè de Clericis sumi notum est. Ipsum etiam Lectoris officium non

nudam ἀνάγνωσις & simplicem verborum pronuntiationem denotasse videtur, sed additam insuper aliqualem expositionem literalem, & paraphrasin extensorem. Quorsum enim in Ecclesiâ Africanâ officium istud non nisi provectæ ætatis, meritis insignibus & eruditione claris personis delatum fuisset, quod ex Cypriano aliquot exemplis probat Cardinalis Baronius, in *martyrol. d. 13. Jul.* si in nudâ & simplici præscriptorum verborum recitatione illud constitisset. Ad hoc enim nulla eruditio, nulla meritum præstantia, nec ætas provectior requiritur. Fuisse verò sequioribus temporibus prædicationem solis Episcopis & presbyteris retentam, exclusis aliis omnibus, negari non poterit. Quid & ab illis desertam aliquando hanc provinciam fratribus Regularibus cessisse, indeque argumentum disputationis inter Episcopos & Regularium Generales in Concilio Tridentino subito enatum fuisse, testis est Petrus Snavis, in *hist. Concil. Trid. lib. 2.*

XXXV. Cæterum, qui ritus, quæve ceremoniæ adhibitæ deinceps fuerint Læctioni ejusmodi, quam Diaconus absolvere tenebatur, non erit hic alienum, ex Ruperti Abbatis Tuitiensis *lib. 1. de div. offic. cap. 36.* addiscere: *Mittit Sacerdos diaconum ad legendum sanctum Evangelium petram dando benedictionem,*

catholicam, calice vitreo, quo in sacris suis utebatur, populum ita demetasse, ut color vini albus, qui foris apparebat in vitro, quibusdam præstigiis in rubrum mutaretur, atque vinum in sanguinem versum crederetur. Sic & Hieronymus *epist.*

4. *ad Rusticum*, agens de Exuperio Episcopo Tholosano, non obscure vitrei calicis mentionem facit, dum ait: *Nihil illo ditius, qui corpus Domini canistro vimineo, sanguinem portat in vitro.* Donatus Episcopus Aretinus fractum à paganis calicem vitreum orando in lauravit, si credendum dialogis, qui Gregorii I nomen ferunt. Nec dubito, de vitro accipiendam esse calumniam, quæ apud Constantinum, Imperatorem & in Concilio Tyrio Athanasium fracti calicis postularunt Eusebiani, & Miletiani, & quotquot in abditio tum temporis Arianismum fovérunt. Vid. ipse Athanasius *apolog. 2. Baron. ad ann. 329. n. 4. & 335. n. 17.* Alicubi verò etiam lignea vasa in usu fuisse, ex deliberationibus, quæ in Concilio Triburiensi & Rhemensi habitæ fuérunt, constat, ubi & vitrei, & lignei calices prorsus prohibiti fuérunt. Verba refert Gratianus *c. vasa 42. & c. ut calix 45. de consecrat. dist. 1.* Add. Cæf. Baron. in *martyrol. ad d. 7. Augusti.* Severin. Binius *ad vit. Zephyrini Pap. Joh. Steph. Durant. de ritib. Eccles. lib. 1. c. 11. & lib. 2. c. 50.* Joh. Georg. Dorfscheus, in *pentatech. dist. 8.*

n. 10. Andr. Rivet. in *Cathol. Orthodox. tr. 2. q. 30.* Sive autem vitrea sive lignea, sive aurea & argentea, sive denique stannea fuerint isthæc Ecclesiæ vasa, quibus sacrosancta peraguntur mysteria, ad diaconorum officium pertinere vult Isidorus, ut ab eis in altari reponantur. Unde altare sedes & corporis & sanguinis Christi dicitur Optato Milevitano *advers. Donatistas lib. 6.*

XXX. Quod autem dicit Isidorus, oblationes in patenâ & calice inferri oportere, per oblationes intelligi voluit materiam Sacramenti Eucharistiæ terrestrem, panem scilicet & vinum. De his enim vocabulum oblationis ætate Isidori usurpatum fuisse ostendit canon sextus Concilii Toletani XVI, an. Domini DCXIII, celebrati: *Ad conventus nostri agnitionem delatum est, quod in quibusdam Hispaniarum partibus quidam Sacerdotum, partim nescientiâ impliciti, partim temerario ausu provocati non paucos mundos & studio præparatos supra mensam Domini in sacrificio offerant, sed passim quomodo unumquemque, aut necessitas impulerit, aut voluntas coegerit de panibus, suis uestibus præparatis, crustulam in rotunditatem auferant, namque super altare cum vino & aqua pro sacro libamine offerant.* --- Unde temeritatis hujus aut nescientiæ cupientes terminum ponere id unanimitas nostræ delegit conventus, ut non aliter panis in altari Domini,

ni, Sacerdotali benedictione sacrificandus proponatur, nisi integer & nitidus, qui ex studio fuerit paratus; neque grando aliquid sed modica tantum oblata, secundum quod Ecclesiastica consuetudo retentat: cuius reliquia aut ad conservandum modico loculo, absque aliquâ injuriâ facilius conserventur, aut si ad consumendum fuerit necessarium, non ventrem illius qui sumpserit, gravis farciminis onere premat, nec quod in digestionem vadat, sed animâ alimoniâ spirituali reficiat &c. Quid de constitutione hac sentiendum sit, dicere nunc nihil attinet, siquidem de solâ vocabuli oblationis significatione nobis cura est. Videri tamen à curioso poterunt, quæ de formâ placentularum orbicularium adversus Theodorum Zuingerum disputat Joh. Georg. Dorscheus, in exercitiis. ad diatyposin Concilii Niceni de Canâ scilicet. 2. n. 38.

XXXI. Oblationes scilicet dicebantur ideò, quod ab initio offerrentur à communicantibus. Offerentes enim etiam communicabant, nec à non communicantibus olim oblationes recipiebantur. Et inter ea, quæ offerebantur, esculenta plurima erant, atque potulenta, ex quibus deinde elementa Eucharistiæ sumebantur. Poterat autem communicans etiam non offerre, si id facultates non permetterent. Interim qui offerebat, etiam communicabat. Ambrosius, *serm.* 34. Omnes Christiani omni Dominicâ

debent offerre & communicare. In Quadagesimâ verò monco, ut de omni, aut saltem, ut dixi, omni Dominicâ offeratis & communicetis. Augustinus *serm.* 63. Oblationes, quæ in altari consecrentur, offerre. Enrubesce debet homo idoneus, si de alienâ oblatione communicet. Aliquando tamen, quod Canon Toletanus supra adductus innuit, ipsi Sacerdotes panes domi suæ confectos afferebant, & in altari reponebant. Sed hæc obiter & quasi per saturam.

XXXII. Ait Isidorus, debere Diaconum componere mensam Domini atque vestire. *Τελεῖται κρυβίς* dicitur etiam ab Apostolo, 1. Cor. X. 21. ubi Eucharistiam Apostolus confert cum epulo, quod apud Ethnicos plerumque instruebatur post peractum sacrificium. Vid. Petr. Molinæus *tr. de altar. & sacrif. cap.* 5. Nec tamen necesse est, ut in omnibus Patrum diœcesibus, ubi mensa Domini mentionem faciunt, immediatè ipsam Eucharistiam intelligamus, uti innuere videtur Is. Casaubonis, *exercit.* 16. n. 36. Sed materialis sæpenuerò mensa eo nomine venit, cum apparatu tamen illo sancto & divino, qui ex divinâ institutione instruitur, aut in respectu ad eum habito. Quomodo & Isidorus eam hic intellectam voluit. Hanc ipsam scilicet componere atque vestire debent Diaconi. Linteis namque altaria olim tegi & ornari consuevisse Optatus Mile-

incideret de eucharistiâ, orthodoxus ait: ὡς ἐν σαφὲς εἰπεῖν, non fas est clarè loqui, fieri enim posset, non initiatos adesse. Eranista respondet, quod enigmatica sit responsio. Et Cyrillus Hierosolymitanus catech. 6. excusat, si quid obscurè de tantis mysteriis proferatur: De mysteriis, inquit, apud catechumenos clarè non loquimur, sed sæpè multa dicimus involutè, ἡπικαλυμμένως, ut qui norunt fideles intelligant. Hinc adeò crebra in Chrysostomi homiliis occurrit formula: ἴσασιν οἱ μεμνημένοι, norunt initiati, quod dicitur. ἴσασιν οἱ πρὸς τὸ λογιζόμενοι, sciunt fideles quod dicitur. ἴσασιν οἱ μετὰ γνώμῃ, sciunt, qui in mysteria deducti sunt, &c. Vid. If. Casaubon. exerc. 16. adv. Baron. n. 43. p. 491.

XLI. In ipsâ administratione, Eucharistiæ noluérunt præsentēs esse, qui nondum initiati erant, & quibus proinde nondum sufficienter informati ludibrio esse poterant divina ista mysteria, quanquam reliquo cultui divino interesse eos non prohibebant, uti patet ex Concilio Carthaginensi IV, can. 84. & verbis Augustini apud Gratian. c. 7. dist. 34. Absolutè igitur sacrorum librorum lectione, cui adesse, quanquam diversis in locis, poterant promiscuè omnes, cum Eucharistiæ sacramentum celebrandum esset, per diaconorum præconia dimittebantur catechumeni, energumeni, & pœni-

tentes. Ita Dionysius, sive quisquis autor est libri de hierarchiâ Ecclesiasticâ: Postea extra templi ambitum collocantur catechumeni, & unà cum eis obfessi, ἐνεργούμενοι, atq; pœnitentes. manent autem ii, qui divinarum rerum adpectu & communione digni sunt. Et paulo post: Catechumenos autem & energumenos, quiq; in pœnitentiâ sunt, sancta hierarchia mos patitur quidem audire sacram psalmodiarum modulationem, divinamq; sacrarum scripturarum recitationem, ad sacra autem opera, quæ deinceps sequuntur, atque mysteria spectanda, non eos convocat, sed perfectos oculos eorum, qui digni sunt. Sic & Maximus Monachus Constantinopolitanus, lib. de Ecclesiasticâ mystagogiâ cap. 14. Post divinam sancti Evangelii lectionem & catechumenorum, & reliquorum, qui divinâ ostendendorum sacramentorum contemplatione indigni sunt, fit per sacros ministros dimissio & ejectio. Qui illi reliqui sint, Dionysii verba modo adducta, & quæ supra ex Constitutionibus Apostolicis protulimus, satis dilucidè exponunt. Ex quibus patet, tria hominum genera à mysteriis celebrandis exclusâ, atque inter eos talem ordinem servatum fuisse, ut primò catechumeni, deinde energumeni, & ultimò pœnitentes exesse juberentur. Autor Constitutionum Apostolicarum quartum hominum genus addit, idque inter energumenos & pœnitentes collocat, eorum scilicet

Q qui

qui baptismum petunt, quos competentes ab aliis vocari arbitror, quique peculiarem catechumenorum speciem constituunt.

XLII. Catechumeni scilicet erant pagani sive gentiles, sed qui Spiritus S. gratiâ præveniente excitati ad Ecclesiam venerant, ut membra ejus fierent, & jam in primis Christianæ religionis elementis informabantur. Eorum duo fuisse genera, ex *canone* 5. Concilii Neocæsariensis, & *can.* 14. Concilii Niceni I patet, *ἀπερωμένων* scilicet, sive audientium, & *εὐχομένων* sive orantium, qui & *προσκύβοντες* genuflectentes, & competentes vocantur. Illos imperfectiores, hos perfectiores dicunt ad dictum canonem Neocæsariensem Commentatores Græci, Balsamon, Zonaras & Aristenus. Illi erant, qui nuper accesserant, & post Scripturarum atque divinorum Evangeliorum auditionem statim exire tenebantur. Hi verò adultiores jam in fide Christianâ facti orationem, quæ recitabatur super catechumenos expectabant, & in eâ genu flectebant, neque egrediebantur prius, quàm à diacono proclamatum fuisset, *εἰ κατηχούμενοι προσέλθῃτε*. Catechumeni procedite, aut exite. Primis illis nihil amplius, quàm audire, permissum erat, unde & audientes dicebantur; alteri autem provectiores jam erant in articulis fidei & baptismo aptiores, atque idcirco orationem super

catechumenos expectabant, à quâ *εὐχόμενοι* dicebantur, & successu temporis, si in articulis fidei satis instructi essent competentes, quod baptismum sibi peterent. Quod si quis ex competentibus flagitium aliquod commisisset, in ordinem audientium referebatur, & sic gradu quasi movebatur. Audientes autem peccati alicujus convicti extra Ecclesiam, consistere cogebantur. Conf. Guilielm. Beveregius *annot. ad Concil. Niceni I can. 14. & Concil. Neocæsar. can. 5.*

XLIII. Optimè se ista haberent, nisi aurem nobis vellicaret autor constitutionum Apostolicarum, in *loco supra adducto*. Dum enim super utrosque & super catechumenos & super eos, qui baptismum petunt, orationes factas commemorat, *cap. 6. 7. & 8.* & utrosque post preces eis destinatas exire jubet, utique etiam audientibus precationis beneficium impertitum fuisse sequitur. Nec enim alios *τῶν κατηχουμένων* nomine intellexisse videtur, quàm audientes. Competentes autem vocat illuminandos, *cap. 8.* quo nomine eos etiam insignit Hieronymus in *epist. ad Pammach.* Non videtur excusari posse pseudoClemens, nisi admittamus ulteriorem *τῶν κατηχουμένων* distinctionem, quam nobis suggerit Gabriel Albaspinaeus Episcopus Aurelianensis, *lib. 2. Observ. 2.* ubi quatuor in catechumenatu observat gradus:

Cicung, inquit, divinitus lux oborta quadam mentem iniecit, ut Christianus fieret, privatâ quâdam in domo, quo præstigia anilesq; superstitiones paganisimi essent, docebatur: neq; tamen divini verbi se concionum audiendarum, quæ apud audientes habebantur facultas dabatur, inde ad altiorum quasi gradum provehebatur, ad excerpendas ipsas conciones, quo in gradu vocabantur audientes. Posteaq; ad tertium deducebatur, ubi particeps consorsq; precum & orationum fieret, quæ apud catechumenos tertii gradus pronunciabantur. potuitq; in genus in ipsâ Ecclesiâ procumbere. Catechumeni isti orantes & genua flectentes dicebantur. Ad extremum rebus omnibus illis ex communi consuetudine transactis, sacro fonte, datis ad eam rem nominibus, abluebantur, ut inter electos collocarentur, unde competentes nominabantur, &c. Competentium hoc nomen, non postquam abluti fuissent, sed antequam abluerentur sustinebant, & fortasse per exiguum temporis spacium, quandoquidem baptismi petitio communiter Dominicâ in ramis palmarum fieri solebat, quo die etiam symbolum eis prædicabatur c. symbolum 55. de consecrat. dist. 4. idq; publicè, cum ex decreto Concilii Bracarenensis II per integros viginti dies id docerentur. c. 54. ead. ipsa autem baptizatio die vel vigiliâ paschatos & pentecostes celebrabatur. c. 10. seq. de consecrat. dist. 4. Sic igitur de tertii

gradus catechumenis accipienda erit precatio, quam refert pseudo Clemens. Insuper autem, quod idem refert, etiam quarti gradus catechumeni post preces absolutas exire iussi fuerunt, quandoquidem sacris deinceps mysteriis peragendis interesse nemini licebat, nisi baptizato.

XLIV. Hæc scilicet est, de quâ aliquando in Patrum scriptis legitur, missa catechumenorum, quod scilicet dimittantur tunc post peractas preces catechumeni, ita explicante Remigio Monacho Antisiodorensi, qui Galorum Apostolus vulgo dicitur, & vixisse fertur circa annum DCCCXC. in exposit. miss. Missa, inquit, dicta est, ut Isidorus ait, ab emitendo. Nam tempore, quo sacerdos incipit consecrare corpus dominicum, dicendum est à diacono post Evangelium, si quis catechumenus est, procedat foras. Et quia tunc emittuntur Catechumeni ab Ecclesiâ, qui non debent interesse sacris mysteriis idèd dicitur missa ab emitendo. Similia habet Rabanus Maurus, Episcopus Moguntinus, lib. 1. Inst. Cler. c. 32. Missa est tempore sacrificii, quando catechumeni foras mittuntur, clamante Levita: Si quis catechumenus remansit, exeat, & inde missa, quia sacramentis altaris interesse non possunt. Et propterea jubet Concilium Carthaginense IV, can. 84. apud Gratianum c. Episcopus 64. de consecrat. dist. 1. Episcopus nullum prohibeat ingredi in Ecclesiam, & audire verbum DEI fi-

sive gentilem, sive Judæum, sive hereticum, usq; ad missam catechumenorū. Ex quo factum, ut ipsa pars illa cultūs divini, cui licuit interesse nondum baptizatis, missa catechumenorum diceretur: Sic enim usurpatum legitur hoc vocabulum in Concilio Valentino, quod in Hispaniā anno DXXXIV habitum est, can. 1. Inter cetera hoc esse censuimus observandum, ut sacrosancta Evangelia ante muncrum illationem in Missa catechumenorum, in ordine Lectionum post Apostolum legantur, quatenus salutaria Christi praecepta vel sermones Sacerdotes, non solum fideles sed etiam Catechumeni, ac penitentes & omnes, qui à diverso sunt, audire licitum habeant? Sic enim Pontificum predicatione auditā, nonnullos attritos ad fidem evidenter scimus. Et apud Ivonem Episcopum Carnutensem epist. 219. Qui audiebat missam catechumenorum, subterfugiebat missam Sacramentorum, h. e. qui audiebat partem cultūs divini cum catechumenis & reliquis non baptizatis, subterfugiebat reliquum cum fidelibus & baptizatis cultum, quo Eucharistia celebrabatur. Sic enim distinguitur missa catechumenorum à missa fidelium etiam apud Albinum Alcuinum lib. de div. offic.

XLV. Cur verò Christiani veteres noluerint catechumenos interesse Sacramentorum mysteriis, sollicitè inquirat Isaacus Casaubonus exercit. 16. n. 43. circa fin. & tres præcipuas ex

patrum scriptis adducit has rationes: Prima est, inquit, sublimitas eorum, quæ occultabant, & ut Cyrillus Hierosolymitanus loquitur, τὸ ὑψηλὸν τῶν διδασκαλιῶν. -- Nam quis à fide alienus paganus, aut Catechumenus in fide nondum confirmatus, mysterium nostræ per aquam regenerationis aut manducationis carnis Christi in cenâ Domini sine scandalo aut risu audiat? -- Altera causa est, ut hoc silentio accenderetur cupiditas Catechumenorum. -- Tertia, quam observamus, causa est studium vindicandi à contemptu res sacras, & contra, majestatis cujusdam opinionem illis conciliandi. -- Quem scopum affectos se credebant veteres Christiani, si de mysteriis aut omnino apud vulgus non loquerentur, aut obscurè, remotisque à communi intelligentiâ dictionibus & loquendi generibus uterentur.

XLVI. Observant tamen eruditi, accepisse catechumenos ἀντίδωρον quoddam, quod locum obtineret τοῦ δώρου sive Eucharistiae, idque fuisse frustum panis ex oblationibus fidelium desumptum, & benedictum quidem, sed non in usum Eucharistiae, verum in symbolum unitatis fidei, ut hoc veluti pabulo eorū vita & communio augeretur & foveretur, neve illi in ipsa Christiana vitæ primordiis, atque dum fingebantur & animabantur, succi inopiâ deficerent. Itaque hoc illis erat loco Sacramenti, & Sacramentum quoddam analogum.

gum. Vid. Casaubon. *exercit.* 16. n. 33. Gabr. Albaspin. *lib.* 2. *Obs.* 35. & 36. Sed & hoc observat idem Albaspinæus *obs.* 2. si cui contigisset catechumeno, casu aliquo ac fortuito sacrificiis interesse, aut oculis illa sacra intueri, eum protinus sacro fonte abluendum fuisse, tametsi neque catechumenatum absolverit, nedum inchoarit. Echæ de Catechumenis, quos primo loco post prædicationem verbi ex cœtu fidelium ire iusserunt Diaconi.

XLVII. Seqvuntur energumeni, qui & dæmoniacy & areptitii vocabantur, quod à dæmone scil. vexarentur, & miserum in modum corriperentur, atqve in terram arrepti à dæmonibus eliderentur, uti describuntur *c. communiter* 4. *dist.* 33. In *can.* 17. Synodi Ancyranæ dicuntur *χρηστέμφοι*, h. e. ut Aristenus explicat ex Dionysii sententiâ, *οἱ τὰς πνευματικῶν πονηρῶν κατηχέμφοι*. Sive ut Dionysius Exiguus vertit, qui spiritu periclitantur immundo. Vid. Guil. Beveregius *ad can.* 11. *Concil. Niceni* I. Tales autem primis Ecclesiæ temporibus multo plures fuisse, quàm per Dei gratiam hodiè inveniuntur, Historia Ecclesiastica testis est. Id enim bono fine permisit divina providentia, ut per ejectionem dæmoniorum, quod singulare tùm in Ecclesiâ Christianâ fuit donum, eo magis innotesceret & celebraretur prædicatione Evange-

lii. Adqve idcirco dæmoniorum ejectione inter signa, quæ credentes dicuntur secutura, numeratur *Mar.* XVI, 17. Et Laicis etiam, qui Christi fidem susceperant, donum istud datum fuisse, autor est Tertullianus *de coron. mil. cap.* 11. ubi testatur, etiam à militibus ejectos fuisse spiritus immundos.

XLVIII. Tales energumeni non ab Ecclesiasticis tantum officiis excludebantur, sed etiam à communione Eucharistiæ; & nec ad preces quidem cum fidelibus admittebantur. Si quis dæmonem habeat, dicitur *can. Apost.* 79. ne fiat Clericus, sed neque cum fidelibus precetur, h. e. tamdiu non subsistat in Ecclesiâ, ut preces fidelium circa Eucharistiam orari solitas exaudiat, ne fortè, ut ait Balsamon, si quid mali aut inhonesti egerit, ac dæmoniacy voces emisserit populum Dei conturbet, atqve officium divinum impediatur. Sic & in Concilio Arausicano I, *can.* 16. uti legitur apud Severinum Binium, constitutum est: *Energumeni non solum non assumendi sunt ad nullum ordinem Clericatus, sed & illi qui ordinati jam sunt, ab imposito officio sunt repellendi.* Cur canonem istum cum aliis ejusdem concilii in summis suis omiserint Bartholomæus Caranza & Franciscus Longus à Coriolano, dicere non habeo, præsertim cum Coriolanus perpetuo ferè sequatur Binium. Non minus etiam in concilio

Toletano XI *can. 13.* constitutum est: *Communitè diffinimus, ut nullus de iis, qui aut in terrâ arrepti à demonibus eliduntur, aut quolibet modo vexationis incurſibus offeruntur, vel sacris audeant ministrare altaribus, vel indiscursè se ingerant sacramentis divinis: exceptis illis, qui corporum incommoditati dediti, sine huiusmodi passionibus in terrâ probantur elisi, qui tamen & ipsi tamdiu erunt ab officii sui ordine & loco suspensi, quousque unius anni spacio per discretionem Episcopi inveniantur ab incurſu demonum liberari.* Apud Gratianum *dist. 33. canon* hic falsò adſcribitur Pio Papæ.

XLIX. Quin imò tam abjecti erant ab cœtu fidelium dæmoniacy, ut ne quidem propter oblationes ad altare factas nomina eorum recitarentur, & nec manuale eorum ministerium in Ecclesiâ admitteretur. Utrumque scilicet prohibuit Concilium Eliberinum, *can. 29. Energumenus, qui ab erratico Spiritu exagitur, huius nomen neque ad altare cum oblatione recitandum, neque permittendum, ut suâ manu in Ecclesiâ ministret.* Videntur ipsæ etiam eorum oblationes rejectæ, cum & receptio earum, & recitatio nominum communionis quandam speciem præ se ferrent. At omni modo cavebant, ne cum illis ullâ ratione communicarent, ne cum dæmonibus ipsis communicasse viderentur. Quâ ratione etiam, quod manu ab illis fiebat, infectum quo-

dammodo & contaminatum credebatur, & Ecclesiæ probrosum, si quid à Dæmone, qui per energumenos operaretur, reciperent. Deinceps tamen in Concilio Carthaginensi IV, *can. 91.* iussu fuerunt energumeni verrere pavimenta domorum DEI. Verba refert Gratianus *c. 11. dist. 5. de consecr.* *Omni die exorcistæ energumenis manûs imponant. Energumeni verò pavimenta domorum DEI vernant (intrent, habet editio Contii, sed perperam & sine suffragio) quibus assidentibus in domo DEI victus quotidianus per exorcistas opportuno tempore ministratur.* Id factum putat Albaspinæus *ad Concil. Elib. can. 29.* ob id maxime, quod in Ecclesiis pernoctarent, ut Dæmonum terrore atque metu liberarentur.

L. Cum igitur energumenis unâ cum fidelibus preces fundere non liceret, & tamen non minus atque catechumenis homilias & sermones ad populum audire permissum esset, solebant quidem illi per istum divini cultus tractum sacræ congregationi adesse, sed ita, ut singularem in parte templi, quæ Νάπηξ dicta fuit, & à catechumenis etiam separatam quoniam haberent. Sed & expectare poterant, donec preces pro catechumenis absolutæ & hi dimissi essent. Succedebant enim immediate post catechumenos, & ipsi quoque deinceps peractis à diacono & Episcopo aut presbytero precibus singularibus

bus

bus egredi cogebantur. *Enchiridion* illam in ichnographiâ, quam delineavit, exhibet Guilielm. Beveregius in not. ad Concil. Nicen. I fol. 71. De precibus verò & processu, quem cum energumenis observavit Diaconus, eleganter loquitur Chrysostomus, homil. 3. & 4. contra Anomæos. In sacra illo tempore, inquit, Diaconus à demone & furore terribi-
mo arreptos adducit, & caput jubet inclinare: ut quos unâ cum fratribus orare non liceat, (quia tam acerbè vexantur, ut vocem reddere nequeant) suâ DEUS misericordiâ & potentiâ ad eorum utatur defensionem & auxilium. Vincula enim prava, gravia & ferro validiora demonum agitatio est. Ut ergo, quo iudex tempore prodire & pro tribunali sedere solitus est, carcerarii vinctos educunt, proque fori septis & cancellis collocant, squalidos, sordentes, capillatos, pannosos & misendos: Sic Christo velut pro tribunali sessuro, inque Sacramentis brevi apparituro, ex statuto Patrum Diaconus energumenos, quasi vinculis retentos adducit, & capita jubet acclinare: non ut rerum, quas commiserunt vel examen modo subeant, vel penas luan-
t, sed ut communes ab omni populo presente pro eis preces concorditer fiant.

LI. Restat, ut de pœnitentium ordinibus nonnulla addamus, quandoquidem circa illos etiam Diaconorum officium occupatum fuit.

Dici autem non potest, quàm severa olim in Ecclesiâ Christianâ circa delinquentes exercita fuerit disciplina, & quantâ asperitate caverint Christiani tum temporis, ut quàm à baptismo hauserant puritatem, eam nullâ aspersam vitii alicujus maculâ ac sceditate externâ conservarent. Quibusdam enim criminibus nullam omninò veniam indulgebant; quibusdam autem tam laboriosos pœnitentiæ gradibus per aliquot annos subeundos præscribebant, ut ad Saracenos aliquando deficerent, vel etiam ad paganos, qui criminibus à Canone vetitis se obstrinxissent. Qui durissimos Concilii Elibertini sive Illiberitani canones primum, secundum, tertium, sextum & reliquos, quibus post baptismum in facinora prolapsos ab omni reconciliatione excluderunt, reditumque ad Ecclesiam denegarunt, attentè perlegerit, vix credet, tantam acerbiter ab Ecclesiâ ullo tempore usurpari potuisse. Ex quo factum, ut Elibertinum istud Concilium non ab omnibus, nec per omnia probatum sit, & Cardinalis Baronius ad an. 305. num. 41. haud frustra scribat, videri sibi sanctissimos istos patres Novatianorum limites attigisse.

LII. Si quis verò ad pœnitentiam publicam admissus esset, de hac enim, non de eâ, quæ privatim suscepta fuit, nunc solliciti sumus, variè is pro qualitate delicti & duriter sæpè

pè per disciplinam Ecclesiasticam exercebatur, anteqvam Ecclesiæ plenariè restitueretur. Ejus autem non una fuit species, sed constituebantur gradus, quibus pro conditione delicti subiectos esse oportebat delinquentes. Gregorius Archiepiscopus Neocæsariensis, quem Thaumaturgum dicunt, in *epistolâ canonicâ can. ult.* eos his enumerat verbis: Ἡ *προσκλαυσις*, *fletus seu luctus est extra partem Oratorii, ubi peccatorem stantem oportet fideles ingredientes orare, ut pro se precentur.* Ἡ *ἀκροασις*, *auditio est intra portam in porticu, ubi oportet eum, qui peccavit, stare usq; ad catechumenos & illinc egredi.* *Audiens enim, inquit, Scripturas & doctrinam ejiciatur, & precatione indignus censeatur.* Ἡ *προήωσις*, *subiectio seu substratio est, ut intra templi portam stans cum catechumenis egrediatur.* Ἡ *συνασις*, *congregatio seu consistentia est, ut cum fidelibus consistat, & cum catechumenis non egrediatur: Postremo est participatio Sacramentorum.*

LIII. Et hi quidem erant pœnitentiæ gradus seu pœnitentiam ordines. *Primus* scilicet & infimus erat eorum, quibus ingredi templum non licebat, sed ante fores expectare tenebantur, ibique multis cum lachrymis ingredientiæ precabantur, ut pro se & sui reconciliatione precibus DEI misericordiam exorarent.

Alter ordo erat audientium, eorum

scil. quibus in nartheco stare, & divinas Scripturas atqve conciones audire permissum erat. *Tertius* genus fletulentium erat, eorum scil. quibus intra Ecclesiæ septa post suggestum stare permissum erat, quosque cum catechumenis exire oportebat. Priusquam autem dimitterentur, in genua procidebant coram Episcopo, qui & ipse cum populo procedens & statim exurgens manus iis imponebat. *Quartus* ordo erat consistentium, eorum scil. qui cum reliquis fidelibus stantes orabant, & ad finem usque actionum sacrarum persistebant, nec tùm tamen ad Sacramenta admittebantur. Tandem ipsi quoque post exactos hos pœnitentiæ labores, per plenariam restitutionem, Eucharistiæ participes reddebantur, & iisdem beneficiis cum reliquis fidelibus fruebantur. Vid. Christoph. Justell. *ad Cod. can. Eccles. univ. p. 159.* If. Casaub. *exercit. 16. adv. Baron. num. 43. pag. 487.* Gabr. Albaspinus *lib. 2. observ. 22. seqq.* ubi in quibusdam à Casaubono dissentiit. Guilielm. Bevereg. *ad can. II. Concil. Niceni I,* ubi notat, τοὺς *προσκλαυσι* non propriè pœnitentes, sed potiùs pœnitentiæ Candidatos fuisse, utpote qui nondum ab Ecclesiâ inter pœnitentes admissi, sed tantùm ad Ecclesiæ fores stantes, luctu & lacrymis eos, qui ingrederentur, supplices exoraverint, ne sacris Ecclesiæ limitibus diutiùs arceren-

cerentur, sed sacras istas portas ingredi ipsi quoque permetterentur.

LIV. Qvodd tempus attinet in his pœnitentiæ speciebus absolvendum, non idem promiscuè omnibus gradibus, nec omnibus delictis aut delinquentibus idem præscriptum aut destinatum fuit. In Basilii Archiepiscopi Cæsariensis in Cappadociâ ad Amphiloichium Iconii Episcopum scriptâ epistolâ Canonica *can. 56. & multis seq.* qvibusdam delictis certa temporum spacia præfinita fuerunt intra quæ expiari illa à pœnitentibus possent. Sic enim se habet *canon 56. Qui suâ sponte interfecit, & postea pœnitentiâ ductus est, viginti annis Sacramento non communicabit. Viginti autem anni sic in eo dispensabuntur. Debet quatuor annis deslere stans extra fores oratorii & fideles ingredientibus rogans, ut pro eo precentur, suam iniquitatem pronuncians. Post quatuor autem annos inter auditores recipietur, & quinque annis cum ipsis egredietur: septem autem annis cum iis, qui in substratione orant, egredietur. In quatuor annis solum stabit cum fidelibus, sed non erit oblationis particeps. Iis autem expletis erit Sacramentorum particeps. Sequitur deinde *canon 57. Qui non voluntariè interfecit, undecim annis Sacramento non communicabit. Undecim autem anni sic in eo dispensabuntur. Duos quidem annos deslebit, tres autem annos inter auditores per-**

severabit, in quatuor substratus, & anno solum consistet, & deinceps ad sacra admittetur. In sequentibus, adulteris, fornicatoribus, furibus, Sodomitis, perjuris, veneficis, incantatoribus & aliis similia tempora inter ordines pœnitentium explenda præscribuntur. Sed idem tamen Basilii *can. 74.* dispensandi facultatem concessit Episcopis, prout viderint in pœnitente virtutis studium, & pœnitentiæ susceptæ promptitudinem. Et in hoc scilicet differentiam annotat Balsamon *ibid.* inter iudices seculares, & Episcopos. Illi enim, inquit, pœnas à lege constitutas nec possunt augere, nec minuere sine iussu Imperatoris; hi verò pro suo arbitratu pœnas & augent & minuunt, & ideo in eorum est potestate non solum pœnarum temporum minuendi, sed etiam pœnas commutandi. Qvam eandem differentiam ante Balsamonem prolixius exposuit Photius in *Nomocan. tit. 9. cap. 39.* De hac autem dispensandi facultate Episcopis competente videri poterunt, quæ eruditè dissevit Petrus de Marca, de *concord. sacerdot. & imper. lib. 3. cap. 13.*

LV. Quæ diximus hætenus de catechumenis, energumenis & pœnitentibus, lucem afferunt non tantum constitutionibus Apostolicis, ex quibus, quale sit circa ista tria hominum genera officium diaconi ostendimus, sed etiam verbis

R Ifidori,

Isidori, ut intelligamus, quid & quale sit officium precum, quod adscripsit diaconis, & quomodo ipse pramoneat preces ad Dominum & orare hortetur. In dictis enim constitutionibus, (quæ licet mentionantur Apostolorum nomina, nec ab eis compositæ sint, & nec à Clemente Romano quidem, quod multi persuasum habent, antiquæ tamen sunt & veteris auctoris, aut etiam plurimum opus confusaneum,) quam plurima habentur capita, in libro octavo, quibus, quâ ratione Diaconus populum ad preces exhortari debeat, explicatur. E.g. in cap. 5. in fin. dicitur: *Cunctis confurgentibus edicat diaconus ex loco alto, ne quis adsit audientium, ne quis infidelium. Et silentio facto dicat: Orate catechumeni. Et omnes fideles attentè pro ipsis orent, dicentes: Kyrie eleison. Et cap. 6. Postea dicat diaconus: Exite catechumeni in pace, & postquam exierint, dicat: Energumeni quos spiritus immundi agunt adhibete cunctis preces DEO, --- inclinante energumeni & accipite benedictionem, &c. Et sic in cæteris. Quæ omnia hic exponere, aut adscribere prolixum nimis esset.*

LVI. Quia igitur neque catechumeni, neque energumeni, neque poenitentes, exceptis illis, qui consistentes dicti fuerunt, sacræ communioni interesse licuit, officium diaconi erat, singulis ordinibus

post peracta circa unumquemque solennia denunciare, ut exirent, & ab reliquis fidelibus recederent. *Sanctis hæc concessa sunt, inquit Chrysostomus, in epist. ad Hebr. homil. 17. hoc enim & Diaconus tunc acclamat, sanctos vocans, altiori loco sublimis stans, magnâ voce, terribili clamore, quasi quidem præco, manum in altum tollens, erectus, omnibus manifestus, alios quidem vocatos introducit, alios autem prohibet, & excludit, lingua quidem, sed effectus, quam si hoc manu faceret. Olympiacis quondam præco altum inclamans, si quis hunc accusat, ne fortè fur, servus, aut pravorum aliqui morum: sic in his animæ exercitiis noster præco unum capite quemque tenens, sed interiorum omnium simul capita producens, ipsos sibi non alios accusatores statuit, quasi dicat: Si quis seipsum accusat, sancta, inquit, sanctis. Si quis non est sanctus, non accedat, &c. Eodem modo ritum hunc explicat Cyrillus Alexandrinus, in Job. lib. 12. c. 50. Prohibemus, inquit, à Sacramentis Catechumenos, quamvis veritatem jam cognoverint, & fidem magnâ voce confiteantur: quia nondum locupletati Spiritu S. sunt, qui habitant in iis, qui baptismate consummati. Unde cum baptismum receperint, quia Spiritus S. habitare in illis creditur, a tactu & communionem salutaris Christi corporis non prohibentur. Idcirco*

Et accedentibus ad benedictionem, mysticam ministri mysteriorum magnâ voce clamant: SANCTA SANCTIS! Solis sanctificationis spiritu tantum & sanctificationem corporis Christi congruere significantes, &c. Pertinent eò formulæ, quarum meminit Chrysostomus, ab Diaconis usurpari solitæ: ὅσοι κατηχούμενοι περὶ ἡμετέρας κατηχούμενοι περὶ ἡμετέρας, καὶ τῶν κατηχούμενων, &c.

LVII. Hæc dimissio missa dicebatur. In proprio enim significato missa idem est, quod ἀφesis, sive dimissio. Et hæc missa, uti supra obiter mentionem fecimus, duplex erat. Prior cum finitis lectionibus Sacræ Scripturæ & precibus illis, quibus poterant interesse catechumeni, energumeni & alii non initiati, voce diaconi jubebantur exire, quibus sacram Liturgiam spectare fas non erat: Posterior cum sacris peractis & Eucharistiæ celebratione finitâ post εὐχὴν ἀπολυτικὴν à diacono pronunciatam populo discedendi fiebat potestas. Causaub. exercit. 16. adv. Baron. num. 58. Prima missio specialis erat certorum hominum, catechumenorum, energumenorum & poenitentium, secunda universalis erat reliquorum fidelium omnium, in quâ formula Diacono usitata hæc erat: ITE, MISSA EST, hoc est, finita & completa est Liturgia. Peractis enim sacris fidelium quisque mitte-

batur domum, eaqve missio sive dimissio à Græcis ἀπόλυσις dicebatur. Quo verbo Diaconus populo potestatem abeundi denunciabat. Uti in sacris gentium olim Sacerdos ad plebem conversus altâ voce exclamabat: λαοὶς ἀφesis, hoc est: populi dimissi sint. Vid. Johan. Steph. Durant. de ritib. Eccles. lib. 2. cap. 1. num. 5.

LVIII. Redimus ad Isidorum, & quæ ibi porro recenset officia diaconi, videbimus. Ait, ad diaconum pertinere recitationem nominum. Olim enim in precibus, quas Sacerdos ad altare faciebat, commendabantur nomina eorum, quorum erant oblationes, & pro quibus intercedendum erat apud DEUM. Meminit ejus ritus Innocentius I, in epist. 1. quæ est ad Decentium Episcopum Eugubinum num. 2. De nominibus inquit recitandis, antequam preces sacerdos faciat, atque eorum oblationes, quorum nomina recitanda sunt, suâ oratione commendat, quâ superfluum sit, & ipse pro tuâ prudentiâ recognoscit, ut, cujus hostiam nec dum DEO offeras, ejus ante nomen insinues, quamvis illi incognitum sit nihil. Prius ergò oblationes sunt commendanda, ac tunc eorum nomina, quorum sunt oblationes, edicenda, ut inter sacra ministeria nominentur, non inter alia, quæ ante præmittimus, ut ipsis mysteriis viam futuris precibus aperiamus.

mus. Habetur ap. Gratian. c. ult. de consecrat. dist. 1. Vult autem Pontifex, ut non ante recitentur nomina offerentium, quàm preces ipsæ ad DEUM fundantur. Idque repetiit lege suâ Carolus Magnus apud Ansegisum Abbatem, lib. 1. cap. 54. Et quia non offerentium tantum, sed aliorum etiam bene meritorum nomina recitanda erant, videtur id Diaconis incubuisse, ut nomenclatoris partibus fungeretur, & presbytero seu Episcopo sacra peragente, ipsi nomina, pro quibus intercedendum esset, recitarent. Conf. Gabr. Albaspin. lib. 1. obs. 7.

LIX. Dicit Isidorus: ipse (scil. Diaconus) *præmonet preces ad Dominum, ipse hortatur orare, ipse clamat.* Quod, quomodo factum fuerit, supra exposui. Addam hîc verba Cæsarii Arelatensis, qui floruit post annum D. (uti contra Trithemium Abbatem & Cardinalem Bellarminum defendit Gerh. Joh. Vossius in hist. Pelagian. lib. 1. cap. 53.) hunc in modum scribentis homil. 34. *Rogo vos & admono fratres charissimi, ut quotiescunque juxta altarium à Clericis oratur, aut oratio diacono clamante indicitur, non solum corda, sed etiam corpora fideliter inclinetis. Nam dum frequenter, sicut oportet, & diligenter attendo, Diacono clamante: stetitimus genua, maximam partem populi, veluti columnas,*

erectos stare conspicio, quod Christianis, dum in Ecclesiâ oratur, omnino nec licet, nec expedit. Non enim propter nos, sed propter vos diaconus clamat, &c. Clamare dicit Diaconum, quandoquidem summâ vocis contentione preces indicabat, & veluti præco quidam, magnâ voce, & terribili clamore manus in altum tollens populum de faciendis admovebat. uti loquitur Chrysostomus loco supra cit.

LX. Tandem ait Isidorus, Diaconum pacem annunciare, quæ annunciatio per formulas, PAX VOBIS, aut, DOMINUS VOBISCUM, expediri solebat. Glossi ad hunc Isidori text. sub. dist. 25. Ex quo intelligimus, ipsos etiam Diaconos, non Episcopos tantum aut presbyteros hac salutatione usos fuisse. Id quod etiam in terminis fortioribus confirmat Hieronymus, lib. de septem ord. Eccles. apud Gratianum c. diaconi 23. dist. 93. Tunc demum, inquit, ut aures habeamus ad DEUM, diaconus acclamat, ipse prædicat, ipse hortatur, ipse etiam commonet adstantibus sacerdotibus, ne leviter hanc vocem, quâ loquitur hæc, & pacem annunciat audiant, aut negligenter adspiciant, &c. Sed enim hodiè diaconum non, uti eâ salutatione: Dominus vobiscum, nisi dum legit Evangelium, vel cereum paschalem, benedicit, post alios scribit Joh. Steph.

Steph. Durantus de ritib. Eccles. lib. 7. c. 15. num. 4. Plurima verò talia, idè mutata videntur, ut diaconorum, quàm infra describemus, arrogantia reprimeretur, & Episcopis atque presbyteris singularis aliqua tribueretur prærogativa.

LXI. Extra & ultra ea, quæ ad I-fidori ductum retulimus, diaconorum officia, plurima alia observare licet, sed minoris momenti, & vix tanti, ut singula describantur. Talia passim occurrunt in Constitutionibus Apostolicis, ex quibus nonnulla quasi per Satyram colligemus. *Lib. 2. c. 57.* dicitur, de ordine auditorum servando in templo: *Si quis repertus fuerit, qui se deat loco non decenti, increpetur à diacono, tradaturque in locum, qui eum deceat.* -- *Locus verò occupandus præsit diaconus, ut quisque eorum, qui ingrediuntur, in locum suum se conferat, & nemo præter decorum sedeat. Similiter diaconus populum speculetur, ne quis murmure obstrepat, dormitet, aut nutus faciat.* -- *Diaconi autem post precationem, alii oblationi Eucharistia operam dent, ministrantes corpori Domini cum timore, alii observent turbam, & faciant, ut silentium teneant: Diaconus verò qui Episcopo assistit dicat populo: Nemo contra aliquem, nemo in simulatione, &c.* Sic & *lib. 8. cap. 11.* *Pueri stant apud suggestum, & præsit eis alius diaconus, ne turbent ordinem.* Alii item diaconi deambulant &

contemplantur Viros & mulieres, ne quis fiat strepitus, ne quis nutus faciat, aut müssitet aut dormitet. Diaconi autem stent ad januas, quibus Viri in templum ingrediuntur, & hypodiaconi ad januas, quibus mulieres, ne quis egrediatur, neve aperiatur janua tempore oblationis, *quamvis sit aliquis fidelis, &c.* Et *cap. 12.* *Edicat diaconus, ne quis ex catechumenis, ne quis ex audientibus, ne quis ex infidelibus: ne quis ex hæreticis. Qui primam precationem scèstis, exite.* -- *His peractis adhibeant diaconi dona ad altare Episcopo, & presbyteri ad dextram & levam ejus, ut discipuli magistro assistant.* Duo verò diaconi ex utraq; parte altaris teneant flabella ex tenuibus membranis, aut ex pennis pavonis, aut ex linteo, ut parva animalia volitantia abigant, ne in calicem incidant.

LXII. Plura addere nolo. Ex di-ctis autem constat, quodnam fuerit diaconorum in sacris officium, & quàm variè se id habuerit, non primis quidem statim Ecclesiæ temporibus, sed post aliqua haud exigua spacia, & integra aliquot secula. Videntur autem ampliorem potestatem habuisse, ipsis Apostolis adhuc viventibus, & in Ecclesiæ primordiis, quàm hodiè habere solent in Ecclesiâ Latinâ. Coërcere scil. haud rarò oportuit antehac eorum ἀλαζονείας & muneris ad se non pertinentis temerariam occupationem,

quâ non presbyteris tantum, sed ipsi etiam Episcopis quandoque ægrè faciebant. Cumque nec tunc quidem temperari semper potuisset hæc ipsorum ambitio, videtur hinc eorum conditio haud paulo depressior & restrictior facta fuisse, ne occasionem haberent superioribus suis ulterius insultandi, & cristas adversus eos erigendi. Sed de istâ ambitione Diaconorum infra erit dicendi locus commodior.

LXIII. Unicum, quod hujus loci est, addo, disquiri scilicet inter Doctores, quid sit *apud diaconum exomologesin facere*, quâ phrasi utitur Cyprianus, *lib. 3. epist. 17.* Verba ita se habent: *Occurrendum puto fratribus nostris, ut qui libellos à Martyribus acceperunt, si incommodo aliquo & infirmitatis periculo occupati fuerint, non expectent præsentiam nostram. quin apud presbyterum quemcumque præsentem, vel si presbyter non fuerit, & urgere exitus cæperit, apud diaconum quoque exomologesin facere delicti sui possint, ut manu ei in penitentiam imposita veniant ad Dominum cum pace, quam dari martyres, literis ad nos factis desideraverunt.* Loquitur Cyprianus de illis, qui idololatricæ crimine se polluérunt, & gravi morbo decumbentes reconciliari Ecclesiæ desiderant, exhibitis eam, in rem literis systaticis, quas à Martyribus acceperunt. Gravissimum, autem esse peccatum idololatricæ,

Scripturæ omnes testantur, & ipsa rei natura, cum spirituale sit adulterium, simulque sacrilegium, quo amor, timor & honor soli Deo debitus ad idola, quibus Deus gloriam suam dare non vult, *Es. XLII, 8.* injustè transfertur, ut propterea gravissimum & extremum delictum merito dicatur Cypriano *epist. 12.* summus seculi reatus Tertulliano *lib. de idolol.* A tam gravi igitur delicto num absolvere queat diaconus, quod videtur statuere Cyprianus, non una omnium est sententia.

LXIV. Sunt, qui sibi persuadent, exomologesin apud Diaconum facere, nihil aliud esse, quam aliquem à pœnis satisfactoriis aut ab excommunicatione liberari à diacono. Verum id non placet Gabrieli Albaspino *lib. 2. obs. 27.* qui nullam commodam rationem subesse dicit, cur potius ab excommunicatione, quam à peccato solverentur, cur in Ecclesiæ potius, quam Dei gratiam restituerentur tam gravi peccato polluti. Dum verò ex alterâ parte sibi obstare putat, quod potestas delicta condonandi nunquam olim Diaconis concessa fuerit, ipse novam comminiscitur interpretationem, quæ hæc est: Præsupponit, in Ecclesiâ Africanâ aliquando obtinuisse, lapsis ut ignoscere veniamque indulgere possent martyres, non solum, participes eos faciendo meritorum, quæ martyrio & tormentis consecuti essent,

essent, sed etiam plenè absolvendo, quod plerique omnes, qui in fodiis aut triremibus detinerentur, sacerdotes essent aut presbyteri. Ex quo concludit, à martyribus ita absolutos omni culpâ & crimine vacasse, neque ulterius aliquâ Sacerdotis absolutione opus habuisse; manûs autem à diacono idèò impositas fuisse, non ut societati fidelium restituerentur, aut jus communionis, quod peccando amiserant, reciperarent, sed ut ritûs tantùm & ceremoniæ servarentur & adderentur, quippe quæ in carcere perfici non potuerint. Nec obstare, quod exomologesin fieri velit Cyprianus, quam facere necesse non habet, qui ab omni crimine & offensâ purgatus & absolutus est; hoc enim etiam à Tertulliano fidelibus & sanctis tribui, quod exomologesin faciant, cum à Deo veniam debitorum postulant, plerumque enim repeti ceremonias, etsi rem ipsam assecuti simus.

XLV. Erudita hæc est Albaspinæi commentatio, quæ tamen non omne tollit dubium. Primum enim, quod ait, causam nullam subesse, cur absoluti à martyribus excommunicatione potius, quàm peccato liberati sint, dilui potest ex eo, quod commentatur idem *lib. 1. observ. 20.* dum distinguit inter martyres sacerdotes & Laicos, & utrosque quidem absolvendi potestatem habuisse ait,

sed sacerdotes pœnam & culpam, laicos verò pœnam duntaxat & pœnitentiæ tempus remittere potuisse. Neque igitur præsupponere nunc potuit, martyres omnes sacerdotes fuisse, & absolutos ab illis omni culpâ & crimine vacasse. Deinde *eadem observatione 20.* conjecturam facit Albaspinæus, Martyrum commentationem & absolutionem nulli penitus nisi post eorum mortem, profuisse, hoc est, si quis veniam à martyre impetrasset, eum ab Ecclesiâ neque receptum, neque ad communionem admissum fuisse, nisi post mortem ejus martyris, à quo liberatus dicebatur. Hoc si est, poterunt verba Cypriani ita explicari, ut vivente adhuc martyre à diacono saltem, si præsens non fuerit presbyter, absolvatur, qui exomologesin graviter decumbens fecerit. Tertiò agnoscit idem Albaspinæus *d. 1.* improbari à Cypriano consuetudinem, quâ à martyribus absoluti ad Eucharistiam admittebantur, antequam manûs ab Episcopo & Clero imponerentur. An ergò putabimus, censuisse Cyprianum, plenè absolutos fuisse istos tales, nec opus habuisse manûs impositione, nisi propter ceremoniam, & ne ritus ille omitteretur? Imò verò si per absolutionem martyrum jus communionis quod peccando amissum erat, recuperatum fuit, non videntur peccasse Sacerdotes, qui taliter absolutos ad Eucha-

Eucharistiam admiserunt, aut certe statuendum erit, jus communionis recuperatum nondum fuisse.

LXVI. Quicquid verò sit de istâ martyrum potestate & autoritate, quam ipsimet Ecclesiæ Patres in dubium vocarunt, uti refert Albaspinæus *d. l. i. obs. 20.* non videtur tamen exomologesis apud diaconum facta, & secuta deinde hujus absolutio pro nudâ ceremoniâ haberi debere. Faciamus enim verò, absolventi potestatem boni ordinis & disciplinæ gratiâ solis Episcopis & presbyteris competuisse, exclusis diaconis, certum tamen est, Episcopo absente vel consentiente plurima posse Diaconum, quæ ex se non posset, uti supra de baptismo exemplum dedi. Inter Canones Apostolicos trigessimus nonus ita se habet: *Presbyteri & diaconi sine sententiâ Episcopi nihil perficiant.* Eum limitat & restringit Balsamon ad ea, quæ ad Episcopum pertinent. Et Zonaras, *Presbyteris*, inquit, *& Diaconis qui sub Episcopis per singulas regiones dant operam sacris, à se ipsis quid agere non est concessum. Veluti punire & segregare, quos volunt, statim, vel segregationem laxare, vel minuire, vel intendere.* Pontificalis enim sunt ista potestatis. Ac nisi indultum sit iis ab Episcopo, tale quid facere non est eis permissum, &c. Etiam si igitur excommunicatos absolvere & in gratiam recipere regulariter nō liceat dia-

nis; si tamen Episcopus id permiserit, uti in verbis supra adductis facit Cyprianus, diaconus utique ex permissione tali eandem exercebit potestatem, quam exercet Episcopus. Satiùs enim fuerit ultimâ instanti horâ, & exitu urgente, uti loquitur Cyprianus, relaxare leges Ecclesiasticas, & per diaconum pœnitentibus reconciliationem denunciare, quàm in excommunicatione obeuntibus omne solatium denegare.

LXVII. Ex isto verò Cypriani loco etiam hoc observo, exomologeseos vocabulum pro simplici confessione accipi, nec adeò semper pœnitentiam publicam denotare, etiam si vel delictum pœnitentiam publicam meruerit, vel etiam delinquens eam subire paratus sit. Tertullianus *lib. de pœnit.* exomologesin ita describit: *Exomologesis proster-nendi & humili-fcandi hominis disciplina est, conversationem injungens misericordiæ illicem de ipso quoque habitu atq; victum mandat, sacco & cineri incubare, corpus sordibus obscurare, animum maculis dejicere, illa quæ peccavit, tristi tractatione mutare, caterum pastum & potum pum-nose, non ventris scilicet, sed animæ causâ, plerumq; verò jejuniis preces alere, ingemiscere, lacrymari, & mugire, dies noctesque ad Dominum DEUM suum, presbyteris advo-lvi & charis DEI adgeniculari, omnibus fratribus lega-*

legationes deprecationis sua injungere, &c. Sed hæc omnia peragi haudquaquam possunt ab eo, qui graviter decumbens ultimam mortis horam expectat, quique vitales spiritus vix ducere adhuc potest. Unde nec universale est, quod notat Guil. Beveregius *ad can. 11. Concilii Nicaeni I num. 7. ἡ ἑομολόγησιν* apud Cyprianum denotare *ὑπέπρωσον*, tertium scilicet poenitentiae gradum, quem supra exposuimus.

CAPVT IX.

De conditione & statu Diaconorum
in Conciliis & Synodis.

I. *Synodus de fidei controversiis & disciplina vel conservanda vel restauranda.* II. *Ejus exemplum Apostoli præbuerunt,* III. *In qua simul cum Apostolis seniores ac reliqui fideles conveniunt.* IV. *Et sic admittendi omnes ordines, qui judicandi facultate pollent.* V. *Diaconorum jus suffragii in Concilio.* VI. *Itemque presbyterorum, exemplis demonstratum.* VII. *In primis Athanasii Diaconi,* VIII. *Basilii, Aëtii, Eunomii.* IX. *Quod Episcoporum ambitione sublatum.* X. *Quare ex solis episcopis deinceps coacta sint Concilia.* XI. *Jus suffragii decisivi, penes quos ordinariæ sit?* XII. *Ordo celebrandi concilii, Diaconi stantes in conspectu Episcoporum.* XIII. *Ejus descriptio apud Binium interpolata.* XIV. *Diaconi adventantes in Concilium introducunt,* XV. *Episcoporum suorum vices aliquando sustinuerunt.* XVI. *Sed Concilium Emeritense hoc abrogavit.* XVII. *Notariorum in Concilio munere functi Diaconi.*

Diximus hætenus de officio Diaconorum in sacris. Sequitur, ut videamus, quantum potuerint in Conciliis. Sumo autem concilii vocabulum in sensu Ecclesiastico cuique notissimo, quatenus denotat conventum piorum, eruditorum & gravium Virorum ex omnibus Ecclesiarum ordinibus, ut de fidei

controversiis & disciplinâ ex verbo DEI dispiciant ac judicent ad DEI gloriam ac Ecclesiarum salutem. Et est sanè talis conventus sæpè necessarius non quidem simpliciter, sed necessitate, ut vocant, expedientiæ, ut finis, qui intenditur, faciliore viâ obtineatur. Si tamen de disciplinâ vel conservandâ vel restaurandâ a-

gendum fuerit, negari nequit, magis tūm esse necessariam synodum, quam si de fidei articulis aut doctrinā moveatur quæstio, quandoquidem fides unica tantum est, ex Scripturā sacrā tantum, & ex nullo alio principio petenda, disciplina autem pro diversitate gentium & circumstantiarum salvo vinculo fidei variare possit, ita ut in hac per conventionem & pacta mutare sæpiusculè quid liceat, quod non licet in rebus fidei.

II. Ut verò Ecclesia normam haberet, quam sequeretur in ejusmodi Synodis habendis, exemplo suo præivērunt Apostoli *Act. XV, 6. seqq.* destinato ut videtur animo, nullā planè necessitate adaçti. Nec enim tunc temporis opus erat hanc disceptatione, ut ad hanc quæstionem determinandam plures convenire necesse esset Apostolos, cum singuli eam determinare potuissent, quippe infallibilitatis dono præditi, & in omnibus negociis Ecclesiasticis divinā inspiratione instructi atque illuminati? Ex quo in proclivi est colligere, singulari providentiā divinā actum talem gestum esse, ut innotesceret nascenti Ecclesiæ, quā ratione corruptelis vel in doctrinā vel in disciplinā orituris mederi & fibulam injicere posset. Nimirum, ut ii, quibus in Ecclesiā animarum cura committitur, Apostolorum & Seniorum successores in unum congregati collatis sententiis illud pro lege statu-

ant, quod in Dei gloriam & animarum sibi commissarum salutem conducere visum fuerit. Hæc est prima & simplicissima conciliorum Ecclesiasticorum norma, ex quā unicè nunc, quales personæ isti controversiæ decidendæ adhiberi fuerint, quique adeo assessores & membra istius Concilii extiterint, nobis considerandum erit. Hoc enim constituto facilis deinde erit decisio, quales personæ admitti in Conciliis debeant.

III. In isto autem Apostolorum concilio probè notentur verba, quæ habentur *vers. 22. visum est Apostolis & presbyteris σὺν ὅλῃ τῇ ἐκκλησίᾳ cum totā Ecclesiā.* Et *vers. 23. non* Apostoli tantum & Seniores, sed etiam fratres, *οἱ ἀδελφοί* illius scil. totius Ecclesiæ membra. literas conscribunt, quod argumentum est, non Apostolos tantum & Seniores, sed reliquos etiam fideles Hierosolymis existentes convenisse. Deinde fit etiam mentio sermonis, qui à conversis Judæis habitus fuit, *vers. 5. quod sine dubio in ipso Concilio factum est, ubi ἐξανεστησαν, surrexerunt.* Quod igitur, *vers. 6. de Apostolis tantum & Senioribus dicitur, quod convenirent ad dispiendum, id fit per Synecdochen partis pro toto, quæ velut notā utitur Lucas, quia mos hic erat Apostolorum, ut in causis communibus convocarent Ecclesiam, quemadmodum ex *Act. XVII, 5. videre licet, idè b. l. postea vers.**

vers. 17. dicit totam multitudinem fuisse. Similis Synecdoche apparet ex *Act. XVI, 4.* ubi decreta synodi hujus Hierosolymitanæ vocantur *δόγματα κεκρυμμένα ὑπὸ τῶν Ἀποστόλων καὶ πρεσβυτέρων*, placita, quæ decreta fuerunt ab Apostolis & Senioribus, cum tamen *cap. antecedente XV.* dixisset: *Visum est Apostolis & Senioribus cum totâ Ecclesiâ.* Quod si insuper attendatur *ἡ ἀποστολικὴ* Antiochena facta ab Ecclesiâ *vers. 3.* & adventantium exceptio per Ecclesiam, Apostolos & presbyteros, *vers. 4.* & decreti executio, *vers. 22. & 23.* ubique & in omni negotio totam & integram Ecclesiam ex Clericis & Laicis constantem præsto fuisse, haud frustra dicemus. Ut jam taceam, ipsos etiam presbyteros ab aliquibus duplices statui, Ecclesiasticos scilicet & Laicos, ex verbis Pauli *1. Tim. V, 17.*

IV. Ex his conficitur, judices in Conciliis circa credenda omnes esse fideles, sive ex omnibus Ecclesiæ ordinibus admitti debere, qui iudicandi facultate pollent. Est enim concilium nihil aliud, quam Ecclesia repræsentativa, non quidem quoad singula generum, sed quoad genera singulorum, quod constet ex omnibus ordinibus Ecclesiarum, qui apud nos in Doctores & auditores, in Ecclesiâ Romanâ in Clericos & Laicos dispescuntur. Quia verò ratione qualitatatis intrinsecæ non sunt o-

mnes æquè habiles ad dijudicandum, sed illi præcipuè, qui sacras literas didicerunt, idcirco iudicandi potestas præcipua penes pastores est, quorum suffragia dicuntur proficisci è iudicio prophetico, quia isti sunt Prophetæ & Theologi, & in Scripturis plerumque magis exercitati quam Laici, quique proinde verum Scripturæ sensum, qui investigatur, promptius eruere possunt; suffragia autem Laicorum ferè sunt è iudicio discretivo, dum sensum Scripturæ sibi propositum, num analogiæ fidei conformis sit, examinant, & secum deliberant. Ac proinde sufficit ad iudicium Laicorum in Conciliis, si ea, quæ à Doctoribus deciduntur, post sufficientem propositionem & discussionem possibilem rata habeant. Ut maximè ergò Laici non admittantur illicò in societatem cognitionis & discussionis, excludendi tamen non sunt à societate determinationis, & publicationis, sive universalis obligationis, quemadmodum nec exclusi fuerunt ab Apostolis. Imò verò potest aliquis Laicus non minùs eruditus, & in Scriptura *δυνατός* esse, quàm alia quævis persona Ecclesiastica, quem proinde etiam ad discussionis actum & suffragia ferenda admitti debere, frustra omnino, & sine ratione negatur. Optimè Joh. Gerson in *declar. veritat. quæ credendæ sunt. coroll. 4. iudicium & conclusiones fidei, licet auctoritati-*

ut spectent ad praelatos & Doctores, spectare tamen potest ad alios, quàm Theologos deliberatio, sicut & cognitio super his, quæ fidem respiciunt, ita etiam ut ad laicos hoc posset extendi, & plus aliquando, quàm ad multos clericorum.

V. Consequens hinc est porro, etiam Diaconos ad concilia admitti debere, & ad illos etiam pertinere jus suffragii ferendi, si quidem idonei fuerint. Cum enim Laicis primum illud jure suo, & quatenus sunt membra Ecclesiæ, competat, denegari id nullo modo poterit. Diaconis, quippe arctiori vinculo per officium, quod sustinent, Ecclesiæ additis. Et diaconos etiam primo illi, quod Hierosolymis celebratum est, Concilio interfuisse, probabile est, quippe qui ad multitudinem fidelium, quæ tunc congregata fuit, pertinuerunt, & sine dubio inter eos fuerunt tantum non præcipui, qui Antiochenos exceperunt. Et quis verò excludere voluisset Stephanum, qui plenus gratiâ & fortitudine faciebat prodigia & signa magna in populo? *Act. VI, 8.* Qvis excludere voluisset Philippum, quem Spiritus S. nomine Evangelistæ dignatus est? *Act. XXI, 8.* Quod si igitur inter diaconos aliquis suæ in Scripturâ peritiæ tantam habeat fiduciam, ut inter reliquos eruditos audiri se possit putet, eum non ad de-
cisionem tantum quæstionis, sed ad

ipsam etiam consultationem & disquisitionem admitti debere, sine dubio statuisent Apostolici.

VI. Addere libet exempla alia, ut perspicuum inde reddatur, observatum ita fuisse etiam ab Ecclesiâ, quæ post Apostolica tempora floruit. In vitâ Victoris Papæ, quàm Libet Pontificalis, uti vulgo vocatur, exhibet, hæc leguntur verba: *Et fecit concilium & collatione factâ cum presbyteris & diaconibus, accessitq; Theophilo Alexandria Episcopo, constituit, &c.* Si collatio facta est cum diaconibus, ipsi utique ad suffragia consultativa admissi fuerunt, cum collatio aliter fieri non possit. Ita cum in causa Novati Romæ concilium habendum esset, convenisse scribit Eusebius *lib. 6. cap. 43.* sexaginta Episcopos, presbyteros verò ac diaconos multo plures. Et in concilio Antiocheno adversus Paulum Samosatenum congregatos fuisse scribit idem *lib. 7. c. 28.* sexcentos h. e. plures alios Episcopos, præter eos, quos enumeraverat, unâ cum presbyteris & diaconis, & *c. 29.* laudat Malchionem presbyterum, quod disputatione cum Samosateno habitâ, solus eum confutare potuerit, & *cap. 30.* refert epistolam Synodalem ad Dionysium Urbis Romæ & Maximû Alexandriæ Episcopos scriptam, & nomine non tantum Episcoporum, sed etiâ ipsius Malchionis & reliquorum presbyterorum ac diaconorum exarata, planè secundû stylû Apostolicû, quem

quem supra retulimus. Ex quo discimus, non Episcopos tantum sed presbyteros etiam controversias tractavisse, & in concilio vocem habuisse, quæ nec diaconis denegata fuisset, si quis inter eos tam promptum se exhibere potuisset. Inter eos, qui suffragatores fuerunt in Concilio Arelatenſi I, plurimi referuntur diaconi, imò & exorcistæ. Sic porro in Concilio Eliberitano præter Episcopos etiam presbyteri & diaconi cum omni plebe comparuisse dicuntur, & notat Severinus Binius, Garciam Loaysam in antiquo Codice invenisse, post subscriptiones Episcoporum, nomina etiam presbyterorum subscripta. Synodus Sinveſſana, quæ in cryptâ Cleopatrenſi Marcellinum Pontificem Romanum idolatriæ reum judicavit & damnavit, non ex Episcopis tantum, sed etiam ex triginta presbyteris & tribus diaconis constitit. Sed nolo ulterius exemplis coacervandis insistere; plura qui cupit, adeat Marcum Antonium de Dominis, de Rep. Eccles. lib. 7. cap. 3. num. 34. Thom. Bilſon, de perpet. Eccles. gubern. cap. 16. pag. 468. Johan. Hülſemann. in manual. contra Hager. diſp. 19. n. 5.

VII. Taceri tamen non debet exemplum Athanaſii ſummi illius adverſus Arium Chriſtianæ fidei deſenſoris. Cum enim Nicæam ubi Concilium indiſtum fuerat, innumeri cum Episcopis veniſſent pres-

byteri & diaconi, uti teſtatur Eusebius de vit. Conſtantini lib. 3. cap. 8. & Caſſiodorus in hiſt. tripart. lib. 2. cap. 1. Athanaſius quoque tunc temporis Diaconus Eccleſiæ Alexandrinæ cum Episcopo ſuo Alexandro ad Concilium proſectus eſt, atque ibi cum Ario de fide acutiſſimè diſſeruit, adeò ut magnam rerum ibi geſtarum partem ipſe ſuſtinuerit. Sozom. lib. 1. hiſt. Eccleſ. c. 16. & propterea non nimia pars Nicænæ Synodi dicatur Nicephoro lib. 8. cap. 15. Latiùs id certamen explicat Baroni-
us ad ann. 325. num. 50. his verbis: *Præ cæteris ipſe Athanaſius Arianorum omnium in ſe odium atque invidiam provocavit, — quem Ariani cum viderent Catholica veritatis præ ſe ferre acerrimum deſenſorem, quibusdam quaſtionibus eum tentare capèrunt. Verùm & ipſe Arius aperto Marte ipſum invadens expugnare conatus eſt; at in caſſum tela coniecit in hominem fidei ſcuto contentum, quo omnes inoffenſus iſtius excepit, & verbi DEI ancipiti gladio hoſtes exagitant, oculos cunctorum in ſe convertit; quod maximam hoſtium invidiam concitavit, adeò ut manus omnium eſſent contra eum, & manus ejus adverſus omnes ſtrenuè dimicarent, &c.* Tanta ſcil. inter tot Episcopos in tam celebri concilio fuit unius Diaconi eminentia, tantum ingenii acumen, ut dignus æſtimaretur, qui in pleno conſeſſu verba faceret,

& impium hæresiarcham confutaret.

VIII. Sic & deinceps in Synodo Constantinopolitana, quæ anno CCCCLIX habita fuit, inter antesignanos utriusque partis diaconi fuerunt, ex parte Basilianorum scilicet, præter Basilium Ancyra Episcopum, Basilus alius, diaconus adhuc; ex parte heterodosiastarum autem Aëtius & Eunomius, ambo diaconi. Cumque Basiliani cum Aëtio disputare metuerent, & sub prætextu, quod non conveniret diaconis cum Episcopis congregari, collationem prorsus declinarent, respondisse dicuntur Aëtius & Eunomius, controversiam nunc non esse de dignitate, sed veritatis inquisitionem agitari, uti refert Philostorgius Eunomianæ hæresi addictus *lib. 4. cap. 12.* Quicquid verò de hac Basilianorum tergiversatione statuendum aut credendum sit, manet tamen illud, Diaconos quandoque inter Collocutores in Conciliis fuisse, egregiamque navasse operam, adeo ut Heterodosiastarum tota in Aëtio diaconatum fiducia posita esset fiducia. Nec puduit tum temporis Episcopos audire quemcunque, qui orthodoxam fidem propugnare suam industria posset. Tantum abest, ut ex solis Episcoporum suffragiis conciliorum decreta colligerentur.

IX. Et ita quidem aliquando obtinuit in Ecclesiâ. Sed postquam

Episcopi suâ, quam jure divino habebant, potestate non contenti, ambitionis nec modum nec finem ponerent, & singuli quique per potentiam episcopalis nominis, quam sibi ipsi illicitè absque Ecclesiâ vendicaverant, totum quod Levitarum erat, in suos usus redigerent, nec hoc solum, quod sibi adscriptum erat, vendicarent, sed cunctis auferrent universa. uti conqueritur Hieronymus apud Gratianum *c. diaconi 23. dist. 93.* Diaconis etiam in conciliis os obturatum & vox interclusa fuit. Imò verò, ne aliquis esset in posterum inter eos, qui conari tale quid posset, non eruditus amplius diaconatus officium conferebant Episcopi, sed indoctis planè, & in Scripturâ Sacram parum exercitatis, dum legendi tantum facultate pollerent, in hoc unico, ut Evangelium atque Epistolas Paulinas legere possent, diaconi officium consistere putantes. At longè alia fuit pristina Ecclesiæ facies, in cujus historiâ sæpissimè invenies diaconos cum Episcopis eruditione certantes, imò & eos superantes, quos proinde in Conciliis audire, & cum adversariis Christianæ fidei committere non dedignati fuerunt Episcopi,

X. Et hæc est una, atque nō fallor præcipua ratio, cur ex Episcopis tantum deinceps coacta fuerint Concilia. Alias duas suggerit Marcus Antonius de Dominis *d. l. 7. de*

Rep. Eccles. cap. 3. n. 32. 33. Primæ generalia potissimum concernit concilia. *Quia enim*, inquit, *Concilia generalia & nationalia pleniora præparantur per concilia provincialia minus plena*, propterea sensus provincialium Conciliorum deferri debet ad plenarium & magis generale per personas in provinciis, imò & in singulis Ecclesiis in rebus divinis insigniores. hi verò sunt Episcopi. Ideoque Episcopos duntaxat ordinariè vocabant Imperatores. — Interdum tamen omisso Episcopo Ecclesia particulares miserunt ad generale Concilium abbatem aliquem, quippe in sacris literis magis eruditum & aptiorem in his tractandis, quàm fuerat Episcopus, &c. Alteram rationem his exponit verbis: *Quia vix ullum concilium sit, in quo canones pro Ecclesiastica disciplina existeret regimine non edantur.* Cum verò regimen externum Ecclesiasticum sit penes solos Episcopos, neque presbyteri, neque diaconi, neque Laici, ubi alia tractantur, locum habent. Ultraque hæc ratio admodum probabilis est, & quia sæpè propter solam disciplinam congregata fuerunt concilia, aut saltem propter eam præcipue, factum deinceps est, ut presbyteri & diaconi, cum se à talibus tractatibus excludi viderent, universa concilia ipsimet amplius non inviserent, etsi aliquibus interesse liceret. Idque eo magis deinceps invaluit, postquam bonæ literæ paulatim

sejari & exilium passæ barbariei irruenti cessèrunt, & non in scholis tantum, sed etiam in Ecclesiis locum dedèrunt, exiguam sibi apud Episcopos, imò neque apud hos quidem semper mansionem retinentes. Quàm rudes enim & illiterati sæpè fuerint Episcopi, exempla passim referuntur. Vid. Collector antiquitatum Britannicarum, quas evulgandas curavit Matthæus Parkerus, Archiepiscopus Cantuar. in vit. Joh. Ufford. Richard. Montacut. par. 2. Orig. Eccl. ad ann. Christi, 5. à bapt. num. 183. Joh. Limnæ. jur. publ. lib. 8. cap. 1. n. 26. seq. Qvini & superiore seculo, etsi inter Episcopos aliqui docti essent, multo tamen plures ad eò indocti erant, ut vix latine scirent loqui, & quod multo pejus est, eorum aliqui nec benè latine legere nossent, uti loquitur Alfonsus à Castro Minorita de punit. baret. lib. 3. cap. 5. qvi & de Romanis Pontificibus testatur, eorum plures adeò illiteratos fuisse, ut Grammaticam penitus ignorarent lib. 1. adv. baref. cap. 4.

XI. Hòc igitur jure suffragii in Conciliis exercendo exciderunt, Diaconi. Quod etsi unquam eis competiisse negent nonnulli, & statuant, solos Prælatos majores eoque omnes, id est, Episcopos in Conciliis generalibus & provincialibus habere jus suffragii decisivi ordinariè, ex privilegio autem & consuetu-

ſuetudine etiã Cardinales, Abbates & Generales Ordinum, licet, Epifcopi non ſunt; ex presbyteris autem & aliis Clericis minoribus tantũ vocari, & vocatos hoc modo fuiſſe olim, aliquos viros doctos, qui iuvent in diſputando vel aliis miniſteriis; rectè tamen reſpondet Marcus Ant. de Dominis d. l. n. 33. poteſtatem ſuffragii nihil aliud eſſe, quã jus dicendæ ſententiæ cum ipſius explicatione & probatione. Nec proinde admitti in Concilio aliquos poſſe ut iudices, alios ut diſputatores, cum iudicium conciliare conſiſtat in illius ſententiæ approbatione, quæ ſupra alias plus ponderis habere oſtenſa fuerit. *Quare*, inquit, *in Concilio nemo habere debet vocem judiciariam, niſi ſit ſimul diſputator, & aſſignet rationem, cur illi ſententiæ adhareat, & aliam repellat, & rationem quidem ex Scripturis duntaxat, & ex antiquitate ductam, &c.* Et quis verò dicere velit, Athanaſium in Concilio Nicæno jus ſuffragii non habuiſſe? quem tamen, ut ſupra retuli, non minimam partem Nicænæ Synodi dixit Nicephorus. Sed ita obtinuit paulatim & ante plurima jam ſecula, ut nulla diaconorum in Conciliis amplius haberetur ratio.

XII. Extat antiqva deſcriptio, ſub titulo: *Ordo celebrandi concilii, ſeu quomodo initianda ſit Synodus, agenda & ſolvenda, quã Decreto*

Gratiani à ſe edito ſubjunxit; & ex manuſcripto ſicſiori libro tranſcriptiſſe ait Antonius Contius. Ex eâ, quæ ad rem præſentem faciunt, hinc notabimus: *Horâ diei primâ ante Solis ortum eſciantur omnes ab Eccleſiâ, obſenſiſque foribus cunctis ad unam januam, per quam Sacerdotes ingredi oportet, oſtiani ſtabunt: & convenientes omnes Epifcopi pariter introibunt, & ſecundum ordinationis ſuæ tempus reſidebunt. Poſt ingreſſum omnium Epifcoporum atque conſeſſum vocentur deinde presbyteri, quos cauſa probaverit introire. nullus ſe inter eos ingent diaconorum, Poſtea ingrediantur diacones probabiles, quos ordo popoſcit intereſſe, & coronâ factâ de ſedibus Epifcoporum, presbyteri à tergo eorum reſidebunt, quos tamen ſeſſuros ſecum metropolitanus elegerit. Qui utique & cum eo iudicare aliquid & deſinire poſſunt. Diacones in conſpectu Epifcoporum ſtabunt. Deinde ingrediantur Laici, qui electione conjugali intereſſe meruerint. Ingrediantur quoque notarii, quos ad recitandum vel excipiendum ordo requirit, & obſervabunt januam. Sedentesque in diuturno ſilentio ſacerdotes & cor totum habentes ad DEUM dicturus eſt Archidiaconus: ORATE, ſtatimque omnes in terram proſtrabuntur tam Epifcopi, quã presbyteri. — Finiſ autem orationis; & reſponſo ab omnibus AMEN; ruruſum dicat Archidiaconus: ERIGITE VOS.*

Con-

Confestim omnes surgunt, & cum omni timore DEI & disciplinâ tam Episcopi & presbyteri sedent. Sicque omnibus in suis locis in silentio confedentibus diaconus albâ indutus, codicem canonum in medium proferens capitula de conciliis agendis pronunciat, &c.

XIII. Extat eadem descriptio apud Severinum Biniuum in principio Conciliorum ab eo collectorum, sed interpolata, & aliquot capitibus, imprimis quod de intervntu & ingressu Regis conceptum est, aucta. Vult autem Binius, desumptam eam esse ab Isidoro Mercatore ex Concilio Toletano IV, cap. 4. & non esse generalem hunc ordinem, sed tantum fortè servatum in Toletanis vel aliis in Hispaniâ celebratis conciliis. At verò et si in d. c. 4. similis aliqua descriptio invenitur, multo brevior tamen & concisior ea est, nec statui certò potest, primitus eam in dicto Concilio fuisse adornatam, cum sæpè ad verbum repetat Concilium posterius, quod ab anteriore aliquo statutum fuit. Cæterum ex eâ liquet, ad missos quidem fuisse in locum Concilii diaconos tum temporis, non tamen ut sententiam dicerent, sed ut starent, veluti *κωφα προσωπα*, & observarent Episcopos; uni tantum permissum fuisse, ut albâ indutus Codicem Canonum in medio poneret, & ex eo capita aliqua prælege-

ret, quod sanè ex illo ministerium est, & penè nullius momenti.

XIV. Fuit verò etiam hoc diaconorum in Conciliis officium, ut adventantes in Concilium introducerent. Colligitur id ex Athanasii *apol.* 2. ubi de Arianorum modo procedendi ut concilium orthodoxis formidabile redderent, verba facit. Consueverant scil. Ariani in Synodos aulae Imperatoriae proceres sibi faventes invitare, quod non erat, illicitum, sed ut terrent & præficerent, quod omninò improbum fuit. Hoc igitur reprehendit Athanasius, & ait: *Qua fronte talem conventum synodum appellare audent, cui Comes praesedit, & ubi Speculator apparebat? & Commentariensis sive Carcenarius pro diaconis Ecclesia adventantes introducebat? ubi Comes verba faciebat? ceteri praesentes in silentio erant, vel potius Comiti obsequium suum accommodabant? ubi quod communiter Episcopis placuit, ab illo impediatur? Ille imperio utebatur, nos à militibus ducebatur, vel potius iussis Eusebianorum sententiis, ipse Comes inserviebat, &c.* Conqueritur scil. Athanasius, commentariensem diaconorum partes sustinere & adventantes in Concilium introducere, quod omninò terrori fuit & introducendis, & reliquis omnibus, qui cum Arianis non faciebant. Potuerunt autem variae subinde incidere causarum figurae, propter

T

quas

quas tali introductione opus erat, vel quia seriùs quis advenisset, vel quia aliàs Concilii auxilio opus esset. Quia enim clausæ & obseratæ erant januæ, non videtur quisquam admissus, nisi licentiam impetrasset. Unde in antiquâ illâ Concilii habendi descriptione statuitur: *Si presbyteri reliqui, aut diacones, Clericus sive Laicus de his, qui foris steterunt, Concilium pro qualibet re crediderint appellandum, Ecclesiæ metropolitanæ archidiacono causam suam intiment, & ille Concilio denunciet, tunc illis & introeundi & proponendi licentia concedatur.*

XV. Tandem etiam illud notandum est, diaconos aliquando in Conciliis Episcoporum suorum vices sustinuisse, & decretis Synodali-
bus subscripsisse. Difertè id jussit, & mandato suo inseruit Constantius Imperator, cum post terræ motum & ruinam Nicomediensem Nicææ concilium indixisset, ut ineunte æstate ibi convenirent Episcopi, exceptis his, qui corporis infirmâ valetudine essent: ita tamen ut isti presbyteros aut diaconos suo loco mitterent, quos vellent, qui ipsorum sententiam significarent, & de rebus ambiguis consulerent, simulque omnes inter se de omnibus consentirent, referente Sozomeno *lib. 4. cap. 16.* Idque deinceps receptum fuit etiam in occidente, potissimum in Conciliis Hispanicis. In Conci-

lio Toletano V, in fine hæc legitur subscriptio: *Petrus in Christi nomine Decanus, agens vicem Domini mei Antonii Episcopi his decretis annuens subscripsit.* Sine dubio legendum: *Diaconus.* Omnino enim idem est ille qui subscripsit Concilio Toletano VI, his verbis: *Wamba Diaconus, qui & Petrus, Ecclesiæ Segobienfis, agens vicem Antonii Episcopi subscripsit.* Jungitur ei in hoc Concilio Toletano adhuc alius: *Severinus, sanctæ Ecclesiæ Valentina Diaconus agens vicem Musitacii episcopi, subscripsit.* In Concilio Toletano VII, subscripserunt Ambrosius Diaconus agens vicem Episcopi Mentefani, Aquila Diaconus agens vicem Episcopi Bigastrensis, & Matacellus Diaconus vicarius Episcopi Malacitani. In Concilio Toletano VIII, subscripserunt Diaconi vicarii Episcoporum suorum numero quinque. In nono unus. In decimo duo. In aliis, alii, plures, aut pauciores.

XVI. Id verò deinceps mutavit Congregatio Episcoporum in Concilio Emeritensi *cap. 5.* prohibuitque, ne quis amplius Episcoporum vices suas deferat diacono, sed presbyterum potius mittat si ipse ex fonticâ causâ aliquâ venire impediat. *Juxta canonicum ordinem, tempore, quod Concilium per Metropolitanam voluntatem & Regiam iussione electum fuerit agere, omnes con-*
fini-

finimos Episcopos in unum oportet adesse, nec pro tali re qualibet causa opponi debet ad excusationem. Quod si contingerit aliquem de finitibus retineri ab infirmitate, qualiter non possit venire, aut per regiam iussionem injunctum acceperit aliquid agere, ut sit, per quod non possit Concilio interesse; quicquid tale acciderit, Metropolitano suo fideliter intimet cuncta per suam epistolam manu sua subscrip- tam, ut postmodum queratur, anne excusationem faciat aliquam. Ad suam tamen personam non aliter, nisi aut Archipresbyterum suum diriget, aut si Archipresbytero impossibilitas fuerit, presbyterum utilem, cujus dignitas cum prudentia pateat, a tergo Episcoporum inter presbyteros sedere, & quæque in eo Concilio fuerint acta scire, & subscribere. Injustum enim hoc accipit cæus noster, ut quisquam Episcoporum diaconum ad suam personam dirigat. Hic enim quia presbyteris juncti esse videtur, sedere cum Episcopis in Concilio nulla ratione permittitur. Quemcumque ergo ex presbyteris dirigere elegerit, instructum per informationem dirigat, ut ratio possit, &c. Quod igitur diu hactenus Toleti obtinuit, id Emeritenfes Patres abrogatum ivērunt, & minùs decorum Concilio putarunt, si Episcopi partes sustineret Diaconus. Habuerunt enim tales vicarii nomine Episcoporum suorum jus suffra-

gii in conciliis, quod ex epistola Aviti Episcopi Viennensis ad provinciam suam Episcopos, quâ eos ad Synodum Epaonensem invitat, adversus Panormitanum probat Petrus de Marca de concord. sacerdot. & imp. lib. 6. cap. 13. m. 3.

XVII. Leve est, nec dignum adeo, quod prolixè per exempla probetur, in Synodis exceptorum quandoque vel Notariorum munere functos fuisse diaconos. Sic enim apud Epiphanium *heres. 71.* in colloquio quod cum Photino habuit Basilus Ancyra Episcopus, inter exceptores & *ἑκχουδῶδες* referuntur Anysius diaconus Basilii & Calicrates exceptor Ruffini praesidis provinciae, ac Olympius & Nicetes memorista sive a memoria ipsius Basilii & Eutyches ac Theodulus notarii Basilii. Et tales exceptores plerumque adhibiti fuerunt numero plures, ab ipsis partibus dissidentibus selecti, & juramenti religione adstricti, ut omnia, quæ fiunt & dicuntur, fideliter consignent, utve acta adeo conscribant eadem diligentia atque fide, qua scribi debent acta judicia-
lia.

CAPVT X.

De obſervantia & aliis officiis, quæ Epiſcopis & Presbyteris debuerunt Diaconi.

- I. *Episcoporum, atque Presbyterorum, nulla primitus differentia.*
 II. *Episcoporum ambitus ex Hieronymo descriptus.* III. *Diaconorum infra illos dignitas, & hinc secuta incommoda.* IV. *Dignitatum in Ecclesia gradus.* V. *Ipsi diaconi sua dignitatis fecere iacturam,* VI. *Ambitionis, superbia, invidiæque vitio incitati.* VII. *Præter canonem fieri quid dicatur.* VIII. *Sessio Diaconorum.* IX. *Secretarium pro beate usurpatum.* X. *In præsentia presbyterorum Diaconis nec sedere, nec loqui sine permissa licuit.* XI. *De hac re canones aliquot repetiti Concilii Carthaginensis.* XII. *Canon VII Quinisexti Trullensis,* XIII. *Explicatus.* XIV. *Apostolorum Ecclesiæque Doctorum ambitio.* XV. *Mos eorum presbytero, iudice, standi.* XVI. *Presbyteri in conspectu Episcoporum steterunt.* XVII. *Necessitas standi Diaconis causa reluctandi.* XVIII. *Diaconi Episcoporum perpetui comites.* XIX. *Episcopo cum presbyteris & Diaconis indissolubilis nexus,* XX. *in administratione, dispensatione.* XXI. *Occidentalium adversus Pontificem nimia veneratio.* XXII. *Episcoporum in supprimendis Diaconis artes.* XXIII. *Canon VI Concilii Emacarensis III.* XXIV. *Duplex inde Lusitania Episcoporum auctoritas signatur.* XXV. *Iniquum Sanctionis, Episcopi Aurélianensis, in diaconum suum facinus.*

I. **C**apite antecedente dixi, & ex antiquâ concilii habendi atque celebrandi descriptione probavi, oportuisse in publicis ejusmodi congregationibus diaconos in conspectu Episcoporum stare, & per hanc rationem in Concilio Emeritensi decretum fuisse, ne quis Episcoporum deinceps Diaconum substituat, ut in Concilio partes suas agat, aut nomine suo suffragium ferat. Id

verò prioribus temporibus aliter obtinuisse certum est, quibus diaconi ampliore honore digni habiti fuerunt, præsertim cum inter Episcopos & presbyteros nulla adhuc differentia esset, & ex duobus tantum his ordinibus, presbyteris scilicet & diaconis, tota hierarchia Ecclesiastica constaret. Et observabatur quidem tunc inter eos aliqua dignitatis prærogativa, talis

lis tamen, qualis deinceps tribui cœpit, ὑπάρχοντες Episcopis nondum competebar, sed quia utriq; & presbyteri, qui etiam Episcopi dicebantur, & diaconi in Christianæ fidei propagatione laborabant, mutuâ quoque charitate se invicem complectebantur, mutuisque auxiliis sibi invicem subveniebant. Postquam autem plus sibi per πλεονεξίας sumere cœpissent Episcopi, & suam, quotidiè supra presbyterorum ordinem augerent dignitatem, & presbyteri similiter ad imitationem Episcoporum eminere supra alios vellet, factum est, ut diaconi tandem extra omnem dignitatem positi non reverentiam tantum utriusque, sed alia etiam officia præstare cogerentur.

II. Describit istam Episcoporum πλεονεξίαν, & supra Diaconos ἐξοχῶν Hieronymus apud Gratianum c. diaconi 23. dist. 93. cujus aliqua verba hic inferere non erit à scopo nostro alienum. *Diaconi sunt*, inquit, *quos in apocalypsi legimus, septem angeli Ecclesiarum, hi sunt septem candelabra aurea: hi sunt voces tonitruorum virtutum operatione præclari, humilitate præditi, quieti, humiles, evangelizantes pacem, annunciantes bona, dispensationes & rixas & scandala refecantes: docentes: soli DEO colloquentes in templo, nihil penitus de mundo cogitantes: dicentes patri & matri, non novi vos: & filios suos non*

agnoscentes. Sine his Sacerdos nomen non habet, ortum non habet, officium non habet, hic minister DEI dicitur, quia scriptum est: major est qui ministrat, quam cui ministratur, & sicut est in Sacerdote consecratio: ita in ministro sacramenti dispensatio. Sacerdotibus etiam propter præsumptionem non licet de mensa Domini calicem tollere, nisi eis traditus fuerit à diaconis. Ita enim Dominus noster omnipotens universa disposuit, ut qui majorem se esse crediderit, minor esset, & qui minor videretur major existeret. Denique quàm hoc verum sit, tu ipse perpende. Levitæ componunt mensam Domini: Levitæ Sacerdotibus cum sacramenta benedicunt, assistunt: Levitæ ante Sacerdotes orant, ut si distinctio locorum creditur in mundo etiam in altari DEI videant sibi Episcopi, qui superbi sunt, diaconos anteponi. Si humilitatem diligunt, majores se esse in eo, quod sunt humiles, recognoscant. Tunc demum ut aures habeamus ad DEUM Diaconus acclamat, ipse prædicat, ipse hortatur, ipse etiam commonet adstantibus Sacerdotibus, ne leviter banc vocem, quâ loquitur hac, & pacem annunciat, audiant, aut negligenter adspiciant. Sufficit huic ordini tantum, fuisse per DEUM concessum, ut non solus Sacerdos in templo DEI totum agere & implere videatur.

III. Hactenus in laudes & encomia diaconorum diffusus fuit Hieronymus, ut contemni eos & adeo,

deprimi non debere, persuaderet Episcopis & presbyteris, quos etiam superari ab illis dicit in quibusdam. Sequitur nunc apud eundem, quantum Diaconi infra dignitatem Episcoporum positi fuerint, quantaque inde secuta fuerint incommoda. Nunc autem, inquit, ex quo in Ecclesiis, sicut in Romano Imperio, crevit avaritia, periit Lex de Sacerdote, & visio de Prophetâ. Singuli quique, per potentiam Episcopalis nominis, quam sibi ipsi illicitè absque Ecclesiâ vendicaverunt, totum, quod Levitarum est, in suos usus redigunt: nec hoc solum, quod sibi adscriptum est, vendicant, sed cunctis auferunt universa. Mendicat infelix in plateâ Clericus, & servili operi mancipatus publicam à quolibet poscit elemosynam: qui ex eo magis despicitur à cunctis, quo miser & desolatus justè putatur ad hanc ignominiam devenisse. Solus Episcopus incubat bonis, solus utitur ministerio, solus universa sibi vendicat, solus partes invadit alienas, solus occidit universos. Hinc propter avaritiam sacerdotum sæpè odia consurgunt: hinc Episcopi accusantur à Clericis, hinc principum lites, hinc detractionis causa, hinc origo fit criminis. Etenim si unusquisque ita in hoc mundo visibili aliquid possidere jubetur, ut sua tantum possessione sit contentus, ac res non invadat alienas, non agrum pauperi tollat, non vineam, non subjectorum aliquod, non famulos, non fructum;

quanto magis qui Ecclesiæ DEI præest, debet ita servare in omnibus justitiam, ut solum sibi vendicet, quod sui juris esse cognoscit, aliena non rapiat, aliena non contingat, æqualem se ceteris faciat: & sicut sine his in ministerio non vivit, ita in dispensatione non vivat, &c.

IV. Totus contextus ostendit, reprehendere Hieronymum non avaritiam tantum Episcoporum, sed etiam eorum superbiam, quâ diaconos penè pro nullis habebant, & ut eo magis contunderent, bonis omnibus exuebant, redditusque eis destinatos suos faciebant: Non ita despiciendos eos esse ait, quos Dominus Episcopis adiunxit, ut simul cum illis sacra peragerent, in quamplurimis præirent. Nec tamen hoc voluit Hieronymus, ita æquales inter se esse debere utrosque, ut nulla omnino distinctio appareret. Siquidem idem ipse apud eundem Gratianum can. seq. graviter differt, quâ ratione subesse debeant presbyteris Diaconi. Quam ergò inculcat æqualitatem, ita accipienda est, ut omnis contemptus abesse debeat, utque mutuo honore se invicem afficiant, salvâ tamen reverentiâ & observantiâ, quam diaconus, ut inferior debet Episcopo, ut superiori. Hanc enim naturalis ratio dicitur, quæ bonum ordinem, ut retineat & conservet, gradatim sæpè ascendit, & erga singulos reverentiæ cultum exigit.

Sic

Sic itaq; auctâ hierarchiâ receptum est, ut Pontifici presbyter, presbytero diaconus, diacono subdiaconus, subdiacono acolytus, acolyto exorcista, exorcistâ Lector, Lectori ostiarius, ostiario abbas, abbati monachus in omni loco repræsentet obsequium, sive in publico, sive in gremio Ecclesiæ c. à subdiacono s. dist. 93.

V. Quod autem diaconi deinceps tantam dignitatis suæ jacturam fecerint, videntur ipsimet fortunæ suæ fabri exitisse, dum adversus Episcopos suos sapissimè insurrexerunt, & reverentiâ omni posthabitâ pessimè iis insultârunt, atq; sic disciplinam Ecclesiasticam magno cum scandalo evertérunt. Unde necesse deinceps fuit, cum in ordinem redigi aliter non possent, ut à dignitate, quâ superbiebant, dejicerentur, & multo inferiore postea loco haberentur. Extat apud Gratianum c. pen. dist. 93; fragmentum epistolæ, quâ Cyprianus suo tempore, l. c. circa annum Christi CCL consultus respondet Rogatiano Episcopo à diacono suo atrocibus injuriis & contumeliis atq; conviciis proscisso, idq; exemplum præbet exsuperantis ἀλαζονείας jam pridem à diaconis usurpatæ. Tota & integra epistola extat lib. 7. ep. 9. in oper. Cypriani & apud Binium tom. 1. Concil. pag. 188. Graviter, inquit, & dolenter commoti sumus, ego & Collegæ mei, qui præsentēs adesset, frater charissi-

me, lectis literis tuis, quibus de Diacono tuo conquestus es, quod immemor sacerdotalis loci tui, & officii ac ministerii sui oblitus, contumeliis & injuriis suis te exacerbaverit. -- Meminisse autem Diaconi debent, quoniam Apostolos id est, Episcopos & præpositos Dominus elegit; diaconos autem, post adscensum Domini in calos Apostoli sibi constituerunt, Episcopatus sui & Ecclesiæ ministros. Quod si nos aliquid audere contra DEUM possumus, qui Episcopos facit, possunt & contra nos audere diaconi, à quibus fiunt. (Hoc est, non possunt contra nos audere quicquam diaconi, non magis, quàm nos adversus DEVM) Et ideo oportet diaconum, de quo scribis agere audacia sua penitentiam, & honorem sacerdotis agnoscere; & Episcopo præposito suo plenâ humilitate satisfacere. Hæc sunt enim initia hæreticorum, & ortus atq; conatus Schismaticorum malè cogitantium, ut sibi placeant, ut præpositum superbo tumore contemnunt. Sic de Ecclesiâ receditur, sic altare prophætarum fors collocatur, sic contra pacem Christi & ordinationem, atq; unitatem DEI rebellatur, &c.

VI. Dubium non est, eodem ambitionis, superbiæ & invidiæ vitio incitatos plurimos alios Diaconos Episcopis suis agrè fecisse, si præsertim ingenio & judicio se præstantiores animadvertissent. Sic enim evenire solet, ut qui ingenio valent, & majori habilitate ac dexteritate pol-

lent,

lent, præminere cæteris, ac plus fortunæ, plus felicitatis consequi, suâque forte non contenti aliena invadere, laborent, eosque qui impedimento sibi sunt, pessimè sæpè & multis conviciis excipiant. Tales quamplurimos inter Diaconos seculo tertio & quarto ineunte fuisse, argumentum est, quod eâ de re in Concilio Oecumenico Nicæno deliberari oportuit. Erant scilicet ab eo tempore, quo Ecclesia ceremoniis amplioribus alligari cœpit, inter officia sacerdotalia & diaconalia certi limites positi, qui finium regundorum actionem subministrare poterant, si quis alterius officium invasisset. Id verò cum contigisset sæpenumero, nec in ordinem cogi possent diaconi, sic tandem decrevit Synodus Nicæna *can. 18.* apud Gratian. *c. pervenit dist. 93.* *Pervenit ad sanctum magnumque Concilium, quod in quibusdam locis & civitatibus diaconi presbyteris Eucharistiam præbeant, quod neque canon, neque consuetudo tradidit, ut qui potestatem offerendi non habent, his, qui offerunt corpus Christi, porrigant. Illud etiam innotuit, quod jam quidam ex diaconis etiam ante Episcopos eucharistiam attingant. Omnia igitur ista auferantur, & diaconi intra propriam mensuram maneant, scientes, quod ministri sunt Episcoporum, & presbyteris inferiores existunt; accipiant autem suo ordine eucharistiam, post præ-*

byteros vel Episcopo. dante vel presbytero. Sed nec sedere in medio presbyterorum diaconis liceat, id enim sit præter canonem & ordinem. Si quis autem obedire noluerit, post hæc definitiones desinat esse diaconus.

VII. Præter canonem, *ἐν τῷ μέσῳ*, dicitur fieri, si diaconus sedeat in medio presbyterorum. Præsumtio igitur hinc nascitur, ante hunc canonem Synodi Nicænæ extitisse alium alterius cujusdam synodi, qui id prohibuerit, quique hodiè non extat amplius. Vix enim quisquam antiquius aliquid testimonium de hoc sedendi ordine proferet, quàm quod ex canone hoc Nicæno petitur. Nisi quis per canonem, regulam à naturâ præscriptam, quod inferior cedere & subesse debeat superiori, intellectam velit. Verùm ejus rei curam aliis committo. Ego enim circa interpretationem magis sollicitus sum, nec tam de eo, quod de Eucharistiæ dispensatione & sumptione, quàm quod de sessione dicitur. Id enim Theodorus Balsamon explicat de sessione, quæ fit ad sanctum altare, *ἐν τῷ ἀγίῳ θυσιαστηρίῳ*, sive, ut paulo ante loquitur *ἐν τῷ σιῶζον*, (de quâ voce videri poterit Casaubonus *exercitat. 16. contra Baron. n. 42.*) ut excuset scilicet morem suo tempore receptum, quo in congregationibus, quæ sunt extra sacrum tribunal, *ἐξω τοῦ βήματος*, diaconi ante sacerdotes sedere solebant,

bant; quod ipse tamen fieri dicitur propter officia, quæ illis à Patriarchâ commissa & collata essent. Sed quæ promiscuè non excusant, uti apparet ex c. 7. Synodi Qvinisextæ in Trullo habitæ, quod legitur ap. Gratian. c. ult. dist. 93. Eum secutus Guilielmus Beveregius in not. explicat de *οικονομία*, sive certâ sede presbyteris in bemate assignatâ, quam occupare diaconi prohibiti fuerint. Et est quidem ita, uti ait Beveregius, quod totus hic canon de eucharistiâ celebrandâ agat, quodque adeo de conventibus sacris & cultui divino destinatis ista prohibitio accipi debeat; sine dubio tamen eadem illa, etiam ad alias congregationes extensa fuit, ut ubique jus *προεδρίας* saluum & integrum maneret Episcopis & presbyteris. Et propterea rectè commentatur Alexius Aristenus ad eund. can. ideò prohiberi diaconum sedere inter presbyteros, ne supra eos inveniatur sedere.

VIII. Extensivam istam, quam dixi, interpretationem, si non in ipso Concilio Nicæno, non multò tamen post locum invenisse & factam esse docet canon 20. Concilii Laodicensi, qui generaliter loquitur, & sessionem diacono in præsentia presbyterorum prohibet his verbis: *Non oportet diaconum coram presbytero, in *προεδρία* presbyterorum, in conspectu, in oculis presbyteri sedere; sed iussione presbyteri sedeat, ἀπὸ αὐτοῦ κε-*

λεύσιως & προσεστώτη καθήμενος. Similiter autem diaconus honorem habeat à sequentibus, id est à subdiaconis & ab omnibus clericis. Gratian. c. non oportet 15. d. dist. 93. Generaliter inquam loquitur textus, neque patitur restrictionem ad congregationes sacras in bemate factas, sed de quibuscunque conventibus Presbyterorum & diaconorum intelligi debet. Qvin ad privatos potius quam ad publicos conventus pertinere videtur id, quod dicitur, *καλέσθωντες*, iussu & permisso presbyteri diacono sedere licere, quia standi ista obligatio decentius intra privatos parietes remittitur, iussus etiam *εὐχρηστώς* magis interponitur, quam in publico.

IX. Quod secutum est Concilium Arelatense II. c. 15. repetit, quod Concilium Nicænum statuerat, verbis tamen brevioribus & aliquantum immutatis: *In secretario Diaconi inter presbyteros sedere non liceat, vel corpus Christi, presente presbytero, trahere non presumant. Quod si fecerint, ab officio diaconatus abscedant.* Per secretarium Beveregius d. l. diaconicum intelligi negat, sed usurpatri hic ait istud vocabulum pro ipso bemate. In diaconico enim presbyteros sedere non solere, nec diaconis ibi sedere prohiberi. At verò, quid Secretarium eo tempore denotaverit in Galliâ Narbonensi, in qua sita fuit Arelate sedes concilii, in alia

eiusdem Gallie Narbonensis civitate, Agathā nimirum, post annos centum explicavit concilium aliud, Agathense inde dictum, *can. 66. Quoniam non oportet infacros ministros licentiam habere in secretarium, quod Graci diaconicon appellant, ingredi & contingere vasa dominica.* Non igitur apud Gallos Narbonenses aliud fuit Secretarium, aliud diaconicum. Et gratis dicit Beveregius, in diaconico presbyteros sedere non solere. Quippini enim sedere illic licuerit, quo non prohibitus fuit ingressus? At solis infacris ministris secretarium ingredi prohibitum fuit.

X. Sed ne quis dubitet, etiam in privatis conventibus presbyteros ista *πρεσβυτερια* & *πνεύς* habuisse, ut sedere possent ipsi, non verò diaconi, nisi suo iussu & permissu, clarioribus verbis & disertè magis statuerunt sub finem seculi IV Patres in Concilio Carthaginensi IV, *can. 39. & 40.* apud Gratianum *d. dist. 93. c. 19. Diaconus sedeat iubente presbytero in quolibet loco.* Item, *Diaconus in conventu presbyterorum interrogatus loquatur.* In quolibet loco, ajunt, non in publico tantum, aut sacro beate, sed ubicunque convenierint. Nec lingvæ usus Diaconos in præsentia presbyterorum permittitur, nisi interrogati fuerint, quod summæ demissionis & tantum non servilis conditionis argumentum est. Sed in eodem tamen concilio idem sibi

dictum putare debuerunt presbyteri, quod *canone 34.* Episcopis mandatum fuit, ne sedentes stare presbyteros paterentur. Pariter etiam presbyteros sub isto honore, qui a diaconis exhiberi debuit, modeste uti oportuit, quanquam in respectu ad presbyterum multo inferior fuerit eo tempore conditio diaconi, quam presbyteri in respectu ad Episcopum.

XI. Cum verò diaconi identidem sibi hanc potestatem sine concessione aut consensu presbyterorum sumerent, iterare & repetere adductos canones subinde oportuit, ut suæ conditionis memores supra presbyteros sese extollere desinerent. Hoc modo Gelasius I, Papa *epist. 9.* quæ ad Episcopos Lucaniam scripta est, quaque plurima ad disciplinam Ecclesiasticam pertinentia significavit, etiam hoc admonitum voluit, non debere diaconos in presbyterio residere, cum divina celebrantur, vel Ecclesiasticis quicunque habetur tractatus. Pariter Concilii Agathensis Patres *can. 65.* ad verbum repetierunt canonem Laodicensi concilii supra adductum. Et hæc perpetua nota est mali nondum extirpati, sed repullulantis & vires recipientis, si priorum synodorum decreta repetere necesse fuerit. Frequens igitur fuit hæc diaconorum *κακοήθεια*, ut presbyteros suos contemnerent, & eorum sedes occuparent;

rent, atque superiores esse magnis viribus contenderent.

XII. Inferuit insuper Gratianus compilationi suæ in fine dist. 93. Concilii Quinisexti Constantinopoli in Trullo habiti canonem septimum, quem paulo auctiorem ex ipsis fontibus hic adscribemus. *Quoniam in nonnullis Ecclesiis diaconos officia Ecclesiastica habere didicimus, & ex hoc nonnullos eorum arrogantia & licentiâ fretos ante presbyteros sedere, statuimus, ut diaconus, etiam si in dignitate, id est, in quovis sit officio Ecclesiastico, ante presbyterum ne sedeat, præterquam si proprii patriarchæ vel Metropolitanæ vicem gerens adsit in aliâ civitate super aliquo capite. Tunc enim, ut locum illius implens, honorabitur. Si quis autem tyrannica adductus audacia tale quid efficere ausus fuerit, is ex proprio gradu dejectus, sit omnium ultimus ejus ordinis, in cujus est catalogo in sua Ecclesiâ, &c.* In jure Græco Romano ab Johanne Leunclavio collecto sect. 2. tit. 4. epitome hujus canonis ita se habet: *Diaconus, qui habet officium, nisi personam referens sui Patriarchæ vel metropolitanæ alicujus rei causâ in aliam Urbem venerit, ante presbyteros sedens, omnium ultimus esto.*

XIII. Quærit hic Balsamon & Zonaras, cur hoc canone Diaconus priorem sedem occupans gradu tantum deiciatur, non ordine, ut olim

constituit Synodus Nicæna, quæ depositionis poenam indixit. Et respondet uterque, canonem Nicænum, agere de diaconis, qui dum sacra mysteria peraguntur, in sacrario mediis inter presbyteros confedere, quod quidem tempore eos maximè sacerdotibus inservire atque adstare oportuerat; Synodi verò *πρωτης* canonem remissius agere ideo, quia tractet de iis, qui extra sacrarium alio quocunque confessu digniorem sibi inter sacerdotes locum arrogarint. Si quis igitur honestiorem sedendi locum impudenti temeritate sacerdotibus præripuerit, eum in arrogantia suæ poenam non à ministerio quidem per hunc canonem repelli, sed à suo tantum gradu removeri & in ultimum reponi. Verum expositio hæc merè est conjecturalis. Quid enim si dicamus, quoad poenam derogatum fuisse Canoni Nicæno, & asperiores illam commutatam in remissiores? Nec enim infrequens id est, in legibus tum civilibus, tum Ecclesiasticis, ut poenæ exacerbentur, quandoque mitigentur, prout status Ecclesiæ aut politice postulat. Nec tamen reprehendo propterea Græcorum istorum interpretationem, cum utique levius delictum sit, in loco privato, quam in sacro & publico, *οὐκ ἐπὶ τῆς* jus usurpare.

XIV. Cæterum mirum non est, inter Ecclesiasticas personas, quæ veluti in speculâ constitutæ reliquis

U 2 omni-

omnibus exemplo esse debent, jam inde ab initio quasi Ecclesiarum, frequenter admodum istud vitium fuisse, nec vel unicuique præteritisse seculum, quo non publica aliqua censura cohibere oportuerit istas inferiorum adversus superiores suos machinationes. Si quidem ipsi etiam Apostoli ab *οἰστροῖς* vel etiam superbiæ crimine prorsus liberi non erant, quippe qui de primatu in Regno cælorum, etiam præsentem Magistrum suum, altercabantur. Et ipsi primi homines suâ simplicitatis conditione & dote, quam Dei dono & præscripto acceperant, minime contenti, post blandas Satanæ voces, prudentiores & sapientiores atque ipsi Deo similes esse volebant, h. e. desiderabant sublimem, eminentissimum, & perfectissimum statum Dei in scientiâ, potestâ, præsentâ, gloriâ, vitâ, dominio & reliquis ejusmodi axiomatibus divinis. Ignoscendum igitur est quandoque ministris Ecclesiæ, si quid tale ex fragilitate humanâ ausi fuerint, cum & ipsi homines sint, & nihil humani à sese alienum esse sentiant. Sed & corripendi quandoque sunt severius, neque connivendum amplius, si obstinatiores fuerint, nec suâ sorte contenti ea involent & invadant, quibus ipsi prorsus impares sunt, & ex hoc disciplinâ Ecclesiasticam foedissimâ suâ arrogantia perturbent.

XV. Nec verò hoc tantum prohibitum fuit diaconis, ut nullam *οἰστρον* presbyteris moverent licentiam, nec priores sedes occuparent, id

enim tolerari utcumque poterat, quantum & hoc multis difficile esset; sed etiam ipsa sedendi conditio eis denegata fuit, nisi presbyteri præsentem jussissent & concessissent. Id verò subjectionem valde demissam & tantum non servilem arguere videbatur, cui se adstringere ægrè poterat homo ingenuus. Sanè non exiguus est honor ille, qui sedenti à stante deferretur, & sit amplior, si alter stare teneretur, dum id, quod in facultate naturali est, per supervenientem prohibitionem alterius impeditur. Non certè putavit sibi decorum C. Plinius cum tribunus esset, ut ulterius causis agendis operam daret, quod deforme arbitrareretur, cui assurgere, cui loco cedere omnes oporteret, hunc omnibus sedentibus stare, *lib. 1. epist. 23.* Causidici enim sive qui causam alienam orabant, jus sedendi non habebant, ut maximè honorati essent, sed standi necessitate subire tenebantur *l. 6. in f. C. de postuland.* Quin & illis Honoratis, quibus in provinciis confidendi cum iudicibus seu Receptoribus provinciarum in secretario, cum de causis cognosceretur, jus erat, si ipsi lites habebant, eo tempore & iis horis, quibus ipsorummet causæ in secretario tractabantur, confidendi cum iudice facultas denegabatur. *l. 1. C. de offic. civil. jud.* Et hoc scilicet ex dignitate erat iudicis, & singulare, *αἰσχρογῶνα*, ut litigantes stando ei reverentiam exhiberent, ipse verò sederet. Qualem dignitatem etiam Episcopus.

piscopis & presbyteris five communicatam, five sumtam diximus, ut diaconi coram eis starent, sed quam necessitatem plurimi subinde contrario facto eludebant.

XVI. Præterire hîc nequeo, etiam presbyteros aliquando cum diaconis in conspectu Episcoporum stetisse, idque factum invenio in concilio Romano sub Sylvestro Papa, quod anno Christo CCCXXIV, celebratum fuit, ubi *sub cap. 1.* hæc leguntur verba: *Dum hi omnes (Episcopi scil. qui enumerati sunt) venissent in Synodum & alii, quorum cyrographus cucurrit, & opinio sanctitatis, sederunt in eadem aspectu thermarum supradictarum. Presbyteri autem Romani omnes, & Diaconi, eletrusque vel gradus sequentes ad terga Episcoporum steterunt. Nemo enim sedit in eodem loco, nisi tantum Episcopi & Sylvester episcopus Pontifex Urbis Romæ.* Binius in notis & antequam Baronius *ad ann. 324. num. 125.* putant, id tunc tantum modestiæ causâ contigisse, aliud autem in Ecclesiâ Romanâ aliàs receptum fuisse, idque probant testimoniis Hieronymi & Concilii Carthaginensis IV, quæ supra adduximus. Verum recentiora hæc sunt, quam ut exceptionem Concilio Romano suggerere queant. Nec tamen dissentiam à Biniô & Baronio, cum presbyterorum semper melior fuerit in Ecclesiâ & apud Episcopos conditio, quam diaconorum, quippe qui eo-

dem illo tempore, anno nimirum sequente CCCXXV, in Concilio Nicæno *can. 18. τῶ ἱεροῦ καὶ τῶν πρεσβυτέρων* Episcopi ministri dicti fuerunt, quod nomen presbyteris nunquam tributum fuit.

XVII. Fecit autem ista standi diaconis imposita necessitas, ut, cum refractarii illi quam sæpissime essent, & difficulter id jugum admitterent, presbyteri rigidè hunc sibi honorem exposcerent, nec satis exhiberi crederent, nisi ipsi perpetuò sederent & subselliis quasi affixi essent, diaconis perpetuò stantibus. Et eò tandem pertinax utriusque ordinis contentio progressa est, ut etiam, cum stantes officio suo fungerentur diaconi, & evangelium coram populo legerent, presbyteri tamen minimè a sessione exurgerent. Id emendare conatus Anastasius I Papa, circa annum Domini CCCXCVIII constituit, ut quotiescunque sancta Evangelia recitarentur, sacerdotes non sederent, sed curvi starent, uti habetur in Libro Pontificali, *in vitâ ipsius.* Vid. Baron. *ad ann. 402. num. 44.* Contigisse id apud Burgundiones præcipuè, fidem facit epistola Anastasii prima apud Binium *tom. 1. Concil. pag. 550.* quam ad omnes Germaniæ ac Burgundiæ Episcopos scripsit, his verbis: *Significasti quosdam Sacerdotes in Ecclesiâ, quando leguntur Evangelia sedere, & Domini Salvatoris verba non stantes sed sedentes audire, & hoc ex majorum traditione se*

accepisse narrat : quod ut nullatenus deinceps fieri sinatis, Apostolicâ auctoritate mandamus. Sed dum sancta Evangelia in Ecclesiâ recitantur, Sacerdotes & ceteri omnes presentes, non sedentes, sed venerabiliter curvi, in conspectu sancti Evangelii stantes Dominica verba attentè audiant & fideliter adorent. Vid. apostolica 65. de consecrat. dist. 1. Fuit enim antiquissimus hic in Ecclesiâ habitus, ut à stantibus Lectiones Evangelicæ audirentur. A quo tamen more præter Burgundiones, etiam Indos recessisse Philostorgius testis est lib. 3. cap. 5. Idemque de Episcopo Alexandrino, ut speciale, refert Sozomenus lib. 7. cap. 19. Cæterum à Burgundionibus potius & ex Germaniâ petenda fuit Baronio Constitutionis Anastasiani causa impulsiva, quam ex Augustino, qui de Levitis Romanis formavit quæstionem.

XVIII. Properandum nunc est ad alia. Inter officia Episcopo à diaconis debita etiam hoc fuit, quod semper præsto esse aliqui debuerint, & perpetui Comites, atque observatores. Apud Gratianum c. jubemus, de consecrat. dist. 1. eâ de re Lucii Patæ legitur decretum : *Jubemus Apostolicâ auctoritate, ut semper testes vobiscum* (alloquitur autem Episcopos Galliæ & Hispaniæ) *sacerdotes & Levitas habeatis, & licet conscientia propria sufficere possit, tamen propter malevolos juxta Apostolum testimoni-*

um nos oportet habere boni ab his, qui foris sunt. Igitur duo presbyteri & tres diaconi in omni loco Episcopum non deserant propter testimonium Ecclesiasticum. Hæc Lucii epistola decretalis etsi genuina non sit, sed supposita & ab impostore composita, uti probat David Blondellus, in Pseudo Isidoro p. 321. circa hoc tamen diaconorum ministerium facile fidem inveniet, si præsertim conferatur cum can. cum pastoris 2. q. 7. apud eundem Gratianum, ubi sic habent verba: *Cum pastoris vita in exemplum debeat esse discipulis, plerumque Clerici, qualis in secreto sit vita sui pastoris, nesciunt, quam tamen seculares pueri sciunt: de quâ repæsentanti decreto constitutum, ut quidam ex Clericis vel etiam ex monachis electi in ministerio cubiculi pontificali obsequantur: ut is, qui in loco regiminis est, tales habeat testes, qui verum ejus in secreto conversationem videant, & ex sedulâ visione exemplum profectus sumant.* Sed & Hieronymus lib. 14. in Ezech. cap. 48. diaconum à Pontificis latere non recedere debere monet. Et sine dubio propterea diaconi Episcoporum ministri dicti sunt, uti supra ex Concilii Nicæni decretis demonstratum dedi. Testaturque Antonius Mornacijs ad rubr. Cod. de episc. & cler. habere Episcopos in hunc diem duos canonicos in comitatu & ministerio, aut unum, qui ex eâ causâ fructus præbendæ integræ percipiunt.

unt. perinde ac si interessent quotidianis Ecclesiæ suæ sacris.

XIX. Cùm ita quotidiana esset, & perpetua Episcopo cum presbyteris & diaconis conversatio, & utrumque indissolubilis quasi in familiâ nexus, non sanè difficile fuit aut Episcopis aut diaconis canonem Concilii Antiocheni ultimum observare, quem in occidentalis Ecclesiæ usum ita vertit Dionysius Exiguus: *Episcopus Ecclesiasticarum rerum habeat potestatem ad dispensandum erga omnes, qui indigent, cum summa reverentia & timore DEI. Participet autem & ipse, quibus indiget, si tamen indiget: tam suis quam fratrum qui ab eo suscipiuntur, necessariis usibus profuturus, ita ut in nulla quâlibet occasione fraudentur, juxta sanctum Apostolum sic dicentem: habentes victum, & tegumentum, his contenti sumus. Quod si contentus istis minimè fueris, convertat autem res Ecclesiæ in suos usus domesticos, & ejus commoda vel agrorum fructus non cum presbyterorum conscientia diaconorumque pertinet, sed horum potestatem domesticis suis aut propinquis aut fratribus filiiisque committat, ut per hujusmodi personas occultè cetera ledantur Ecclesiæ, synodo provincia penas iste persolvat. Si autem & aliter accusetur Episcopus, aut presbyteri, qui cum ipso sunt, quod ea, quæ pertinent ad Ecclesiam vel ex agris, vel ex aliâ quâlibet ecclesiasticâ facultate,*

subimet usurent, ita ut ex hoc affligantur quidem pauperes: criminationi vero & blasphemis tam sermo predicationis quam hi, qui dispensant, taliter exponantur & hos oportet corrigi, sanctâ synodo id quod concedet, approbante.

XX. Ex hoc capite ad rem præsentem pertinet istud, quod Episcopus sine presbyteris aut diaconis administrare res Ecclesiasticas, & dispensare eas sine illorum præscitu nequeat, quodque si per collusionem illis abutantur, aut in usus proprios convertant, puniri utique debeant. Dixi, oppidò facilem esse, Episcopo talem administrationem, propterea quod ex superius allegatis decretis semper præsentis penes se habeat, aut certè habere debeat presbyteros & diaconos, quos propterea ad dispensationem adhibere omni momento potest. Vicissim, uti Episcopus sine præscitu diaconi administrare bona Ecclesiastica non debet, sic neque diaconus eleemosynas dare sine præscitu Episcopi. Sic enim legitur in Constitutionibus Apostolicis, si illis credendum est, lib. 2. cap. 31. Nihil verò prorsus sine Episcopo faciat, neque ulli quippiam nisi illo conscio & auctore tribuat. Et enim si clam Episcopo dederit egenti & calamitoso, erit probro Episcopo, eumque de injuriâ afflictorum insimulat. Qui autem Episcopum sermone quopiam aut facto vituperat, DEUM offendit,

fendit, &c. Sic igitur mutuis officiis circa administrationem bonorum Ecclesiasticorum sibi tenentur invicem Episcopus & diaconus, sed ita, ut Episcopo salva semper sit reverentia, quam ei diaconus debet.

XXI. Fuit verò etiam hæc reverentia ab Episcopis in multos abusum versa, ut fieri solet, si quando elatior animus in illam inciderit, nec contineri intra terminos suæ dignitatis possit. Scilicet ita comparatum est ingenium hominis, ut quo plus illi concedatur, eo plus concupiscat, nec satiari semper honore destinato queat, sed omnes in universum prærogativas non modo continendas, verum etiam acquirendas ex dignitate suâ esse putet. In hac enim fortunâ & elatione, quâ Episcopi in Ecclesiâ suâ eminent, facillimè pertinacia & nimia cupiditas dominatûs innascitur. Ex quo fit, ut cum præstare se potestate videant reliquis Ecclesiæ suæ ministris, & nimiam ambitione plus indies concupiverint, difficile eis sit, servare æquitatem, quæ justitiæ maximè propria est. Cumque tanta Episcopatus, sive ex Principum liberali concessione, sive ex ipsorum Episcoporum præsumptione, annexa sint axiomata, verendum utique est, ne à naturâ desiscat, qui illi fortunæ non satis subactis & placido animo se permiserit. Exempla nobis non longè petenda sunt. Occidentalibus hæc per Eu-

ropam Ecclesiis sunt ea quasi domestica, nec proinde ignota. Venerabantur Romanum Episcopum partim jure quodam Ecclesiastico positivo, partim inolitâ consuetudine, partim spontaneo & tacito quodam consensu pleræque occidentis nationes & populi, & nec ipse datâ hæc occasione sibi deerat, sed sedis suæ rem agere & fimbrias dilatare probe noverat. In hoc gentium omnium cultu & religiosa observantiâ ultra fines & limites longius egressus, etiam extra pomeria sua potentia sibi sumsit, atque imperia & regna à suo pendere voluit arbitrio, ut sceptrâ capefferent vel deponerent quos ipse jussisset: vicissim juratam fidem servarent subditi, quamdiu permitteret, non servarent, si prohibuisset. In regimine verò Ecclesiastico etiam in propria viscera sæpe numero sævit, quandoquidem hoc semper operam dedit, ut caveret, ne augeretur nimium potestas Episcopalis, neve in suâ quisque diœcesi Papæ sibi partes fumeret, exitio sibi & curiæ suæ futurum ratus, si Episcopis Romam proficiscendi nulla amplius esset causa idonea. In hunc finem pessimè sæpe excepit Episcopos sibi renitentes, imò etiâ non renitentes, & solum hoc agêtes, ut sua sibi in diœcesi suâ salva existeret autoritas, dum ejus tantum ingenii essent, ut suspicio inde existeret, improbare eos posse aulæ Romanæ instituta.

XXII. Haud aliter Episcopi egerunt cum suis diaconis. Cum enim etiam hi quàm sapissimè cornua obverterint Episcopis, & metuendum esset, ne fulmenta tandem lectum scanderent, autoritasque Episcoporum perditum iret prorsus & intercideret, procedendum putarunt. Episcopi à contrario, & ne minimum quidem illis concedendum, quod fomitem & occasionem repetendæ ambitionis subministrare posset. Utque eo minùs prompti deinceps & idonei talibus audendis essent, ferocemque animum deponerent, & colla submitterent, paulatim fervilibus ministeriis imbuere & famulis pares facere conati sunt. Utque minus illi refragarentur, neque, quid ageretur, illicò animadverterent, religionis & cultûs divini titulo fœdissimam ambitionem velare solebant. Nemo enim sibi alienum servitium & dominationem concupivit, ut non speciosa aliqua nomina prætexeret. Et nulla unquā adeò scelestæ cupiditas fuit, quæ turpitudinem suam religionis colore non occultaverit.

XXIII. Ut exemplo fidem faciam, lubet adscribere canonem sextum aliàs quintum Concilii Bracarenfis III, conditum anno Christi DC LXXV, ex quo discere licet, quàm impotenti tum animo fuerint, quosque spiritus aluerint Episcopi in Lusitaniâ, quantumve infra Episcopos depressi fuerint diaconi. *Bona*

quidem res est, divina sacerdotibus contrèllare mysteria; sed cavendum, valdè est, ne hoc quicquid ad usum prævitiæ suæ intorqueat, unde soli DEO de bono conscientia placere debuerat. Scriptum est enim: Væ his qui faciunt opus Domini fraudulentè & desidiosè. Ut enim quorundam Episcoporum detestanda presumptio nostro se catui intulit dirimenda, agnovimus quosdam de Episcopis, quod in solemnitatibus martyrum ad Ecclesiam progressuri, reliquias collo suo imponant, & ut majoris fastus apud homines gloriâ intumescant, quasi ipsi sint reliquiarum, arca, Levitæ albis induti, in sellulis eos deportent. Quæ detestanda presumptio abrogari per omnia debet, ne sub sanctitatis specie simulata vanitas sola prævaleat, si modum suum uniuscujusque ordinis reverentia non agnoscat. Et ideo antiqua in hac parte & solennis consuetudo servabitur, ut in festis quibusque diebus, arcam Domini cum reliquiis non Episcopi, sed Levitæ in humeris gestent, quibus & in veteri lege onus idem impositum novimus & præceptum. Quod si & Episcopus reliquias per se deportare elegerit, non ipse à diaconibus in sellula vebatur, sed potius pedissequa unâ cum populis processione procedente ad conventiculâ sanctarum Ecclesiarum, Sanctæ DEI reliquie per eundem Episcopum portabuntur. Jam vero, qui hæc instituta sciendo adimplere distulerit, quamdiu in hoc vitio fuerit, à sacrificando cessabit.

XXIV. Verba hæc duplex Episcoporum Lusitanæ ἀμείψιμα designant, superstitionem scilicet in circumferendis reliquiis commissam, & ὑπερηφανίαν, quâ gestari à diaconis sibi honori ducebant. Prius illud non improbat, quandoquidem jam eo tempore in superstitionem declinaverat Religio Christiana; alterum autem graviter perstringitur. De priori multus est Serverinus Binius in notis ut probet, religiosè coli debere reliquias sanctorum. Nos verò uti maximè cavemus, ne irreverenter & ignominiosè tractentur aut abjiciantur ossa sanctorum, ita cultum aliquem religiosum λατρείας aut δολείας illis deberi constanter negamus. Et valde placent verba Georgii Cassandri, quibus consultationem de veneratione reliquiarum concludit, quando ait: *cum igitur vera & comperta reliquia, præsertim in his provinciis perpaucas sint, & multæ ex iis, quæ ostentantur, non temerè suspectæ haberi possint, atque illarum frequentatio & veneratio non multum pietati, plurimum verò superstitioni vel quæstui serviant, multo consultius videtur, ut ab omni reliquiarum ostentatione abstineatur, & populus ad veras Sanctorum reliquias colendas, id est, exempla pietatis & virtutum, quæ in scriptis vel ab ipsis vel de ipsis extant, imitanda provocetur.* Sed hæc non sunt propriè hujus loci. Conf. Jacob.

Gothofred. *ad l. 7. C. Theodos. de sepulch. viol.* Alterum magis huc pertinet, quippe in quo censura Concilii præcipuè occupata fuit. Sed illud præterire maluit Binius, quod non videretur ex re suâ esse, si quid adversus Episcopos, quorum gradum fortè affectavit ipse, severius diceret. Insigne autem hoc fuit fastus Episcopalis specimen, quod humeris diaconorum circumgestari voluerint, quod μόλις ἀνὸι δῶλοι κερήσειαν. Nec profectò propter reliquias, quas ferebant ipsi, excusari poterant, cum, si reliquiis iste honor debitus fuisset, solitariè illis exhibere eundem, nec tam vastum Episcopi corpus simul portare licuisset. Sed enim talis fuit eo tempore Episcoporum erga diaconos suos συγκατάθεσις.

XXV. Quæ causa impulerit Satisfactionem Aurelianensium Episcopum, quod diaconum investituræ suæ die ex carcere liberatum, mox in eundem carcerem conjecerit, & curiæ deinceps seculari tradiderit, non constat. Iniquè tamen cum eo actum fuisse, intelligi potest ex Ivonis Carnotensis *epist. 53.* ubi acriter objurgat Episcopum Aurelianensem, quod diaconum istum ita tractaverit. *Insinuatim est, inquit, mihi per literas, quod clericum illum, quem in die vestri introitus secundum morem vestra civitatis, nostrâ exhortatione de carcere liberastis, iterum car-*
cera-

cemli custodia crudeliter mancipastis. Ea namque die, quā vobis in missā servierat, quā vobis in mensā communicaverat, verberatum, spoliatum, per manus servorum trahi fecistis ad carcerem, & curiā traditum nullā consolatione relevistis, neque de ejus liberatione curare voluistis. Nonne satis erat, rapinam bonorum vestrorum per-

peti, veletiam personam vestram, sicut promiseratis, carceri mancipari, quā clericus vester non judicatus, non damnatus à vobis curiā traderetur? ubi more furis, contumeliis & injuriis cotidianis cruciaretur. Non est hoc officium pastoris, sed mercenarii, &c.

CAPVT XI.

De Officio Diaconi erga parochianos & alios.

- I. Diaconus cum Episcopo concurrit ad eundem finem, sed inaequaliter. II. Diaconi Episcoporum oculi. III. Cura animorum ad eos pertinet, IV. Item agrotantium & infirmorum. V. Ubi scripta supposititia habeant testimoniorum xim. VI. Diaconi peregre adventantes exceperunt. VII. Martyribus in carcere ministrarunt, eos tumultarunt.

I. **N**ON Episcopi tantum, sed diaconi etiam in id ordinati sunt, ut curam habeant populi sibi commissi. Sic namque conjunguntur *canone Apostolico 36. Si quis ordinatus Episcopus non suscipiat ministerium & curam populi sibi commissam, sit segregatus, donec eam susceperit: Similiter & presbyter & diaconus, &c.* Etsi enim inter ministros Ecclesiae ordo quidam sit & distinctio secundum objecti determinationem, circa quod quisque

versatur, & secundum utilitatem publicam, quam quisque confert, proprius aut remotius ad conservationem Corporis mystici, cum circa diversa ista objecta non omnes versentur aequaliter, neque etiam versari possint aut debeant aequaliter; ad finem tamen ultimum, qui est salus spiritualis, omnes concurrant necesse est, & diaconi adjumento debent esse Episcopis, ut finis iste obtineatur. Non male igitur dicitur in Constitutionibus

Apostolicis lib. 2. cap. 44. Diaconus de re omni ad Episcopum refert, ut Christus ad patrem. Verum quacunque potest, facta ab Episcopo potestate, moderetur per se, sicut Christus potestatem creandi & providendi à patre accepit: Quæ verò majora sunt, Episcopus judicat. Ceterum sit diaconus Episcopi auris & oculus, & item os, cor, & anima, ne Episcopus sollicitudine multarum rerum, sed graviorum tantum urgeatur, sicut Jethor Moysen instruxit, & Moyses consilium ejus amplexus est.

II. Similia habentur in Clementis Romani epistolâ primâ; quam refert Gratianus *can. 6. dist. 93.* Diaconi Ecclesiæ tanquam oculi sint Episcopi oberrantes & circumlustrantes cum verecundiâ actus totius Ecclesiæ & perferunt diligentiùs, si quem videant vicinum fieri precipitio & proximum esse peccato, ut referant hæc ad Episcopum & commoneri ab eo possit is, qui in precipitium lapsus est, uti revocetur & non corrumpatur in peccatum. Negligentiores quoque & eos qui rariùs ad audiendum verbum DEI accedunt, nec sollicitè ad Episcopi tractatum conveniunt, ipsi commoneant & hortentur. Si enim assidui sint ad audiendum, non solum vita aterna ex salubri commonitione capiunt lucra, verum & quacunque illa sunt tristitia vel mæiores, quæ ex præsentis vite necessitatibus & cladibus temporum veniunt, quæque malorum

sermonibus in corde suo velut jacula defixa circumferunt, abjiciuntur omnia predicatione veritatis & vitæ aeternæ doctrina & eruditione purgata. Alioquin si multo tempore auditum subtrahant à verbo DEI, & remaneant in cultu vitiorum, sine dubio spinis erunt ac sentibus occupati. Et quid aliud nisi ad ignem talis hæc terra præparabitur? De his ergo, ut diximus, Diaconis cura sit, &c. Unde patet, quo sensu Diaconi Episcoporum oculi dicantur, quatenus scilicet cœtum Ecclesiasticum lustrant quasi, & cujusque statum atque conditionem in actibus pietatis explorant. Alio etiam sensu dicuntur Episcoporum oculi, quatenus custodiunt eos prædicantes, ne ab infidiatoribus infestentur aut lædantur, in Euaristi *epist. 1.* Et in Anacleti *epist. 1.* jubetur Episcopus in solennioribus diebus septem, aut quinque, aut tres diaconos, qui ejus oculi dicuntur, & Subdiaconos atque reliquos ministros secum habere, qui sacris induti vestimentis in fronte & à tergo, & presbyteri è regione, dextrâ, levæque contrito corde & humiliato spiritu ac prono stent vultu, custodientes eum à malevolis hominibus, & consensum ejus præbeant sacrificio, &c. De hac custodiâ diximus supra.

III. Quod verò hic loci oculorum Episcopi sive diaconorum diximus esse officium, ad curam animarum, & sollicitudinem pertinet, quam

quam pro parochianis suis unusquisque Ecclesiæ minister gerere debet. Vulgaris Canonistarum doctrina est, curam animarum dupliciter accipi. Quandoque enim ab eis accipitur pro jurisdictione contentiosa, & jure quodam correctionis, quod consistit in visitando, inquiriendo, puniendo, excommunicando, absolvendo & similibus, quarum morum correctionem spectant, quodque proinde dignitati coheret. Quandoque verò cura animarum ab eis strictè ac simpliciter sumitur pro potestate ligandi & solvendi, quæ pertinet ad forum poenitentiale, ejusque partes & munia sunt confessiones audire, poenitentiam injungere & absolvere, excommunicare, Ecclesiastica Sacramenta administrare, prædicare ac proponere verbum DEI, & missas diebus Dominicis & festivis celebrare. Et hanc ajunt, non posse esse penes alium quam Sacerdotem. Anton. Bengueus & Franciscus Pinsfonius de benefic. rubric. de divif. benefic. §. 21. num. 3. seq. Petr. Gregor. de benefic. cap. 10. n. 11. Joh. Honor. tit. de præbend. num. 21. Julian. Vivian. de jur. patronat. lib. 2. c. 7. n. 27. Nicolaus Garcias de benefic. part. 1. cap. 6. n. 6. His acceptionibus positis, Diaconi nullam poterunt habere curam animarum. Non priore modo, quia nullam habent dignitatem, quippe quæ semper cum jurisdictione juncta est,

quam diacono competere negant. Canonistæ; nec posteriore, quia ex ipsorum sententiâ sacerdos non est. At verò supra probavimus multo ampliorem potestatem Diaconis olim in Ecclesiâ concessam fuisse, quam hodiè eis permitti solet à Doctoribus Ecclesiæ Romanæ. Atque illa potestas curam animarum complectebatur, non præcisè, ut dignitatem supponit, aut sacerdotium aliquod sacrificio destinatum, sed, ut salutem intendit spirituales animabus conferendam, cujus proinde haud exigua pars est lustratio illa & observatio circa vitam & mores cujusque parochiani, ne in præceps ruat, & salutis suæ detrimentum patiatur.

IV. Fuit verò etiam ægrotantium & infirmorum cura diaconis commissa. Sic enim porro loquitur Clemens Romanus, d. epist. 1. Sed & eos, qui secundum carnem ægrotant, sollicitè perquirant, & plebi, si forte plebs ignorat, indicent de his, ut ipsi visitent eos, & quæ necessaria sunt præbeant eis cum conscientia ejus, qui præst. Quod tamen, etiamsi clam fecerint non peccabunt. Eodem pertinet, quod in Constitutionibus Apostolicis lib. 3. c. 19. dicitur: Sint verò diaconi ab omni maculâ & labe alieni, non aliter quam ipse Episcopus, tantummodo faciliores, quam ille, ad vexationes in ministerio subeunda. -- Si ergo Dominus noster idemq; ma-

Episcopo sedeat, eodem honore ab eo acceptus, &c. Sic & in dictâ Clementis epistola 1. præcipitur: Sed & de peregrinis similiter Episcopo suggerant, refovendis. Et additur: & cetera his similia, quæ ad cultum Ecclesiæ & disciplinam ejus pertinent, Diaconis cura sint. Quod indicium est, adhuc alia fuisse, in quibus diaconi officium occupatum esse debuit.

VII. Apud Cyprianum lib. 3. epist. 15. mentio fit diu observatæ consuetudinis, ut diaconi ad carcerem, commeantes martyrum desideria exaudirent, ut auxilio essent. Laudatque Eusebius, lib. 7. c. 11. diaconum quendam sibi cognominem, Laodiceæ Syriæ deinceps Episcopum, quod à Deo speciali fortitudine excitatus confessoribus in custodiâ constitutis strenuè ministraverit, & cadavera eorum non sine

periculo condiderit. Eusebium, inquit, DEUS jam inde ab initio roboravit, impulsq, ut confessoribus incustodiâ positis ministeria strenuè exhiberet, utq, consummatorum ac beatorum martyrum cadavera non sine capitis sui periculo sepeliret, &c. Nec verò hoc ab officio diaconorum alienum prorsus erat, quippe quod inter opera charitatis præcipuum videbatur, & aliquando non pietatis tantum, sed etiam cultus partem, constituebat. Sequentibus autem temporibus in Ecclesiâ Christianâ certus ordo copiatorum institutus fuit, qui circa defunctorum obsequia occupati erant, eosque si non, Clericos, Clericis tamen proximos fuisse dicit Jacobus Gothofredus ad l. 1. Cod. Theodos. de iustit. conlat. Conf. Franc. Balduin. de legib. Constantin. lib. 1. pag. 15.

CAPVT XII.

De vestitu Diaconorum.

- I. Diversus Clericorum vestitus ab habitu aliorum.
- II. Talis etiam Levitarum in veteri Testamento.
- III. Ejus ratio. Reverentia comparatur ex decenti vestis ornatu.
- IV. Vestes Clericales quanam?
- V. Eorum decor, & honestas.
- VI. Contra luxuriantes interdictis adseritur.
- VII. In Synodo Nicæna.
- VIII. Cujus canon XVI interquæritur & præve explicatur.
- IX. Item Constantinopolitana.
- X. De luxu vestium Clericalium Leonis IV & Innocentii II constitutiones.
- XI. Item Innocentii III.
- XII. Concilii Constantiensis decretum de manicis.
- XIII. Vestes Clericorum lucidæ.

lucida colorataque prohibita. XIV. Cardinales excepti. Birretum rubrum an religiosis Cardinalibus conveniat? XV. Clericorum in Britannia vestes versicolores. XVI. Diaconorum vestes sacris peragendis destinata. XVII. Orarium, XVIII. Fuit mantile aut fascia. XIX. Orarii Etymon. XX. Episcopi quoque in Occidente orario induti. XXI. Item Presbyteri; XXII. In utroque humero gestarunt. XXIII. Usus orarii ex mente Blasarii, XXIV. Balsamonis: utriusque aetas, XXV. Et de illorum mente Πάρεσις. XXVI. Orario signum datum. XXVII. ἑπίσκοπος Episcopis & Diaconis commune. Ejus differentia. XXVIII. Dalmatica, qualis vestis? Collobium. XXIX. Collobiis & Dalmatica usi Diaconi. XXX. Ab initio propria vestimenta Episcoporum. XXXI. Silvester Romanis diaconis concessit. XXXII. Tonsura diaconorum.

I. Cùm Clerici, & inter hos diaconi, ex primâ institutione separatim planè ab reliquis civibus faciant ordinem, quippe quos ἀποκρίσει ipse jussit Spiritus S. *Astor. XXX, 2.* non inconcinniter illi diverso etiam utuntur habitu, per quem à reliquis ejusdem Reip. civibus discriminari queant. Refert Lamprius de Alexandro Severo, quod in animo habuerit, omnibus Officiis genus vestium proprium dare, & omnibus Dignitatibus, ut à vestitu dignoscerentur, & omnibus servis, ut in populo possent agnosci (quos ipsos etiam aliàs secundum ordinem & dignitatem vestire oportebat, *l. 15. §. 2. ff. de usufr.*) id verò Ulpiano, Pauloque displicuisse, dicentibus, plurimum rixarum fore, si sic faciles essent homines ad injurias. Meminerant scil. isti Jcti, quod scribit Livius *lib. 33.* omnia talia discrimina,

quibus ordines discernentur, & concordia & æquæ libertatis minuentur esse. Si tamen de sacerdotibus interrogati fuissent isti, nullus dubito, facile concessuros fuisse illis diversum vestimenti genus, quo illicò ipso occurrere noscerentur, & hujusmodi agnitione conditionem suam testarentur, uti loquitur Theodosius Imp. in *l. 1. C. Theod. de habitu, quo uti op. intr. Urb.*

II. Etiam in Levitico veteris Testamenti culu sacerdotibz singulares fuisse vestes, quibus in sacrificiis usi fuérunt, ex sacrâ Scripturâ abunde constat. Quousque autem sacrum istarum vestium usus licitus, & num extra templum nullum discrimen vestium inter sacerdotes & plebem observatum fuerit, non una omnium est sententia. Scripserat Johannes Seldenus in Jurisprudentiâ Hebræorum versatissimus, *lib. 2. de success.*

success. in pontificatum cap. 7. Neque vestes hæ sacre (quas scil. antea recensuit) *alibi aut alio tempore Sacerdoti gerenda , præterquam dum vicem sacram observans altaris ministerio assiduus adesset. Peractâ vice in apothecâ reponerentur ; adeo ut extra templum, vestitus cultu, nec à plebe caterâ differret Sacerdos.* Hanc verò asserptionem comprobare noluit Robertus Sheringhamus Cantabrigiensis, & Seldenum, ut lapsum, redarguit, cui Seldenus vicissim *lib. 3. de Synedr. vet. Hebr. cap. 11. num. 3.* respondet, prolixèque defendit suam istam sententiam, quam tamen iudicio Lectoris tandem submittit. Sed ista extra sphæram nostram sunt, nec animus nobis est *ὡς τὸ ἐκείνου πᾶν*, ne contemptui simus, si quid exciderit minùs accuratum. Nec vitio proinde verti nobis poterit, si iudicium istiusmodi tale deprecemur.

III. Quicquid verò sit de Sacerdotibus Judæorum & aliarum gentium, ipsa svadet conditio & status talium personarum, ut *συναγωγῆς* & distinctus à reliquis earum sit habitus. Quia enim Deo ipsi speciali modo consecrati, & in ejus ministros familiares adsciti atque inde dispensatores mysteriorum divinatorum facti sunt, qui Ecclesiasticis officiis destinantur, congruum erit, propriâ veste ita eos discerni, ut agnosci possint ab omnibus, utve tuti magis sint

à ludibriis & injuriis hominum petulantium. Nec diffiteri quisquam potest, etiam ex veste reverentiam aliquam comparari. Magistratibus sanè & iudicibus decens vestium ornatus ad hoc proficit, ut dignitatem & auctoritatem suam tueri facilius possint, quæ haud parum minuitur, si in vestibus sordeat. Et hæc sententia videtur fuisse populi Romani, quando, teste Plutarcho, infensus fuit Catoni, quod Prætor renunciatus jus diceret, indutus abjectis & laceris vestibus, ac si illo quotidiano & nimis obsoleto atque detrito vestimento præturam contemptui exponeret. Nec alia fuit mens Imperatorum, qui officialibus suis magnificum atque distinctum vestium genus præscripserunt, cum & ipsa ratio civilium officiorum necessitatem quandam nitoris imponat, uti loquitur Plinius *lib. 6. epist. 32.*

IV. Quæ autem sint vestes Clericales, statuunt Doctores plerique omnes cum glossa *ad Clement 1. de elect.* nullibi id determinatum esse. Quamquam enim *in cap. penult. X. de vit. & honest. Cler.* itemque *in Clement. 2. cod.* prohibita sint illis certa vestium genera, non tamen vice versâ præscriptum est, quibus uti debeant. Relinquendum igitur id esse usui communi & consuetudini, ut illæ vestes Clericales esse censeantur, quæ communi Clericorum, usui in eâ provinciâ receptæ sunt, &

ex quarum adspēctū à quocunque pro clericis habeantur. Augustin. Barboſa *ad c. pen. X. de vit. & bon. Cler.* Thomas Sanchez. *de matrimo. lib. 7. diſp. 46. n. 6.* Joh. Azor. *inſtitut. moral. part. 2. lib. 7. cap. 13.* ubi reſert, ſtatuerenonnullos, Clericos eodem cum Laicis habitu uti poſſe, ſi talis alicubi vigeat conſuetudo, quam tamen ipſe approbare non audet. Et graviter reprehendit Didacus Covarruvias *praef. q. uest. cap. 31. ſub n. 7.* eorum iudicum ſententias qui clericos enſibus, armis & veſtibus omnino laicis uſos, nec proinde à Laicis quicquam differētes gaudere nihilominus velint privilegio fori, & ex hoc in iudices ſeculares cenſuris minimè juſtis animadvertant. *Non temerè,* inquit, *poſſumus aſſeverare, hos Eccleſiaſticos iudices nihil cenſere proprius iuriſdictionis Eccleſiaſticae, quam meros Laicos & ſcelentiſſimos homines in grave Reip. diſpendium, & divina atque humane juſtitiae laſionem à ſecularibus iudicibus eximere.*

V. In genere verò hoc requiritur, ut veſtimenta Clericorum decentia ſint & honeſta, hoc eſt, ut ex Conſtitutionibus Ordinariorum explicat Joh. Azorius *d. l.* ut utantur veſte tam exteriori quam interiori talari, ſive uſque ad talos demiſſâ & nigri coloris, ut abſtineant itidem à caligis laicorum more conſectis, aut crepidis inaniter inciſis, ſed ſimplicibus, & integris, ne geſtent cami-

ſias ad manum vel collum, arte elaboratas aut criſpas, aut ut vulgus dicere ſolet, laſtucatas. Item, ut pallium habeant Clericorum Ordini conveniens, quo utantur contra pluviam & frigoris incommoda, & ſemper cum talari tunicâ, & ut pileis itidem ſimplicibus utantur. Præterea, ut abſtineant à pretioſioribus pellibus & aliis odorum ſuavitatibus, &c. Proſtat eâ de re prohibitio facta anno MXC, in Concilio Melitano, quod in Apuliâ celebratum, fuit, *can. 13.* *Ut omnia ſcandala, omninoſq; occaſiones Laicis ſubtrahantur, ſciſſis veſtibus Clericos abuti ulterius prohibemus, & ne pompoſis induantur exuviis, admonemus.*

VI. Quam graviter verò, & quam frequenter peccatum in hac re à Clericis fuerit, tot in Conciliis repetita arguunt interdicta atque iterata monitiones. In Concilio Carthaginenſi IV, quod anno Chriſti CCCXCVIII celebratum fuit, *can. 45.* conſtitutum eſt: *Clericus profeſſionem ſuam & in habitu & in inceſſu probet: & nec veſtibus nec calceamentis decorem quaerit.* Habetur apud Gratianum *diſp. 41. in ſp.* In Concilio Agathenſi *can. 22.* quem adducit Gratianus *c. 23. diſp. 23.* ſimiliter generalibus verbis ſtatutum legitur: *Clerici, qui comam nutriunt, ab archidiacono etiamſi noluerint, inviti detondeantur, veſtimenta etiam vel calceamenta eiſ, niſi quæ religionem de-*

teant, uti aut habere non liceat. Idem repetitur in Concilio Matifconensi I, can. 3. additâ functione, si quis legi obtemperare noluerit. Ut nullus Clericus sagum aut vestimenta aut calceamenta secularia, nisi quod religionem deceat, induere præsumat. Quod si post hanc definitionem Clericus aut cum indecenti veste, aut cum armis inventus fuerit, à Seniore ita coercetur, ut 30 dierum inclusione detentus, aquâ tantum & modico pane diebus singulis sustentetur. In Concilio Romano, quod anno DCCXLIII habitum est cap. 3. constitutum fuit, *Uti episcopus presbyter & Diaconus seculari indumento minimè utantur, nisi ut concedet, tunica sacerdotali; sed nec dum ambulaverit in civitate, aut in viâ, aut in plateis, sine operimento præsumat ambulare, præter si in itinere longo ambulaverit, &c.* Gratianus hunc canonem Zachariæ Papæ adscribit c. Episcopi 21. q. 4. Sed concilio sub Zachariâ habito eum restituit Antonius Augustinus de emend. Grat. lib. 2. di. 1.

VII. In Synodo Nicenâ II (quæ septima generalis à græcis dicitur, sed perperam, uti notat Jacobus Ufserius Armachanus, de Christ. Eccles. success. & stat. c. 2. n. 4.) itidem reprimere oportuit Clericorum nimium in vestimentis luxum. Canonem ex eo decimum sextum refert Gratianus, c. omnis 21. q. 4. sed verbis

obscuris & minus appositis. Significantiùs sensum expresserunt metaphoræ alii his verbis: *Omnis luxus & ornatus corporis est à sacerdotali ordine & statu alienus. Episcopos ergo vel clericos, qui se splendidis & insignibus vestibus exornant, se corrigere oportet; sin autem permaneant, panis coerceri, similiter & eos, qui sunt urgentis delibuti. Quoniam autem radix acerbatis sursum pullulans Catholica Ecclesia fuit inqvinamentum, Christianos scilicet accusantium hæresis, & qui eam susceperunt, non solum imaginum picturas averſati sunt, sed omnium etiam pietatem ac religionem extraxerunt, eos qui pie & honestè vivunt, odio habentes; & in iis impletum fuit quod scriptum est: Abominatio peccatori religio & verus DEI cultus. Si inventi itaque fuerint nonnulli eos irridentes, qui vilem & modestum amictum induiti sunt, panâ corrigantur. A superioribus enim usque temporibus omnis Vir sacriatus cum moderato & honesto indumento versabatur. Quicquid enim non propter usum sed ostentatorium ornatum assumitur, in luxus reprehensionem incurrit, ut ait magnus Basilius. Sed nec ex sericis texturis variatum quæ vestimentum habebat, neq. in vestimento rum simbris adjecta erant alieni coloris additamenta. Ex divinâ enim lingua audierunt, quod, qui mollibus vestiuntur in adibus regum sunt.*

VIII. Theodorus Balsamon ad

hunc canonem pravam notat quorundam sui seculi explicationem, & quibus artibus eludere tentaverint legem Ecclesiasticam: Cum accusarentur, inquit, quidam Clerici splendide induti, qui vestes Samittos dielitas gestabant, quæ non solum diversi coloris antepannas seu fimbrias habebant, sed etiam auro intexta, præterea autem & sumtuosas aureas literas; dicebant quidam, editum esse Canonem propter eam, quæ tunc erat in Ecclesiis, rerum confusione, & multam Clericorum à pietate alienationem; hodie autem non habere locum Canonem, quandoquidem DEI gratiâ absoluta est Ecclesiastica constitutio & pietas, & ad DEI honorem Clerici cum vestibus splendidioribus versantur: audierunt autem se non recte dicere. Est enim Canon universalis, & quæ in eo scripta sunt, debent in secula seculorum observari, & vim suam obtinere: qui verò præter cum vitam instituunt, recte puniuntur, nisi corrigantur. Ita scilicet faciles sumus in explicandis & interquendis legibus, si quæ nostris actionibus adversæ fuerint. Nec dubito eandem mentem sedere adhuc plurimis aliis, qui sibi in vestibus holosericis mirifice placent, suæ conditionis oblitæ Laicis conformari haud verentur.

IX. Aliam constitutionem sub eadem caus. 21. q. 4. refert Gratianus ex Synodo octavâ, quæ Constantinopolitana IV est, his verbis:

Nullus eorum qui communiuntur in clero, vestimentum indecens habeat, sive in civitate degens, sive in itinere ambulans: sed stolis utatur, quæ concessæ sunt Clericis. Si verò quis tale quid fecerit, per unam hebdomadam suspendatur. In græco est, ὅτι ἐβδομάδα μίαν ἀφορίζεσθω. i. e. excommunicetur, sive segregetur. Αφορίζεσθω enim plus est, quam suspendere. Ille canon autem non est Synodi Octavæ, sed Synodi Quinifextæ in Trullo habitæ, numero vigesimo septimus. Ubi mirari subit, quod scribit Balsamon, stolam clero minùs convenientem esse. Ἀνοικεως, inquit, τῷ κληρικῷ εὐλογία ἐστίν. Cum tamen ipse textus jubeat Clericos uti stolis consuetis & usu receptis. Ἀλλὰ εὐλογίαις κεχρησθαι ταῖς ἡδὴ τοῖς ἐν κλήρῳ καὶ εὐλογούμενοις ἀπονειμῆσθαι. Stolum autem dixerunt Veteres omne, quod corpus tegeret. Et quancquam Ulpianus in l. 23. §. 2. ff. de aur. arg. leg. stolam inter vestimenta muliebria, quibus Vir sine vituperatione uti facile non possit, connumeret, Novius tamen autoritate Veterum confirmat, stolam etiam Virorum fuisse.

X. Quæ sub eadem causâ 21. q. 4. apud Gratianum sequuntur Leonis IV & Innocentii II constitutiones, eandem Clericis in vestium usu inculcant honestatem, ubi in priore, quæ non Leonis ipsius, sed Concilii Romani sub eo habitæ est, uti notat

tat Antonius Augustinus, *de emerdat. Grat. lib. 2. dial. 1.* redditur ratio, quæ superius à nobis adducta est, ideò scilicet sine ornatu sacerdotali extra domos apparere non debere clericos, ne ut aliquis secularium injurias patiantur. Utique enim, etiam vestimenti genus injuriam æstimare facit, quandoquidem sæpè, qui decenti veste non incedit, injuriam sibi illatam vindicare non potest. *Si quis virgines appellasset* inquit Ulpianus in *l. 15. §. 15. ff. de injur. si tamen ancillari veste vestitas*, minus peccare videtur, multo minus, si meretriciæ veste famina non matronum famularum veste fuissent. Si igitur non matronali habitu famina fuerit, & quis eam appellavit, vel ei comitem abduxit, injuriarum non tenetur. Cum enim distinctæ olim essent vestes ancillarum, matronarum & meretricum, uti patet ex Tertulliani *lib. de cultu faminarum*. & Horat. *lib. 1. ferm. sat. 2.* non tam gravis injuria fit matronæ, cum ancillari aut meretriciæ veste induitur, quam cum stolam suam gestat. Peccat enim, quæ alienam veste utitur, & injuriæ sibi faciendæ causam præbet. Vid. Barnab. Brissou. *lib. 1. antiq. cap. 4.* Pari modo, etsi alias ex recentiore jure Canonico Clerici omni jurisdictione Ecclesiasticâ exempti sint, statuunt tamen Doctores, Clericum in habitu Laicorum repertum non gaudere isto fori privilegio. Vid.

Capell. Tholosan. *qvæst. 253.* Joh. Papon. *lib. 1. tit. 5. arest. 40. 42. 47. & tit. 6. arest. 4.* Anton. Mornac. *add. l. 15. ff. de injur.* Sed hæc obiter.

XI. Vulgatissima aliàs inter Canonistas, & quæ utramque paginam in eorum scriptis facit, est constitutio Innocentii III. in *c. pen. X. de vit. & honest. Cler.* ubi plurima ejusmodi prohibet, quæ statui Clericali minus conveniebant. *Causa*, inquit, *deferant de super indumenta*, nimirum brevitate vel longitudine non notanda. *Pannis rubeis aut viridibus, nec non manicis aut forularibus confutit iis frenis, sellis, pectoralibus, calcariis deauratis*, aut aliam superfluitatem gerentibus, non utantur. *Cappas manicatas ad divinum officium inter Ecclesiam non gerant, sed nec alibi*, qui sunt in sacerdotio & personalibus constituti, nisi justa causa timoris exegerit habitum transformari. *Fibulus omnino non ferant, neque corrigias auri vel argenti ornatum habentes*: Sed nec annulos, nisi quibus competit ex officio dignitas, &c. Ubi necesse non est, ut de singulis vestimenti generibus solliciti simus, cum uti vestimenta ipsa, ita etiam nomina eorum sæpè mutata fuerint. Videri ad eam constitutionem potest Antonius Dadinus Alteserra. Et conferri porro potest Clementina 2. *cod.*

XII. Unicum adhuc addam decretum Concilii Constantiensis, quod *sessione 43.* confectum fuit:

Inter ceteros pralatorum & Clericorum excessus hoc maximè inolevit, quod sprete in vestibus forma Ecclesiastica honestatis plurimi delectantur esse deformes & cupiunt Laicis conformari, quodque mente gerunt, habitu consistuntur. Unde prater cetera, quæ circa vestes, tonsuram & habitus clericorum tam in formis quam in coloribus, atque comam seu capillus, vitamque & honestatem Clericorum jurastatuunt, & quæ nimium collapsæ sunt, tam in secularibus quam in regularibus sacro approbante Concilio innovamus & precipimus diligentius observari: illum specialiter absum, eodem approbante Concilio, decernimus penitus abolendum, quod in quibusdam partibus nonnulli clerici & personæ Ecclesiasticae seculares & regulares etiam, quod magis execramur, pralati Ecclesiarum, manicas ad cubitum pendentes, & longas cum magnâ superfluitate vestes etiam fissas retrò & in lateribus cum fodaturis ultra ornam. excedentibus etiam in fissuris deferunt, & cum talibus in Ecclesiis cum superpellicie ac aliis vestibus ad cultum & officium Ecclesiasticum ordinatis, etiam intra Ecclesias ipsas, in quibus beneficiati existunt, non verentur divinis officiis interesse. Hanc vestium deformitatem in quibuscunque personis Ecclesiasticis reprobanus ac usum talium inhibemus, &c. Videntur Clericis in totum prohibita fuisse manicæ vestium exteriorum, non pendulæ

tantum ex humeris, sed illæ etiam, quæ brachiis vestiendis induebantur, cum & secularibus olim apud Romanos turpe fuerit manicatis tunicis incedere. Augustinus de doctr. Christi. lib. 3. c. 12. Sicut enim tales & manicatas tunicas habere apud Romanos veteres flagitium erat, nunc autem honesto loco natis, cum tunicati sint, non eas habere flagitium est, &c. Quod secus erat apud Parthos, apud quos, qui principem locum habebant, anaxyridem triplo induebant, & manicatam tunicam, plebs verò erat in tunicis sine manicis. Alexand. ab Alexandr. lib. 5. genial. dier. cap. 18. Cum igitur apud Romanos mutati essent mores, & manicatæ tunicæ in usu esse cœpissent, noluit tamen Ecclesia ministros suos his iisdem vestibus uti, quanquam etiam apud hos seqvioribus temporibus receptæ illæ fuerint; ita tamen ut Constantinensis Synodi tempore manicæ adhuc pendulæ prohibitæ essent.

XIII. Potissimam verò prohibentur Clerici vestibus lucidis & coloratis uti, quod splendente nimis vestes istiusmodi, & animo demisso haudquam convenire videantur. Innocentius III, in d. c. pen. X. de vir. & honest. cler. rubri quidem & viridis coloris facit mentionem, verum id ad ceteros etiam colores extendi debere rectè colligit Jacobus Menochius de arb. jud. quæst.

quæst. c. 392. n. 4. & sub rubro species illas omnes, quas refert A Gelius l. 2. *noct. Attic. c. 26.* comprehendere, dubium non est. Cur etiam viridis prohibitus sit, faciem hanc nonnulli reddunt causam, quod primus parens in viridi peccaverit. Sed eam merito perstringunt Antonius Bengeus & Franciscus Pinsonius *de benef. tit. de vit. & honest. Cler. cas. 2. §. 5.* & aliam hanc substituent, quod uterque color, ruber & viridis maxime pompæ & gloriæ hominum adaugendæ inserviant. Utrique hoc colore in subscribendis diplomatibus & rescriptis usos fuisse Imperatores Græcos, ex *l. 6. C. de divers. rescript.* & Nicetâ Choniata colligit Wilhelmus Schickardus in *Tarich. proæm. pag. 16.*

XIV. Excepti verò fuerunt à communī Clericorum numero Cardinales, uti vulgò dicuntur, Ecclesiæ Romanæ, quibus purpuram & insigne pilei rubri dedit Innocentius IV, Pontifex. Bapt. Platina in *ejus vit.* Barth. Chassanæus in *cat. gl. mundi. part. 1. consid. 38. conclus. 4.* in signum scilicet obligationis, quâ se adstringunt ad effundendum, quando oportuerit, sanguinem, pro Christo & ejus Ecclesiâ. Ita enim communiter significativam ejus coloris vim declarant, qui in vestimentis personarum Ecclesiasticarum mysteria quærent. Disquisitum hinc fuit superiore seculo in Consistorio Ponti-

ficis Romani, utrum liceat Cardinali religioso deferre birretum rubrum, ad eum modum, quo illud deferunt Cardinales non religiosi? præsertim cum multis retro annis nunquam Cardinales religiosi illo, tanquam à religione alieno, usi fuerint. Collegit & edidit eâ de re neminem præstantissimorum Canonistarum responsa Antonius Scappus Jctus Bononiensis & in Romanâ Curiâ Advocatus, qui omnes *ἐμὸς μαδὸν* concludunt, nihil absurdum esse, religiosum rubeo colore insigniri, imò verò necessarium esse, ut quisque conformetur isti collegio, in quod coopatus fuit. Edita sunt responsa ista Romæ anno 1592. sub tit. *de birreto rubeo dando S. R. E. Cardinalibus regularibus.* Sedenim, quid de Cardinalibus sentiendum sit, quasi per compendium exposui ad Lancellotti institut. *lib. 1. tit. 27. §. 24.*

XV. Etsi verò, quas supra memoravi, & præter eas alix quam plurimæ, ubique terrarum, editæ essent constitutiones circa rem Clericorum vestariam, illæque identidem renovarentur, coerceri tamen ægrè potuit prona ad luxum petulantia. Idque vitium maximè in Britannia invaluerat, adeò ut Bonifacius Moguntinensis Archiepiscopus gravius aliquando per literas increparet Athelardum Archiepiscopum Cantuariensem, quod Clericis in vestium

vestium splendore nimium indulget, moneretque simul, ut si quando Romam ire & Karolum Magnum visitare vellet, Clericos vel Monachos versicoloribus & splendidis vestibus indutos comitatu suo ne adhiberet, quod Gallorum clerus modestiam in apparatu servare solet. uti ex Gildæ investivâ refert Autor antiquitatum Britannicarum in *vitâ Arbelardi*, cujus Gildæ flosculus alios in Clerum Britannicum *ἐκκλησιαστικὸν* veluti in tabellâ concinnavit Jacobus Usserius Archiepiscopus Armachanus *Britann. Eccles. antiq. cap. 15. pag. 548. seq.*

XVI. Et hæc quidem de vestimentis statui clericali convenientibus aut non convenientibus breviter dixisse sufficiat, ut intelligi inde possit, quatenus se in externo habitu inter cives suos gerere debeant diaconi. Quod enim Clericis in genere prohibitum est, etiam diaconis prohibitum esse oportet. Cum verò præter vestes istas, conversationi civili congruas, aliæ insuper ministerio sacro, & mysteriis peragendis destinatæ sint, quibus extrâ Ecclesiasticam functionem nullus cate-roquin usus est, operæ pretium erit, nonnullas earum, quas diaconis gestare licuerit, brevissimo commentario describere. Ut enim de universis & singulis prolixo apparatu verba faciamus, easque prout in Græcâ aut Latinâ Ecclesiâ, & utrobique in

diversis provinciis usitatæ fuerint, longo ordine recenseamus, nostrum nunc non fert institutum.

XVII. Disceptatur inprimis de *Onario*, quale fuerit, quæ vocis origo, & quis ejus usus. Occurrit istud vocabulum tum apud profanos, tum apud Ecclesiasticos Scriptores, quorum testimonia collegit Fridericus Lindenbrogius in *Glossar.* quod adjunxit codici Legum antiq. Et apud profanos quidem Scriptores idem denotat, quod sudarium, linteum scil. ori tergendum destinatum. Talia oraria Aurelianum populo Romano dedisse, Vopiscus autor est, ad quem videri potest Isaacus Casaubonus. Utrum verò eundem habeat significatum etiam penes Ecclesiasticos Scriptores, non una omnium est sententia. Affirmat Casaubonus, quem propterea acriter insectatur Jacobus Gretserus *ad Codin. Europalar. lib. 1. observ. 16. §. 5.* magisque probat Alcuini explicationem, qui *lib. de div. offic. cap. 39.* illud per stolam interpretatur: *Onarium*, inquit, *Stola dicitur, eò, quod oratoribus h. e. predicatoribus concedatur.* Idem tenuit olim in Colloquio Johannes Hartus, uti videre licet apud Johan. Rainoldum *cap. 8. sect. 4.* itemque Severinus Binius in *not. ad Concilium Romanum II, sub Sylvestro can. 22.* & Joh. Stephanus Durantus *de ritib. Eccles. lib. 2. cap. 9. n. 14.* qui tamen diversum adhuc significatum notant,

tant, quod denotet aliquando sacerdotalem vestem honestam & talarum. Novissimè Guilielmus Beveregius, *ad can. 22. Concilii Laodicensi*, Casauboni sententiam secutus est.

XVIII. Sanè Casauboni & Beveregii sententia non videtur esse temeraria, si præsertim Ambrosii & Augustini testimonia attentius consideraveris. Ambrosius de fratre suo Satyro refert, constitutum eum in naufragii periculo Sacramentum à fidelibus petuisse, illudque ligari fecisse in orario & orarium involvisse in collo, atque ita se dejecisse in mare, *Orat. funebr. de excess. Satyri*. Satyrus ille neque Sacerdos tum fuit, neque ex omni parte Christianus, cum perfectioribus adhuc initiandus esset mysteriis. Quod si orarium, quo utebatur Satyrus, stola fuit, quomodo ligari in eo sacramentum, quomodo orarium in collo involvi potuit? Potius igitur est, ut orarium illud pro mantili habeamus, aut fascià, quippe quod tum usum longè commodiorem præstare potuerit. Magis perspicuum, nisi fallor, eam in rem est testimonium Augustini, qui *lib. 22. de Civ. Dei cap. 8.* refert, quâ ratione adolescens aliquis oculum lapsum atque pendentem loco suo revocatum ligaverit orario. Quod si orarium istud stola fuit, quæ ego, quæ tum esse potuit ligaminis ratio? & quæ oculi in loco suo cohibitio? Nec ob stare

potest, quod in humeris gestare orarium oportuerit, uti mox dicemus, cum & mantile, aut lineum adaptari & applicari humeris, & reliquis vestibus ita annexi queat, ut veluti fimbriam aut limbum faciat, & ornamentum aliquod præstet. Et huc, ni fallor, facit canon 27. Concilii Bracarensis I, *Item placuit, quia in aliquantibus hujus provincia Ecclesiis diacones absconsis infra tunicam utuntur orarii, ita ut nihil differre à subdiacono videantur, ut de cætero superposito scapula, sicut decet, utantur orario*. Sed & pertinere huc videtur, quod refert Damasus Papa in *libro Pontificali*, sive potius Anastasius Bibliothecarius, Sylvestrum Papam constituisse, ut diaconi Dalmaticis in Ecclesiâ uterentur, & pallà linostimà læva eorum tegeretur. Difficile tamen erit in re istâ quicquam decernere, cum propter frequentissimas vestium mutationes, quæ cujusque inter antiquatas & prorsus abrogatas atque deperditas forma, quisque usus fuerit, plerumque hodiè ignoretur, & per conjecturas tantum explicari soleat.

XIX. De etymologiâ vocabuli idem varia Doctorum est sententia, tum inter Græcos, tum inter Latinos. Theodorus Balsamon *ad d. c. 22. Concilii Laodicensi* *ὁ πρὸς τὸν ὀφθαλμὸν* derivat, quod per *πὸν φυλάσσει καὶ ἀτηρεῖ* hoc est, observo, explicat. Et quia Matthæus Blastares in *Syn-*
Z tagm.

magm. alphabet. lit. E. cap. g. eadem verba explicantia retinet, derivationem autem facit ab *ωρεω*, putat hinc Beveregius *d. l.* etiam in Balsamonis commentario scribendum esse *ωρεω*; quod tamen necesse forte non est, cum verbum *ωρεω* per adspirationem sufficienter mentem Balsamonis exprimat. Alii δὲ τὸ τῷ *ωρεω* deducunt, quod est ornare, *ἀλλὰ τὸ ωρεω* τὸν *διακονον* τῇ *χαρίδι*, καὶ τῆς δόξης *Θεοῦ* τῷ *καλλὲι* *παικισμῶν*, uti loquitur Simeon Thessalonicensis, h. e. quia ornat diaconum gratiā & splendore gloriæ divinx. Qui verò vocabulum istud origine Latinum faciunt, vicissim in partes eunt. Alii enim ab horā deductum putant, quod hora seu tempus in sacris peragendis eo indicetur, alii ab orando, alii ab ora vestis cui annexum fuit, tandem alii ab ore, cui tergendō propriè destinatum fuerit, ut notatio vocis cum re ipsā conveniat. Sed hoc argumentum non satis idoneum esse, ait Gretserus *d. l.* non magis, ac si quis dicere velit, oro idem esse quod edo, eò quod ab ore deducatur. Ego neque hunc Gretseri *διασκευὸν* curandum puto, quandoquidem ab Etymologiā quæ ducuntur argumenta aliquando procedunt, non semper, nec promiscuè in omnibus. Merè grammatica hæc est concertatio, quam nostram ideò facere nolumus, ne contentiosum istud hominum ge-

nus, qui in vocabulis suas delicias quærant, in nos concitemus.

XX. Cæterum Matthæus Blastares *d. l.* solis diaconis orarium tribuit. Τοῖς *διακόνοις* γὰρ, inquit, *δίδοται καὶ μόνοις τῷ λαῷ τῶν ὤμων τὸ πνεῦμα*. Diaconis enim & illis solis concessum erat illud publicè humeris gestare. Idem docet Theodorus Balsamon ad *d. c. 22. Concil. Laodicensi*: Τὸ *ωρεω* μόνον *ἐστὶ τῶν διακόνων*, Orarium ferre est solum diaconorum. Et Zonaras: Τὸ γὰρ τῶν *διακόνων* *ἐστὶ*. Diaconorum namque id est peculiare. Fortasse autem hoc in Ecclesiā Græcā aut Orientali obtinuit. In Occidente enim orarium etiam Episcopis & presbyteris in usu fuisse, Conciliorum Hispanicorum decreta nos docent. In Concilio Toletano IV, *can. 39.* statuitur, diaconum unico tantum orario ornatum esse debere, eò quod nec Episcopis, nec presbyteris duobus simul uti liceat: Si oraria duo nec Episcopo induere licet, nec presbytero, utique multo minus diacono, qui minister eorum est. In Hispaniā ergo præter diaconum etiam Episcopi & presbyteri sua habebant oraria, sed singuli unum cum duntaxat.

XXI. De presbyteris perspicuum magis testimonium petere licet ex Concilio Bracarensi III, *can. 4.* quod his verbis conceptum extat:

cat: Cum antiqua Ecclesiastica novemur institutione prae fixum, ut omnis Sacerdos, cum ordinatur orario utroque humero ambiatur, scilicet, ut qui imperturbatus praecipitur consistere, inter prospem & adversa, virtutum semper ornamento utroque circumscriptus appareat. — proinde modis omnibus convenit, ut quod quique percepit in consecratione, hoc & retineat in oblatione vel perceptione suscipiendis, scilicet ut cum Sacerdos ad solennis missarum accedit, aut pro se DEO sacrificium oblaturus, aut sacramentum corporis & sanguinis Domini nostri Jesu Christi sumpturus, non aliter accedat, quam orario utroque humero circumscriptus, sicut & tempore ordinationis sua dignoscitur consecratus: ita ut de uno eodemque orario cervicem pariter & utrumque humerum premens signum in suo pectore praefert crucis. Si quis autem aliter egerit, excommunicationi debita subiaceat. Extat apud Gratianum c. Ecclesiastica dist. 23.

XXII. Observetur hic, presbyteros in utroque humero gestasse oraria, cum diaconi tantum in unico, hoc est, sinistro eadem habuerint. De presbyteris patet ex allegato canone Bracaren. De diaconis agit canon Toletanus, cujus supra feci mentionem, quemque recenset Gratianus can. 4. dist. 25. Utrum Orarium oportet Levitam

gestare in sinistro humero, propter quod omne, i. e. pradicat. Dextera autem partem oportet habere liberrimam, ut expeditius ad ministerium sacerdotale recurrat. Nempe manus dextera libera esse debuit, quod praecipuus ejus usus esset in, admissione fidelium & exclusionem sive remotionem catechumenorum & aliorum, quibus mysteriis Christianorum interesse non licuit. Hoc enim fuit officium Diaconi explicante Chrysostomo in epist. ad Hebr. cap. 9. hom. 17. ut in altiore loco stans, magna voce, terribili clamore, veluti quidam praeco, manus sustollens in altum, alios quidem vocaret, alios autem prohiberet, alios excluderet, alios introduceret. Et hoc fuit ministerium sacerdotale, quod innuit Concilium, quodque expeditius peragi posse docet, si manus dextera libera sit, nec orario adstricta.

XXIII. De usu hujus orarii dum sollicitus est Gretserus d. l. praemittit, non omnium vestium sacrarum usum exquirendum esse. Concedere hoc facile possumus, quibus valde tedium est tot abstrusas, & nullo fundamento subnixas, sed ut plurimum longè petitas cujusque vestis significationes ex tam vastis commentariis perfunctoriâ tantum lectione addiscere. Recenset tamen Gretserus usum aliquem

ex Matthæi Blastaris *synagmate*, supra allegato, sed cum novâ animadversione in Casaubonum. Blastaris verba hæc sunt: Solis diaconis concessum est sinistro humero onarium circumponere. Dictum est autem onarium ab ὄρω, quod est custodio & observo. nam diaconi qui onarium ex humero suspensum gerunt, sacrificantibus assistentes, & sacras Liturgie preces observantes, Diaconis, qui in ambone sunt, Onario significant, quandonam tempus sit separandi voce publicâ catechumenos a fidelibus. Ita veritè Gretsèrus & reprehendit Casaubonum, quod mentem Blastaræ his verbis explicaverit: Diaconus, qui onarium gestabat, eum qui in ambone Sacram Scripturam legebat, admonebat, quando vel ad fideles vel ad infideles deberet orationem flectere. Textus Græcus, uti eum recenset Gretsèrus, ita habet: οἱ γὰρ ἐξαγ-
 τῶντες τῆς Ἀσκήσεως, τοῖς ἱερεῶσι
 παριστάμενοι καὶ τῆς ἱερᾶς τε-
 λεῆς συντηροῦντες εὐχαὶς τῷ ὀρθ-
 ρῷ τοῖς ἐν τῷ αὐβονοι σημαίνουσι
 ἀσκητοῖς τὸν καίερον τῆς ὀφειλῆς
 γίνεσθαι ἐκφωνήσεως τῶν τι κατη-
 χυμῶνων καὶ τῶν πιστῶν. Ita etiam
 ex manuscripto legit Christopho-
 rus Justellus ad Cod. can. Eccles.
 univers. pag. 159. Sed in aliis exem-
 plaribus verbis ultimis inferuntur
 adhuc alia hoc ordine: ἐκφωνή-

σιως ἐν τῇ ἐκκλησίᾳ τῶν αἰτήσεων τῶν
 τι κατηχουμένων καὶ τῶν πιστῶν.
 i. e. quando oporteat fieri conce-
 ptis verbis prolatio precatationum ad
 Catechumenos & fideles pertinent-
 tium.

XXIV. Consimilia sunt verba
 Theodori Balsamonis, quibus ex-
 plicat canonem 22. Concilii Lao-
 dicensi. Διάκονοι γὰρ τοῖς ἱερεῶσι
 παριστάμενοι, καὶ συντηροῦντες τὰς
 τῶν ἀγίων εὐχὰς πλεῖστας, καὶ τὰς
 τῶν πρεσβυτέρων ἐκφωνήσεις, δι-
 δόσασιν εἰδήσιν ὅτι τῷ ὀρθρῷ τοῖς ἐν
 τῷ αὐβονοι ἀσκητοῖς, τῆς ὀφειλῆς
 γίνεσθαι ἐκφωνήσεως, ἦγον τε
 καὶ τῆς ἐκτενῆς τῶν αἰτήσεων τῶν
 κατηχουμένων καὶ τῶν λοιπῶν. Dia-
 cono enim eis qui celebrant assiste-
 tes, & sanctarum orationum my-
 steria & presbyterorum prolationes
 observantes, eis qui sunt in sugge-
 stu diaconis per onarium significant,
 quando debeat fieri pronuntiatio seu
 prolatio petitionum Catechumenorum
 & religionum. Dubium mihi
 non est, Blastarem, quippe poste-
 riorem, exscriptorem fuisse Balsa-
 monis, & hinc eadem utriusque
 reperiri verba. Scripsit enim Bal-
 samon circa annum Christi MCXCI.
 Blastares vero circa annum
 MCCCXXXV.

XXV. Ut verò de utriusque men-
 te certi reddamur, repetendum est
 ex iis, quæ supra cap. 8. diximus, de
 officio

officio diaconorum circa preces pro catechumenis, pro energumenis, pro pœnitentibus, & pro fidelibus. Nempe singulis istis ordinibus speciales destinatae erant ab Ecclesiâ preces, quas fundebat Episcopus, præviâ tamen precatiunculâ aliâ, quâ diaconus eorum & reliquorum præsentium corda præparabat, ut cum attentione deinceps solennes preces audirentur. Precibus istis absolutis dimittebatur ordo ille, quem concernebant preces, & alius accersebatur. Ut igitur *εὐχαριστίας* omnia præcederent, videtur Episcopus aut presbyter, qui preces solennes recitabat, stetisse coram altari, & circumstantes habuisse diaconos aliquos; diaconus autem, qui precatiunculam istam *ἐκλογὴν* præmittebat, stetisse in ambone aut suggestu, ut quemlibet ordinē seorsim ad Episcopū vocare posset. Diaconi igitur illi, qui apud Episcopum aut presbyterum erant, per orarium, quod gestabant, signum dabant diacono in ambone consistenti, quando ordo quisque vocandus, quâve precatiunculâ præparandus esset. Hæc videtur simplicissima, & illis, quæ supra diximus, tum & verbis Blastaris convenientissima expositio, à quâ certè non multum recedit expositio Caubaoni, reprehensa à Gretsero. Tolerabantur enim etiam infideles & gentiles in Ecclesiâ, usque ad missam

Catechumenorum *c. episcopus de consecr. dist. 1.* quos & ipsos propterea expellere tenebatur diaconus.

XXVI. Et quia igitur per orarium diaconi signum dare solebant alteris illis, qui ordines præparabant, videtur utique illud fasciæ potius aut mantilis, quam stolæ formam habuisse; neque enim unquam per stolam tam commodè signum dari poterit, quam per sudarium aut linteum. Nec tamen afferere velim, sudori detergendo, aut veluti muccinium aliquod, uti Arnobius vocat, mucro expellendo adhibitum fuisse, quandoquidem, uti Guilielmus Beveregius *d. l.* ex Simeone Thessalonicensi probat, *τὸ σφιδάριον* inscriptum habuit, quod excrementis humanis applicare nunquam ausi fuissent Christiani. Insuper verò & hoc notetur de orario, ministris diacono inferioribus id gestare permissum non fuisse. Nisertè id prohibitum invenitur in Concilio Laodicensi *can. 22. & 23.* *Quod non oportet ministrum, ὑπακτάτω, h. e. subdiaconum, orarium ferre, nec ostia relinquere. Quod non oportet Lectores aut Cantores orarium ferre, & sic legere vel canere.* ap. Gratianum *c. ministrum, & c. seq. dist. 23.* Quò & facit canon 27. Concilii Bracarensis I. supra à nobis adductus.

XXVII. Transeamus ad vestimentum sacrum aliud, quod *σχιζά-*

εἶον dici consuevit, quod iudem commune fuit Episcopis & diaconis, cum hac tamen distinctione, quod Episcoporum *σχιχάριον* undulatum esset, & desuper descendencia haberet flumina; sed diaconorum adstrictum magis fuisse videtur, uti ex Simeonis Thessalonicensis verbis, quæ recenset Jacobus Gretserus *ad Codin. Curopalat. lib. 1. observ. 16.* colligere licet. *Σχιχάρια* illa albas fuisse tunicas idem Simeon Thessalonicensis docet. Utrum verò cum vestimento illo, quod in Latinâ Ecclesiâ κατ' ἐξοχὴν alba dici consuevit, conveniat, non aſſim aſſerere, id licet statuere videatur Joh. Steph. Durantus *de ritib. Eccles. lib. 2. c. 9. n. 8.* Cujus sententia si probanda fuerit, *σχιχάριον* non omni tempore, quo divina celebrantur officia, uti poterunt diaconi. De albâ enim constitutum legitur in Concilio Carthaginiensi IV, *c. 41.* ut diaconus tempore oblationis tantum vel lectionis albâ utatur apud Gratian. *c. diaconus dist. 93.* Idem ergo de *σχιχάριον* aſſerendum erit. Dubitat tamen de utriusque convenientiâ Johannes Rainoldus in *Colloq. cum Harto. cap. 8. sect. 4.* Sed & Sticharia aliqua purpurea fuisse in Ecclesiâ Gracâ, illisque per totam quadragesimam, excepto festo annunciationis, palmarum, & magno Sabbatho paschæ, usos sacerdotes & diaconos, testis est Codinus Curopalat. *cap. 9. n. 7.* Ra-

tionem reddit Jacobus Goarus *ibid. sub. num. 11.* quia purpureus Color, in Orientali Ecclesiâ fuit signum lucis. Sic enim respondit Demetrius Chomatenus Archiepiscopus Bulgariæ ad Constantinum Cabasilam Archiepiscopum Dyrrachii *lib. 5. jur. Græco-Rom. περί τῶν εἰς τὰ πνευματικά ἐδωμένα σημάτων. ἐν μέναις γνησίμαις ἡμέραις, καὶ ἐν μνημοσύναις ἀπὸ λήθοντων: Lucius fuit inſigne purpurea hujusmodi vestimenta in ſolis enim jejuniis diebus & mortuorum memoris.*

XXVIII. Dalmaticâ etiam utebantur Diaconi, sic dictâ, ut Isidorus explicat *lib. 19. orig. c. 22.* quod primum in Dalmatiâ texta fuerit, habens clavos ex purpurâ. Id aliquando Regibus in usu fuisse vestimentum ex Lampridio colligi potest, qui de Commodio Imperatore scribit, quod dalmaticatus processerit in publicum. Et quia Dio in Commodio vestem eam dicit fuisse tunicam manicatam, sericam, albam, faciliè intelligi inde potest, qualisnam Dalmatica vestis fuerit. Dalmaticam hanc Colobio successisse Papias Vocabularius autor est: *Colobium genus vestis dictum, quia longum est, & sine manicis, hoc antiqui utebantur, sed quia nuditas brachiorum culpabatur, usus colobiorum in Dalmaticis est mutatus.* Idque etiam de indumentis ministrorum Ecclesiæ testatur Alcuinus *lib. de div. offe. usus Dal-*

Dalmaticarum à Sylvestro institutus est, nam ante colobii usabantur. Colobium vero est vestis sine manicis. Quæ quidem verba non hoc volunt, uti interpretatur Joh. Steph. Durantus de ritib. Eccles. lib. 2. c. 9. num. 24. quod Sylvester inventor fuerit istius vestimenti, & quod ante Sylvestrum nullus fuerit Dalmaticarum usus, sed quod iusserit Diaconos Ecclesie colobiis prorsus abstinere, inque eorum vicem Dalmaticas adhibere. De colobio autem ad Horatii lib. 1. satyr. 5. hæc notat Acron, sive quisquis ejus commentarii autor est: *Purpuream dicit, quæ in pectore extenditur Senatorum, τὸν κολῳβῖονα vocant: usum ejus hodie retinent Principes injicientes vestimenta à cervice ad pectus, indumentum ex purpura vel pellibus pretiosis muris Pontici, vel aliis, dum regio habitu prodeunt in publicum.* Et Jacobus Cruquius ibid. κολῳβῖον, sive τὸν κολῳβῖονα interpretatur amiculum sine manicis, quod à tergo & pectore per caput supra togam in formam utrinque lati clavi ab humeris demittitur ad umbilicum usque.

XXIX. Istiusmodi colobiis Diaconos olim usos fuisse, atque ea purpuram intertextam habuisse, colligitur ex Ammiani Marcellini lib. 14. ubi refert, Maram Diaconum Antiochie literis ad Tyrii textrini præpositum Græco sermone scriptis percurrisse celerari speciem, sive tuniculam pectoralem sine manicis

purpuream. Quibus verbis non Dalmatica describitur, uti putat Cardinalis Baronius in martyrolog. ad d. 31. May, sed colobium aut certe *ἐξωμῆς*, quæ manicis carebat. Vid. Jacob. Gothofred. ad l. 1. c. Theodof. de habitu, quo uti op. intr. Urb. Renat. à Valle in Hipparch. pag. 111. Quia igitur colobia illa fuerunt breves tunicae & sine manicis, Sylvester Pontifex voluit, ut diaconi deinceps Dalmaticis in Ecclesia uterentur, uti refert Anastasius Bibliothecarius in ejus vita. Dalmaticæ enim mantleæ erant, & in hoc differebant à colobiis. Colobia autem ideò abrogabantur, quod brachia per ea non tegerentur, & in hoc dalmaticæ honestati & religioni aptiores viderentur. Habuit enim, uti refert Durantus d. l. num. 26. Dalmatica manicas latas & largas, quibus quales significatus tribui communiter soleant, ipsæ prolixè exponit. Nec proinde credendum Severino Binio, qui in not. ad vit. Eutychiani, Baronium secutus, Dalmaticam interpretatur tunicam sine manicis.

XXX. Quemadmodum autem colobium ab initio proprium Episcoporum fuit indumentum, uti non ineptè colligitur ex Pii I. epistolâ ad Justum Viennensem Episcopum, sed quam ipsam non ab omni imposturæ suspitione liberam asserere audent David Blondellus in Pseudo Isidoro: ita etiam Dalmatica peculiaris vide-

tur ab initio fuisse Episcoporum ornatus, neque promiscuè quorumvis, sed illorum tantum, quibus eum specialiter concessisset Pontifex Romanus. Apud Gratianum *dist. 23. c. communis*, fragmentum refertur ex epistolâ Gregorii Magni *113. lib. 7. scriptâ ad Aregium Episcopum de Galliis* his verbis: *Communis filius diaconus Petrus nobis innotuit, quod fraternitas vestra tempore, quo hic fuit, poposcit, ut sibi & archidiacono suo utendi dalmaticis licentiam praberemus. Sed quia hominum suorum infirmitate compulsus festinanter abscessit, ut nec ipse moror incumbens diutius, ut dignum erat, & res desiderata poscebat, sineret permanere, & nos in multis implicatos ut Ecclesiastica rationis est consideratio, novum hoc inconsultè & subito indulgere non permitteret: idcirco rei postulata prolongatus est effectus. Nunc verò charitatis tua bona revocantes ad animum, hujus auctoritatis nostra serie petita concedimus, atque te & archidiaconum tuum dalmaticarum usu decorandos esse concessimus, eisdemque dalmaticas dilectissimo filio nostro Cyriaco abbate deferente transmissimus.* Sic & Symmachus Papa Cæsario Episcopo Arelateni Romam advenienti, quo tantum Virum digno prosequeretur honore, inter alia tribuit, ut diaconi Ecclesiæ Arelatensis, sicut Romani diaconi dalmaticis uterentur, uti ex actis Cæsarii refert Baronius,

in martyrol. d. 1. Et Urbanus II, anno MXCV, confirmavit usum Dalmaticæ Abbati Cluniacensi concessum. Vid. diploma apud Martinum Marrier *in Bibliothecâ Cluniacensi pag. 517. in fin.*

XXXI. Primus, uti dixi, Sylvester diaconis Ecclesiæ Romanæ dalmaticas permixit. Ad hos enim solos restricta est ejus constitutio facta in Synodo Romanâ II, c. 6. Postea, verò ea potestas etiam aliis data fuit, uti dixi. Quin & Sacerdotes dalmaticis, ante casularum usum, induti fuerunt, si habenda fides Walafrido Straboni *de reb. Eccles. cap. 28.* postea verò cum casulis uti cœpissent, dalmaticas diaconibus reliquerunt. Insuper etiam hoc notandum est, non videri dalmaticam semper & ubique in omnibus sacris adhibitam, non sanè tempore jejuniorum. In concilio enim Salegunstadiensi, quod alii Moguntinum nominare malunt, c. 2. ubi de jejuniis quatuor temporum agitur, excipitur festum Pentecostes, & dicitur, quod tunc propter solennitatem Spiritus S. diaconi dalmaticis indui, & Alleluja cantari, & geniculationes omitti debeant. Dalmaticæ ergò tantum diebus solennibus in signum lætitiæ induebantur.

XXXII. De tonsurâ, quam uti omnibus Clericis, ita & diaconis necessariam cupiunt, quamque ideo signum distinctivum ministrorum Eccle-

Ecclesiæ à plebe faciunt Ecclesiæ Romanæ Doctores, addere aliquid non videtur operæ precium, quod pleraque omnia, quibus necessitas ista probari solet, nullius planè sint momenti. Fatentur ipsi aet juris Canonici Interpretes, recessum fuisse, à patrum institutis circa modum tonsuræ, aliūque hodiè usurpari, atque primitis cœperit: inter quos præ cæteris videri poterit Fr. Florens in *dissertat. ad c. 4. seq. X. de vit. & honest. Cler.* neque id negare potest Bellarminus l. 2. de *monach. c. 40.* allegans eam in rem Optati Milevitani verba ex l. 2. contra *Parmen. Doctæ ubi vobis mandatum sit, videri capita sacerdotibus, cum è contrario rot sine exempla proposita, fieri non debere.* Nec aliud respondere Bellarminus potest, nisi quod ejusmodi ceremoniæ pro temporum & locorum

diversitate variare possint. Id si verum est, cur, ut necessarias eas nobis obtrudunt? Qvò pertinet, quod à S. Petro tonsuram institutam velint Latini, à S. Paulo orientales Græci, quodque illi in modum coronæ spinæ caput attondeant, hi caput totum radant. Vid. Jacob. Usserius de *Ecclesiæ. Britannicar. primord. c. 17.* Et hinc fieri solet, ut si quis Græcus, jam antea rasi, in Ecclesiam Latinam intitulatus fuerit, non aliàs muneris illi aptus habeatur, nisi denovo more Latinorum tondeatur, qvale exemplum refert Matth. Parkerus in *antiq. Ecclesiæ Britann. in vit. Theodori.* Sed cum totus iste ritus superstitiosus sit, nullique fundamento innitatur, nolo hic plura de eo verba facere. Vid. Andr. Rivet.

in cathol. Orthodox.

qvæst. 26.

CAPVT XIII.

De Diaconorum statu domestico & vita privata.

- I. Clericorum aliorumq; Christianorum ab initio communio.
- II. Diaconorum cum Episcopo perpetua fere conversatio.
- III. Commune clericorum adolescentum conclave.
- IV. Apostolica communio sublata.
- V. Reditum Ecclesiasticorum quadripartita divisio.
- V. A Patribus fastidita, contra vero communio expetita.
- VI. Hujus laudes, Tertulliani sæculo adhuc dumntis.
- VII. Antio Christianorum cætu persistere nequirit.
- VIII. Digressus primum Laiciis retinuerunt eam

44

Cle-

Clerici, singulari nomen cum liberate. IX. Saculo III Sportula Clericis distributa. X. Pro ratione officii & meritorum. XI. An decimarum obligatio dandarum ante id saculum fuerit? XII. Precise & quoad quotam summa non debentur jure natura. XIII. Nic. Le Maisire sententia, XIV. Consultata. XV. Utrum consuetudine minui, aut prorsus tolli queant? XVI. Decimarum origo. XVII. Varia affectiones, XVIII. Earum in Ecclesiis Magdeburgensibus ratio demonstrata ex instrumento Wilbrandi, Archiepiscopi. XIX. Utrum Clerici ex redditibus ad sustentationem necessarii quidam vertere queant in usus alios, an pauperibus dare teneantur? XX. Concilium Colonienſe de anno MDXXXI Illustratum. XXI. Tituli, Beneficia exorta. XXII. Indelites, contentiones, novus juris processus. XXIII. Clerici primum sine cura temporalium divinis incumbant. XXIV. Honestum artificium Clericis permittitur. XXV. Quale hoc esse debeat? XXVI. An secularibus Clerici negotiis occupandi sint? XXVII. Locus Pauli 2. Tim. II, 4. explicatus. XXVIII. Non omnis à Clericis cura secularis aliena. XXIX. Quanam secularia personas eorum dedecant? XXX. Ex horum ex Psalmo Melchiae designatio. XXXI. Negotiatio an Clericis interdicta jure Canonico? XXXII. Non Civili & legibus Imperatorum. XXXIII. Cum propter exilem mercatum à collatione lustrali fuerint immunes. XXXIV. Neque jure Canonico. XXXV. Avaritia familiare Clericis vitium. XXXVI. Abrahamius per mercatutam è paupere dives. Apantita. XXXVII. Negotiatio res in se non absolute mala. XXXVIII. Sed periculis variis exposita. XXXIX. Triplicem esse ostenditur. XL. Prima species de necessariis emendis, superfluis vendendis, non est indecora. XLI. Tertia lucrativa. XLII. Media pariter. XLIII. Cauponaria Clericis interdicta. XLIV. Ob vilisatem. XLV. Item possessionum conductio. XLVI. Nisi fiat causa necessitatis. XLVII. Ratio Interdicti. XLVIII. Indeprohibentur Advoti munus suscipere. XLIX. Gratianus notatur. L. Ubi licitum iis sit advocandi, LI. Disceptatur à diacono quodam & Luca Patriarcha CPno. LII. Hodie non amplius de Judice Clerico dubitatur, an esse possit? LIII. Contra an tutor aut Curator recte constituatur. LIV. Excipitur tutela legitima, ad quam etiam cogi potest. LV. Immunitas tamen ab hac concessa fuit à Justiniano. LVI. Quin per ejusdem legem ne volens quidem admit-

admittebatur. LVII. An testamentorum executores esse prohibeantur? LVIII. Ratio prohibendi tunc in Clericis varia. LIX. Neque Clericus sit miles. LX. Quid Clericum deceat? LXI. Maxime Theologiae studium. LXII. Cujus παρανομία, subtilitas interpretandi scripturas. LXIII. Inficet a Scholasticorum disputationes. LXIV. Adolescencia studioforum & concionandi pruritus. LXV. Diffidia Theologorum & contentiones inexplicabiles. LXVI. An Jurisprudentia studere conveniat Clericis? LXVII. Quos excipiant Canonistae? LXVIII. Superficialis Juris cognitio magis nocet. Termini Juridici. LXIX. Nec Medicina ejusque praxi incumbant clerici. LXX. Neque chirurgica. LXXI. Philosophia in Theologia magnus usus pariter & abusus. LXXII. Sanioris laudes. LXXIII. An inter beatos habendi sint nonnulli philosophorum gentilium? LXXIV. Eorum scripta ad usum Theologicum devote adhibeantur. LXXV. Philosophia potiores partes in sacris studiis. LXXVI. Eruditionis ambitus & quorundam ineptia doctorum arrogantia. LXXVII. Clericorum alia vita munia in conversatione. LXXVIII. A perditis & infamibus abstinendum. LXXIX. A crapula, ebrietate. Ad pinnas bibere. LXXX. Cane Symbolica Clericis interdicta. LXXXI. Prærogativa Clericorum in agapis. LXXXII. Quare duplum acceperint? LXXXIII. Nuptialibus interfunt convivii, usque ad ludos theatrales. Thymelici, θυμῆλη. LXXXIV. Larvati ne incedant. LXXXV. Neg. ludis indulgeant, maxime alea; quæ Jure Prætorio & Justiniano prohibita. LXXXVI. Ne quidem adsideant illi, aut spectent, dum ludunt alii. LXXXVII. Eadem jure Canonico interdicta. LXXXVIII. Qui lusus Clericis permittantur. LXXXIX. Alia heic obvia cujusque ingenio relinquantur. XC. Bernhards super diaconi cujusdam aulico ministerio querela. XCI. Apocriphariorum officium. XCII. Diaconorum fere proprium.

I. **U**Ti Christianorum omnium, ab initio, ita & Clericorum, & qui in horum numero fuerunt, diaconorum vita erat communis, & ratio vivendi eadem. Eoque processit, cum temporis, pietatis ardor, ut in-

ter Ecclesiasticas personas turpe haberetur, si quæ proprium quid possideret. Istam communionem suo adhuc tempore commendat Hieronymus ad Nepotianum verbis, quæ referuntur à Gratiano c. clericus 12. q. 1.

Clericus talem se exhibere debet, ut ipse possideat dominum, & ipse possideatur à domino. Qui dominum possidet, & cum Propheta dicit: Pars mea Dominus: nihil extra Dominum habere potest. Quod si quippiam aliud habuerit præter Dominum, pars ejus non erit Dominus, v. g. si aurum, si argentum, si possessiones, si variam supellilem, cum istis partibus non dignatur Dominus fieri pars ejus. Si autem ego pars Domini sum, & funiculus hereditatis ejus, non accipio partes inter ceteras tribus, sed quasi Levita & Sacerdos vivo de decimis: & altari serviens altaris oblatione sustentor habens vultum & vestitum, his contentus ero: & nudam crucem nudus sequor. Idem Hieronymus quendam suum Levitam de diversâ Clericorum & Laicorum conditione instruit, ut plane aliam posthac vitam vivendam esse commonefaceret: Duo sunt, inquit, genera Christianorum. Est autem unum genus quod mancipatum divino officio & deditum contemplationi & orationi, ab omni strepitu temporali cessare convenit, ut sunt Clerici & Deo devoti. -- Illi enim villu & vestitu contenti nullam inter se proprietatem habentes, debent habere omnia communia. Aliud verò genus est Christianorum, ut sunt laici. His licet temporaria possidere, sed non nisi ad usum, &c. apud eundem Gratianum can. 7.

II. Et si verò Clerici provectiores suas haberent cellulas, in quas sece-

dere illis licitum erat, pteraque tamen eorum conversatio penes Episcopum erat, cum uti supra dixi Episcopo non licuerit esse soli; sed adhibere in conclavi suo tenebatur presbyteros aut diaconos, testes scilicet actionum suarum, ut detestatoribus calumniandi occasio præscinderetur. Eum in finem ipsi etiam presbyteri & diaconi seorsim in cellis suis agentes testes sibi assumere jubebantur, ne aliquod nasceretur & in vulgus dimanandi suspitionis argumentum. Perspicua hujus rei extat probatio in can. 23. Concilii Toletani IV. Non aliter placuit, ut quemadmodum Antislites (de quibus actum fuit canone antecedente 22.) in presbyteri atq. Levita, quos fortè infirmitas aut alius gravitas in conclavi Episcopi manere non finit, ut iidem in cellulis suis testes vitæ habeant, vitamq. suam sicut nomine, ita & meritis teneant. Ex quo colligitur, presbyteros & diaconos raro admodum, & ferè non nisi infirmitate corporis afflictos cellulis suis inhaesisse, & maximam temporis partem in conclavi Episcopi peregissee, cæterum refectorium ac dormitorium omnibus fuisse unum & commune, ut dicitur in c. necessaria 12. q. 1.

III. De clericis autem adolescentibus adhuc, & in minore ætate constitutis, in dicto Concilio Toletano IV. can. 24. tale decretum factum est. *Præona est omnis ætas ab adolescentiâ*

in

in malum, nihil enim incertius, quàm
vita adolescentiam. Ob hoc constituen-
dum oportuit, ut si qui in Clero pube-
res aut adolescentes existunt, omnes in
uno conclavi atrii commorentur, ut
lubricæ ætatis annos non in luxuriâ, sed
in disciplinis Ecclesiasticis agant, depu-
tati probatissimo Seniori, quem magi-
strum doctrinæ & testem vitæ habeant.
Qui autem his præceptis resolute ve-
rint, monasteriis deputentur, ut va-
gantes animi & superbi severiori regu-
lâ distringantur. Legitur ap. Gratia-
num d. caus. 12. q. 1. can. 1. habuisse
Clericos istos juniores cellas suas
singulares, non ausim asserere, cum
districte jubeantur in uno conclavi
commorari. Et hæc fuit disciplina
veterum, quæ tamen commendata
magis videtur tempore concilii hu-
jus Toletani, quod incidit in annum
Christi DCXXXIII, quàm usu &
praxi observata.

IV. Labente enim mox, postquam
auctæ essent facultates Ecclesiarum,
disciplinâ, cœperunt Clerici seor-
sim vivere & portiones singulorum
desierunt in beneficia, præbendisq;
singulæ adscriptæ fuérunt circum.
Ecclesiam dispositæ ædes; factumq;
adeo, ut pristina illa communio pla-
nè tolleretur & prorsus expiraret.
Certa nihilominus pars reddituum in
commune relicta fuit, quæ commu-
nis mensæ dicebatur, c. 9. X. de con-
stitut. pristinae communionis imago,
quâ seigniores excitari solebant ad

officium & ministerium suum, quan-
doquidem, quæ mensæ communis e-
rant, in distributiones quotidianas
iusumebantur, illis erogari solitas,
qui actu officium suum explebant.
Exemplum ejus rei invenisse se pu-
tat Antonius Dadinus Alteferra ad
d. c. 9. in historia Philippi Franco-
rum Regis, à Rigordo editâ. Refert
ille sub anno MC LXXXIV, in transi-
tu regii exercitus per agrum Am-
bianensem, segetem omnem pedi-
bus eorum conculcatam & pro-
trititam atque consumtam fuisse, eam-
que rem querelæ argumentum de-
disse Canonicis Ambianensibus,
quod fructibus præbendarum sua-
rum carituri essent, quodq; damnum
datum restitui deberet ex communi
messe. Sed enim perpetuum id jam
ollum fuit, ut Ecclesiastici reditus in
quatuor partes dividerentur, & ex
illis una in fabricam Ecclesiæ desti-
naretur. Et ex hac sine dubio sum-
tum fuit, quicquid communi Eccle-
siæ nomine non ad reparationem
tantum, sed & aliàs impendi opor-
tuit. Potuit igitur ex istâ portione
restitutio fieri Canonicis Ambianen-
sibus, nec necesse est, ut alia nova
statuatur facta, quæ communis men-
sæ nomine insigniretur, qualem in-
ter Ferrarienses Canonicos factam
refert Innocentius III. d. c. 9.

V. Fastidita tamen patribus sæ-
penumero fuit hæc præbendarum
divisio, atque beneficiorum institutio.

tio, præsertim, si quando ad pristinos Ecclesiæ mores respectus haberetur. Augustinus sanè revocare primævam istam communionem enixissimè conatus est, & dubitavit aliquando, utrum Clericatus subsistere posset cum proprietate rerum, de quâ re fidem faciunt, quæ leguntur apud Gratianum *c. nolo, c. non dicatus* & *c. certè* 12. q. 1. Similiter & Gregorius Magnus Augustino Anglorum Episcopo, Clericorum Collegium instituturo, communionem syadat, ad exemplum prioris Ecclesiæ introducendam. Quia, inquit, tua fraternitas monasterii regulis erudita, seorsim non debet fieri à clericis suis in Ecclesiâ Anglorum, quæ, auctore DEO, nuper ad fidem perducta est, hanc debet instituere conversationem, quæ in initio fuit patribus nostris in quibus nullus eorum ex his, quæ possidebat, proprium habebat, sed erant illis omnia communia, &c. apud Gratian. *c. quia*, ead. Ad pristinos patrum mores provocat Pontifex, laudatque eos, & in novâ Anglorum Ecclesiâ imitandos proponit, quos ipse in suâ Ecclesiâ nec potuit restituere, nec voluit fortè, ne & ipse nihil habere cogeretur. Eandem communionem, quanquam non sub eadem latitudine, inter Canonicos observandam publicâ lege præcepit Karolus Magnus lib. 5. capitul. 115. In omnibus, quantum humana permittit fragilitas, decrevimus, ut Canoni-

ci Clerici canonicè vivant, observantes divinam scripturæ doctrinam, & documenta sanctorum patrum, & nihil sine licentiâ Episcopi sui vel Magistrorum, compositi agere præsumant. In unoquoque Episcopatu ut simul manducent & dormiant, ubi his facultas id faciendi suppetit: vel qui de rebus Ecclesiasticis stipendia accipiunt, in suo Claustro maneant, & singulis diebus manè primo ad Lectionem veniant, & audiant quid eis imperetur. Ad mensam verò similiter lectionem audiant, & obedientiam secundum canones suis magistris exhibeant.

VI. Quæ inter universos Ecclesiæ primæ Christianos placuerat, communio, ingentes merebatur laudes. Multitudinis enim credentium tantam fuisse charitatem refert Apostolus *Act. II, 32.* ut omnium cor esset unum, & anima una, nec quisquam eorum, quæ possidebat, aliquid suum esse diceret, sed omnia illis essent communia. Et duravit quidem ista communio per aliquot hominum ætates, quippe quam suo adhuc tempore, quod in annum Christi CCXXX incidit, valdè commendat Tertullianus *apolog. cap. 39.* Itaque, inquit, qui animo animæque miscemur, nihil de rei communicatione dubitamus. Omnia indiscreta sunt apud nos, præter illuxores. In isto loco consortium solvimus, in quo solo ceteri homines consortium exercent, &c. Similia inveniuntur in apologeticis scriptis,

scriptis Iustini; Athenagora; Minutii Felicis & aliorum. Et rectè proinde scripsit Hieronymus *lib. de Script. Eccles.* talem primorum Christianorum conventum fuisse, qualem monachi imitentur & cupiant, ut nihil cuiusque proprium sit, nullus inter eos dives, nullus pauper, patrimonia egentibus dividant, orationibus vacent & psalmis, &c.

VII. Deservescite verò charitate & crescente numero fidelium, Laici primum ab illà vità communi recesserunt. Et recedere ferè coacti fuerunt. Qui enim societatis civilis naturam exploratam habent, impossibile esse arbitrantur, ut talis communio in amplà civitate consistere diu possit. Disputat eà de re copiosè Aristoteles *lib. 2. pol. cap. 5.* Didicerunt etiam ex quotidiano rerum & fori usu Jcti nostri, materiam communionis excitare solere discordias *l. 77. §. 20. ff. de legat. 2.* & propter immensas contentiones plerumque res ad divisionem pervenire *l. 26. ff. de S. P. 11.* nec augeri debere difficultatem communionis *l. 8. in fin. ff. de reb. eor. qui sub tut.* Et rectè observat Aristoteles *d. l.* communionem omnem tacite quandam includere divisionem, atque istam divisionem, si non fiat iustà proportionem, tam ratione laborum, quam ratione fructuum, facile oriri querelas. Nam alter plus se laborasse dicet, minus accipere, & alium minus fecisse, pluribus frui queretur; quisque opti-

um sibi petet, feces nemo volet. Vid. Mich. Piccart. *ad Arist. d. l. Ant. Mornac. ad d. l. 26. de S. P. 11.* Neque ei rei ex charitate Christianà aliquod peti poterit remedium, cum in peramplo cœtu vix fieri possit, ut non sint aliqui & fortasse haud pauci, qui charitatem sibi à Salvatore Christo imperatam prorsus negligant, & suas tantum facultates adaugere intendant. Institutum Ecclesiæ Hierosolymitanæ *Aët. II, 44.* extraordinarium esse plerique statuunt, secuti Augustinum, qui *lib. 3. de doctr. cap. 6.* id nullas gentium Ecclesias fecisse testatur. Vid. Danhauer *in Colleg. Decalog. disp. 17. §. 2.* Andr. Rivet. *ad Exod. c. 20. v. 15.* Fuisse tamen suo modo etiam alibi bonorum communionem inter Christianos ostendimus supra, quanquam illa fortè ad eundem perfectionis gradum perducta non fuerit, qualem obtinuit Ecclesia Apostolica.

VIII. Postquam verò Laicis placuisset discedere à communione hætenus frequentatà, diutius nihilominus eam retinuerunt Clerici, non tamen ubique omnes. Fuèrunt enim, qui seorsim habitare atque cum Uxoribus vivere maluèrunt, atque hinc etiam stipendia sua seorsim acceperunt. Ita enim apud Gratianum *c. quia 12. q. 1.* pergit Gregorius: *Si qui verò sunt Clerici extra sacros ordines constituti, qui se non possunt continere, sortiri uxores debent, & stipendia sua accipere exterius: quia &*
de

de iisdem partibus novimus scriptum, quod dividebant prout cuius opus erat. De eorum quoque stipendio cogitandum, atque providendum est, & sub Ecclesiastica regulâ sunt tenendi, ut bonis moribus vivant, & canendis Psalmis invigilent, & ab omnibus cor & linguam illicitis & corpus DEO auctore conservent, &c. Duo scilicet ibi Gregorius facit genera Clericorum, unum eorum, quibus in communione vivere placet, atque circa illos nullam ait curam suscipiendam esse de faciendis portionibus, quandoquidem omne quod superest, ultra id scilicet quod necessitati & sustentationi eorum impenditur, inter pauperes distribui & ad causas pias erogari debeat; alterum verò eorum, qui extra communionem conjugati esse malint, & his certa ait destinari debere stipendia. Liberum ergo erat Clericis vel in communione vivere cum reliquis, vel seorsim habitare & extra consortium reliquorum. Plerisque tamen placuit seorsim instituta vitæ conditio, ita ut communio temporis successu prorsus desineret, nec quisquam ferè esset, qui eam adprobaret. Vitio hominum id accidisse fatetur Ivo Carnotensis episcopus. 213. Laudat ibi & veterum testimonium comprobant introductam ab initio communionem. Deinde subiungit: *Quod verò communis vita in omnibus Ecclesiis penè defecit, tam civilibus quam diocesanis, non auctori-*

tati sed desuetudini & defectui ascribendum est, refrigerante caritate, quæ omnia vult habere communia, & regnante cupiditate, quæ non querit ea, quæ Dei sunt & proximi, sed tantum, quæ sunt propria, &c.

IX. Cyprianus, qui adulto jam seculo tertio floruit, mentionem facit sportularum inter Clericos Ecclesiæ suæ distributarum, & quidem divisione inæquali, prout cuiusque officium meruerit. Aurelium & Celerinum Martyres atque Confessores, quod constantiam in fide sufficienter probassent, in Clerum eyehi dedere, atque jam Lectores à se constitutos esse, scribit episcopus. 34. Sed distributiones illis cum presbyteris fecisse communes, atque circa hanc perceptionem ultra Lectorum gradum illos extulisse. *Ceterum, inquit, presbyterii honorem designasse nos illis jam sciatis, ut & sportulis iisdem cum presbyteris honorentur, & divisiones mensurnas æquatis quantitatibus partiantur, sessuri nobiscum proveclis & corroboratis annis suis.* In Ecclesiæ enim primordiis ex collationibus fidelium (nam modicam unusquisque stipem mensurâ die, vel cum vellet, & si modo vellet, & si modo posset, adponebat, uti loquitur Tertullianus apol. cap. 39.) ministri Ecclesiæ alebantur, quas Episcopus distribuebat, & quisque ex ministris juxta gradum quo constitutus erat, mensuram suam, aliquando

quando etiam diurnam sportulam accipiebat. Et ex hoc sportulantes fratres dicti sunt eidem Cypriano, *epist. 66. Quæ nunc ratio & forma in Clero tenetur, ut qui in Ecclesia Domini ordinatione clericâ promoven- tur, in nullo ab administratione divi- nâ avocentur, nec molestiis & negociis secularibus alligentur, sed in honore sportulantium fratrum tanquam deci- mas ex fructibus accipientes ab altari & sacrificiis non recedant, sed die ac nocte celestibus rebus & spiritualibus serviant.*

X. Ipsa hæc distributio sportula- rum, quod æqualis non esset, sed pro ratione officii & meritorum fieret, satis ostendit, vulgarem illam com- munionem tantoperè à Scriptoribus quibuscumque commendatam, quâ unusquisque pro lubitu, quod sibi placet, aufert, & in suos usus convertit, parum probatam fuisse inter Ecclesiæ Doctores. Etsi enim colla- tiones à fidelibus factæ communes omnibus essent ministris Ecclesiæ; distributiones tamen deinceps secu- laræ unicuique partem suam, & qui- dem non pro lubitu cuiusque, sed ex arbitrio Episcopi destinabant, perin- de ut hodiè ex communi ærario sti- pendia singulis exsolvi & adnume- rari solent, habitâ ratione officii & meritorum cuiusque. Id tamen ali- quâ facit differentiam, quod sti- pendia hodiè plerumque certa sint, cum oblationes fidelium incertæ o-

lim fuerint, & hinc etiam incertæ sportulæ.

XI. Ex dictâ Cypriani *epistolâ 66.* & verbis adductis colligit Nicolaus Rigaltius, nullam tùm fuisse deci- marum dandarum obligationem. Nam decimas, inquit, jure quidem Mosaico debebantur, minimè autem jure Christiano. — Itaque ab Apostolis ad usque Cypriani tempora nulla fuit inter Christiana subsidia mentio deci- marum. Usitata aliquandiu sportu- læ. Postea verò exolescente sportula- rum honore, intravere in Ecclesiam decimas, religionis obtentu, ac primò quidem spontaneâ liberalitate, quasi sportulis haud sufficientibus, oblata mox avarè & crudeliter exacta. Quæ verba notari debent adversus eos, qui simplicem & absolutam necessi- tatem decimarum urgent, eamque ex jure naturæ provenire conten- dunt, uti facit Marcus Anton. de Dominis *de Rep. Eccles. lib. 9. c. 2.* Nicol. le Maître *de bon. Eccles. part. 2. c. 1. & aliquot seqq.* à quibus dissen- tiunt Martinus ab Azpilcueta Navarr. *tom. 1. tract. de redditib. Eccles. monit. 59.* Card. Bellarmin. *de cler. c. 25.* Didacus Covarruvias *lib. 1. re- sol. cap. 17. n. 2.* Fernand. Vasquius *lib. 2. controuv. cap. 89. n. 1.*

XII. Sententia nostra hæc est, deci- mas quoad quotam, id est, præci- sè sumtas, prout nomen decimarum directè & propriè accipitur, non de- beri jure naturæ, neque jure aliquo divino

Bb

diuino positivo Christianos obligante; morale tamen & juris naturalis ac divini perpetui hoc esse, ut sufficiens merces Ministris Ecclesiæ reddatur, ut honestè possint se & familias suas alere, cultuique divino & ministerio atque officio suo sine distractione vacare. Etsi igitur concedamus, generale fundamentum esse morale & perpetuum, quemadmodum perpetuum est, ut merces solvatur operario; negamus tamen, morale etiā hoc esse, aut fuisse unquam, ut decimæ solverentur ratione specificationis, & ut talis & tanta merces in hac vel illā specie redderetur. Principalis enim finis decimarum est sustentatio ministrorum Ecclesiæ, qui si aliunde salaria accipiant, uti quidem hodiè in civitatibus plerumque certa illis stipendia & emolumenta constitui solent, omitteri prorsus poterit jus decimandi, cum nihil interfit, decimarum præstatione, an alio modo ministris Ecclesiæ succurratur. Vid. Andr. Rivet. in *Genes. exercitat. 80.* Gisbert. Voet. *polit. Eccles. part. 1. lib. 4. tit. 3. c. 5.* Henr. Canisius de *decimis c. 3. n. 7. seq.*

XIII. Nec movere nos potest ratio, quam urget Nicolaus le Maître de bon. *Eccles. part. 2. lib. 1. c. 7.* putans, decimas non dari intuitu laboris, sed in recognitionem dominii, quod DEVS in omnes creaturas habet. *Animadvertendum est, inquit, decimas jus esse aliquod sacrum & divi-*

num, quod sacerdotibus penditur, non ratione operæ alicujus aut laboris in regendo aut continendo populo exantlati, sed ratione loci gradusve sui, quia nempe in terris vice DEI funguntur, ejusque quodammodo personam sustinent. Unde licet Sacerdotes nec mysteriorum occuparentur, nec populum sacris doctrinis imbuerent, puta si prima illa majorum nostrorum innocentia resurgeret, quam Adam suo scelere perdidit, adhuc in eo ordine statuque rerum Sacerdotibus dari decimas oporteret. Sunt enim obsequii nostri erga DEUM monimenta, sunt redditus censusque eidem debiti, quatenus summum arbitratum mundum temperat, & supremam in res omnes auctoritatem dominatur.

XIV. At enim principium petunt, qui supponunt, DEVM sibi reservasse decimas perpetuò solvendas, & jus illud nunquam remisisse. Alia utique fuit ratio terræ Canaan, alia reliquarum in Orbe possessionum. In terrâ Canaanâ inter alias rationes, cur à DEO imperarentur decimæ, una & præcipua hæc fuit, ut undecim tribuum contributione inveniretur & prodiret duodecimæ tribus Leviticæ portio, quæ aliquin exfors erat. Et quia adeo politia ista Judaica ampliùs non subsistit, & præceptum specificationis decimarum juris vel ceremonialis fuit vel politici, vel uti nonnulli volunt, ex utroque mixti, nec legis

bus illis amplius tenentur Christiani, facile hinc patet, nec naturali nec divino juri repugnare, qui alio modo, quam per decimarum solutionem necessitatibus Clericorum subveniunt. Accedit, quod extra mandatum divinum frustra fingatur, in recognitionem domini divini dari aliquid debere, cum recognitio talis ideo fieri debeat, ne dominium ipsum intervertatur aliquando, & omnino negetur, quod de dominio divino frustra asferitur. Quod si mandatum divinum ea de re extet, uti extitit in V. T. & cum eo cessavit, aliis id rationibus subnixum fuit, quam retentione aut reservatione domini superiore.

XV. Nec est ergo ut multum solliciti simus de quaestione inter Canonistas valde vulgari, utrum consuetudine minui aut prorsus tolli queant decimæ? Putant nonnulli, distinctione rem expediendam esse, ut quota decimarum prædialium & animalium tanquam juris divini nullâ consuetudine diminui possit, possit autem quota decimarum personalium, utpote juris positivi. Et hanc distinctionem post alios maxime probat Michael Ferro Manrique *question. 151. n. 57.* Sed præterquam, quod multa sint, quæ adversus distinctionem istam decimarum moveri possent, quam absanam propterea vocat Antonius Dadinus AL-

teserra *ad c. 32. in fin. X. de decim.* & ubique ferè in desuetudinem abierint decimæ personales, uti scribit, Paulus Laymannus, *Theol. moral. lib. 4. tr. 6. c. 1. n. 4.* ipsum etiam fundamentum decisionis, quod nempe prædiales decimæ juris divini sint, per ea, quæ supra diximus, prorsus corrui. Proinde rectè statuit Ferdinandus Vasquius *d. l. n. 8.* tam prædiales, quam personales decimas posse non solum minui sed etiam ex toto tolli. Si enim aliunde & per alia subsidia prospectum est ministris Ecclesiæ, quibus honestè cum familiâ sustentari queant, cessare atque omitti omnino poterit decimatio fructuum. Fieri hinc solet, ut nihilominus decima dicatur, quæ vel octava, vel vicesima, tricesima aut quadragesima pars est, quæ loco decimæ præstatur ex consuetudine. Ant. Fab. *Cod. lib. 1. tit. 3. def. 21. n. 3.* Joh. Azorius *Instit. moral. lib. 7, cap. 23. vers. ceterum contra.*

XVI. Puto tamen, etiam sub novo testamento, quo tempore primum dari cœperunt decimæ, (dari autem cœperunt forte sub finem seculi tertii,) decimam præcisè partem Clericis dicatam fuisse. Cum enim Christiani ab initio omnem suam substantiam, omnesque facultates in usum communes verterint, facilius deinde potuerunt Successores, servente

adhuc pietate, decimam ex illis ministerio tribuere Ecclesiastico. Nec necesse est tamen, ut decimam istam ex simplici quâdam necessitate separari debuisset statuamus, cum credibile haud sit, voluisse Christianos à Lege Mosaica liberatos, Legis istius onus denuò subire, & noviter in Judaismo prolabi. Est enim verò decima hæc portio talis, quam ex facultatibus suis decerpi patietur unusquisque facilius, quam partem aliquam majorem. Et fuerunt etiam inter gentiles, qui diis suis & Sacerdotibus decimam destinarent, quique charitati hoc convenire atque æquum esse crediderunt, ut parte reddituum jurent alios.

XVII. Sequentibus temporibus multifariam affecta fuerunt decimæ, sive ex pravo Christianorum affectu & usu, sive ex ipsorum Sacerdotum ad nimios earum proventus fastidientium instituto. Variæ inde hinc natae sunt quæstiones de decimarum concessionibus arbitrariis, infestationibus, quæ Laicis factæ erant, appropriationibus, exemptionibus, ablationibus, modis decimandi & olim & nunc usitatis, aliisque variis affectionibus, tam ab ordine Ecclesiastico, quam à Laico introductis, quæ cum sententiâ illâ de decimis jure divino universali aut morali introductis non magis stare possunt, quam ad-

ulteria, furta, homicidia in Rep. impune permixta, cum doctrinâ, quod jure divino & morali facinora ista prohibita sint. Sic etiam disputatur de potestate Pontificis circa decimas, utrum tollere eas possit omnino, aut remittere tantum, uti distinguit Franciscus Papasava JCrus Patavinus, in *consil. de monte piet. num. 44.* Multæ aliz subinde occurrunt controversiæ, quas ex variis principiis excogitavit, & ex praxi sibi natas definire sustinuit humanum ingenium, sed quas hoc loco examinare & prolixum nimis foret, & extra nostrum institutum.

XVIII. Lubet per saturam addere veteris instrumenti exemplum, quis modus circa decimas servari debuerit in Ecclesiis Magdeburgensibus, qui tamen utrum præscribi ita ex solâ Canonicorum conventionione, non auditis illis, qui decimasolvere debuerunt, poterit, aliis discutiendum relinquo. *Wilbrandus, DEI gratiâ, sanctæ Magdeburgensis Ecclesiæ Archiepiscopus omnibus presentem paginam inspecturis salutem in Christo. Gratiascumque propter subditorum nostrorum quæstiones decidendas & causas in Concilio nostro vel Synodo sententiæ generales eduntur propter utilitatem tam presentium, quam etiam futurorum, etiam necessarium est valdè, quod ille diligentius*

con-

conferbantur, quatenus instrumentorum testimonio in posterum expediri valeant ignorantes. Sanè quoniam apud diversos decimarum dandarum & recipiendarum modus est & consuetudo diversa, uno modo quibusdam, aliis alio modo dicentibus illas dari debere, sancti Nicolai civitatis nostra Canonici edisibi sententiam generalem in Synodo petiverunt, qualiter decime jure præstari deberent. Hanc sententiam Dominus Henricus Havelbergensis Episcopus requisitus à nobis protulit eo modo. Quod tum decimatoris testimonio decimus manipulus dandus esset. Huic sententiæ fuit consensus & ab omnibus acclamatum. Postea petiverunt sententiam iidem Canonici, qualiter decimus manipulus esset esset dandus. Illam sententiam præpositus Ropertus quasitus à nobis pronuntiavit, hoc modo, quod Colonus nec cumulare, nec inducere suam deberet annonam, nisi prius sub testimonio decimatoris decimum manipulum præstisset. Et similiter universi eidem sententiæ consenserunt. Verum Dominus Fridericus de Care nihil immutans, sed quadam his sententiis adjiciens fatebatur, quod patrum suorum temporibus revera secundum sententias Domini Havelbergensis, & præpositi Roperti decimus manipulus dari consueverit, sed si temporis pluvialis periculum imminerebat, Colonus bene poterat cum testimonio manipulos comportare tunc decimatori decimum scorum daturus.

Deinde quasiverunt Canonici prænotati, qualiter sine præjudicio Domini decime colonus pabulari deberet. Hanc sententiam plebanus S. Ambrosii Gilsbertus hoc modo dictavit, quod ad longitudinem unius antri juxta iter posset licite pabulari. Sed & in hanc sententiam omnes unanimiter concordabant. Et quoniam omnibus his sententiis Dominus Conradus Misnensis & prædictus Dominus Henricus Havelbergensis Episcopi & quidam provincie nostre prælati nec non universi diæcesis nostre prælati peritique plebani intererant, & suos adhibuerunt consensus, eas in nomine Domini confirmamus sub excommunicatione districtè mandantes, ut ab omnibus in perpetuum inviolatè serventur, & quod nullus unquam facere contra ipsas aut venire præsumat. Insuper & sententiæ prædictæ roboris firmioris fortiantur effectum, nos editiones & approbationes illarum plenè conscribi fecimus, & conscriptas sigilli nostri munimine roborari. Actum Magdeburg anno gracie M CC XLVI. tertio idus Junii, Pontificatus nostri anno undecimo.

XIX. Ex his decimis, uti ex aliis Ecclesiæ redditibus omnibus, quarta olim pars, aut etiam tertia, prout in Ecclesiis Hispanicis receptum erat, sustentationi & alimentis Clericorum destinabatur, quod prolixius exposui in diatrib. de dot. Eccles. cap. II. Et ex hoc putat Cardinalis Caj-

tanus in 2. 2. *quæst.* 87. *art.* 1. & *quæst.* 185. *art.* 7. novam istam Ecclesiæ legem de dandis decimis iustitiam hinc præ se ferre, quod pro congruâ ministrorum sustentatione & pro pauperibus alendis dari debeant. Hoc tamen iustitiæ argumentum maxime controversam deinceps peperit quæstionem: Utrum Clerici ex redditibus illis, quæ necessaria sibi ad congruam sustentationem non sunt,vertere & erogare possit in usûs alios, an verò pauperibus dare ea præcisè teneatur? præsertim cum pauperes perpetuò quasi in communione stent cum ministris Ecclesiæ in ejusmodi proventibus & redditibus. Sed ne longius evagemur, nolumus nunc eam examinare, & quæ hinc inde proferuntur argumenta, discutere. Videri eâ de re poterit Didacus Covarruvias *tom.* 1. *ad c.* 7. *X. de testam.*

XX. Quoniam verò primitivæ Ecclesiæ facies (sunt verba Concilii Colonienfis anno MDXXXVI celebrati, *cap.* 2.) quod ad institutionem ministrorum attinet, paulatim immutata fuit, nimirum dotatis templis, sacerdotibusque ac certis stipendiis ministrantibus constitutis: visum subinde sanctis patribus non absque multâ ratione fuit, ne quisquam sine certo titulo, qui illi victum necessarium suppeditaret, ad majores, quos & sacros ordines vocamus, ordinaretur. Verba hæc propter tituli ambiguitatem ex-

plicationem exigunt. Olim enim, si quæ Ecclesia pastore suo orbata esset, ordinabatur in defuncti locum alius, qui ab Ecclesiâ illâ, cui præficiebatur, titulum sacerdotii sui accipiebat. Cum verò deinceps ex donationibus tum Imperatorum, tum aliorum, qui pietatem hic suam exerceri cupiebant, in immensum auferentur Ecclesiarum facultates, & privilegia insuper atque immunitates personis Ecclesiasticis largissimè concessâ essent, factum est inde, ut multi nullâ urgente necessitate, nullaque Ecclesiâ vacante presbyteros se aut Diaconos ordinari adpetarent, ut vel opimis Ecclesiæ redditibus, vel privilegiis & immunitatibus frui liceret. Id verò deinceps prohibuit Synodus Calchedonenfis *c.* 6. voluitque, neminem absolutè amplius ordinari, nec presbyterum, nec diaconum, nec quemlibet omnino eorum, qui sunt in ordine Ecclesiastico, nisi specialiter in Ecclesiâ civitatis, aut vici, aut martyrio, vel monasterio, is qui ordinandus est, prædicetur. Et hoc tum temporis erat ordinari cum titulo, cum indignum esset, ordinari aliquem, cui locum nullum assignes, ubi munus suum exerceat. Itaque titulum rectè interpretabimur functionem & locum certum in Ecclesiæ ministerio.

XXI. Sequioribus autem temporibus titulus olim officio munerisque

que significativus ad annum proventum & redditum referri cœpit, & tunc excluso penè sacro officio, exorta sunt beneficia, uti vocantur. Postquam enim divisi fuerunt redditus Ecclesiastici, & ipsa aliquando ex donationibus acquisita prædia, singulisque ministris singulæ assignatæ fuerunt præbendæ, natus inde est potissimum iste abusus, ut utile illud temporale, quod olim consecutivum erat & accessorium officii Ecclesiastici, inductâ tali proprietate haberetur pro præcipuo & principali, & beneficium à beneficio non ordo amplius, aut munus & officium discerneret, sed temporalis quæstus, copia aut inopia, Canonicumque faceret non officium, ut olim, sed præbenda. Inde factum porro, ut titulus bona illa Clerico cuique singulariter destinata denotaret, uti ita accipitur *1. F. 6.* Vid. Hottomann. *de verb. feud. voc. tituli.* Et sic coincidit ferè titulus cum beneficio, quatenus beneficium maximam partem ex redditu censetur. Quæ de re videri ulterius poterunt, qui non tractatus tantum, sed integra etiam volumina de beneficiis ediderunt. Plura enim in rem præsentem colligere nihil nunc attinet.

XXII. Quæ diximus hætenus, sufficienter ostendunt vitæ rationem, quam inter Clericos reliquos secuti fuerunt Diaconi. Cum enim de alimentis & victu quotidiano pri-

ma & præcipua omnium hominum sit cura, abundè exposuimus, qualiter à primis Ecclesiæ annis prospectum ministerio Ecclesiastico fuerit. Nec negari tamen potest, eo tempore, quo communio adhuc viguit, patientiam, charitatem, misericordiam & reliquas Christianas virtutes, Clericorum quasi proprias & eximie cultas ab eis fuisse; sed valdè deseruisse postea, simulatque beneficia ista, de quibus dixi, instituta fuerunt. Dum enim non tam officio suo defungi, quam præbendam conservare & augere studebat unusquisque, fieri vix potuit, ut non graves subinde exorirentur lites atque contentiones, quas non ex vulgaribus juris constituti libris, sed novo processu ex singularibus eam in rem scriptis decisionibus componere aut definire oportuit. Separatio namque ista & discretio ordinationis ab Ecclesiæ seu beneficii collatione & pingvissimorum reddituum copia novas in jus Canonicum regulas invexit antiquo juri prorsus incognitas, de beneficiis acquirendis, conservandis & amittendis, quæ ferè utramque novi juris paginam faciunt.

XXIII. Hæc ratione quando de alimentis nulla Clericos afficere poterat sollicitudo, facile eis fuit officio suo defungi, vel sacris dando operam literis, vel docendo, vel cultum divinum promovendo, vel opera charitatis exercendo. In his talibus enim

enim vita Clericorum ab initio nascentis Ecclesiæ quam maximè occupata esse debuit, & adhuc est, aut esse debet. Interim tamen nemo prohibetur artem, quam antehac didicit, exercere, vel temporis fallendi causâ, & ut ignavum atque inutile otium evitetur, vel ut necessitati subveniatur, si de stipendiis forte non, satis prospectum fuerit. dum tamen ne turpe sit illud artificium, aut personæ Ecclesiasticæ minus decorum, & officiis Ecclesiasticis destinata tribuantur tempora. Paulum Apostolum opificio manuum suarum, cum locus & tempus id permitteret, vidtum sibi quævisse, constat ex *Act. XIII, 3. c. XX, 34. 1. Cor. IV, 12. c. IX, 25. 1. Thess. II, 9. 2. Thess. III, 8.* Cateros Apostolos idem fecisse, dubium non est, credique id potest Pseudo Clementi ex Apostolorum personis asserenti *lib. 2. constit. 67.* Cumque exeunte seculo quarto apud Carthaginem monasteria esse cœpissent, in quibus hæc invaluerat doctrina, turpe esse personis Ecclesiasticis aliquod operari, unde necessaria vel haberent vel supplerent, sed debere eas tantum ex oblationibus fidelium vivere & in DEI providentiâ confidere, uti refert Augustinus *lib. 2. retract. c. 21.* in Concilio Carthaginensi IV, *c. 51. 52. 53.* hæc edita fuerunt decreta: *Clericus quantumlibet verbi DEI eruditus artificio vitam gravat. Clericus vidtum & vesti-*

mentum sibi artificio vel agriculturâ absque officii sui detrimento, parat. Omnes Clerici, qui ad operandum validiores sunt, & artificio & literas discant. Referuntur à Gratiano dist. 91. c. 2. & 3. Videri ad istud concilium poterit Severinus Binius & Claudius Espencæus lib. 2. digress. cap. 16. itemque Card. Baronius ad ann. LII. n. 15. seqq.

XXIV. Quandoquidem autem non nisi ex honesto aliquo artificio quæstus Clericis permissus est, haud frustra disceptatur, quid honesti artificii nomine veniat. Canonistæ plerique negativè hic procedunt, & quid non liceat, explicare malunt, quàm quid liceat. In illis enim, quæ licita dicunt, admodum parci sunt, & permissionem suam ad rem tantum Oeconomicam atque agriculturam restringunt. *Clericus*, inquit Augustinus Barbosa *ad d. c. 3. dist. 91. per sacros canones permissum est, opera rusticalia exercere, canistra viminibus texere, bimum ligonibus exbaurire, hortenses areolas dividere, plantas ordinatim disponere, surculos inferere, apum alvearum cavatâ corticibus consuere, vineas amputare, domos reficere, retiâ piscandis piscibus construere, & his similia. Quod de domibus reficiendis & vineis amputandis hic dixit, id restringit idem Barbosa ad c. 1. X. de celebrat. miss. n. 15. ad proprias vineas & domos. At profectè ex plerisque his artificiis, si præsertim*

tim in propriis agris & hortis exerceri debent, nihil omnino sibi comparare poterit Clericus, nisi ponas, ex fructibus inde speratis & venditis emolumentum expectari. Tū verò satius fuerit compendium verborum facere & Clerico permittere, ut fructus sibi ex prædio suo natos vendere liceat, quippe ex quibus proximè lucrum aliquod provenit, quā statuere, licere ei vineas amputare & agros colere, cum nec inter sit, cujus manibus id fiat, dummodo fructus Clerico acquirantur. Fieri tamen potest, ut Clericus talia faciens non intendat fructus vendere, vel ex suo labore quæstum facere, sed vel suæ tantum necessitati prospicere, vel otium declinare. Quo casu tamen valdè coercetur artificii usus & exercitium.

XXV. Longius alii procedunt, & per honesta artificia ea quoque intelligi volunt, quibus rei emptæ alia inducitur forma, e.g. si emat Clericus vimina, & faciat canistra, vel emat chartas, ut scribat libros: vel emat lignum, ut faciat domum: vel emat filum, ut faciat retia, corium, ut faciat sotalaria. E contrario ad inhonesta artificia referunt ea, quæ sordida quodammodo sunt, & Ecclesiæ ministros dedecent, ut sunt cerdonum & pellionum opificia. Guil. Redoan. de spol. Eccles. quæst. 2. n. 37. & 42. Nec ausim tamen reprehendere etiam in his arti-

bus occupatum Clericum, si quidem tantum ex munere Ecclesiastico non suppetat, ut congrua inde habere queat alimenta. Quemadmodum, nec reprehendi potuit Spiridion, in Cypro Episcopus, quod ovium pastor, etiam dum Episcopatum suscepisset, manserit, uti de eotestatur, Sozomenus lib. 1. cap. 11. Nicephorus lib. 8. c. 42. Quos autem ad manuum laborem nulla cogit necessitas, sed vel patrimonio, vel ministerio Ecclesiastico utcunqve abundant, non est, cur ad stivam, aut limam, ad malleum, aut dolabram, ad agriculturam aut rem hortensem, ad manuaras artes aut opificia amandari vel ipsi se malint, vel ablegare alios intendant.

XXVI. Videamus tamen per aliqualem enumerationem quarundam artium, quibus Clericum de honestari putant Canonistæ. Et quidem generalem hanc præmittunt regulam ex 2. Tim. II, 4. ministrum Ecclesiæ implicari non debere negociis secularibus. Sed enim de explicatione ejus dicti in Concilio Tridentino non una omnium fuit sententia referente Petro Svavis, in bis, ejus concil. lib. 6. Episcopus enim Adjacensis Johannes Baptista de Bernardis ex isto Pauli dicto acriter perstrinxit receptos mores, quod Episcopi in aulis Principum degentes secularibus negociis administrandis impliciti tenerentur, judicium,

cum, Cancellariorum, Secretariorum, Consiliariorum & Quæstorum munia obeuntes, adeò ut vix ferè munus aliquod publicum repetiatur, in quod Episcopus aliquis adlectus non fuerit. Huic verò stante pede contradixit Cæsaris Orator Episcopus Quinqvecclesiensis, injurium id ratus tum in Principes tum in Episcopos, qui ab anno octingentesimo ad hunc usque diem eà consuetudine usi fuerint: sententiam Pauli non ad Ecclesiasticos tantum, sed ad omnes Christi fideles pertinere, hoc offensu: sicuti qui militiam exercet mundanam, non est addictus iis artibus, quibus vita sustinetur, quia pugnant cum militis officio, ita qui militant Christo, h. e. Christianos omnes abstinere debere ab iis exercitiis, quæ cum Christianâ professione pugnant, nempe solis peccatis. Et hæc explicatio tum temporis communi omnium Præsulum applausu fuit accepta, quod scilicet ad vitam aulicam propensiores essent, quam ad residentiam, ut vocant, Ecclesiasticam.

XXVII. Severiorem tamen ipsis illis temporibus, quibus Tridentinum Concilium habitum fuit, & pristinis moribus additiorem se præbuit Claudius Espenæus Theologus Parisiensis in *commentar. ad dictum Pauli locum*: *Quid dicitur*, inquit, *boni Patres, qui hujus & similitum locorum occasione sacra hominibus*

adeò profanus negotiis interdixerunt, ut & inde titulum fecerint: ne Clerici vel monachi secularibus negotiis se immisceant, quid, inquam dicerent, si viderent hodiernos Reverendos & Sanctissimos in domibus Regum esse, ab aulis & palatiis non discedere, principum non pacificis modo legationibus fungi, verum etiam in bellis esse legatos, fisorum promos & condos, nec rursò interversores, nam & ad mandras & episcopos, ne dicam galeros, nulla in hoc regno via hactenus expeditior, quam litium secularium institoria, nedum judiciaria ut quam hodiè nunquam magis perimonia illi locus fuerit, &c. Et si igitur negari simpliciter nequeat, ad quemvis pium & fidelem tanquam spiritualem Christi militem, trahi Apostolicam istam prohibitionem posse; quia tamen idem Apostolus speciali quâdam significatione Timotheum Episcopum vocat Christi militem, v. 3. idè in specie & sensu quodam præcipuo ad ministros Ecclesiæ hæc prohibitio spectat, uti etiam in specie ad Episcopos, Presbyteros & Diaconos dictum hoc Pauli applicavit Ecclesiæ Africana in codice canonum, quem edidit Christophorus Justellus, *can. 16.*

XXVIII. Quia verò non omnis cura secularis à Clerico aliena est, cum ipse etiam Paulus reprehendi alias potuisset, quod ex artificio suo victum sibi quærere non destitisset,

&

& supra diximus, debere Clericum in defectum alimentorum, artem exercere, quam didicit olim, idcirco rectè dicit Espencaus d. l. ea tantum negocia prohiberi, quibus animi implicatur intentio. Aliud est, inquit, corpore laborare, animo libero, ut potest opifex, modo ne fraudulentus, avarus, privata rei avidus: aliud animum occupare curis colligenda sine corporis labore pecunia, ut negotiatores, procuratores, conductores: cura enim præsumunt, non manibus operantur, idèd animum occupant habendi sollicitudine, &c. Si eo modo Paulus artificium suum tractasset, non caruisset reprehensione, nec laude eà dignus esset, quam expectavit ex eo, quod auditoribus suis oneri non fuisset, 1. Thess. II, 9. Nec ulla profectò ministrum Ecclesiæ magis dedecet cura, quàm ea, quæ de rebus temporalibus & augendis facultatibus suscipitur, quæque nullis unquam proventibus & redditibus, quantumvis haud exiguis, expletur.

XXIX. Sed redimus ad Canonistas, ut ab eis discamus, quæ sint negocia illa secularia dedecentia facras personas. Hic verò non minus illis aqva hæret, atque in explicandis quæstibus sordidis, quos à Clericis similiter remotos esse cupiunt. In Concilio Mogundino I, quod anno Domini DCCCXLVII, habitum fuit, cap. 13. quasi per indicem se-

quentia hæc recensentur. *Multa sunt negocia secularia, de quibus tamen pauca perstrinximus: ad quæ pertinet omnis libido, non solum immunditia carnis, sed etiam in omni carnali concupiscentia, quicquid plus iusto appetit homo, turpe lucrum, munera iniuste accipere, vel etiam dare pro aliquo seculari, cum quæstu pretio aliquem conducere; consensiones & lites vel rixas amare, in placitis secularibus disputare, excepta defensione orphanorum aut viduarum; conductores aut procuratores esse secularium rerum, turpis verbi vel salti joculatorem esse, vel jocum secularem diligere, alcas amare, ornamentum inconueniens proposito suo quærere, in deliciis vivere velle, gulam & ebrietatem sequi, pondere iniusta vel mensuras habere, negocium iniustum exercere, --- canes & aves sequi ad venandum, in commestationibus & vinolentiis nimis incumbere, supersuitatem in quibuslibet rebus nolle fugere. Quæ omnia ministris altaris interdiximus hortantes eos servare illud Apostolicum: Nemo militans DEO, implicat se negotiis secularibus, &c. Refertur in Decretalibus Gregorij IX, c. 1. X. ne Clerici vel monachi, &c. Pleraque ista, quæ hic recensentur, talia sunt, ut non Ecclesiasticas tantum personas, sed omnes etiam Christianos dedecent. At nobis imprimis cura est de illis, quæ Clericos tantum dedecent, non Christianos reliquos quippe, quæ*

specialiter ab Apostolo videntur prohibita. Est enim quod omnino generaliter omnibus non licet: est item, quod aliis licet, & aliis non licet: & est, quod aliquando licet, & aliquando non licet. ut ait Hilarius Diaconus Romanus, Autor quæstionum Veteris & novi Test. Augustino vulgò sed falso adscriptarum, c. 127.

XXX. Aliam descriptionem, sed generalem nimis & parum sufficientem proponit *Ἐκκλῆσιαστικὰ* Melchiales, cuius fragmentum recenset Gratianus *dist. 88. c. 1.* Verba integra ex ejus epistola de primitiv. *Eccles. & munif. Constantini*, ita habent: *Quæ autem sint negotia secularia, sancti Canones manifestant & inibent, dum perspicue docent: Quod quidam, qui in Clero videntur electi propter lucra turpia conductores alienarum possessionum fiant, & secularia negotia sub cura sua recipiant, Domini quidem ministerium parvi pendentes, per secularium vero domos discurrantes, & propter avaritiam patrimoniorum sollicitudinem sumentes. Decevit namque supra dicta sancta synodus, nullum deinceps Clericum aut possessiones conducere aut negotiis secularibus se miscere, nisi propter curam pupillarum & orphanorum ac viduarum, aut si forte Episcopus civitatis Ecclesiasticarum rerum sollicitudinem habere præcipiat.* Nicænæ Synodo decretum istud adscribit Pseudo Melchiales, quod tamen uno omnium consensu

post Melchialis obitum habitum fuit. Sed & ipse totus contextus in Chalcedonensi demum concilio, quod longè posterius est, constructus invenitur, totidemque verbis legitur, canone ejus concilii secundo. Ipsa verò negotiorum secularium descriptio admodum imperfecta est, neque explere desideria avidi Lectoris potest. Nec videtur talis aliqua dari posse, quæ infinitum negotiorum istorum numerum comprehendere, & quasi in tabula eorum qualitatem exponere queat. Quotidiè novæ nascuntur figuræ, & nunquam antea visæ species, quæ omnem etiam accuratissimi Dialectici industriam superant atque eludunt. Contingitque hic idem, quod legislatoribus, quia leges ita scribi non possunt, ut omnes casus, qui quandoque inciderint, comprehendantur, sed sufficit ea, quæ plerumque accidunt, contineri, notante Juliano in l. 10. ff. de legib. Ut igitur in hoc genere aliquid proficiamus, videnda erunt in specie aliqua artificia, inter seculares nullo dedecore affecta, sed personis Ecclesiasticis parum honesta, & statui Clericali minùs convenientia. Quorum exemplo de aliis similibus idem deinceps fieri poterit judicium.

XXXI. Præcipua omnium tractatio est de negotiatione, utrum & quatenus ea personis Ecclesiasticis permitti debeat. Juris Canonici placita si consu-

confulas, severe eam interdictam. Invenies, *c. consequens, c. negotiatorem, cum quatuor seqq. dist. 88. c. 6. X. ne Cler. vel monachi sec. neg. c. clerici & c. canonum 14. q. 14.* quibus in locis non amissio tantum privilegiorum Clericalium, per quæ aliàs vetigalium præstationi Clerici propter res suas obnoxii non sunt, *c. 4. de censib. in 6.* Sed etiam remotio ab officio, & ipsa denique excommunicationis poena decernitur. In Concilio Eliberino anno Christi CCCV statutum fuit, *ne Episcopi presbyteri, & diaconi de locis suis negociandi causâ discedant, nec circumeuntes provincias, quas tuas sectentur nundinas.* Et in Concilio Aurelianensi III anno DXL, *Ne in exercendis negociis turpis lucri cupiditate versentur, sicut publici negotiatores, qui ad populares pensam observant.* Alia plura summo studio collegit Rhenus à Valle in perquam erudito opusculo, quod inscripsit Hipparchum, *de religioso negotiatore §. 3. num. 30. seqq.*

XXXII. In iure civili & legibus Imperatorum nulla talis prohibitio extat, nisi, quod anno CCCCLII à Valentiniano III novellâ 12. constitutum fuit: *Jubemus, ut Clerici nihil prorsus negotiationis exercent. Si velint negotiari, sciant, se iudicibus subditos Clericorum privilegio non muniri.* Sed ista novella Corpori juris à Justiniano Imperatore collecto inserta non est, Ante ista tem-

pore negotiationem aliquam Clericis permissam fuisse, argumento sunt tot constitutiones, quæ de immunitatibus Clericorum negotiantium in Codice Theodosiano adhuc extant, quæ ipsæ tamen immunitates ab eodem Imperatore modo ampliatæ modo restrictæ fuerunt. Admodum varius hîc fuit Imperator Constantius. Is enim anno CCCXLIH illis tantum clericis, qui alimoniam seu victus causâ negotiationem exercent, à lustrali collatione immunitatem concessit, *in l. 8. C. Th. de Episc.* Idem is anno CCCXLVI immunitatem illam ad Clericos universos extensam voluit, quod videret, & præsumeret, omnem exmercaturâ eorum collectum quantum in pauperes dispensari, *l. 10. C. eod.* Anno CCCLVII idem Constantius Copias tantum, h. e. qui circa pium defunctorum & sepultura officium occupati erant, immunes esse iussit, reliquis omnibus etiam Clericis *ἐμπροχόν βίον* sectantibus ad lustralem collationem adactis, *l. 1. C. Th. de lustral. collat.* Anno eodem circa finem mutavit sententiam, & in gratiam pauperum, quibus Clericorum negotiatio profutura esset, privilegium id universis Clericis restituit in *l. 14. C. Th. de Episc.* quæ secunda est in Codice Justiniano *eod. tit.* Tandem anno CCCCLX rediit ad primum suum institutum, neque alios à collatione istâ exemptos esse

voluit, præterquam eos, qui exiguis ad modum mercimoniis tenuem sibi victum, vestitumque conquirunt. in l. 15. C. Th. de Episc.

XXXIII. Qui secutus fuit, Imperator Valens anno CCCLXIV Clericos omnes, quos Christianorum nomine intellectos voluit, ad necessitatem pensationis adhibere, iussit, l. 5. C. Th. de lustral. coll. quia, si verus, inquit, est eorum cultus, i. e. si veri sunt Clerici, adjuvare pauperes & in necessitatibus positos tenentur. At hæc ipsa ratio fvasit Constantio, ut contrarium statueret, d. l. 10. & l. 14. C. Th. de Episc. Ex quo optimè observat Jacobus Gothofreus ad d. l. 5. eandem rationem pro rerum statu momentum facere posse ad diversa, quandoquidem Clericis modicam adhuc negotiationem exercentibus, aut commodum suum & lucrum proprium non quærentibus, sed in pauperum usûs provenientem quæstum vertentibus, ratio illa facere potuit, ut à lustrali collatione immunes haberentur. Sed postquam diversa planè deinceps sectari cõpissent Clerici, & per negotiationem suis præcipuè emolumentis studere intendissent, ratio illa, quæ immunitatem antehac fvasit, vires suas perdidit, & iisdem oneribus, quibus reliqui negotiatores omnes tenerentur, etiam Clericos tales subijci debere, contrario planè effectu principes induxit. Post annos quindecim,

qui fuit à nato Christo trecentessimus septuagesimus nonus, Gratianus Imperator in l. 11. C. Th. de lustral. collat. certum posuit modum, intra quem Clerici negotiantes immunes essent à lustrali collatione, in Illyrico nempe & Italiâ intra decem solidos, in Galliis intra quindecim, quod scil. ditiores essent Clerici in Italiâ & Illyrico, quàm in Galliis. Arcadius tandem Imperator anno CCCXCIX, speciali constitutione in l. 16. C. Th. de lustr. collat. mandavit, ut negotiatores Clerici alterutrum eligerent, vel ut negotiationi valedicentes Religioni servirent, vel ut negotiantes à Clericatu discederent, atque sic lustralem collationem agnoscerent, additâ eleganti hæc ratione, quod distincta sint stipendia religionis & calliditatis.

XXXIV. Ex quibus omnibus hoc conficitur, jure civili non omninò improbatam fuisse negotiationem Clericorum, dum tamen intra modum se contineret, & specialem, vel sui tantum victûs & vestitûs, vel etiam pauperum alimoniam, finem intenderet. Neque hic ulla à jure Canonico statui poterit discrepantia, quandoquidem, qui supra adducti sunt Canones, eam tantum negotiationem Clericis prohibent, quæ lucrum pro fine ultimo habet, privatis usibus applicandum. Et Concilium Eliberinum canonem supra adducto hæc addit verba: Si voluerint nego-

negotio-

negotari, intra provinciam negotien-
tur, tacite innuens, talem negocia-
tionem, quæ intra provincie fines
se continet, Clerico minus esse tur-
pem, dum præsertim, quod ex jure
civili supplendum est, ea fiat, vel al-
limonia tantum causâ, vel ut omnis
inde proveniens quæstus in paupe-
res erogetur. Talis enim finis & sco-
pus nisi negotiationem Clericorum
honestaverit, nulla ejus omnino vi-
detur antiquo jure Canonico facta
concessio. Quin puto ego, cano-
nes nonnullos *Ἀγορίων* omnem
prohibuisse negotiationem, etiam
eam quæ in pauperum gratiam insti-
tuebatur, ne sub colore isto priva-
tum magis intenderetur lucrum, si
præsertim tantum suppeteret ex Ec-
clesiæ redditibus, ut pauperibus alen-
dis satis prospectum esset. Ea verò,
quæ inopie propriæ sublevandæ &
victus causa suscipitur, prohiberi
nunquam potuit, cum satius sit labo-
re manuum egetati subvenire, quàm
mendicare.

XXXV. Sanè *αγορεύειν* Ec-
clesiasticorum suo jam tempore h. e.
seculo quinto acerrimè perstrinxit.
Severus Sulpitius l. i. *sacr. bist. Tan-*
in, inquit, hoc tempore animos eorum
habendi cupido veluti tabes incescit: in-
biant possessionibus, prædia excolunt,
aurò incubant, emunt, venduntque;
quæstui per omnia student: at si quæ
meliora propositi videntur, neg. possi-
dentes, neg. negociantes, quod est mul-

to turpius, sedentes munera expectant;
atq. omne vita decus mercede corru-
ptum habent, dum quasi venalem præ-
ferunt sanctitatem, &c. Et verò quis
nescit, avaritiâ tam familiare Cle-
ricis esse vitium; ut proverbio ma-
teriam ministraverit? Huic ve-
rò nulla potior, quàm per mercatu-
ram, dari poterit occasio, quâ suas
exserere queat vires. Illa ergò si
personis Ecclesiasticis permittenda
fuerit, dubium non est, plurima aliâ
animos earum occupatura esse vitia;
quibus irrecti isti, tantum abest ut
monstrare viam ad salutem alijs
queant, ut potius immensum ex se
scandalum præbeant, & cæco impe-
tu in exitium æternum præcipientes
ruant ipsi.

XXXVI. In actis Concilii Chal-
cedonensis, *actione 10.* inter capita
accusationis, quibus presbyteri E-
desse Ibam Episcopum & fratrem e-
jus Daniele detulerunt, parum ho-
norifica fit mentio diaconi cuiusdam
negociatoris. Verba hæc sunt: *Duo-*
decimo Abrahamus fuit quidam dia-
conus. Hic Apantica erat nostra Eccle-
sia, diversis negociabatur temporibus;
Primitus pauper & nihil ferè habens;
ex nostrâ Ecclesiâ multas & innumeras
res habuit, quæ pro veritate erant no-
stræ Ecclesiæ, &c. Non dubito, Abra-
hamium hunc eundem fuisse, cujus
mentio fit sub num. 4. quod malefici
cuiusdam amicus fuerit, & ex Ibæ in-
stituto Episcopus Batenorum civita-
tis

tis ordinari debuerit, sed prohibitus ab Archidiacono, Xenodochus deinceps extiterit, cum tamen excommunicationis vinculo innodatus fuerit. Et hoc innuit fortasse vocabulum barbarum, *Apantia*. Caterum hoc inter vicia ejus notatur, quod per mercaturam ex paupere dives factus fuerit.

XXXVII. Est enim verò negociatio, si in se aut ex objecto, aut etiam ratione adjunctorum necessariorum consideretur, res non absolute mala cum etiam in Scripturis plurimalia piorum hominum, qui negotiationibus operam dederunt, occurrant exempla. Neque augmentum precii, quod venditor, rem à se emtam venum exponens, ab emtore poscit, injustum semper est, cum utique tales subinde incidere possint circumstantiæ, quæ augmento illi causam dent, neque justitiæ limites excedere faciant. Uti enim rectè observat Dominicus Soto *lib. 6. de just. & jur. q. 2. art. 2. concl. 4.* justus titulus vendendi carius non est fundandus in personam vendentem, præcisè spectatâ quasi mercator, quia mercaturam agit, possit carius vendere quam alii, qui mercatores non sunt, si contingat, ut idem vendant; sed titulus vendendi carius, quicumque demum sit venditor fundandus est in mutatione circumstantiarum, penes quas justum precium variari & crescere potest. *Conf. Franzk. Exercit. 11. quæst. 3.*

XXXVIII. Quia verò negociatio res est periculis maxime exposita, & cui difficile est evitare peccatum, cum humani ingenii ea sit indoles & natura, ut, quod semel appetit, vehementer cupiat, & nihil non expeririatur, quod ad propositum finem consequendum facere, quoquo modo videtur, ex quo mercatorum genus maxima sæpè audit vituperia. Vid. Guilielm. Redoan. *de spol. Eccles. q. 2. n. 1.* merito prohibentur Clerici, quorum conditio & status ex speciali sanctitate insigniri debet, in istud inutilium desideriorum & curarum profundum sese committere. Est enim lucrum ex negotiatione quæsitum justum & honestum esse queat, si in se & abstractivè consideretur; turpe tamen fieri id potest in concreto respectu certi cujusdam status aut certæ personæ, quia ei non convenit. Hoc est scilicet. quod ait Augustinus apud Gratianum *c. 9. dist. 88. Fornicari hominibus semper non licet, negociari verò aliquando licet, aliquando non licet, antequam enim Ecclesiasticus quis sit, licet ei negociari, factum jam non licet.* Igitur quam turpe est, & ab ejus statu dissentaneum, personam sacram avaritiæ morbo laborare, tam turpe & ab ejus statu dissentaneum est, negociari, cum negociatio avaritiam acuat, eamque vegetiorem indies efficiat. Proptereaque constans Patrum sententia est, longè facilius esse, augendæ rei cupiditatem à se prorsus abjicere,

cere, omnib; sibi interdicendo, quam illam temperare eiq; modum ponere.

XXXIX. In jure Canonico *dist. 88. c. ejiciens*, adducuntur quædam verba Chrysostomi descriptionem negociatoris continentia. *Ostendam*, inquit, *quis non est negociator, ut qui talis non fuerit, eum intelligas esse negociatorem. Quicumq; rem comparat, non ut ita integram, & immutatam vendat, sed ut materia sibi sit inde aliquid operandi, ille non est negociator. Qui verò rem comparat, ut integram & immutatam vendendo lucretur, ille est mercator, qui de templo DEI ejicitur, &c.* Occasione hujus dicti triplicem facit negotiationem Renatus à Valle in *Hipparch. n. 71.* Primò *simplicem*, quæ emuntur necessaria aut venduntur, superflua, eamque dicit latissimè ita vocari, & contradistingvi lucrativæ; Secundò *lucrativam strictè acceptam*, quæ res non mutata nec in aliam formam redacta venditur, quam propriissimè & strictissimè negotiationem esse dicit: Tertiò *lucrativam laxiore significatu*, quæ res emta mutatur in aliam formam vel statum meliorem, & carius venditur ad quæstum faciendum.

XL. Prima species Clericis haudquæquam indecora est, quandoquidem ea quam proximè ad permutationem accedit, per quam primum & simplicissimum inter homines initu fuit commercium. Quia enim plerumq; evenit, ut cum tu habes, quod

ego desidero, invicem ego habeam, quod tu accipere velis, electa est materia, cujus publica & perpetua æstimatio difficultatibus permutationu æqualitate quantitatis subveniret, uti loquitur Paulus *Ictus in l. i. ff. de contr. empt.* Ad eundem igitur modum etiam sacris personis vitio vendendum non est, sicubi ad conservandam vitam emanat quæ sunt necessaria, & vicissim vendant, quæ sunt superflua. Hætenus enim nullum tale ab ipsis intenditur lucrum, quo augeri possent facultates, sed unice id agitur, ut necessitatibus succurratur, & humanæ inopiz. Nec fortè contractum hunc emtionis & venditionis inirent, si permutationibus rem expedire liceret, aut alio modo indigentiam suam explere possent. Quod igitur naturalissimum quasi est inter homines commercium, id Clericis ut minùs decorum dene-gari non potest.

XLI. Tertiam speciem itidem indecoram non esse, nec Clericis interdici posse, constans est Doctorum sententia. Joh. Gutierrez *trist. de gabell. q. 93. n. 47. seq.* Camill. Borell. *decis. 7. n. 68.* Claud. Tutius *allegat. 14. n. 3. 4.* Gulielm. Redoan. *de spol. Eccles. q. 2. n. 36.* Benvenut. Stracha *de mercatur. p. 3. n. 5.* De hac specie dum agit Conradus Summenhart *de contractib. tr. 3. q. 52.* dupliciter eam dicit exerceri posse, primò si quis tales res vendat, quarum valor

D d

totus

totus est ex artificio, ut si ex materiâ quasi nullius precii operetur aliquod artificiale: sicut sunt mattæ vel storiæ, quæ fiunt ex juncis à sterno dicta, eò quod sternuntur super terram, & fiscellæ & sportulæ, quæ fiunt ex viminibus. Secundò si tales res vendit, quarum valor non totus est ex artificio, sed etiam partim ex materia: ut si quis emat asseres, ut ex eis faciat arcam, & sic eam vendat, vel pergamentum, ut faciat librum & scribat, & scriptum vendat. Nobis in hoc themate ista non videtur attendi debere distinctio, sed illa potiùs, utrum tale artificium vel operosum nimis sit & valde anxium, vel peccatis, aut etiam foridibus obnoxium. Sic enim ad cauponariam aut macellariam tabernam admittere nolim Diaconum, ut eam exerceat, nec ut arma, aut taxillos & aleas fabricet. Et si enim ubique hic forma mutetur, circumstantiæ tamen ita afficiunt rem, ut totum artificium probrosum & minus conveniens sit personæ Ecclesiasticæ.

XLII. Species media sive secunda jam diu Clericis fuit interdicta, quæ tamen prohibitio omnium consensus suas admittit exceptiones. Tempore enim necessitatis, & ubi deficiunt alimenta, eam rectè clericis permittunt Joh. Bapt. Costa, *remed. subfid.* 73. Sigism. Scaccia *de commerc.* §. 1. q. 7. part. 2. ampl. 11. n. 7. dum tamen per eam proprius non

studeant divitiis, sed vel necessariæ sustentationi familiæ suæ, vel pauperum indigentia *arg. c. gloria, 12. q. 2.* Vid. constitutiones Imperatoriarum supra adductæ. Add. Gulielm. Redoan. *de spol. Eccles.* quæst. 2. per tot. Et sub his circumstantiis facile assentiri possum Ludovico Molinæ, *tr. 2. disp. 342.* contendenti, licere Clericis in Brasiliâ aut Indiâ Orientali Ecclesiam plantantibus merces in Europam, ubi plus valent, mittere, & illic cariùs vendere, ut inde habere & repetere possint alia sibi necessaria & ad rem peragendam utilia. Conf. Alphons. de Vargas *de Strategem. Jesuit.* cap. 5. Renat à Valle in *Hipparch.* n. 89. Verendum tamen est, ne, quod sapissimè contingere solet, lucri capiendi intentio negotiationem illam degenerare faciat, in pessimam *καπηλίας*, idemque accidat, quod de suo seculo conquiritur Hieronymus, *epist. ad Rusticum monach.* Plerique, inquit, Clerici artibus & negotiationibus pristinis carere cum nunquam possint, mutatis nominibus insistorum eadem exercent commercia, non villum & vestitum, quod Apostolus præcipit, sed majora quam seculi homines emolumenta sectantes. Nunc sub religionis titulo exercentur injusta compendia, & honor nominis Christiani fraudem magis facit, quam patitur. Quodque pudet dicere, sed necesse est, ut saltem ad nostrum erubescamus dedecus, publice

bliscè extendentes manus, pannis aurum tegimus, & contra omnium opinionem plenis sacculis morimur divites, qui quasi pauperes viximus.

XLIII. Tabernam autem cauponiam habere Clericis ab antiquis temporibus fuit interdictum, quod vile admodum, & propter vitia adhærentia nullatenus conveniens statui Ecclesiastico id videretur commercium. Sed nec ingredi quidem cauponas nisi peregrinationis necessitate compulsis licebat, uti statutum canone Apost. 5.4. *Si quis Clericus in caupona comedens deprehensus fuerit, segregetur, praterquam, si in publico diversorio in via propter necessitatem diverterit.* Rationem, ibi reddit Zonaras: *Nam, inquit, cum promiscuè confluant in cauponam & inhonesti viri & inhonestæ mulieres, qui cum talibus conversatur, eorum turpitudinis expertus non erit.* Eodem modo in concilio Laodiceno c. 24. constitutum legitur: *Quod non oportet sacramentum à presbytero usque ad Diaconum & deinceps quolibet Ecclesiastici ordinis usque ad ministros vel Lectores, vel Cantores vel Exorcistas, vel Osarios vel ordinis monachorum in cauponam ingredi.* Atque inde à majori ad minus argumentum duxit Concilium in Trullo habitum, quod quinisextum vulgò dicitur, ut can. 9. statueret: *Nulli licere Clerico cauponiam habere tabernam. Si enim ei in caupo-*

*nam ingredi non est permissum, quanto magis & aliis in eâ ministrare, & ea, quæ non licet, ipsi trahere. Si quid autem tale fecerit, vel cesset vel deponatur, apud Gratianum dist. 44. c. 4. Uterque & Balsamon & Zonaras canonem hunc interpretantur, de Clerico cauponiam mercaturam exercente, non de eo, qui officinam cauponiam in dominio habet, & eam alijs elocat. Hoc enim non putant esse prohibitum. Et rationem addit Zonaras, quia turpe est, atque ab ordinis dignitate vehementer alienum, exercendæ cauponæ clericum præsidere, excipiendis hominibus, apponendis ferculis præsto esse, pincernæque quodammodo operari ac ministeria hospitibus exhibere. Ego nolim dissentire, si caupona, quam Clericus habet in dominio, non voluptatis sed necessitatis causa, ut hospitio repentino recipiantur viatores, uti dicitur in l. 6. §. 3. ff. *nav. caup. stab.* exerceatur. Sed quia hodiè tabernæ plerumque sunt loca & fomenta intemperantiæ & incontinentiæ, vixerit, ut excusari Clericus possit, etsi per alios cauponam exerceat.*

XLIV. Sanè jam diu est, cum pessimè audiunt tabernæ, & tabernarii inter vilissima capita habiti fuerunt, eò potissimum quod ut plurimum lenocinium exercerent alterius negotiationis accessione l. 4.

S. 2. ff. de his qui not. inf. l. 43. §. 9. ff. de R. N. l. fin. C. si mancip. ita ven. Tertullianus eos furibus & aliis sceleratis hominibus jungit *lib. de fug. in persecut. circa fin.* dum ait: Nescio dolendum an erubescendum sit, cum in matricibus beneficiariorum & curioforum, inter tabernarios, & lanios, & fures balnearum, & aleones & lenones Christiani quoque vestigales continentur. Ad quem locum videri poterit Nicolaus Rigaltius. Similiter scenicis, vilibus & abjectis personis, atque lenonibus eos æquiparat Constantinus Imp. in *l. 1. C. de natural. libb.* Unde & injuriam inferre dicitur, qui filium aut servum alterius licet consentientem in popinam duxerit. *l. 26. ff. de injur.* Inde est quoque, quod jure Romano Viri honesti æque in popinâ conspici vererentur, atque in lupanaribus, *l. 21. §. 11. ff. de recept. arb.* Immo verò apud Græcos etiam mancipiis honestioribus pudor erat intrare cauponas, quod dièrte testatur Iſocrates in *Areopagiticâ*: In cauponâ, inquit, edere aut bibere nemo ne frugi quidem servus audebat. Quocirca, ut evitarentur spurca illa in ganeis & cauponis consortia, privata solebat olim inter amicos dari & peti hospitia, datis scil. utrinque tesseris hospitalibus de quibus videri poterit Taubmannus ad *Plauti Penul. act. 5. sc. 1.* Ant. Mornacius ad *l. 1. ff. natur. camp. stab.* Christoph. Justell.

ad Cod. can. Eccles. univers. pag. 231. Tanta ergo cum sit cauponarum infamia, quam prolixius perstringunt Jacobus Gothofredus ad *l. 1. Cod. Theodof. ad L. Jul. de adulter.* Ludovicus à Peguera *decis. 44.* num putabimus, per publicum hoc dedecus versari posse Clericum sine dedecore, ut maximè per familiares suos cauponiam artem exerceat, aut aliis elocet? Certè culpâ non caret, qui alteri delinquendi occasionem præbet.

XLV. Est etiam negotiationis species, possessionum conductio, quæ & ipsa Clericis interdicta est. Agit eâ de re Concilium Chalcedonense *cap. 3.* apud Gratian. *dist. 86. can. ult.* Pervenit ad sanctam Synodum, quod quidam eorum, qui in Clero cooptati sunt, propter turpe lucrum alienarum possessionum conductores fiant, & secularia negocia exercent, Dei quidem ministerium negligentes, secularium verò domos discurrentes, & saculatum eorum per avaritiam curam suscipientes. Desinit ergo sancta & magna Synodus, neminem deinceps nec Episcopum, nec clericum nec monachum vel possessiones conducere, vel secularibus negotiorum administrationibus se ipsum miscere, &c. Sic & in Concilio Carthaginiensi *l. c. 6.* statutum fuit: Clerici aut sint sine actionibus domorum, aut actores sine officio Clericorum. Actores hic dicuntur.

dicuntur, qui sunt administratores, procuratores, & conomi, &c. Vid. Lindenbrog, in gloss. Hieron, Bignon, ad Marculf. form. lib. 1. c. 11, Et in Concilio Carthaginensi IV, a. 15. decretum fuit, ut Episcopi & presbyteri & diaconi vel Clerici non sint conductores neque procuratores, neque ullo turpi vel in honesto negotio vicium quaerant. apud Gratian. c. credo, & c. placuit 21. q. 3. Concordat Novella Justiniani. 123. cap. 6.

XLVI. Repetenda tamen hic est eadem exceptio, quam supra circa emtionem & venditionem adjecimus. Nempe non licere clerico conducere possessiones, nisi id fiat causa necessitatis, quando scil. non habet, unde alimenta capere possit. Petr. Nic. Mozzius de contralt. tit. de locat. conduct. art. de his qui poss. loc. in fin. Guilielm. Redoan. de Spol. Eccles. q. 2. n. 11. & ex praediis atque redditibus Ecclesiae tantum non colligitur, ut se suamque familiam sustentare queat. Prosp. Farinac. in fragm. crim. part. 1. verb. Clericus n. 163. Videtur vero Justinianus Imp. d. novell. 123. c. 6. laxiorem Clericis circa conductiones praediorum dedisse potestatem. Primum rationem reddit, propter quam regulariter abstinere debeant Clerici ab ejusmodi conductionibus, ne, inquit per hanc occasionem & sanctis domibus damnum fiat, & sacra ministeria impe-

diantur. Ultima haec ratio negligentiam redarguit Clericorum, prior illa eorundem avaritiam, quae scil. ut ex praediis conductis auctiora capiuntur emolumenta, ipsos etiam Ecclesiae redditus non sine ejus detrimento impendere solent. Deinde addit Imperator: *Si autem Ecclesiis aut monasteriis possessiones quaedam adjacentes inveniantur, & voluerint dispensatores ipsarum venerabilium domorum in conductionem aut emphyteusin has accipere, tunc omnibus Clericis & monachis pro his causis in ipso instrumento sub gestis monumentorum consentientibus & manifestantibus pro utilitate venerabilium domorum hoc fieri: talem conductionem & emphyteusin procedere sinimus. Sed etiam ipsis sanctissimis ecclesiis & aliis venerabilibus domibus damus licentiam conductiones & emphyteuses facere adinvicem: & Clericis similiter propriarum Ecclesiarum possessiones conducere & gubernare, cum voluntas tamen Episcopi & Oeconomi permitimus, &c. De dispensatoribus Ecclesiarum aut venerabilium domorum, quibus conducendi facit licentiam, meminisse oportet ex can. 26. Concilii Calchedonensis, eos fieri debuisse ex Clero proprio. Et sic clericis conducere licuit possessiones Ecclesiis suis vicinas, non aliter tamen, nisi praevia aliquâ causae cognitione, & in utilitatem non propriam cujusque, sed totius Ecclesiae.*

XLVII. Ratio istorum omnium est ne Clerici secularibus negociis intenti, ministerium suum negligant, & *ως το συζημων, & εν εσθδεν το κυριον απροσπαδως*, 1. *Cor. VII, 35.* ut decenter & aptè adhaerant Domino absq. ullà distractione. Triplex lectio occurrit in Codicibus Græcis, nempe *εν εσθδεν, εν παρδεν, εν εσθδεν*. Singula illa indicant, voluisse Apostolum tantum esse oportere Clerici in ministeriis Ecclesiæ assiduitatem ut decorè semper intersit, assideatque divinis, neque unquam abstrahatur à domino. Vis est in dictione *απροσπαδως*. Significat enim iuge nec interpellandum intercalandumne ministerium. Anton. Mornac. *ad l. 52. C. de Episc. & Cler.* & uti ibi loquitur Justinianus, ut omnibus aliis derelictis Dei omnipotentis ministeriis inhæreant, cum sacris vacare sacerdotes oporteat, ex pronuntiato Pauli, *l. 32. §. 4. ff. de recept. arb.*

XLVIII. Ex generali illà ratione, quā Clerici prohibentur sacra negligere ministeria atque officia, plurima alia eis interdiciuntur, quibus negligentia talis causari queat. Tale est munus advocati & procuratoris, *c. 1. & 2. X. ne Cler. vel monach. Novell. Leonis 86.* quo pertinet Decretum Synodale Johannes Xiphilini, quod habetur *lib. 3. jur. Græco-Rom. p. m. 214.* Ejus prohibitionis adhuc aliam rationem reddit Fran-

ciscus Duarenus *tit. de procurat. c. 4.* quod iudex Laicus, si quid fortè deliquerint Clerici advocati, non possit eos coercere. Adhuc aliam refert Justinus Imp. in *l. 41. C. de Episc. & Cler.* quia absurdum est Clericis, imò etiam opprobriosum, si peritos se velint ostendere disceptationum esse forensium. Sine dubio tamen prima illa ratio prævalet. Unde & ex epistolâ Clementis primâ tale refert fragmentum Gratianus *11. q. 1. c. Te quidem oportet irreprehensibiliter vivere, & summo studio niti, ut omnes vice huius occupationes abjicias: ne fidejussor existas, ne advocatus litium fias, neve in ullâ aliquâ occupatione prorsus inveniaris mundialis officii occasione perplexus, neque enim iudicem neque cognitorem secularium negotiorum hodiè te ordinare vult Christus: ne præsocatus presentibus hominum curis non possis verbo DEI vacare. hac verò opera, quæ tibi congruere minus diximus, exhibeant sibi invicem vacantes Laici: & te nemo occupet ab his studiis per. quæ sua salus hominibus datur.* Insuper etiam ex Innocentii I, *epist. 4. c. 3.* & ejusdem *epist. 24. c. 2. & 4.* patet, non potuisse ad clerum promoveri, qui causas egerant & in forensi exercitatione versati fuerant. Quantos, inquit, ex eis, qui post acceptam baptismi gratiam in forensi exercitatione versati sunt, & obtinendi pertinaciam susceperunt, accitos ad sacerdoti-

ura esse comperimus? — quorum omnium neminem, ne ad societatem quidem ordinis Clericorum oportuerat pervenisse, &c.

XLIX. Has sententias opponit Claudius Espenæus lib. 2. digress. c. 9. Gratiano, distinctionem inter canonicos regulares & clericos facienti. Postquam enim is c. un. 15. q. 2. decretum concilii Terraconensis retulisset, quo Clerici pro impensis patrocinii munera accipere prohibiti fuerant, hanc suam mox addidit. *Παραρτηρ.* Hoc, inquit, de illis intelligendum est, quia canonicam vitam professi regulariter se victuros proposuerunt. Generali namque Ecclesia consuetudine receptum est, & moribus approbatum ut Clerici more advocatorum patrocinia impendant, & pro impendis suscipiant. Hæc verò Gratiani glossa parum placet Espenæo, qui repositis illis ex Clementis & Innocentii epistolis, quæ recensuimus, hæc subnectit verba: *Eat Gratianus & Clericos salvis suis canonibus patet ebore & foro, altaribus & tribunalibus operari posse, simul in templis sacra & in curiis profana tractare, hoc est, juxta verbum Domini diversissimis duobus dominis servire & adbarere.* Add. Anton. Dadin. Alteserra ad c. 2. X. de postul.

L. Resic autem observat Espenæus d. l. jure Canonico noviore in quibusdam casibus permittum esse

Clericis postulare. Tale decretum ex Concilio Lateranensi sub Alexandro III, recensetur c. 1. X. de postuland. Clerici in subdiaconatu & supra, in ordinibus quoque minoribus, stipendiis Ecclesiasticis sustententur coram seculari judice advocati in negotiis secularibus fieri non presumant, nisi propriam causam vel Ecclesie sue fuerint prosecuti, aut pro miserabilibus forte personis, quæ proprias causas administrare non possunt. Simile quid refertur ibid. c. 3. Rationem reddit Johannes Baptista Vivianus ibid. quia cum quis postulat pro se, vel pro sua Ecclesia, aut miserabilibus personis, non potest notari aliqua lucri cupiditas, neque pars adversa potest reputari à Clerico advocante offensa, cum hi casus pertineant ad defensionem, quæ est juris naturalis. Et quia dictum cap. 1. conceptum est de Clericis, qui stipendiis Ecclesiasticis sustentantur, non male insert inde Stephanus Gratianus *discept. forens. cap. 57. n. 22. seqq.* posse Clericum si non habeat, unde vivat, absque dispensatione in curia seculari postulare, etiam si causa in enumeratis exceptionibus non fuerit comprehensa. Ratio est, quia si id licet ei pro pauperibus & miserabilibus personis, ut illarum necessitati subveniat, multo magis illi erit licitum & honestum, ut propriæ necessitati & egestati consulat, cum ordinata charitas incipiat à se ipsa. August.

August. Barbosa ad d. c. 1. Ant. Ben-
geus & Franc. Pinsson. de benef. rubr.
de viz. & honest. Cler. §. 3. Anton.
Mornac. ad l. 17. C. de Episc. & Cler.

LL. Cæterum inter sententias syn-
odales Lucæ Patriarchæ Constanti-
nopolitani, quæ in lib. 3. juris Græco-
Rom. à Joh. Leunclavio collectæ
sunt, sub num. 11. extat disputatio inter
diaconum quendam & dictum
Patriarcham de hac materiâ: *Utrum*
scil. & quousq. Advocati partes susci-
pere possit Clericus, quam totam hîc
adscribere non videtur alienum.
Diaconus quidam à felici memoria
patriarchæ domino Luca commemo-
ratis canonibus reliquisque legulatio-
nibus utente, advocatum agere ali-
quando prohibitus, coram Imperato-
rio tribunali, præsentè patriarchâ di-
xit, canones illos atq. leges in hodiernis
advocatis non habere locum, sed in
illius temporis advocatis, qui in civili-
bus judiciis stationes habebant, Impe-
riales frumentarias tesseras accipie-
bant, sub primiceriis erant, atque à
mundanis magistratibus confirmaban-
tur, quo tempore omnino rectè Clerici
mundanis advocatorum officiis fungi
prohibebantur. At quoniam, qui ho-
diè advocati sunt tanquam liberalem
aliquam artem advocationem exer-
cent, neque sacri ordinis homines in ju-
re patrocinari impediri debere. Et ser-
monem suum adstruens non actionem
sed modum à canonibus puniri, causa-
batur. Non solum enim inquit Clerici,

verum etiam Episcopi pro amicis in
jure certantes veniam consequuntur,
neque qui in controversiâ rei Ecclesia-
stica patrocinium præstant, notabun-
tur quemadmodum ipsum etiam jus
hoc evidenter docet. Ut autem Cleri-
cus quemadmodum mundani officiales
advocatum agat, & à Laico confirme-
tur, odiosum est atque puniatur. — Hac
cum dixisset, applausumq. ipsi esset,
etiam à patriarcha patrocinari, ut an-
tea, permissum illi est. Videtur diaco-
nus ille doctior fuisse ipso Patriar-
châ. Sophistam enim egregiè agit
& committit fallaciam secundum
non causam ut causam. Non enim
ideò Clerici prohibentur esse advoca-
ti, quia à magistratu civili confir-
mari debuerunt, sed quia per ejus-
modi patrocinium impeditur mini-
sterium Ecclesiasticum, quæ ratio
perpetua est, & adhuc durat. Sed
pergimus ad alia.

LII. Utrum Clericus iudex esse
possit, nullum hodiè inter Canoni-
stas est dubium, ne quidem si de se-
culari negotio inter Laicos discepta-
tio orta fuerit, postquam ipsi Impe-
ratores judicia talia confirmarunt, &
sancta haberi voluerunt. Olim ta-
men Principum aut dominorum se-
cularium jurisdictionem exercere,
aut seculares honores obtinere eis
non licuit. c. 4. & §. X. ne cler. vel
mon. & generaliter neque iudices,
neque cognitores secularium nego-
ciorum esse poterant, c. te quidem.

n. q. i. Nec defunt, qui putant, rectius adhuc facturos principes, si Clericos abstinere iusserint causarum civilium cognitione, nec frustra Nicephorum Calistum c. 13. Juliani Apostatae dolum redarguisse, quod eos, qui in clerum cooptati fuerant, Senatorum muneri praefecisset, & diverso autem rectè laudari ab eodem Silvanum Episcopum Trojanum, quod neminem è clero judicare permiserit, sed supplicantium libellos uni ex fidelibus Laicis, quem iusti & æqui studiosum sciret, tradere cognoscendique munus committere solitus fuerit. Vid. Bengue & Pinsfon. d. l. §. 4. & 5. Sed materia hæc specialem exigit tractationem, exiguis aliquot pagellis vix comprehendendam, & proinde in aliud tempus differendam.

LIII. De tutela & curâ pupillorum & minorum disquirunt, utrum suscipere & gerere eam liceat Clericis, eò quod inter opera pietatis atque charitatis referatur tale officium. *dist. 87. per tot.* Utraque enim & tutela & cura sanctissima & sacris literis laudata res est, & tam publicè quam privatim utilis, ut tùm quidem pueri, in quibus seminarium civitatis est, rectè educuntur, tùm verò hi, qui parentibus orbi sunt, ab aliis tanquam parentibus secundum principia naturalia regantur ac defendantur. At charitatis hæc & pietatis opera quam maximè decent Cleri-

cum, cujus proprium hoc videtur munus, ut miserabilibus personis subveniat & auxilium præstet. Et, nihilominus tamen in concilio statutum refert Cyprianus apud Gratianum c. *Cyprianus 21. q. 3.* ne quis Clericum testamento tutorem det, propterea scilicet quia tutela multo cum onere conjuncta est, & sacrum ministerium frequenter impedire solet. Jam pridem, inquit, Concilio Episcoporum est statutum, ne quis de Clericis & DEI ministris tutorem ac Curatorem testamenti suo nominaverit, quandoquidem singuli divino sacerdotio honorati & in Clericorum ministerio constituti non nisi altari & sacrificiis deservire & precibus atque orationibus vacare debeant. --- quod Episcopi & antecessores nostri religiosè considerantes, & salubriter providentes consueverunt, ne quis decedens ad tutelam vel curam clericum nominaret, ac si quis hoc fecisset, non offerretur pro eo, nec sacrificium pro dormitione ejus celebraretur. neque enim ante altare DEI merentur nominari in sacerdotum prece, qui ab altari sacerdotes & ministros volunt avocare. Sola hic testamentaria tutela prohibita est, potissimum ex eâ ratione, quia, cum ab omnibus Clericorum persone propter exuberantem in eis fidem, eligi soleant, quibus facultates defunctorum committantur, nemo non eos liberis suis tutores dare supersedebit, & sic numero tutelarum Clerici

E f facile

facile obtrahuntur, & in alia omnia extra ministerium suum distrahentur. A tutelis autem aliis Clerici eo tempore immunes nondum erant.

LIV. Discretè excipitur tutela legitima in Concilio Chalcedonensi can. 3. *Definit sancta & magna Synodus, neminem deinceps nec Episcopum nec Clericum nec monachum vel possessiones vel res conducere, vel secularibus possessionum administrationibus seipsum ingerere: nisi utique ex lege ad inexcusabilem impuberum tutelam vocetur.* *εἰς ἀπαράτητον Παιτέα*, h. e. ad inevitabilem tutelam, quæ nullam omnino deprecationem aut excusationem admittit, nec declinat ullâ ratione potest, nisi causa allegata iusta & in iure approbata sit. Ex quo conficio, ad tutelam legitimam suscipiendam cogi potuisse Clericum, non minus atque alium quemvis, cui iure cognationis hoc onus incumbit. Et sic etiam ad canonem istum notat Zonaras: *Sed hæc ipsa*, inquit, *tutoris Curatorisve munia tum demum subeant, cum ea legibus suscipere necessario coguntur, non ea sibi ultrò ipsi deposcant atque appetant.*

LV. Post Concilii Chalcedonensis tempora Justinianus Imp. in l. 52. *C. de Episc. & cler.* ab omni tutelâ, si ve testamentaria ea fuerit, si ve legitima, si ve dativa, immunitatem Clericis concessit, & uti Guido Pancirollus *thes. var. lect. lib. 2, c. 66.* no-

tat, constitutionem in l. 6. *C. eod.* insigniter ampliavit. *Generaliter*, inquit, *sancimus, omnes viros reverendissimos, Episcopos, nec non presbyteros, diaconos & subdiaconos, & præcipuè monachos (licet non sunt Clerici) immunitatem ipso jure omnes habere tutela, si ve testamentaria, si ve legitima, si ve dativa: & non solum tutela eos esse experies, sed etiam cura, non solum pupillorum & adultorum, sed & furiosi, & muti, & surdi & aliarum personarum, quibus tutores vel curatores à veteribus legibus dantur. Eos tamen Clericos & monachos hujusmodi habere beneficium sancimus, qui apud sacrosanctas Ecclesias, vel monasteria permanent non divagantes, neque circa divina ministeria desides, cum propter hoc ipsum beneficium eis indulgeamus, ut omnibus aliis derelictis Dei omnipotentis ministeriis inhaereant, & hoc non solum in vetere Roma, vel in hac regiâ civitate, sed & in omni terrâ, ubicumq; Christianorum nomen colitur, obtinere sancimus. Constitutio hæc Leoni Augusto ascribitur à Gratiano c. *generaliter* 16. q. 1. sed perperam, uti notat Conradus Rittershusius ad novell. part. 8. c. 1. n. 8. ubi sub num. 7. ita explicat eam, Clericos, si nollent, cogi non potuisse tutelâ suscipere; licuissè tamen per hanc legem eis immunitate sibi concessâ non uti; & si vellent, tutelam etiam testamentariam, ac dativam, non minus quàm legitimam subire.*

LVI. Post aliquod temporis intervallum idem Justinianus Imp. in *novell. 123. c. 5.* Episcopis & monachis legem hanc posuit, ut ne volentes quidem ad tutelam admitterentur; presbyteris autem, diaconis, & subdiaconis permittit, ut si vellent, tutelam legitimam subire, ipsis hoc liberum esset & licitum. *proprio*, inquit, *& solo gradu cognationis ad tutelam & curam vocatis*, hujusmodi suscipere administrationem permittimus. Per consequens in reliquis tutelæ speciebus hoc eis permissum non est. Sed nec trahi debuit susceptio tutelæ legitimæ in exemplum, ut si forte alia similis obveniat tutela, eam necessario subire teneatur diaconus, nec excusare se à posteriore illâ ulterius queat. Et quia de presbyteris, diaconis & subdiaconis tantum concepti sunt Canones atque leges, non infundè inde colligunt nonnulli, Clericos eos, qui in sacris non sunt constituti, invitos ad tutelam cogi posse. Vid. Joh. Gutierrez *de tutel. & cur. part. 1. c. 1. n. 26.* Anton. Piagg. *de tut. & cur. q. 3. n. 1. 2. 3.*

LVII. Post Justiniani ævum videtur indistinctè prohibitum fuisse, ne monachi & Clerici tutorum officium susciperent. Fidem ejus rei facit novella Leonis 68, quæ de vocabulo tutoris, quatenus alia nova ejus significatio introducta est, novam hanc instituit disquisitionem; Utrum Clerici, qui tutelæ propriè ita dictæ

munus suscipere prohibiti olim fuerunt, etiam prohibeantur esse tutores novo significatu, quo *πίστορος* seu tutores dicebantur, executores testamentorum? Eam quæstionem ita decidit Leo Philosophus Imp. ut universis Clericis tutelam generaliter interdictam, sed hanc executionem nullibi prohibitam pronunciet. *Peteribus quidem*, inquit, *legislatoribus*, quum ut simile veri est, uniformis & simplex tunc temporis tutela esset, itaque soli qui pupillorum tuitionem susciperent, tutorum nomine censentur, edicere visum est, ne monachi, aut quoscunque sacer ordo devotos habet, tutorum officio fungantur. *ἡ δὲ δόξα ἐστὶν ὅτι οἱ κληρικοὶ καὶ ἄλλοι*. Quæ verba generaliter concepta sunt, & de universo Clericorum ordine accipi possunt. Sanè etiam Episcopos aliquando tutelam suscipere potuisse, contra quam voluit Justinianus Imp. patet ex capitularibus Ludovici *add. 3. n. 24.* ubi constitutum legitur: *Si episcopus, presbyter, diaconus, subdiaconus ad tutelam vel curationem vocentur, tantum minus administrationis in hoc conceditur suscipere.*

LVIII. Ex quibus patet, diversimode circa tutelam se habuisse jus constitutum, & ut plurimum eas fuisse prohibitas. Et certè quidem id rectè, uti loquitur Leo *d. novell. 68.* Intellexerunt enim, qui divino ministerio consecrati sunt, hos ab externarum rerum occupationibus &

molestiis liberos esse oportere. Quantum autem alendorum aliquique regendorum puerorum cura hominum animos distrahat, utque Deum debite colere non possint, impeditur, nemo ignorat. Quum itaque non exigua difficultas isti rei insit, ac præcipue propter temporis diuturnitatem, tota enim plerumque vita tutores laboriosis istis curis irretiti tenentur, rectè istud illi decretum promulgarunt, &c. Nec obstat, quod dicitur *c. ult. dist. 68. & c. 1. dist. 38.* oportere clericos pupillorum & orphanorum curam suscipere. Id enim accipiendum est largè pro quâdam protectione, non pro curâ & tutelâ specificâ atque formatâ, uti rectè annotat Joh. Bapt. Bartholinus ad Lancell. Instit. lib. 2. tit. 20. §. *personalis immunitas.*

LIX. Quæ diximus hæcenus, suscipere possunt ad inductionem faciendam, nihil omnino à Clericis suscipi aut expediri posse, quod sacrum ministerium impediatur aut sufflaminetur, cum nec dissimile quidem dari possit exemplum. Et eadem hæc ratio facit, quod nec militiæ quidem munia capeßere valeat, cum & militia & Clericatus totum hominem requirant, & ex militiæ impedimentis haud rarò etiam ministerii Ecclesiastici impedimenta deduci soleant. Nec sola tamen hæc est ratio, quæ Clericos à militia seculari excludat; sed præsto sunt aliæ urgentiores, in primis, quod incompatibilia planè

sint, esse militem, & simul esse ministrum Ecclesiæ. Notatu digna est historia Philippi Episcopi Beluacensis apud Guilielmum Neubrigensem *l. 5. c. 30.* Imò verò adeò exhorruit Ecclesiæ armorum usum & effusionem sanguinis, ut non tantum sententiam sanguinis Clerico proferre vel dictare prorsus interdixit, sed etiam ne literas quidem pro vindictâ sanguinis scribere, & nec chirurgiam, per aduersionem vel incisionem, exercere permiserit. *c. 5. & 9. X. ne Cler. vel mon. c. 10. X. de excess. Prælat.* Conf. Petri Blesensis elegantem *epist. 42.* quam scripsit adversus Robertum Cameracensem Episcopum, & add. quæ prolixius de hoc argumento diximus in *dissert. Canon. de Episcopo - milite.*

LX. Omitto alia, quæ, si omnia specialiter enumerari deberent, vereor, ne memoriam effugerent, & præter necessitatè paginas excrescere facerent. Potius nunc est, ut quid maxime decent Clericum, & in quibus præcipue vita ejus occupata esse debeat, primis quasi lineis describamus. Imò verò sufficienter id jam descriptum est in Concilio Toletano IV, cujus *can. 24.* adducit Gratianus *c. 1. dist. 38.* his verbis: *Ignorantia mater cunctorum errorum, maxime sacerdotibus DEI vitanda est, qui docendi officium in populo DEI suscepérunt. Sacerdotes legere sanctas admonentur Scripturas, Paulo Apostolo dicente ad Timotheum: Attende lectioni & exhortationi doctrina, & semper permane in his.*

Sciatis

Sciunt ergo Sacerdotes sanctas Scripturas & canones, & omne opus eorum in predicatione & doctrinâ consistat: atque adficient cunctos tam fidei scientiâ, quam operum disciplinâ. Idem Gratianus c. si quis dist. 36. refert verba Hieronymi, quibus inserta legitur ista sententia: Hac duo sunt Pontificis opera, ut aut à DEO discat legendo scripturas divinas & sapius meditando, aut populum doceat, sed illa doceat, quæ à DEO ipse didicerit, non ex proprio corde vel humano sensu, sed quæ Spiritus S. docet. Quibus verbis totum vitæ genus ministris Ecclesiæ condecens quasi in compendio describitur, consistere scilicet illud in discendo & docendo. Et rectè hinc canone antecedente præmittit Gratianus, non sufficere prælati bonam conversationem, & morum honestatem, nisi addatur scientia doctrinæ. Cum verò ex variis disciplinarum figuris, & multarum rerum tractatione comparetur scientia, quatenus in illis versari liceat Diaconis, operæ precium erit, extremis quasi digitis attingere.

LXI. Theologiz studium maxime necessarium esse Clericis, & proprium quasi eorum elementum existere, nemo negabit, opinor. Unde enim cultum DEI, & DEVM ipsum cognoscet, qui cultui isti operam suam addixit, nisi per studium tale in Scripturis? Et si autem unusquisque fidelium id intendere quam

maximè debeat, ut quæ de DEO, & vero ejus cultu in Scripturis revelata sunt, cognita habeat; quia tamen non omnes sunt, nec esse possunt. Doctores 1. Cor. XII, 29. non omnibus etiam tam accuratum, ut Doctoribus, incumbit studium, nec ab omnibus tam accurata exigitur scientia. Optimè Augustinus l. 14. de Trin. c. 1. dum verba Apostoli, alii datur sermo scientiæ, exponit, huic scientiæ tribuit illud, quo fides saluberrima, quæ advenit beatitudinem ducit, gignitur, nutritur, defenditur, roboratur. Quæ scientiâ, inquit, non pollent fideles plurimi, quamvis polleant ipsa fide plurimum. Aliud est enim, scire tantummodo, quid homo credere debeat propter adipiscendam vitam beatam, quæ non nisi æterna est: aliud autem scire, quemadmodum hoc ipsum & piis opitulectur, & contra impios defendatur. Quam proprio appellare vocabulo scientiam videtur Apostolus.

LXII. Sed in hoc studio plurimi abusûs & ignominiam irrepererunt, quæ integritatem ejus & sanctitatem pessimè corruptunt, quæque proinde ab omnibus ejus Sæcutoribus vitari quam maximè debent. Primum est, quod scribendi, scripturasque explicandi ratio, quæ ab initio simplex, aperta & succincta, apud Christianos fuit, brevi immutata est, & subtilitatis ornamentorumque humanorum sordes contra-

xit. Graviter idipsum queritur Gregorius Nazianzenus: Fuit quondam tempus, cum res nostra florent, ac præclare se haberent, cum nimirum superflua hac & verborum lepore atq; arte fucata tractanda Theologia ratio ad divinas causas ne aditum quidem habebat: Verum idem erant calculi ludere inverfionis celeritate aspectum falentibus, aut omnigenis & lascivis corporis flexibus spectatores ludificari, quod novi quidpiam & curiosi de DEO vel dicere vel audire. Simplex contra ingenuaq; oratio atq; doctrina existimabatur. At postquam Sexti & Pyrrhones & contradicendi libidine incitata lingua, velut gravis quidam, ac malignus morbus in Ecclesias nostras infeliciter obrepfit, quodq; Actorum liber de Atheniensibus narrat, ad nihil aliud vocamus, quam ad novi aliquid dicendum vel audiendum, o quis Hieremias confusionem nostram caliginemq; deplombit, qui solus lamentationes calamitatis ex æquare novit?

LXIII. Pertinent huc inanes illæ, & inficetæ haud raro atque temerariæ disputationes, quibus interpretes Magistri sententiarum, quos Scholasticos vulgo vocamus, per ociosas, superfluas & inextricabiles quæstiones sanctam & puram Theologiam pessimè contaminarunt, imò sordidis verbis simul & sententiis conspurcârunt. Jamdiu monuit Johannes Gerfon, Cancellarius Parisiensis Vir doctissimus, ne trahen-

tur ita communiter doctrinæ inutilis sine fructu & soliditate, quoniam, ait, per eas doctrinæ ad salutem necessariæ, & utiles deferantur. Nesciunt necessaria, quia supervacua didicerunt, inquit Seneca. Secundò, per eas Studentes seducuntur, quia scilicet putant, illos principaliter esse Theologos, quoniam talibus se dant spectatâ Bibliâ & aliis Doctoribus. III. Per eas termini à sanctis Patribus usitati transmutantur, contra illud Augustini: Nobis ad certam regulam loqui fas est. Et non sequitur velocior scientia alicujus corruptio, quam per hæc. IV. Per eas Theologi ab aliis Facultatibus irridentur. Nam ideo appellantur phantastici, & dicuntur nihil scire de solida veritate, & moralibus & Bibliâ. V. Per eas via errorum multiplices aperiuntur: quia enim loquuntur & fingunt sibi ad placitum terminos, quos alii Doctores & Magistri non intelligunt, nec intelligere cunct, dicunt incredibilia & absurdissima, quæ ex suis absurdis fictionibus deducunt, sequi. VI. Per eas Ecclesia & fides neg, intus neg, foris edificantur. VII. Per eas multi ex Theologis tam activè quam passivè scandalizantur. Nam alii rudes vocantur ab aliis, & alii contra curiosi & phantastici, &c. Similia habet Georgius Wicelius in viâ regii passim. Scholasticam enim Theologiam maximis abusibus involutam negare nequeunt Pontificii recentiores, Melchior Canus Episcopus Canariensis l. 8.

Loi.

Loc. Theol. c. 1. & lib. 9. c. 1. Dominicus Soto præfat. in libb. de nat. & genat. Alfonsi Salmero comm. in histor. Evangel. prolog. q. quinq. 1. can. 15. Gabr. Vazquez disp. 3. in 1. part. Thom. c. 3. Leonh. Marius prolegom. in S. Script. q. 8. sect. 3. n. 10. Cornel. Muslus Episcopus Bitontinus in Epist. ad Rom. c. 6. pag. 279.

LXIV. Secundus abusus inter studiosos Theologiæ notari potest iste, quod è præposterâ lēgē prodi-
re soleant ad præproperam praxin, adolescentuli adhuc, & ex musteâ ætate vix egressi divinoque, quod suscipiunt, ministerio parum apti. Hinc adeo videbis sæpenumero & audies oratores valdè jejunos, ridiculos, mysteria divina inconsideratè & ineptè proponentes, & crudè adhuc studia juvenili impetu in ambonem atqve suggestum protrudentes. Pudore suffusus sum, ait in apologetico Gregorius Nazianzenus, in multis, qui cum ceteris nibilo sint meliores, imò præclarè cum illis agitur, si non multo sint deteriores, illotus se, quod dicitur, manibus, ac profanis nec initiatis mentibus rebus sacris ingerunt: & anteqvam digni sint, qui Templâ adeant, thronum ambiunt Episcopalem. Trudunt, obtrudunt, & impellunt se ad mensam sacram, ac si persuasum haberent, esse hunc ordinem non virtutis typum sed ad victum comparatam rationem: nec ministerium nationi reddenda obnoxium, sed

imperium absolutum, nec subjectum, ratiocinio, suntq; sæpè numero plures, quàm sint, quibus præficiantur. Qvoad pietatem miseri; qvoad claritudinem infelices, adeo, ut quod mihi videtur, progressu temporis & augesciente malo, nemo planè relinquatur, quibus præfissi possint, cum singuli doceant, singuli prophetent, ita ut etiam Saul inter Prophetas habeatur.

LXV. Tertium in hoc studio vitium est, quod tam crebræ & inexplicabiles, ex leviculâ sæpè causâ, inter Theologos excitentur contentiones, atqve dissidia. Suas propositiones, non satis consideratè haud rarò expositas, unusquisque, ne errasse videatur, mordicus defendit, alter istum ad palinodiam adigere, aut schismatis & hæreseos notam inurere haud veretur. Nam illico solent hoc terrere fulmine, etiam in re nullius momenti, si cui sunt parum propitii. Istiusmodi rixis, convitiis, obrectationibus, sycophantiis, technis, mendaciis, depravationibus, quid aliud efficitur, nisi quod labefactatur ipsorū autoritas, quam oportebat esse gravissimam, inficiuntur auditorum & Lectorum animi, quos oportebat ad pietatem excitari, discinditur Christiana concordia, sine qua Chsistiani non sumus. Ex his litigiis tristi ut plurimum eventu experimur, quam facile sit rixas excitare inter fratres, quam sit difficile excitatas sedare. Sed præstat, Cū-

την καμάρην μὴ κινῆν, & divino numini Ecclesiam tot hæresibus undique afflictam committere. Ipse conservabit eandem inter plurimas hæse procellas incolumem.

LXVI. Quod studium jurisprudentiæ attinet, statuerat Alexander III Pontifex in Concilio Turonensi, religionis non esse permittendum, si extra claustra sua degere & leges civiles addiscere velint. Verba integra habentur in append. ad Concil. Lateran. III. *part. 27. c. 2. tom. 3. Concil.* & referuntur *c. 3. X. ne cler. vel mon.* Eam constitutionem latius extendit Honorius III Pontifex ad Archidiaconos, Decanos, plebanos, præpositos, cantores & alios Clericos personatos habentes, nec non ad presbyteros *c. ult. X. ne clerici vel monachi*. Rationem reddit ipse Pontifex, ut Theologiæ studium ampliatur, h. e. ut Clerici Theologiæ magis incumbant, quippe quæ necessaria magis est ad muneris sui functionem. Non effugere hæc suâ constitutione potuit Pontifex acrem Odofredi Beneventani censuram, qui scribit, Honorium non aliter ac vulpem fecisse, quæ cum uvas proceræ cuiusdam vitis decerpere diu frustra conata esset, tandem eas contempsit ac damnavit, quod sibi acerbiores viderentur, tacite hoc apologo notans ignorantiam juris in Pontifice, uti refert Franciscus Durenus, *de sacr. Eccles. ministr. lib. 4. c.*

2. qui id tamen de Pontifice asserere religioni ducit, eumque sequitur Claudius Espenceus *lib. 2. digress. c. 9.*

LXVII. Sed ab hæc Pontificis prohibitionem plurimos excipiunt Canonistæ, quibus hanc legem dictam non fuisse contendunt. Et primum quidem excipiunt eos, qui in camerâ & domi suæ juri Cæsareo operam dant, ut eo melius Canonica decreta intelligant. Augustin. Barbosa *ad c. ult. X. ne cler. vel mon.* Joh. Honor. van Axel *ad eund. tit. n. 10.* At si hæc solida fuerit ratio prohibitionis, ut Theologiæ studium magis excolatur, exceptio illa parum firma erit. Neque probare inde possum praxin curiæ Romanæ, quæ attestante Goffredo de Trano *in summ. huj. tit.* excipit beneficium, quod habet annexam curam animarum, & tali beneficiato permittit studium jurisprudentiæ. Quasi verò cura animarum studium Theologiæ ita intensum non exigeret. Et ipse tamen Bonifacius VIII Pontifex similiter eos, qui parochiales Ecclesias habent, exceptos voluit *c. 1. cod. in 6.* Rationem ejus constitutionis admodum jejunam reddit Joh. Bapt. Vivianus, quia rectores parochialium dignitatem non habeant, ac si in dignitate fundata esset prohibitio Honorii. Deinde excipiunt Canonistæ etiam docentes, quod Constitutio Pontificia tantum de discipulis agat,

gat, & vetitum nullibi sit, Clericos docere jurisprudentiam. Barbosa *d. l. H. Zoel. ad eund. tit. n. 4.* At verò non alia est ratio in docentibus, quàm in discipulis & audientibus, quin videtur ea haud paulo urgentior in docentibus, quòd ab illis studium magis accuratum & multo solidius exigatur.

LXVIII. Caterùm, quia utrumque studium, Theologicum & juridicum, totum hominem requirit, & Clericus in illo occupatissimus esse debet, non videtur inepta ratio prohibitionis, quam adducit Pontifex. Et ut maximè statuas, prima saltem jurisprudentiæ rudimenta à Clericis addisci debere, ne omninò rudes atque imperiti rerum quotidiè occurrentium existant, vereor ego, ne ea superficialis cognitio plus detrimenti afferat Reip. dum illi negocia humana accuratè distinguere nescientes, alienum sæpenumero & in diversa abeuntem sibi formabunt conceptum, acerrimè eum defensuri, si contradictorem invenerint. Ut taceam, admodum difficilem & periculosum esse terminorum & vocabulorum juridicorum usum, nisi quis probè in illis exercitatus fuerit. Latine loquuntur JCti omnes, nec inficetè aut barbarè, sed ita, ut singulari interpretatione opus sit, quam frustra expectabis à Grammaticis, etiam πολυπλησταίσι. Atque hinc ego asserere vix ausim, ex primis ju-

ris rudimentis tantum proficere posse Theologum, ut judicare deinceps de negociis quotidiè occurrentibus nullis cujusquam adminiculis queat. Ut proinde satius sit abstinere ab arte istà, quàm inepto usu eam dehoneſtare & prostituere.

LXIX. De Medicinà idem quod de jurisprudentià statuunt nonnulli, eadem scil. ratione & sub iisdem exceptionibus Clericis eam esse prohibitam. Quod enim de physica dicitur in dictis constitutionibus, id de medicinà interpretatur Carolus Antonius Thesaurus, *præx. Eccles. part. 2. verb. Studia cap. 2. in pr.* Neque id sit refragante textu, quippe qui in *d. c. 3. X. ne cler. vel mon.* disertè mentionem facit confessionù physicalium, hoc est, medicamentorum. Olim enim non ita distincta erant, uti nunc sunt, munera medentium & praparantium pharmaca, ipsis etiam medicis domi pharmaca conscientibus. Dn. Conring de *Hermet. medic. cap. 21.* Et certè si firma & valida est ratio Pontificis, ideò scil. prohiberi debere jurisprudentiæ studium, ut eo magis Theologiæ studium à Clericis excolatur, firma etiam erit illa & valida quoad medicam Facultatem, quippe à quâ haud pauciora, & fortè multo plura impedimenta metuenda sunt, cum & delectet studium istud, & utile sit atque proficuum. Id autem, quod delectat, animum hominis plerumque occupat, & ad se

etiam repugnantem trahit. In genere autem statuunt Doctores, non licere Clericis medicare h. e. praxin, medicam exercere, nisi gratis, aut pro miserabilibus personis, aut pro confangvineis, quin neque in horum gratiam licere ubi aliquod imminet periculum. Guil. Redoan. *de spol. q. 2. n. 92.* Prosp. Farinac. *fugment. Crim. part. 1. verb. Clericus n. 210.*

LXX. De arte chirurgicâ expressi habentur textus in *c. pen. X. ne cler. vel mon. C. 19. X. de homicid.* exerceri eam per aduersionem vel incisionem à Clerico non posse. In ratione indagandâ curiosus est Panormitanus *ad d. c. pen. num. 21.* eamq; statuit triplicem, 1. Propter periculum erroris, quod ei arti inest, 2. Propter lubricum conscientia, 3. Propter dubium curationis eventum. Quibus addit quartam, quod sit officium seculare, & quintam, quod Clerici debeant esse medici animarum, non corporum. Nulla harum rationum satis apta videtur. Priores enim tres æquè applicari possunt, quibusvis aliis personis, ut concludi hinc posset, nemini omnino Chirurgiam discere & exercere licere. Quarta firmiter non concludit, cum non omnè officium seculare prohibitum nec prohiberi possit Clericis. Et quinta animam & corpus, ut incompatibilia temerè opponit. Mihi ratio, quæ ex textu elicitur, videtur

intentioni Pontificis convenientissima, ideò scil. ab arte chirurgicâ abstinere debere Clericos, quia aduersionis & incisionis sanguinem provocat, à cuius effusione procul esse iubentur clerici. Anton. Mornac. *ad l. 6. §. 7. ff. de offic. Prasf.* Sed & hanc rationem non esse universalem nec perpetuam, ostendunt tot exceptiones, quas faciunt Canonistæ, uti videre licet apud Nicolaum Rodriguez Fermo. *lin. ad c. 7. X. de etas. C. qual. ordin.* Stephan. de Avila *de censur. part. 7. disp. 6. sect. 1. dub. 10.* Nobis ratio prohibitionis omnium optima videtur generalis ista, quod propter Theologiæ studium plus habeat Clericus, quod agat, quàm ut alii rei incumbere queat. Quæ tamen ratio non excludit casum necessitatis & charitatis.

LXXI. Philosophiam multum conferre ad Theologiæ studium notius est, quàm ut operose demonstrari debeat. Nec negari tamen potest, per abusum ejus maxima sæpè religioni Christianæ oborta fuisse mala. Nec enim temerè & sine ratione in Philosophorum autoritatem invehitur Tertullianus, quando eos mancipēs vocat sapientiæ, ac non nisi conjecturis, suspicionibus, perplexiloquiis egisse contendit, quosque proinde Patriarchas hæreticorum, & alibi gloriarum animalia vocat. Nec multum abluunt Patres alii, qui peripateticam etiam philosophiam

phiam non adeò bonis elogiis commendant. Idque vel ex solo Justino Philosopho & Martyre liquet, cujus ἀνατροπὴ δογματῶν ἡνῶν Ἀριστοτελικῶν, hodieque extat, in qua Stagiritam μηδὲν ἀληθεύειν, καθ' ὧν διέταλτο διορίσασθαι περὶ γυμνασίου diserte scribit, quod nihil veri de rebus, quas sibi definiendas sumserit, in libris acroamaticis afferat. Nec aliter statuérunt Theologi Parisienses, qui circa id tempus quo Sorbone Collegium institutum est, Aristotelis physicos & metaphysicos libros prorsus damnarunt, uti ex Rogeri Bachonis Franciscani manuscripto refert, Joannes Seldenus *de jur. nat. & gent. lib. 1. cap. 2.*

LXXII. Vicissim verò maximè laudata fuit ab aliis sanior philosophia. Clemens Alexandrinus *lib. 1. Stromat.* divinam sapientiam i. e. Christum, & philosophiam rationis humanæ opus ita inter se confert, ut illam Soli, fonti lucis, hanc autem, lucernæ vel lampadi, quarum ratio ab hominibus Solem æmulatis excogitata est, comparet. Et certè philosophos multa ab Hebræis didicisse, indeque disciplinas suas condidisse, atque ex lumine naturæ stricturas atque leges addidisse plurimis exemplis comprobatur Seldenus *d. 1. Legis ipsi per Mosem datæ, ac rituum tum alibi nonnulla extant, tum apud Pythagoricos plurima, uti talia collegit Hugo Grotius de ver. rel. Christi. lib. 1.*

innov. Atque hinc philosophiam, nullatenus damnari debere, nec alienam imò utilem esse Christianis, docet Justus Lipsius *manduct. ad Stoic. philos. lib. 1. diff. 3.* Imò verò documenta pietatis Christianæ Græci Patres, maximè Chrysostomus, sæpè Φιλοσοφίας dixerunt, & per vitam καὶ Φιλοσοφίας intellectionem, voluerunt, vitam actam ex Dei mandato & timore. Nec refert, maximas hæreses à Philosophiis introductas esse, cum per philosophiam eadem sæpè oppressæ sint. Valentinus Platoniciæ philosophiæ Sectator oppugnaverat Ecclesiam, sed Justinus Philosophus & Irenæus itidem Philosophus defendit. Marcianus Stoicus Christianam impetijt veritatem; Sed Tertullianus Philosophus confectus, hostem. Celsus Philosophus universam Christi doctrinam non ferendis conviciis laceravit; sed Origenes melior philosophus illius blasphemias discussit. Casp. Barlaeus in *method. mor. p. 505.* quamquam, si verum fateri liceat, non tam ex philosophiâ, quam per philosophiam istæ victoriæ in rebus Theologicis partæ fuerint, & philosophia non tam principia, quam methodum argumentandi supeditaverit.

LXXIII. Ut maximè verò Philosophorum nonnulli inter gentiles elegantissimas morum regulas, aliaque Christianis principiis valde cognata dogmata proposuerint, nulla tamen

de eorum salute concipi tanta spes potest, quanta de illis, qui Christo nomen dederunt, & ex revelatâ Theologiâ fidem salvificam acceperunt. Imò quia extra Christianam Ecclesiam non est salus, nulla omnino de eorum, qui extra Ecclesiam sunt, salute concipi spes potest. Proficitur Erasmus, se sibi temperare vix posse, quin, cum legat quædam sanctæ & religiose à Socrate usurpata apud Platonem vel alios, exclamet: Sancte Socrates ora pro me, *in colloq. Religios.* De Ciceronis quoque animâ dubitat, ubi, aut quo modo nunc agat, *in præfat. quæst. Tusc.* Refert Balæus Colonienfes Theologos annuerasse Divis Aristotelem, & librum etiam typis vulgasse, cui titulum fecerint: *De salute Aristotelis.* Alium etiam librum eisdem illos scripsisse: *de vitâ & morte Aristotelis*, in cujus calce legeretur illud: Aristotelem sic fuisse Christi præcurforem in naturalibus, quemadmodum Baptista fuerit in iis, quæ ex gratiâ obveniunt. Sed & Clemens Alexandrinus Stromat. lib. 5. 6. 7. probatiores gentilium, uti Socratem & huic similes, cælo receptos censet, quod & statuit Justinus Martyr in utraq; apologiâ. Verum hæc sententia & à cæteris patribus olim, Augustini præsertim ætate, damnata fuit, & hodiè communi Theologorum iudicio improbat. Vid. Gerhard. Joh. Vossius, *in histor. Pelag. lib. 3. part. 3. n. 11.*

LXXIV. Non igitur eum in finem legenda sunt scripta gentilium phi-

losophica, ut inde, quæ ad salutem necessaria sunt, addiscantur, sed ut utilia, quæ in eis inveniuntur, ad usum sacræ eruditionis devotè vertantur. Cum enim ex divinis scripturis integram quis & firmam regulam veritatis susceperit, absurdum non erit, si aliquid etiam ex eruditione communi ac liberalibus studiis, quæ fortè etiam in pueritiâ attingit, ad assertionem veri dogmatis conferat. *c. relatum, in fin. dist. 37.* Add. Claud. Espenæus *tr. de profectu ex gentiliu librorum lectione percipiendi, in ejusd. oper. pag. 986.* Danhauer *in Theol. conscient. part. 2. dial. 3. q. 2.* Neq; ad literam, & prout verba sonant, accipiendum est, quod de seipso refert Hieronymus in epistolâ ad Eustochium, nobilem virginem, se scilicet, quod secularium literarû libros studiosius legeret, protractû fuisse ad tribunal Domini, ibiq; acriter cæsum acerbis ejus peccati pœnas dedisse. *Nec verò*, inquit, *sopor ille fuerat, aut vana somnia, quibus sæpè deludimur. Testis est tribunal illud, ante quod jacui, testis iudicium triste, quod timui. Ita mihi nunquam contingat in talem incidere quæstionem, live ntes fateor me habuisse scapulas, plagas sensisse post somnum, & tanto debinc studio divina legisse, quanto non ante mortalia legem, &c.* Sed enim ex iis quæ idem alibi dicit, apparet, nihil aliud fuisse istud, quàm infomnium & noctis ludibrium. Vid. Joh. Dallæus *de vero usu Patr. cap. 5. pag. 142.*

LXXV. Ut ad singulas disciplinas Philosophicas in specie descendamus, & cuiusque usum atque utilitatem describamus, necesse non est. Habet unaquæque, quod conferat, & quod emolumento esse possit, una tamen sæpè plus, quàm altera. Potissimas sibi partes vindicat Logica & Metaphysica. Nam, ut rectè monet Augustinus lib. 2. de doctr. Christ. cap. 34. *Quidam plerumque resinentes venam sententiam male se contemnunt* (h.e. contemptui se exponunt) *quia leges conclusionis ignorant.* Et paulo ante cap. 31. ita differt: *Dissipationis disciplina ad omnia generis questionum, quæ in literis sanctis sunt penetranda & dissolvenda, plurimum valet: tantum ibi cavenda est libido rixandi & puerili quædam ostentatio decipiendi adversarium, &c.* Sed nec metaphysicâ carere poterit Theologus. Quò enim ea generalior est doctrina, & terminos universaliores exponit, eò major ejus usus est & necessitas. Neque negari potest, esse eam sapientiam universalissimam de primis communissimis principiis ubique & in omni genere disciplinarum locum habentibus, de terminorum generalissimorum naturâ & proprietatibus, de distinctionibus universalibus passim occurrentibus, & de variis axiomatibus ad quasvis causarum figuras explicandas aptis. & ex hoc cognitu maximè necessariis.

LXXVI. In his studiis, quibus Theologia magis magisque excolitur, quotidiana versari debet Clericorum *παραύρετα*. Nec enim unquam satiari poterit cupiditas discendi, neque expleri animus divinis mysteriis intentus. Infinita est rerum erudito homini necessarium copia, & nemo est, qui non verum istud experitur Solonis: *μεδ-σσω αὐτὸν πᾶσι διδασκάλῳ.* Ut valdè mirer, reperiri quotidie inter sacrarum literarum Doctores, homines quosdam præposterâ eruditione imbutos, magnâ nimirum, mercede doctos nihil scire, crassâ Minervâ, sensu etiam vix communi, sed Deum immortalem, quàm cervicosâ arrogantia, quanto supercilio, quippe qui sibi unâ cum inani nomine consummatâ doctrinæ, & cui nihil omninò addi possit, falsissimam persuasionem induxerunt. Laudanda magis eorum indoles, qui, dum multa sciunt, plurima se nescire non profitentur tantum, sed etiam persvasum habent. Et hoc quàm maximè decet Clericos, quippe quorum studium tam amplum est, & tam abstrusum sæpè atque intricatum, ut unus hominis vita illi vix sufficiat. Cæterum quæ de Clericis in genere plerumque hæcenus diximus, universa ea Diaconorum ordini, de quo nostra hæc tractatio instituta fuit, applicare perquam facile est,

quippe qui clericorum nomine comprehenduntur. Novell. 123.

cap. 19.

LXXVII. In reliquâ vitâ ita se gerant diaconi, ut Ecclesiæ ministros decet. In conversatione maximè sibi temperent, ne promiscuè se familiares cuique faciant, neve moribus suis cuiquam offendiculo sint, sed mage ut vitâ doctrinæ respondeat. Non confundant opera sermonem tuum, ait Hieronymus *ad Nepot. epist. 2.* ne, cum in Ecclesiâ loqueris, tacitus quilibet respondeat, cur ergò hæc, quæ dicis, ipse non facis? Sanè quod de Philosophis contaminatæ vitæ dixit Seneca, *epist. 108.* id de ejusmodi Clericis non malè quis intelliget: Nullos pejus mereri de omnibus mortalibus iudico, quàm qui philosophiam velut ali-quod artificium venale didicerunt, qui aliter vivunt, quàm vivendum esse præcipiunt: exempla enim se ipsos inutilis disciplina circumferunt. Alibi, *epist. 6.* laudat exempla Philosophorum, quod plus vitæ instituto & moribus, quàm informatione in animis auditorum profecerint. Zenonem, inquit, Cleanthes non expressisset, si eum tantum audisset. Vitæ ejus interfuit secreta perpexit, observavit illum, an ex formulâ suâ viveret. Plato & Aristoteles & omnis in diversum itum sapientium turba plus ex moribus, quàm ex verbis Socratis traxit. Metrodorum & Hermachum & Poianum

magnos viros non schola Epicuri, sed contubernium fecit, &c.

LXXVIII. Inprimis verò sibi caveat Diaconus, ne cum perditæ vitæ hominibus nimiam contrahat familiaritatem, neve quotidiano eorum utatur consortio. Qui verè studiosus est honestatis & pietatis, ille cum piis & honestis conversatur, inhonestorum autem & infamium commercia vitat. Imitetur Gregorium & Basilium Athenis commorantes. Erant illi contubernales, commensales, concordēs, unum idemque spectantes. *Non cum perulantissimis quibusq; sodalium*, inquit Gregorius, *consuetudinem habebamus, sed cum modestissimis & temperantissimis, neque cum pugnacissimis, sed cum pacatissimis, & cum quibus conversari maximos fructus afferret: gnari videlicet, multo facilius vitium contrahi, quàm virtutem communicari, quemadmodum promissius quoque est morbo contagio affici, quàm remedium consequi, &c.* Fateor, non posse nec debere omne profligatorum hominum consortium à diacono evitari, cum utique ipsius officium sit, errantes in viam reducere, & monitionibus atque exemplis Deo eos lucrificare, ut pudore suffundantur atque convertantur. At enim longè alia hæc est conversatio, quàm familiaris illa, quàm interdiximus. Qui ita conversantur, ut moneant & arguant, & à peccatis retrahant, illi

mul-

nullam reprehensionem merentur; at familiariter talibus advescere, & arctiorem amicitiam contrahere ne-quo potest alius, nisi qui iisdem vitiis gaudet, eademque flagitia committere haut veretur. Conf. Danhauer *Theol. confcient. pars. 2. dial. 3. sect. 2. num. 4.*

LXXIX. In conviviis à crapulâ & ebrietate omnes Clerici diligenter abstineant, unde vinum sibi temperent & se vino. Nec ad bibendum quavispiam incitetur, cum ebrietas & mentis inducat exilium, & libidinis provocet incentivum. Unde prorsus abolendus est ille abusus, quo in quibusdam partibus ad potûs æquales se obligant potatotes; & ille iudicio talium plus laudatur, qui plures inebriat, & calices sæcundiores exhaurit. Sunt verba Innocentii III; in c. 14. X. de vit. & bon. cler. Tale certamen qui suscipiebant, ad pinnas bibere dicebantur, quemadmodum aves paribus pinnis, i. e. æqualiter expansis alis volitare solent. Ita in Synodo Londinensi an. MCII statutum legitur, ut presbyteri non eant ad potationes, nec ad pinnas bibant, apud Wilh. Malmesbur. l. i. de gest. Pontif. Angl. Nec verò quicquam magis dedecet personas Ecclesiasticas, quam ejusmodi compositiones, ubi conviva cogitur bibere, quantum præscribitur; & sibi quisque nocet, ut alterum in noxam pertrahat. Idem prohibitum olim

in Concilio Nannetenſi: Nullus presbyterorum quando ad anniversarium diem alienius defuncti, aut quâcumque vocatione ad collectam convenierit, se inebriare ullatenus præsumat: nec precatus amore sanctorum vel ipsius animæ bibere, aut alios ad bibendum cogere, vel se alienâ preceatione ingurgitare, nec plausus & risus incognitos & fabulas inanes ibi referre, aut cantare præsumat: aut turpia joca velurso vel tornatricibus ante se fieri patiatur, nec larvas demonum ante se ferri consentiat: quia hoc diabolicum est, & sacris canonibus prohibitum, apud Gratianum c. nullus dist. 44. & c. nullus de consecrat. dist. 5.

LXXX. In Concilio Laodiceno can. 55. statutum fuit, non licere saecratis & clericis sed neque Laicis ex collatione (ἐκ συμβολῆς), convivia peragere, cap. non oportet dist. 44. Symbolas ibi interpretatur Gratianus, quæ vulgus comessalia appellabat. Cænæ namque tum apud Græcos, tum apud Latinos aliæ fuerunt convivatoris sumptu apparatus atque instructæ; aliæ, in quas suam quisque partem conferebat. Has ἐράνους, illas εὐχάριστας appellant Græci. In ἐράνω id quod confertur à convivis, συμβολῶν Græci & Symbolam Latini nominant, usu capto vocabulo, collectam Latino & proprio. Tales cænæ symbolicae valde frequentes olim fuerunt inter Philosophos, uti ex multis AGellii locis colli-

colligere licet, in quibus variè de iu-
cundis quibusdam & lepidis quæ-
stionibus disserere solebant. Quæ
convivia si instituisent Clerici, & ex
professione suâ disquisitiones mo-
vissent, non puto, interdictio locum
fuisse, quod reprehendi illa omnino
nequeant. *c. convivia*, & *c. quando*
dist. 44. Postquam autem in his tem-
perantiæ finibus contineri non pos-
sent convivia Clericorum, sed idèò
symbolæ à pluribus conferrentur, ut
exquisitis epulis mentis instructæ es-
sent, & inde ebrietatis, voracitatis-
que ac aliorum criminum causa na-
sceretur, uti ad dictum canonem
Laodicenum commentatur Zona-
ras, *συμφορῆς* ejusmodi *δένια*
prohiberi omnino oportuit.

LXXXI. Obiter noto, in vetustis-
simis Christianorum conviviis, quæ
agapæ dicebantur, aliquam fuisse
Clericorum prærogativam & hono-
rem exemptionis, si credere oportet
Clementi Romano *lib. 2. Constitut.*
apost. c. 28. Verba ita habent: *Se-*
ponant in convivio Pastori; quod con-
suetum est, primitias dico illius epuli
tangquam sacerdoti, quamvis non ad-
sit in convivio, idque in honorem DEI,
qui ei sacerdotium mandavit. Quan-
tum verò cuique impertitur, altero
tanto plus diaconis impertiatur, ut sit
munus Christo. Presbyteris autem, si
assidue in studio docendi verbum DEI
laboraverint, seponatur dupla etiam
portio in gratiam Apostolorum, Chri-

sti, quorum locum tenent, tangquam
consilarii Episcopi, & Ecclesiæ corona.
Sunt enim Consilium & Senatus Ec-
clesiæ. Si autem & Lector est, in par-
tem unam in honorem Prophetarum
accipiat, item Cantor & janua custos,
&c. Ex his verbis colligit Nicolaus
le Maître *de bon. Eccles. lib. 2. cap. 10.*
presbyteros quadruplum ferè dia-
conorum accepisse, & septem, qui
tùm fuerunt, diaconos tantundem
sumsisse, quantum duo presbyteri.
Id verò ex verbis nunquam quis-
quam conficiet. Sed hæc videtur eo-
rum esse interpretatio, presbyteros
non minùs ac diaconos duplum ac-
cipere debere ejus portionis, quam
quivis alius accipit, idque ob spe-
cialem honorem, qui illis debetur.

LXXXII. Ad quid ergò, inquires,
duplum? An, ut ingurgitent se cibis,
& plenior ventris discendant? Hoc
verò præsumendum non est de illis,
qui temperantiæ regulas aliis præ-
scripserunt, & exemplo suo compro-
barunt. *Editur*, inquit Tertullianus
apolog. c. 39. quantum esurientes cu-
piunt, bibitur, quantum pudicis utile.
Et jam dixi, honoris ergò id factum
fuisse, ut in illis Christi atque Apo-
stolorum reverentia observaretur.
Nec ergò retinuisse videntur diaco-
ni atque presbyteri totum id, quod
sibi adpositum fuit, sed portione ali-
quâ detractâ reliquum restituérunt
sine dubio communi mentis aut pa-
trinæ. Quod enim putat Nicolaus le
Maître

Maistre d. l. Clericis & Sacerdotibus ad agapas solennes vocatis liberum fuisse, partes quasdam & Symbola ē conviviis auferre ac domum asportare; id ex verbis allegatis non colligitur. Etsi non negem, factum id aliquando fuisse per abusum, cui abrogando scriptus deinceps fuit in Concilio Laodiceno *canon 27.* his verbis: *Quod non oportet sacerdotes aut Clericos aut Laicos ad agapen vocatos, partes tollere, eō quod hinc Ecclesiastico ordini nominia inunatur.*

LXXXIII. Ceterum in eodem Concilio Laodiceno non prohibiti quidem fuerunt Clerici conviviis nuptialibus interesse, sed iussi tamen fuerunt discedere, quāprimū theatrales ludi, aut alia ejusmodi spectacula fieri cōpissent. Sic enim *canone 54.* statutum legitur: *Quod non oportet Sacerdotes aut Clericos spectacula aliqua contemplari in nuptiis vel conviviis, sed antequam thymelici ingrediantur, eos surgere & discedere.* Adducitur à Gratiano *c. non oportet, de consecrat. dist. 5.* Erant autem thymelici, qui modos & saltationes faciebant in thymele, seu pulpito, orchestra parte, quod pulpitu *ῥυμέλην* vocabatur. Vid. Christoph. Justell. ad *ead. canon. Eccles. univers. pag. 215.* Rittershus. in *Salvian. pag. 207.* In Concilio Venetico anno CCCCLIII, *can. 11.* & Agathensi anno DVI, *can. 39.* simpliciter jubentur Clerici nuptiarum evitare

convivia quod plerumque in illis amatoria cantentur, & obscœni corporum motus choreis & saltationibus efferantur. Verba recensentur à Gratiano *c. pen. dist. 34.* ex quibus colligitur, pejora indies & vitiosiora facta fuisse nuptiarum solemnia, cum tempore Concilii Laodiceni post convivia demum peracta thymelici ingrederentur, aliaque spectacula ederentur.

LXXXIV. Spectaculis ita ab aliis editis cum prorsus arceretur Clerici, quanto magis ipsosmet illos dedecit personatos seu laryatos incedere, atq; insaniz suæ ludibria exercere, quod tamen factum aliquando, etiam in ipsis Ecclesiis, notat Balsamon, ad *can. 62. Synodi VI in Trullo.* & hoc ipso seculo difficile fuit abrogare servatum ab annis quadringentis in Ecclesia Bituricensi morem de exhibenda Magorum, stellæq; ductricis imagine in Epiphania sacris, & de tribus Mariis in die resurrectionis, uti scribit Mornacius ad *l. 2. ff. de constitut. Pp.* Nec benignè profectò excepta fuit dramatica illa Clericorum & religiosorum in Galliis processio, quam multo cum sale refert Jac. August. Thuanus, *lib. 98. circa fin.* Addi possunt, quæ refert Antonius Dadinus Alteserra ad *c. 12. X. de vit. & honest. Cler.*

LXXXV. Idem sentiendum de ludis aliis, potissimum de alea, quo nomine Doctores intelligunt lufum

G g omne m

omnem, qui fortuitum habet exitum. Luditur alea, talis, cubis, tesseris, fritillo, pecuniâ positâ, lupinis & argento Comico in vicem pecuniæ veræ, postea persolvendæ victori. Alearum usus antiqua res est, & extra operas pugnatorias concessa, verum pro tempore abiit in lacrymas, multa millia extranearum nationum suscipiens, ait Imperator in *l. ult. C. de aleat.* Et cum adeo à militibus inventa quondam alea fuerit, mirum equidem, quod primum ad remittendos allevandosque animos fuit, ad infames stupendasque postea & fortunarum & animorum alienationes processisse. Stultum omnino ridiculumque spectaculum est, quoties videmus nonnullos usque adeo addictos, ut simul atque strepitum tesserarum audierint, protinus illis cor saliat palpitetque. Sed & senes sæpenumero & cæcutientes vitreis etiam oculis lustrare, imò & eos, quibus iusta chiragra articulos contudit, vicarium, qui pro se talos in pyrgum mittat, mercede conducere experimur. Apud plurimas tamen gentes maxime infamis fuit lusus aleæ. Et quidem apud Judæos ex majorum placitis furti reus habebatur, qui ex aleâ, talis & id genus aliis ludis lucrum quævisisset, Jo. Selden. *de jur. nat. gent. & civ. lib. 6. c. 11.* & veluti infamis à testimonio & judiciis arcebatur. Idem *de synedr. l. 2. c. 9. n. 5.* Apud Romanos multa & severa erat Præ-

toris in aleatores jurisdictio, de qua specialis in Pandectis extat titulus *de aleatoribus.* Et Justinianus permissis quibusdam lufibus ad gloriam & virtutem spectantibus, lufum alearum stricte prohibuit, promissi denegans actionem, & soluti permittens repetitionem non tantum iis, qui victi solvērunt, sed & eorum heredibus, aut his negligentibus, patri vel defensori civitatis, & tandem fisco, non obstante, nisi quinquaginta annorum, præscriptione, *d. l. ult.* Prohibitionis ratio ab ipso Imperatore redditur duplex, 1. quia permulsi die noctuque ludendo substantias suas perdere solent. 2. quia ex hac perditione in blasphemias quandoque erumpere solent desperatæ ludentium voces. Mendaciorum siquidem & perjuriorum mater est alea, & ex alienâ concupiscentia sua prodigit, & nullam habens patrimonii reverentiam, cum illud effuderit sensum in furta delabitur & rapinas. Sunt verba Johannis Sarisber. in *polycrat. l. 1. c. 5.*

LXXXVI. An putabimus ergo tales ludos tam severe quibuscunque jure civili prohibitos, Clericis permitti debere? imò verò tanto potior hæc subest ratio prohibitionis, quanto sanctior & per disciplinam subactior atque adstrictior debet esse vita clericorum. Atque idcirco Justinianus in *novell. 123. c. 10.* ita prohibuit lufum aleæ Clericis, ut nec spectato-

res

res eos esse, aut ludentibus aliis ad-
 sidere voluerit. *Interdicimus*, inquit
sanctissimis Episcopis, presbyteris, &
diaconis & subdiaconis, Leitoribus, &
omnibus aliis cuiuslibet venerandi Col-
legii aut sebmatis constitutis, ad tabu-
las ludere, aut aliis ludentibus partici-
pes aut spectatores fieri, aut ad quodli-
bet spectaculorum spectandi gratia ve-
nire, &c. Constitutione aliq. a an-
 teriore, quæ extat in l. 34. C. de Episc.
 aud. idem Justinianus prolixioribus
 verbis in istos seculi sui mores anim
 advertit. Præmittit nempe de vitâ
 & honestate Clericorum, quales esse
 debeant, ut auditoribus suis exem-
 plum sint, quod sequantur. Deinde
 refert nunciatum sibi, ex diaconis &
 presbyteris, imò etiam ex Episcopis
 nonnullos non vereri cubos seu tes-
 seras contrectare, & adeò puden-
 dum atq; ipsis etiam idiotis frequen-
 ter interdicium spectaculum partici-
 pare, alios v. communicare facien-
 tibus aut sedere spectatores actûs in-
 decori. Tandem concludit: *Sanci-*
mus, neminem neque diaconum, neque
presbyterum, & multo magis neque
Episcopum audere de cætero & post di-
vinam nostram legem aut cubicare, id
est, æfferis seu aleis ludere, quocunque
alea genere aut ludo, aut ita ludentibus
communicare, aut conversari, aut una
recreari, aut una cum eis agere, aut eis
testimonium præbire, aut interesse
plebej hujusmodi spectaculis, &c. Sed
 & Leo Imperator novell. 87. graviter

succensuit Clericis aleatoribus, in-
 quos propterea severè animadverti
 voluit. *Statuimus*, inquit, ut qui alea
 lusu sacrum sortem contaminant, in
 monasteria relegantur, quam tamen
 relegationem triennale tempus finiat,
 & quando delictum satis expiatum vi-
 debitur, in pristinum statum restituan-
 tur. At si rursum in fritillo vanè tem-
 pus terere insituant, tanquam piacu-
 lare ex sacrosancto Ecclesiastico statu
 omninò exturbentur, ab eoq; prosig-
 entur.

LXXXVII. Consimili modo etiam
 jure Canonico aleæ lusu Clericis
 est interdictus. Apud Gratianum c. a.
 dist. 37. legitur canon Apostolicus his
 verbis conceptus: *Episcopus, aut pres-*
byter, aut diaconus alea atq; ebrieta-
ti deseruiens aut desinat, aut cerè dam-
netur. Et Innocentius III, c. pen. X.
 de vit. & honest. Cler. hanc præscribit
 regulam: *Ad Aleam & taxillis non lu-*
dant, nec hujusmodi ludis intersint. Et
 observat Cardinalis Hostiensis in
 summa tit. de excess. prælat. §. Cleri-
 cus, sedecim crimina, quæ in aleæ
 lusu frequentiora sint, quæque com-
 mitti a ludentibus soleant. Quæ om-
 nia causam dederunt prohibitioni,
 repetitæ subinde, & gravibus pœnis
 munitæ. Etsi verò recentiores in Ec-
 clesiâ Latînâ Doctores canones istos
 valde limitent, neque Clericos ab
 omni alearum lusu prorsus exclusos
 velint, vereor tamen, ne id fiat con-
 tra instituta majorum, & pristinam

Ecclesiæ disciplinam. Et fatetur hoc Paulus Laymannus *Theol. moral. lib. 3. tr. 4. cap. 21. n. 1.* antiquorum canonum rigori per desuetudinem derogatum videri. Unde infert deinceps, Clericos privatim & sine scandalo ex bonis patrimonialibus, aut etiam ex beneficiorum suorum redditibus, in quantitate modicâ, spectato statu suo & reddituum copiâ, charitis ludentes, non peccare, nisi Lex diocesana prohibeat. Et Antoninus Diana p. 7. tr. 9. ref. 3. pro certo habeo, inquit, ludum Clericorum, in quo lucrum est modicum, si exposita pecunia non excedat moderatam quantitatem, consideratâ qualitate & facultate personæ ludentis censeri posse licitum. Idem sentit H. Zoef. ad pandect. de aleatorib. n. 4. Id inquam non videtur pristinæ disciplinæ conforme. Quia enim nec adsidere licuit olim Clericis, nec spectare, dum ludunt alii, minis certè decuit ipsosmet ludere, ut maximè exposita pecunia, immodica non esset. Sed jam diu collapsa est disciplina publica, & conquisitis undiqve argumentis recepti mores comprobantur, atqve ut convenientes magis statui hominum excusantur.

LXXXVIII. Sed an planè nullum Clericis permittemus ludum? Augustinus Barbosa ad c. pen. X. de vit. & bon. Cler. n. 7. eum permissum censet, qui consistit in ingenio aut virtute corporis, secutus Prosperum Farinacium quæst. 109. n. 103. At enim id

simpliciter ita affirmari non potest. Tales enim ludos plures enumerat Justinianus in l. ult. C. de aleat. sed quos ipse Clericis vix permisisset, Imperator. Maximè placet, quod attendi hîc vult Joan. Sarisberienfis in pohecat. lib. 1. c. 5. Est tamen, inquit, cum in aliquâ specie sua licenter admittitur, si absque vitio curarum gravium pondus alleviet, & sine virtutis dispendio jocundam interpolationem afferat gaudiorum. Omnis verò licentia moderationis suffragio convalescit, & solide virtutis usus ab intemperantia deformatur. Totius verò licentiæ moderatrix est loci, temporis, modi, personæ, & causæ præmissa inspectio, quæ omnium negotiorum faciem decorâ venustate commendat, aut turpitudinis condemnat opprobrio. Est ergo in singulis plurimum habenda ratio personarum, cum natura, conditio, fortuna, suis singula hominem induant personis, ex quibus quid se deceat, unicuique erit colligere. Decorum siquidem aliunde non provenit, &c. καὶ ταῦτα μὴ δὴ ταῦτα.

LXXXIX. Potuissent enim verò addi multo plura, quæ ad præsentem statum faciunt, cum infinita sint studiorum genera, quibus occupari humana ingenia solent. Ea verò utrum ministros Ecclesiæ deceant, & ab illis perinde, ut à Laicis exerceri queant, inter morum formatores frequens est disquisitio. Neque insubidum hîc esset, singula ea accuratius hîc considerare,

&

& quousque vitam & honestatem Clericorum exornent aut dedecorent, primis saltem apicibus delineare. Sed quia præter intentionem nostra hæc tractatio excrevit, & quæ restant, adhuc penè infinita sunt, de plerisque autem illis, ob similitudinem, ex iis, quæ dicta sunt, judicari commodè potest, excusationem facile merebimur, quod pedem hic figamus, & ulteriorem hujus capitis extensionem benevolo Lectori relinquamus. Et vereor ego, ut tractari omnia ad cujusque placitum queant. Plurimum enim hic facit opinio hominum, plurimum consuetudo, plurimum mores recepti; & contingere adeo potest, ut turpe ubique non sit, quod turpe alicubi est.

XC. Illud unum addo, turpe visum Bernhardo in *epist.* 78. quam scripsit ad Sugerium Abbatem S. Dionysii, cum audivisset, diaconum aliquem aulicis adhibitum fuisse ministeriis. *Par satis*, inquit, *utroque abusus, sive quod diaconus mensa regis depuretur ministerio, sive quod Regis dapifer mysteriis altaris inseruiat.* Quis sanè non miretur, imò & detestetur, unius esse persone & armatam ducere militiam, & albâ, stolâque indutum in medio Ecclesie pronuntiare Evangelium? tubâ indicare bellum militibus & jussu Episcopi populo intimare? Et paulo post: *Cum sit Archidiaconus, decanus, præ-*

positus, in diversis Ecclesiis, nihil horum tamen tam cum, quam Regis delectat vocitari dapiferum. Et deinde subjicit: *Ipsam certè quod gestat in capite signum, plus regius decet fastus quam famulatus, itemque regale fastigium magis armis quam psalmis innititur, &c.* Add. quæ ex chronico monasterii Mauriniacensis notat Joh. Bapt. Souchetus ad *Evonis epist.* 87.

XCI. Tàm præsumtuosum verò & fastuosum videri non potuit officium Responsalium, sive Apocriefiorum, quæ à Patriarchis destinati olim & missi fuerunt ad aulam Constantinopolitanam, ut perpetui veluti procuratores essent Ecclesiarum dioceseos, & suggestionibus suis res Ecclesiasticas prosequerentur, atque pro negociis fidei & disciplinæ perpetuo excubarent, simulque veluti fidei publicæ obsides in comitatu Principum degerent, obsequi illius debiti fideiussionem præstantes. Apocriefarios istos, sive Responsales ita dictos, quod responsa sive postulata patriarcharum, à quibus missi erant, exsequerentur, maximo in honore fuisse in aulâ Imperatoriâ, & ipsis quoque Metropolitanis advenientibus aditum ad Imperatores parasse, constat ex Justiniani *novell. 6. c. 2. & 3* testaturque Gregorius M. l. 2. *epist.* 45. Responsalem Ecclesie Romanæ in ipso Principis palatio habitasse. Nec dubito, idem

istud reliquorum etiam Patriarcharum Responsalibus indultum fuisse, cum æquali in honore Constantino-
politani fuerint omnes. Cæterum ab his Responsalibus, quos à solis Patriarchis missos fuisse diximus, alii fuerunt illi, qui in iudiciis Episcoporum causas agebant, ut patet ex Ivonis Carnotensis *epist.* 274. quos & ipsos Responsales, sed alio significatione, dixerunt sequioris ævi homines.

XCII. Id verò quam maximè ad præsens nostrum negotium facit, quod munus istud à Patriarchis conferri solitum, diaconis ferè solis cesserit. Etsi enim Leo I. Pontifex, qui Responsalium istorum autor creditur, Episcopo Coënsis Ecclesiæ Juliano provinciam istam demandaverit, sequentibus tamen temporibus non nisi diaconis eam commissam fuisse, plurimè Gregorii M. testantur epistolæ. Ipse Gregorius munus istud aliquandiu gessit, uti scribit *l. 3. dial. c. 32. & 35.* Eo verò tempore, quo ad sedem Romanam eve-

ctus est, Honoratus diaconus Responsalis fuit, uti patet ex *l. 1. epist. 6. & 47.* Post Honoratum, Sabinianum diaconum ei muneri destinavit *l. 2. epist. 52.* & porrò Anatolium itidem diaconum *l. 6. epist. 28.* Et ne ab hoc more desisteret, cum ad instantiam Phocæ Imperatoris Responsalis munus diu omissum restituendum esset, eumque in finem Bonifacium elegisset Gregorius, noluit eum sine titulo diaconi ad palatium Principis venire, ut constat ex *l. 11. epist. 45.* Et hæc perpetua Responsalium in aula conversatio fecit, ut, cum ad electionem præsulum Romanorum, necessarius esset eo tempore Imperatoris consensus, plurimi eorum, Pontifices crearentur, quod non alios magis gratos Imperatoribus putarent electores, & populus Romanus. Contigisse id Vigilio, Gregorio, Sabiniano, Bonifacio, testis est historia Ecclesiastica. Conf. de istis

Responsalibus Petr. de Marca

de concord. sacerdot. & imp.

lib. 5. c. 16. seqq.

CAPVT XIV.

De Conjugio Diaconorum.

- I. *Celibatus Clericorum, conjugii debonestamentum.* II. *De Conjugio Diaconorum, subdiaconorum, Balsamonis & Leonis Imp. sententia.* III. *rejecla.* IV. *Nicolai Diaconi conjugium, Nicolaita.* V. *Exemplum*

emphem conjugii Diaconi è seculo secundo, VI. Tertio, VII. Quarto, ubi de contrariis Aneyrani Concilii Martiniqve Papa sententiis. VIII. Ab utraque dissentit Gratianus, IX. Franc. Longus à Coriolano. X. Qui expenditur, & dicti Concilii Canon explicatur. XI. Alia presbyterorum conditio post ordinationem. XII. Quare Patres IV seculi conjugium non improbant nuptias tamen agere admisserint? XIII. Concilii Eliberini Canon xxxiiii illustratus. XIV. Synodus Nicana de Clericorum matrimonio. Paphnutii sententia. XV. distincte proponitur. XVI. Quid contra illam adferuntur. XVII. Synodus Gangrensis etas. XVIII. Quibus capere initium calibatus clericorum. XIX. Siricius Papa consuetudinem, quæ calibatus invaluerat, in perpetua abstinence legem vertit. XX. Omnibus vel imperio suo vel sensu servandam. XXI. An Africanis consenserint ei? Concilia Africana luxata & confusa. XXII. Canones eorum calibatum non evincunt. XXIII. Epistole Siricii genuina. XXIV. Synodus Telepsensis Africana. XXV. Innocentius I ad Siricii legem provocat. XXVI. Inferioribus ordinibus conjugium permissum. XXVII. Subdiaconatus an inter sacros ordines? XXVIII. Turonensis I concilii modestio circa calibatum clericorum. XXIX. Ex legibus de calibatu motus, & hinc nova sanctiones. XXX. Græca Ecclesia contrariam in hoc legem Romanam posuit. XXXI. In occidente quoque contradictiones, ex Lamberto Schafnab. productæ. XXXII. Itemqve è Synodo Moguntina, apud eundem. XXXIII. Lex de Calibatu non est Ecclesia conveniens. XXXIV. Ejus rationes è Cassandro. XXXV. contra aule Romanæ arcana. XXXVI. quæ aliam honestiorem causam mentiuntur. XXXVII. Unde Clericorum in Latina Ecclesia castitas impudica nosci queat?

Vetus hæc, & in hunc usque diem multis argumentis variè agitata fuit controversia de conjugio Clericorum, utrum iustè illud in Ecclesiâ Latina prohibitum, & cœlibatus imperatus sit. Solent enim Episcopi Romani, & qui eorum dominatum propugnant, conjuga-

tos omnes hâc infamiz notâ inurere, ut arceantur penitus ab Ecclesiasticis officiis, & si qui sint admoti his muneribus, cum adhuc cœlibes essent, eis laqueum injicere, ne unquam jungantur matrimonio. Non potuit sanctum conjugium magis de honestari, quàm tali constitutione,

ne, præsertim quando statuitur, multo gravius esse peccatum, sacerdotem maritum fieri, quam si plurimas domi meretrices habuerit, quæ fuit sententia Cardinalis Campegii apud Sleidanum *lib. 4.* & Costeri in *Enchirid. tr. de calibatu*. Idque comprobatur experientia, quod non solum notorii cum pluribus concubinis scortatores ad Episcopatus & sacerdotia promoveantur, sed etiam in officio impiam istam vitam continuantes, ædesque suas spuris replentes retineantur, exclusis illis, qui castum inierint matrimonium. Unde merito notatum hoc vult glossa *ad c. 6. X. de bigam. non ord.* quod cum presbyteris plures concubinas habentibus dispensetur. *Nota*, inquit, *mirabile, quod plus habet hic luxuria quam castitas.*

II. Ut ad speciem magis descendamus, & de diaconis *Ἀγώνισμι* continuemus, extant in iure Græco-Romano, à Joh. Leunclavio edito *lib. 5.* interrogata Marci Patriarchæ Alexandrini, & ad ea Theodori Balsamonis Patriarchæ Antiocheni responsiones. Sub *num. 36.* talis proposita fuit quaestio: An subdiaconus & diaconus legitime possit cum muliere copulari, nec ne? Respondet Balsamon: *Et canones & leges varia vetant sacros post ordinationem mulieribus conjungi. Cum autem, ut videtur, canonicum hoc contemneretur interdictum, inter Imperatores vincly-*

*eus & sapientissimus Dominus Leo per novellam sanctionem vitium emendavit. Inquit enim hac in parte expressim tertia ejus novella: Jubemus, ut ad vetus Ecclesiæ supernè traditum præscriptum creationes procedant. Neg, enim dignum est, ut qui spiritali adfensu supra corporis abjectionem evecti sunt, hi rursus ad carnis sordes delabantur, sed è diverso ut divinum ministerium, ex corporis sordibus tanquam in altum aliquem gradum conscendant, convenientius fuerit. Quamobrem nemo eorum, qui alteri serviunt, post ordinationem audacter lege connubii mulieri conjungatur, idq, si fecerit, deponetur. Nam, ante ordinationem facere licuit, quod post eam adeò male fuit ausu. Præsupponit scil. Imperator Leo, & cum eo Balsamon, matrimonium esse statum impurum & cum ministerio Ecclesiastico incompatibilem. Unde & Gratianus, non dari præsentiam Spiritus S. tempore eo, quo conjugales actus geruntur, quasi concessum & ab Hieronymo comprobatum ponit, *c. quicquid, in fin. 32. q. 2.* & Bellarminus actum conjugalem hominem reddere totum carnalem & ineptum ad divina scribit, *lib. de Clericis cap. 18. & 19.* Sed quàm falsa ista sit hypothesis, ex ipsa Scripturâ ostendi potest, in qua Deus consuetudinem conjugalem, pronunciat esse ἀγνείαν, castitatem, οὐ φερόμεν, continentiam seu pudicitiam, ἀγαπῶμεν sanctionem, ἀφάρτοι, mundiciem. *Ebr. XII. 4.**

1. Tim.

1. Tim. II, ult. 1. Theff. IV, 4. Tit. H, 4.

III. Verum enim verò tempore Leonis, cujus imperium incidit in exitum seculi noni, & Balsamonis, qvì responsa ista anno Christi MCXCIII edidit, uti colligit Guilielmus Beveregius, in *prolegom. ad Synodic. græc. pag. II.* validissimas jam radices egerat ista de impuritate conjugii opinio. Nec ergò vel ex Leonis Novellâ, vel ex sententiâ Balsamonis decidi poterit ista de conjugio diaconorum controversia. Qvìn potiùs ex anterioribus temporibus, qvìd in Ecclesiâ obtinuerit, repetendum est, si qvìd certi statui debeat, cum utiqve in ejusmodi rebus semper prævaleat antiquitas, ita ut qvo præpior Apostolorum ævo quis fuerit, eo certius de illorum institutis testari possit; qvo verò longius ab Apostolorum seculo abfuerit, ejus tanto minoris esse apud nos debeat de rebus Apostolicis judiciû. Breviter igitur & summatenus quasi ore delibabimus nonnullas historię Ecclesiasticę particulas, atqve eas pleraeqve, qvæ à Gratiano in corpus juris Canonici relatę fuêrunt, ne extra professionem nostram moliri qvìd videamur.

IV. Ex historiâ seculi post Christum natum primi occurrit exemplum Nicolai diaconi, illius, qvì ab Apostolis *Act. VI, 5.* huic officio adhibitus fuit. Eum Uxoratum fuisse

ex Isidoro memorat Gratianus c. *Quidam 24. q. 3.* his verbis: *Nicolaitę dicti à Nicolao diacono Ecclesię Hierosolymorum, qvì cum Stephano & ceteris constitutus est à Petro, qvì propter pulchritudinem relinquens Uxorem dixit, ut qvì vellet eâ uteretur, & versa est in suprum talis consuetudo, ut invicem conjugia commutarentur, qvos Johannes in Apocalypsi sua improbat dicens: Sed hoc habes, qvòd odisti facta Nicolaitarum, qvæ & ego odi.* Nicolaitę illi utrum errorem suum ab ipso Nicolao acceperint, non usqve quaqve expeditum est. Inter antiquos enim Ecclesię Doctores asserunt alii, cum, cum post susceptum diaconatum ad quorundam suggestionem & instantiam ab Uxore, quam formosam habebat, per aliquod temporis spaciũ se continuisset, & à concupiscentiâ victus denuò cum eâ consuevisset, mox turpissimam hæresin excogitasse & statuisse, necessarium esse ad salutem consequendam quotidianum Veneris usum. Ita Irenæus *lib. 1. c. 27.* Tertullianus, *de præscript. c. 47.* Epiphanius, *hæres. 25.* Hieronymus, *Epist. 1. & 4.* Alii hæreticos istos nomen tantum ab Nicolao gessisse, eum verò talis culpę reum nunquam fuisse, sed factum ejus pravâ interpretatione, exceptum turpissimę hæresi ansam dedisse. Rem ita narrat Clemens Alexandrinus *lib. 3. Strom. Nicolaus, ut ferunt, cum Uxorem haberet formosam,*

Sam, & post adfectionem Servatoris ei ab Apostolis Zelotypia exprobrata esset, Uxorem in medium productam, cuique qui ducere cuperet, ducendam permisit. Ajunt enim actionem istam illi voci consentaneam, quā dicere solitus, quod carne oportet abuti. Et cum factum tum dictum simplex & minus accuntum confectiati impudenter fornicantur, qui ejus haresin sequuntur, &c. Similia de eo refert Eusebius, itemque Theodoretus, Ignatius & alii. Conf. quæ notat Joh. Bapt. Souchet. ad Iyon. Carnot. epist. 27. Quid hujus sit, nec enim ista de Nicolaitarum haresi tractatio ad præsentem rem facit, sufficit ostendisse, primis diaconatus instituti temporibus Nicolao diacono Uxorem fuisse, nec ejus abdicandæ necessitatem ab Apostolis impositam esse.

V. Seculo secundo floruit Irenæus, Scriptorum, qui veteres hæreres enarrarunt, antiquissimus, Apostolicorum temporum Vir, & doctrinarum omnium accuratissimus explorator, uti eum vocant Tertullianus, advers. Valentin. & Theodoretus dial. 1. Is mentionem facit diaconi speciosam Uxorem domi habentis, lib. 1. cap. 9. Postquam enim Marcum hæreticum & magum, ejusque fraudulentas artes, quibus scæminas seduxerit atque corruperit, descripsisset, tam protervū eum & sceleris omnis artificem fuisse dicit, ut & diaconus quidam eorum, qui sunt in Asia susci-

piens cum in domum suam incidere in hujusmodi calamitatem. Nam cum esset Uxor ejus speciosa, & sententia & corpore corrupta esset à mago isto & secuta cum esset multo tempore, post deinde cum magno labore fratres eam convertissent, omne tempus in exomologesi consummarvit, plangens & lamentans ob hanc, quam passa est ab hoc mago, corruptelam. Constat igitur, etiam in secundo seculo diaconos Uxoratos fuisse.

VI. Sub finem seculi tertii aut initium quarti martyrio nomen suum illustre fecit Agricola, in agro Bononiensi. Eum vel presbyterum vel certe diaconum, & maritum fuisse satis indicant verba Ambrosii in exhortat. ad virg. ubi ejus viduam hunc in modum laudat: *Honoremus hanc viduam, quia scriptum est, viduas bonorum nostrorum honorem non ambias, quæ Apostoli mandatum adaquaverit, habens in bonis operibus testimonium, quæ bene filios educaverit, melius instruxerit. Quis hanc non desitutam & miserabilem deploravit, quando amisit maritum? At ista ministrum sacris creptum altaribus amplius ingemuit, quam sibi conjugem aut patrem filium. Nam et si præsidio esset mariti viduata & solatio, tamen apud piam mentem causa Ecclesie præponderabat, &c. Ministrum altaris vocat Ambrosius. Et ita aliquando dicuntur diaconi, uti patet ex can. lex continentia II. dist. 31. Fuit*

Fuit igitur Agricola ille & diaconus, & maritus; nec absurdum proinde aut canonibus adversum tum fuisse, diaconos Uxoribus copulari.

VII. Quin apertè in hanc rem in-eunte seculo IV conscriptus est à Patribus concilii Ancyranì canon decimus, legiturque apud Gratianum c. *diaconi dist. 28.* his verbis: *Diaconi quicumque, cum ordinantur, si in ipsa ordinatione protestati sunt dicentes, se velle habere uxores, nec posse se continere, hi si postea ad nuptias pervenerint, maneat in ministerio: propterea quod his Episcopus licentiam dederit. Quicumque, sanè tacuerint, & susceperint manus impositionem professi continentiam, si postea ad nuptias pervenerint, à ministerio cessare debebunt.* De hac eadem materiâ sed sententiam planè diversam Martini Papæ adducit idem Gratianus, *caus. anteced. 27. c. 1.* his verbis: *Diaconus, qui eligitur si contestatus fuerit pro accipiendo matrimonio, & dixerit se in castitate non posse manere, hic non ordinetur. Quod si in ordinatione tacuerit, & ordinatus fuerit, & postea matrimonium desideraverit, sit alienus à ministerio & vacet à Clero.* Prior sententia è diametro contraria est Concilio Ancyrano. Nam Concilium ait, diaconos ordinationis tempore protestantes se continere non posse, manere debere in ministerio. At Martinus dicit, non debere ordinari. Ne quis autem putet, Martini Pontificis alicujus Ro-

mani hoc esse glössema, notandum est, Papæ nomen aliquando omnibus Episcopis commune fuisse, uti ad hunc ipsum textum commentatur, Antonius Contius, & uberius ostendit Carolus Mölinæus, ad *SGr. Franc. contr. abus. Pap. gloss. 15. n. 17.* Sic igitur inter Episcopos quærendus erit hic Martinus, & sine dubio intelligendus venit Martinus Episcopus Bracarensis, ille, qui in Hispaniâ collectionem Canonum circa annum Christi DLXX concinnavit. Ex eâ dum compilationem suam supplere voluit Gratianus, in errorem hunc non unis vicibus lapsus est, ut integros quandoque Canones ex Conciliis inferat, & deinde sive imperitiâ sive incogitantia eorundem canonum, tanquam diversorum excerpta ex Martino referat, uti jamdiu notarunt Antonius Augustinus de *emend. Græc. lib. 1. dial. 10.* & Francisc. Florens *dissert. jur. can. part. 3. pag. 168.* uti & supra explicavimus.

VIII. Quemadmodum autem sententia Martini diversa planè est à sententiâ Concilii Ancyranì, quod is fortè, cum in Occidente viveret, noluerit imitari mores Ecclesiæ orientalis: ita ab utrisque discedit interpretatio Gratiani, quam dicto Martini decreto subjunxit: *Hæc, inquit, auctoritate datur intelligi, quod illi, qui uxores habent vel accipere volunt, nec diaconi nec Sacerdotes fieri possunt, nisi continentiam profiteantur.* Si verò

diaconus à ministerio cessare voluerit, contracto matrimonio licetè potest uti. Nam etsi in ordinatione sua castitatis votum obtulerit, tamen tanta est vis in Sacramento conjugii, quod nec ex violatione voti potest dissolvi ipsum conjugium. Supponit Gratianus, agi de copulâ & usu matrimonii jam contracti, quod nec græca tamen, nec Latina verba admittunt. Et simplex canonis Ancyranî interpretatio hæc est, ut, si quis diaconi ordines suscepturus significet, se cœlibem non posse manere, sed Uxorem sibi ducendam esse, si is post ordines illos susceptos Uxorem duxerit, Diaconi officio nihilominus fungatur, aliter autem, si illud non significaverit.

IX. Hæc simplicissima est verborum, prout jacent, explicatio atque paraphrasis, quam ferre nullatenus queunt *ἡ ἐξ ἐνάτιας*, & proinde interpretationes alias prorsus alienas comminiscuntur. Cardinalis Baronii & Severini Bini glossemata, ut, hinc discutiamus necesse non est. Fundus eo labore est Guilielmus Beveregius, *ad hunc can.* Neque videntur ea satisfecisse Francisco Longo à Corioliano, qui idcirco suam, ut potiore, hanc præmittit sententiam, non multum à Gratiani interpretatione difcedentem. *De more & ritu Græcorum loquitur Concilium, videlicet de Uxoribus ante diacona-*

tum ductis, & idcirco ait: Si cum ordinantur, dixerint velle se Uxores habere, id est, velle se matrimonio ante contracto uti. Et deinde cum dicitur; Hi postea, si ad nuptias venerint, vel se consulerint, hoc est, si ad Uxores, quas in matrimonium ante duxerant, accesserint, atque eis commisceantur. Si ad nuptias videlicet ante contractas venerint, id est, si nuptiis ante contractis uti voluerint. — Vel intelligitur, si ad nuptias venerint, hoc est, si nuptias contraxerint factò, non jure. — Vel certè is canon abrogatus est per canonem 6. Concilii VI generalis, &c.

X. Fluctuat Coriolanus, nec tibi pedem figat, secum convenit. Nec verò concedi ei potest, loqui canonem de nuptiis jam ante contractis, aut de usu matrimonii dudum contracti. Vocabulum *γαμήσας* & *γαμῖν* id non admittit. Significat enim *γαμῖν* contraho matrimonium, jungo aut jungor matrimonio, sum sponsus, accipio seu capio Uxorem, desponso, duco Uxorem, nubo. Unde vocabulum *γαμήσας* verò per *γυναικα λαβῖν*, uxorem accipere & ducere, *γαμέσας* verò per *γυναικα δῶναι*, despondere & dare Uxorem quod recentiores *ἐγγαμήσας* dixerunt.

See

Sed nec altera interpretatio congrua est. Facit enim Canon distinctionem inter eos, qui ante ordinationem protestati fuerunt de conjugio ineundo, & qui talem protestationem non interposuerunt. Priores dicit manere debere in ministerio. Ratio, quia jure suo, quod saluum retinuerunt, utuntur. Nec ergo negari potest, jure illos contrahere matrimonium. At reliquos à diaconatu removendos esse docet, propterea, quod ordinationis tempore protestationem nullam fecerint, & sic tacite cœlibatum approbaverint. Quod verò tertio loco putat Coriolanus, canonem Ancyranum per canonem sextum Concilii VI generalis abrogatum esse, de eo in sequentibus videbimus. Nobis hic sufficit ostendisse, seculo quarto diaconis permissas fuisse, etiam post ordinationem, nuptias, dum tamen de illis ordinationis tempore protestationem interposuerint, sibi que cœlibatum non placere contestati fuerint.

XI. Alia tamen videtur fuisse conditio presbyterorum. In concilio enim Neocaesariensi, quod eundem cum Ancyrano synchronismum tenet, c. i. statutum fuit: *Presbyter si Vxorem duxerit, ordine suo moveatur. Si autem fornicatus fuerit, vel adulterium commiserit, penitus extrudatur, & ad penitentiam redigatur.* Non agit hic canon de presbyteris ante

ordinationem Vxores suas habentibus, neque prohibet illarum usum, sed agit de presbyteris jam ordinatis, & matrimonium postea ineuntibus, cavetque ne jam ordinati presbyteri Vxores ducant, idque si fecerint, ut dignitate priventur. Nihil habet canon de protestatione, utrum per eam presbyteri sibi consulere potuerint, quemadmodum diaconos sibi consulere potuisse, decreverat Synodus Ancyrana. Et in hoc scilicet durior videtur fuisse presbyterorum, quam diaconorum conditio.

XII. Sed quæ causa est, quod hujus seculi Patres conjugium in sacris ordinibus constitutum non improbaverunt, sed nuptias tamen, contrahendas & celebrandas haud temerè admiserunt? Eam Calixtus de conjug. cler. pag. 198. assignat duplicem. 1. quod continentia & cœlibatus tum temporis in summâ laude & admiratione fuerit, adeo ut turpe esset, cum in laicorum ordine plurimi eâ gloriâ insignes extarent, clericos ab illis superari. 2. quod existimarent, amare & ambire nuptias puellæ & totum illud procari, quod sine ineptiis transigi vix potest, gravitate sacerdotali indignum esse. Ultima hæc ratio fortè non movisset nec in censum venisset, nisi, quæ magis placet, prævaluisset ratio prior. Et certè tanti nominis tùm erat cœlibatus, ut nonnulli naturæ vim infer-

rent, ne matrimonium iniri cogerentur. Ipsi etiam conjuges filio uno alterove susceptis mutuo consensu continentiam deinde servabant, & ab usu matrimonii prorsus abstinebant, uti patet ex Apollinar. Sidon. lib. 9. epist. 6. Cumque talia exempla inter Laicos sæpissimè occurrerent, turpe visum fuit, Clericos eis cedere, nec ad similem continentiam paratos esse. Intelligebant autem, sunt verba Calixti d. l. mandari non posse, ne quis Vxorem haberet, vel commercio conjugali uteretur. Erat igitur ὁ δὲ πρὸς πλῆθος, ut sancirent, nemini fas esse post initiationem ad nuptias transire, sed ante eam, quicquid ejus rei foret, perfici oportere. Inde enim futurum, ut continentes in Clero essent primum quotquot cœlibes accessissent, vel certè, quotquot protestatione interpositâ licentiam ducendæ Vxoris sibi non reservassent; deinde, quotquot amissâ post initiationem conjugæ dignitatem retinere, quàm nuptias interare mallerent.

XIII. His ipsis temporibus in Hispaniâ habitum fuit Concilium Eliberinum sive Eliberitanum, quod can. 33. diaconis & reliquis, qui in sacerdotio aut in sacris constituti sunt, conjugium prorsus interdici videtur. Verba ita habent: *Placuit in totum prohibere Episcopis, presbyteris, diaconibus ac subdiaconibus, positis in ministerio, abstinere se à con-*

jugiis suis & non generare filios, quod quicumque fecerit, ab honore clericatus exterminetur. Oppidò placet interpretatio Calixti, quàm d. tr. de conjugio Cler. pag. 169. huc canonem subiungit: *Voces, positis in ministerio, idem nobis significent; quod, tempore vicis suæ, sive cum instat sollemnis sanctissima eucharistia celebratio.* Et sanè specialem respectum innuere videntur verba illa, *positis in ministerio.* Quid enim opus fuisset, ea addere, nisi actum ipsum celebrandi Eucharistiam denotare debuissent. Quò facit, quod in eodem concilio universis eo tempore, quo sacra communione utuntur, per aliquot dies usum conjugii interdictum refert Gratianus de consecrat. dist. 2. cap. 21. & quæ colligit idem, caus. 33. q. 4. Quod si verba de totali abstinentiâ & abdicatione conjugis intelligenda fuerint, videntur Patres Eliberini, quorum numerus exiguus fuit, canone hoc suo præparasse materiam, secuturo Concilio universali proponendam, & plenioribus suffragiis determinandam, sed quæ post consultationem interpositam eventum habuit planè diversum.

XIV. Anno enim CCCXXV habitata fuit in Urbe Nicæa Μεθόνη illa Synodus, in quâ de matrimonio Clericorum ex professo actum fuit, Patribus scil. qui in provincialibus synodis & disputationibus cœlibatum induci debere sustine-

rant,

rant, rogantibus, ut auctoritate universalis lex Ecclesiastica promulgaretur, & ab omnibus ubique Ecclesiis reciperetur. Neque displicuit ea sententia reliquis, donec à Paphnutio in Ægypti partibus Episcopo & Confessore ostensum fuisset, tam grave jugum Ecclesiæ ministris imponi non debere, nec omnes posse istud ferre, & Ecclesiæ plus detrimenti inde illatum iri. Digna res est, quæ verbis Socratis ex lib. i. bist. c. 8. describatur. *Visum erat, inquit, Episcopis legem novam in Ecclesiam introducere, ut sacris initiati, Episcopi videlicet, presbyteri & diaconi cum Vxoribus, quas in statu Laico duxissent, non dormirent. Cum autem hæc de re consultatio instituta esset, in medio Episcoporum confesso surgens Paphnutius vehementer clamabat, grave jugum consecratis Viris non esse imponendum, dicens, honorabile esse cubiculum & conjugium impollutum, videndumque, ne nimio exquiritæ vitæ studio ecclesiam gravi incommodo afficerent. Neque enim omnes ejusmodi rigidam, quæ humanos affectus excludat, disciplinam sistere, nec castimoniam eoque à singulorum Vxoribus servari posse. Castimoniam verò vocabat legitimam Vxoris usum. Sufficere, si quis prius in Clerum allectus sit, quam Vxorem duxerit, in posterum à nuptiis juxta veterem Ecclesiæ traditionem abstineat, nec quengquam ab illâ, quam Laicus*

duxerit, se jungi oportere. Et hæc dixit Paphnutius, inexpertus nuptiarum, imò, simpliciter ut dicam, faminarum. A puero enim in asceterio educatus, & propter castimoniam, si quisquam alius, admodum celebris erat. Totus itaque sacer conventus verbis Paphnutii assensum præbuit. Quapropter hanc questionem propoverunt, cujusque arbitrio abstinenciam ab Vxoris consuetudine permittentes. Similem de Paphnutii contradictione sententiam ex historiâ tripartitâ refert Gratianus cap. Nicenâ diff. 37.

XV. Cùm noluerit Paphnutius conjugio prorsus abstinere clericos, aliquid tamen admisit, consuetudinem scilicet in Ecclesiis quibusdam hætenus receptam, ut nempe qui prius in Clerum allectus esset, quam Vxorem duxisset, in posterum à nuptiis abstineret. Sed rectè animadvertit Chemnitius in exam. Concil. Trid. part. 3. pag. 502. consuetudinem istam factam fuisse sine aliquâ lege, & Paphnutium quidem svadere consuetudinem illam retinendam, sed tamen non dicere esse vel præcepti divini vel consilii & traditionis Apostolicæ, sed vocare Ecclesiæ non legem, sed *consuetudinem* h. e. traditionem, atque ita cum prohibitio conjugii in sacris ordinibus non potuerit in universum obineri, aliquid tamen mansisse, quod conjugium eorum impediret. Sufficere

cere igitur, ait Paphnutius, eousque amore cœlibatus progressam esse Ecclesiam, ut licentiam contrahendarum novarum nuptiarum Clericis ademerit, non esse progrediendum ulterius ad interdicensum conjugii.

XVI. Frustra in contrariam sententiam ex eodem Concilio Niceno adducitur canon tertius, qui ex versione Dionysii Exigui ita habet: *Interdixit per omnia magna Synodus, non Episcopo, non presbytero, non diacono, nec alicui omnino, qui in Clero est, licere subintroductam habere mulierem.* (*ὡς ἐξέταξεν συνέλευσις ἡ γυναικα ἔχειν*) nisi fortè matrem, aut sororem, aut amitam, vel castitatem personas, quæ suspiciones effugiant. Hoc Concilii decretum singularibus constitutionibus confirmavit Justinianus Imperator Novell. 123. c. 29. & Novell. 137. c. 1. in fin. & ante eum Honorius Imp. in l. 19. C. de Episc. & cler. Sed quàm συνέλευσιν γυναικα vocavit canon Nicenus, eam ἐκείνουτον appellat Justinianus, sensu & significatū planè eodem, nisi quod ἐκείνουτον per extraneam, συνέλευσιν per subintroductam verterint Interpretes. Nihil, inquam, facit iste canon ad cœlibatum Clericorum stabilendum. Erant enim, uti optimè ad istum can. explicat Christophorus Justellus συνέλευστοι mulieres neque Vxores, neque concubine, sed

tertii cuiusdam generis mulieres, quas secum clerici non sobolis nec libidinis gratiâ, sed pietatis studio, aut certè prætextu, fovebant. Sed & jam ante Budæus notavit, *συνέλευστον* dici socium sociamve cœlibatûs, sive virgo contubernalem haberet virum, sive monachus fœminam. Habuisse enim etiam Virgines olim suos *συνέλευστος* certum est, & ex Gregorii Nazianzeni epigrammate probari potest. Vid. Justell. d. l. Guil. Beveregium ad d. can. Nicen. Calixt. de conjug. Cler. pag. 174. seqq. Rivet. in Cathol. Oribod. tr. 2. q. 24. circa fin. Dorsch. ad Concil. Nicen. de can. sect. 2. §. 22. Anton. Dadin. Alferra ad cap. 9. X. de vit. & bon. Cler. Quandoquidem igitur quotidianum cum istiusmodi mulieribus commercium suspicione non carebat, id omnino prohibuerunt Patres Niceni, nullibi autem docuerunt, conjuges à maritis ad sacerdotium promotis divelli debere. Add. Jacob. Gothofred. ad l. 44. Cod. Theod. de Episc.

XVII. Post Concilium Nicenum, (ut plerorumque opinio est, refragante licet Baronio, quem propterea refutat Guil. Beveregius pag. 183.) habita fuit Synodus Gangrensis, ex cuius decretis Gratianus cap. 15. dist. 29. hoc notavit: *Si quis discernit presbyterum conjugatum, tanquam occasione nuptiarum, quod offerre non debeat, & ab*

ejus

quæ oblatione idcirco abstinet, anathema sit. Synodus ista habita fuit, adversus Eustathium hæresiarcham, sive is Sebaſtenus Episcopus fuerit, sive quis alius. Ut igitur, quid damnaverit Synodus in allegato canone, constet, necesse est Eustathii heterodoxiam ex Balsamonis & Zonaræ commentariis repetere. Ita autem illi: *Eustathius & qui cum eo faciebant, legitimas nuptias criminantes, dicebant nulli eorum, qui matrimonio juncti sunt, à DEO ulam esse spem salutis. — & in adibus, qui Vxorem duxit, neque omne neque communicare permittiebant, & sacerdotes, qui Vxores duxerant, averſabantur, &c.* Hanc opinionem damnat Synodus, & vult, à presbyteri conjugati oblatione abstinere neminem debere. Quod si igitur talis est presbyteri conjugati conditio, si sine contaminatione sanctissimi ministerii liturgiæ sacræ opus presbyter Vxoratus perficere potest, credendum non est, cœlibatum jure Apostolico annexum esse sacris ordinibus, & propterea nec diaconum Vxoratum ab officio removeri debere.

XVIII. Dubium tamen non est, his ipsis temporibus cœlibatûs amorem nonnullorum animos ita occupasse, ut de lege fanciendâ, quàm Concilium Nicenum recusaverat, perpetuò cogitarent, aut saltem consuetudinem magis magisque in-

valescentem foverent. Sic enim obtinuerat hæcenus in quibusdam locis, ut conjugati ad sacerdotium assumpti à conjugibus deinceps abstinere, idque consuetudine magis, quàm ex lege præscriptâ, eamque consuetudinem non una ratio promovit, neque uno gradu ad eam sustinendam devenit. Primum enim sub tribus istis seculis, quibus persecutiones quàm maxime flagrârunt, svadente ita ratione temporis, cœlibes in sacerdotio præferri cœperunt. Secundò, si qui conjugati ad sacerdotium promoti fuissent, illi deinceps à conjugis usu abstinuerunt, & continentiam servârunt, quod inter Laicos etiam continentia talis frequenter exerceri solet. Tertiò etsi nondum lex aliqua de cœlibatu extaret, multum tamen valuérunt argumenta svasoria, quibus usi plerique inter Doctores cœlibatum ministerio Ecclesiastico maxime accommodum atque decentem commendârunt. Accedebat quartò, quod Clerici aliquando ex monachis seu continentium numero eligerentur, uti patet ex *l. 32. C. Tb. de Episc.* Vid. Jacob. Gothofred. *ad l. 44. C. eod.* His rationibus consuetudine firmatâ facile deinceps fuit legem superaddere, & cœlibatum libertati cuiusque hæcenus relictum sanctione imperare. Id quod etiam præstitum mox fuit.

XIX. Anno enim CCCXXCV, Siricius Pontifex, qui Damasus successerat, consuetudini vires legis addidit, & quod in Concilio Niceo tentatum, sed à Paphnutio sufflaminatum & impeditum fuerat, in necessitatem vertit, dictatâ poenâ, si quis contemptor aut transgressor fuerit. Relatio scilicet ad Damasum, antecessorem ab Himerio Tarracoenſi Episcopo facta fuerat de quibusdam rebus dubiis. Damasus, antequam responderet, vitâ functo, provincia ea Siricio cessit, qui ad quæſtionem de clericorum consuetudine cum Vxoribus & aliis mulieribus, hunc in modum respondet, *epist. 1. cap. 7. Plurimos Sacerdotes Christi atque Levitas post longa sua consecrationis tempora tam de conjugibus propriis, quam etiam de turpi coitu solent didicimus procreasse & crimen suum hæc præscriptione defendere, quia in V. T. sacerdotibus ac ministris generandi facultas legitur attributa. --- Hi verò, qui illiciti privilegii excusatione nituntur, ut sibi asserunt veteri hoc lege concessum, noverint se ab omni Ecclesiastico honore, quo indigni usi sunt, Apostolica sedis auctoritate dejectos, nec unquam posse venenda attrectare mystica, quibus se ipsi, dum obstentis cupiditatibus inbiant, privaverunt. Et quia exempla præsentia cavere nos præmonent in futurum, si quilibet Episcopus, presbyter atque diaconus, quod*

non optamus, deinceps fuerit talis inventus, jam nunc sibi omnem per nos indulgentiæ aditum intelligat obſervatum: quia ferro necesse est, exciendantur vulnera, quæ fomentum non senserint medicinam. Repetitur à Gratiano c. plurimos & c. quia dist. 82.

XX. Fuit igitur hic Siricius primus, qui lege latâ & poenis indictis cœlibatum Ecclesiæ ministris imperavit. Neque Hispanis solum jugum hoc imposuit, sed omnibus in universum sacerdotibus & Clericis. Ait enim *cap. 8. Quid ab universis post hæc Ecclesiis sequendum sit, quid vitandum, gentili pronuntiatione decernimus.* Et in conclusione: *Hæc, quæ ad tua consulta rescriptimus, in omnium Coepiscoporum nostrorum perferri facias notionem: & non solum eorum, qui in tuâ sunt diaceſi constituti, sed etiam ad universas Carthagenſes, ac Baticos, Lusitanos atque Gallicos, velleos, qui vicinis tibi collimitant hinc inde provinciis, hæc quæ à nobis sunt salubri ordinatione disposita, sub literarum tuarum prosecutione mittentur, &c. Africanos tamen, cum ad ipsos scriberet eâ de re Siricius, haud paulo mollius tractavit, ergaque eos non tam imperantis quam suadentis personam sustinuit. Præterea, inquit, quod dignum, & pudicum, & honestum est, suademus, ut sacerdotes & Levitæ cum Vxoribus suis non*

cocant,

cedant, quia in ministerio divino quotidianis necessitatibus occupantur. Ad Corinthios namque sic Paulus scribit, dicens: Abstineat vos, ut vacetis orationi. Si ergo Laicis abstinentia impenditur, ut possint deprecantes audiri: quanto magis sacerdos utique omni momento paratus esse debet, munditia puritate securus, ne aut sacrificium offerat, aut baptizare cogatur? Qui si contaminatus est carnali concupiscentia, quid faciet? excusabit? Quo pudore, quam mente usurpabit? Quam conscientiam, quo merito hic exaudiri se credit? — *Qua de re hortor, moneo, rogo, tollatur hoc opprobrium, quod potest jure etiam gentilitas accusare, &c. Scripta est hæc Epistola Synodalis post responsum Himerio missum, idque argumento est, Himerium Africanos ex potestate delegatam in sententiam Pontificis trahere minime potuisse, sed ipsum Pontificem suapte opera & sub alio schemate tentare id oportuisse.*

XXI. Utrum successum apud Africanos habuerit ista Siricii commonefactio, non ausim affirmare. Ita quidem putat Petrus de Marca de concord. sacerdot. & imp. lib. 1. cap. 8. num. 4. refertque eò canonem secundum Concilii Carthaginensis II, quem recenset Gratianus cap. 3. dist. 84. & hoc Concilium ait Martini celebratum fuisse anno CCCXC,

præteritum autem Concilium quod in isto canone adducitur, coactum fuisse ad summum anno CCC LXXXVIII, & Siricii epistolam ad Africanos scriptam fuisse anno CCC LXXXVI, ut adeo ad instigationem & suggestionem Siricii in concilio isto præterito primum eadem de re scripta lex fuerit apud Africanos. Verum præterquam, quod valde luxata & confusa fuerint, Concilia ista Africana, uti patet ex præfatione, quam Codici canonum Ecclesiæ Africanæ præmisit, Christophorus Justellus, ipse etiam canon allegatus ab eodem Justello vindicatur Concilio, quod post Consulatum Honorii XII, & Theodosii VIII, anno CCCCXIX habitum fuit, & præteritum concilium, cujus mentio fit, ab eodem explicatur de præcedente illo, quod Vincentio & Flavito Coss. hoc est A. D. CCCCi celebratum est, quo tempore Siricius diem suum jam obierat. Georgius Calixtus autem de conj. cler. pag. 287. per præteritum Concilium intellectum vult, quintum illud Carthaginienſe, anno CCCXCVIII celebratum, & canonem ejus tertium, quem adducit Gratianus cap. placuit dist. 32. & cap. cum de quorundam dist. 84.

XXII. Quicquid hujus sit, ipsas etiam canonum sententias ex Africanis

canis conciliis adductas minime refragari, nec legem perpetuæ abſtinentiæ inde inferri, idem docet Calixtus, easdemque explicat de abſtinentiâ circa tempus ſacri miniſterii, ſumendaque euchariftiæ. Et ita ſam olim verba *ἡ τῶς ἰδιῶς ὁρῆς* in canonibus Carthaginiſibus interpretati ſunt Baſamon, Zonaras & Ariſtenus *ad can. 13. Concilii VI, in Trullo habiti.* Add. Guil. Bevereg. *ibid.* Nec verò tolerari poteſt, quod in d. c. 2. Concilii Carthaginiſis II, peroravit Aurelius Epicoſopus: *ut quod Apoſtoli docuerunt, & ipſi ſervavit antiquitas, nos quoque cuſtodiamus.* Si quidem verba iſta de lege perpetuæ abſtinentiæ accipi debeant. Nuſquam enim tale quid docuerunt Apoſtoli, nec legem aliquam talem ſervavit antiquitas. Idque animadvertens Gratianus contra omnium exemplarium fidem vocabulum *exemplo* inſeruit, hoc ſenſu: ut quod Apoſtoli docuerunt *emplo* &c. Ineptior adhuc eſt gloſſa, quæ antiquitatem à tempore Siricii interpretatur, Pontificis aut adhuc viventis aut vix deſuncti.

XXIII. Cæterum dubitat B. Chemnitius in *exam. Concil. Trid. part. 3. pag. 504.* utrum epiſtolæ Siricii ſint genuinæ. *Agre*, inquit, adducor, ut credam Siricium, cui vera hiſtoria meliora tribuunt teſti-

monia, tam contumelioſe contra Scriptum & contra ſincera antiquitatis manifeſta iudicia, repetitis ipſiſſimis veterum hæreticorum argumentis, de legitimo conjugio ita ſcripſiſſe, ſicut Epiſtola decretales, quæ ipſi tribuuntur, loquuntur, &c. Sed nolim ego de earum fide dubitare, præſertim cum eas circa annum Chriſti DXXV, Codici ſuo cum præſatione ad Julianum præbyterum tituli ſanctæ Anaſtaſiæ inſeruerit Dionyſius Exiguus, cujus collectionem in ſummo ſemper honore habuit Eccleſia. Vid. Franc. Florens *diſſert. Canon. pag. 167.* Mirari autem deſino, cur Siricius tam ſeverè coelibatum imperaverit, dum perpendo, in Concilio Niceno tantum Patrum numerum in idem decretum incliſſe, & perfeciſſe etiam, niſi uniùs Paphnutii ſententia in ſaniorẽ mentem eos reduxiſſet.

XXIV. Anno CCCCXVIII, habita fuit Synodus Teleptenſis itidem in Africâ, quæ malè vulgò Teleptenſis dicitur. Telepte enim metropolis erat & prima ſedes provinciæ Byzacenæ. *In illâ*, ait Severinus Binius *nihil aliud actum, reperitur, niſi quod ad definitionem cauſæ, de quâ controverſia agitur, juſſa eſt recitari decretalis Epiſtola Siricii Romani Pontificis ad Africam.*

etiam. Episcopus data. Qvalis ea causa fuerit, non explicat Binius. Putat tamen Petrus de Marca d. l. juxta præscriptum istius Epistolæ decreta fuisse aliquot disciplinæ capita, nec inter ea omissum illud, quod Clericorum continentiam sancit. Quod si concilium istud Carthaginense à Gratiano c. 3. dist. 84. memoratum anno CCCXCIX habitum fuit, uti Justellum putare dixi supra, præteritum concilium, ad quod dicto canone provocatur, de nullo commodius, quam de Teleptensi hoc explicabitur, quippe quod & ipsum Africanum, & anno tantum uno antèius fuit. Sed hic nihil definio, cum in enodandis conciliorum Africanorum decretis vix quisquam satis circumspèctus esse queat.

XXV. Provocat verò etiam Innocentius I, qui ineunte seculo V Ecclesiæ Romanæ Episcopus fuit, ad Siricii istam legem in *epist. ad Exuperium Archiepiscopum Tholosanum*, quam prolixè refert Gratianus c. 2. dist. 82. *Proposuisti*, inquit, *quid de his observari debeat, quos in diaconii ministerio aut in officio presbyterii positos incontinentes esse aut fuisse generati filii prodiderunt. De his etiam manifesta est divinarum legum disciplina & beata recordationis Siricii Episcopi monita evidentiæ commearunt, ut incontinentes in of-*

ficiis positi talibus, omni honore Ecclesiastico privarentur. Nec admittantur ad tale ministerium, quod solè continentia oportet impleri. — Sed ea planè dispar & diversa sententia est. Nam si ad aliquos forma Ecclesiastica vita pariter & disciplina, quæ ab Episcopo Siricio ad omnes provincias commearit, non probatur pervenisse, his ignorantibus venia non negabitur: ita ut de cætero penitus incipiant abstinere: & ita gradus suos, in quibus fuerint inventi, retinent, ut eis non liceat ad potiora conscendere, quibus in beneficio esse debet, quod tunc ipsum locum, quem retinent, non amittunt. Si qui autem scisse formam vivendi missam à Siricio deteguntur, neque statim cupiditatem libidinis abjecisse, illi sunt modis omnibus submovendi, qui post admonitionem cognitam, præponendam arbitriati sunt voluptatem. Quæ distinctio addita satis notat, ipsum etiam Innocentium legem Siricii novam habuisse, adeoque manet, quod supra dixi, Siricium primum fuisse, qui lege latâ universum Sacerdotum genus perpetuæ abstinentiæ addixit.

XXVI. Sed ad universos tamen Clericos, & ad inferiores ordines extendere prohibitionem conjugii noluêrunt Pontifices Romani. Sic enim seculo adultò V legem explicat Leo I Pontifex referente Gra-

tiano c. seriatim dist. 32. Seriatim & apertè prosequamur, quod sancta Romana Ecclesia de gradibus Clericorum ait: Clericos; ostiarios, Lectores, exorcistas, acolythos, si extra votum & habitum monachi inveniantur, & continentiam profiteri noluerint, Uxorem ducere Virginem, cum benedictione Sacerdotali permittuntur: non autem viduam aut repudiatam, quia propter hoc deinceps nec ad subdiaconatum provehi poterunt, quia nec Laicus nisi virginem sortitus Uxorem aut digamus ad Clericatum potest ascendere: vel si quis ex praefatis ordinibus desiderat ad subdiaconatum ascendere, non potest sine consensu Uxoris suae, ut fiat de carnali deinceps spirituale conjugium, nemine cogente eos. Neque permittitur postea Uxor jungi eidem marito suo carnaliter: nec cuiquam nubere in vitâ aut post mortem illius. Subdiaconatum igitur cum cæteris ordinibus superioribus sub lege Prohibitivâ comprehendere, reliquis autem ordinibus inferioribus liberam conjugii potestatem relinquere voluit Ecclesia Latina.

XXVII. Sed nec fortè talis illud ab initio fuit Subdiaconatus conditio, propterea quod ille inter sacros ordines olim minimè referretur. Ita enim inferre videtur Joh. Paul. Lancelottus in *Instit. jur. Can. lib. 1. tit. 22. §. 2. dum ait: Subdia-*

conos licet & Ecclesia primitiva tegeretur habuisse, talis tamen ordo apud antiquos inter sacros non annumerabatur: paulatim tamen post aliquot temporum curricula captus est & subdiaconatus inter sacros ordines reponi. Eisdemque ad similitudinem tam presbyterorum, quam diaconorum. continentia fuit imperata, &c. Dignum hîc sine dubio intendit Lancelottus ad constitutionem Innocentii III, quæ extat in c. 9. X. de ætat. & qual. præf. ubi Urbani II P. R. autoritas adducitur, ac si illo demum autore subdiaconatus inter ordines sacros relatus fuisset. Et extat quidem illa Urbani Decretalis apud Gratianum c. erubescant, dist. 32. Ipse tamen Urbanus subdiaconatum inter sacros ordines primus non retulit. Imò verò jam Leonis I tempore h. e. circa annum CCCCXL, talis habitus fuit Subdiaconatus. Hæc enim ejus apud Gratianum c. 1. dist. 32. sunt verba: Omnium Sacerdos: um tam excellens est electio, ut hac quæ in aliis membris Ecclesia vacante à culpâ, in illis tamen habeantur illicita. Cum enim extra clericorum ordinem constitutus nuptiarum societati, & procreacioni filiorum studere sit liberum; ad exhibendam tamen perfectâ continentia puritatem, nec subdiaconis carnale connubium quidem conceditur, ut etiam, qui habent, sint tanquam non habent.

habentes, & qui non habent permixti singulares & innupti. Quod in hoc ordine, qui quartus extat à capite, dignum est custodiri, quanto magis in primo vel in secundo, tertio reservandum est? &c. Et ergò seculo jam quinto etiam Subdiaconi abstinere conjugio coacti fuere. Hoc verò Urbanus II. introduxisse videtur, & quidem in Concilio Beneventano, ut Subdiaconus in Episcopum eligi possit, de quâ quæstione præcipue agit Innocentius III. in d. c. 9. Canones Concilii Beneventani primus in lucem edidit Stephanus Baluzius in addit. ad Petr. de Marca de concord. sacerdot. & imp. lib. 8. c. 17. De castitate autem & abtinentiâ subdiaconorum plura extant decreta alia apud Gratianum distincta, 28.

XXVII. Et si verò Siricius & post eum Innocentius Sacerdotibus & diaconis uxorum usum ita interdixerint, ut in contumaces admodum severè animadverterent, in provincialibus tamen quibusdam conciliis temperatam eam fuisse sententiam observamus. Quo in primis pertinet decretum Concilii Turonensis I. habiti anno CCCCLXXX. c. 2. Et licet à patribus nostris à commissa auctoritate id fuerit constitutum, ut quicumque Sacerdos vel Levita filiorum procreationi operam dare fuisset convictus, à

communione dominicâ abstineret; nos tamen huic distictioni moderationem adhibentes, & justâ constitutione mollientes, id decrevimus, ut Sacerdos vel Levita conjugali concupiscentiâ inhaerens vel à filiorum procreatione non desinens ad altiorum gradum non conscendat, neque Sacrificia Deo offerre, vel plebi ministrare præsumat. Sufficiat his tantum ut à communione non efficiantur alieni, &c. Verba ipsa Innocentii & Siricii non videntur continere, quòd inde inferunt Patres Turonenses, nec durius quidquam constituisse. Exclusionem igitur à communione in praxi potius & ex interpretatione usuali receptam colligimus, quàm ex verbis legis. Quicquid hujus sit, id utique intendérunt Patres Turonici, ut legem molliori sententiâ temperarent, & suis accommodarent moribus.

XXIX. Cum ita cœlibatus lege publicâ imperatus esset, dubium non est, maximos in plerisque provinciis excitatos fuisse motus, nec obtineri potuisse illicò assensum, ab omnibus. Proinde in quamplicitimis conciliis particularibus repetere opus fuit, & restaurare legem parum accommodam. Ex multis videri possunt decreta Concilii Taurinatenensis can. 7. Arausicani I. can. 22. 23. 24. Arelatenensis II. can. 2. Agathensis c. 9. toletani II. c. 1. Toletani

lectani IV. c. 26. & quæ plura coacervavit Gratianus *dist. 28.* Singula illa hic enumerare nulla ratio cogit. Testantur autem universa & singula, leges de cœlibatu sacerdotum, quod creberimè violarentur, novis sanctionibus identidem muniri oportuisse, nec nisi difficulter atque coactè receptas fuisse. Naturæ scilicet vim inferunt, qui amorem conjugalem ex animis hominum eradicare nituntur. Primi ex omnibus Philosophis à naturâ tributum esse docuerunt, ut ii, qui procreati essent, à procreatoribus amarentur, & id, quod temporum ordine antiquius est, ut conjugia Virorum & Uxorum natura conjuncta esse dicerent, ait Cicero *lib. 4. de finib.*

XXX. Quotocumque verò conatu legem hanc suam ab omnibus gentibus observari voluerint Pontifices Romani, obtinere tamen à Græcis non potuerunt, ut eam reciperent, & Clericorum suorum conjugia simili modo prohiberent. Imò verò contrariam hanc illi in Concilio generali sexto *can. 13.* posuerunt legem: *Quoniam Romana Ecclesia pro canone traditum esse cognovimus, ut diaconi vel presbyteri, qui ut ordinentur digni existimandi sunt, profiteantur se non amplius suis Uxoribus conjungendos: nos antiquum canonem Apostolica perfectionis*

ordinisqve servantes hominum in sacri ordinibus legitima conjugia deinceps ex hoc temporis firma & stabilia esse volumus, nequaquam eorum cum Uxoribus conjunctionem dissolventes, vel eos mutuâ tempore convenienti consuetudine privantes. Quamobrem si quis dignus inventus fuerit, qui hypodiaconus vel diaconus vel presbyter ordinetur, is ad talem gradum assumi nequaquam prohibeatur, si cum legitimâ Uxore cohabitet. Sed neque ordinationis tempore ab eo postuletur, ut profiteatur, se à legitimâ cum Uxore consuetudine abstenturum: ne ex eo à DEO constitutus & suâ præstantia benedictas nuptias injuria afficere cogamur: Evangelicâ voce exclamante: Quid DEUS conjunxit homo ne separet, & Apostolo docente honorabiles nuptias & thorum immaculatum, & alligatus es Uxori, ne quare solutionem. Scimus autem, sicut & qui Carthagine convenerunt, sicut & qui Carthagine convenerunt, ministrorum gravitatis honestatisque curam gerentes dixerunt, ut Subdiaconi, qui sacra mysteria contrectant, & diaconi & presbyteri, propriis terminis à consortibus abstineant. Ut & quod per Apostolos traditum est, & ab ipsâ usque antiquitate servatum, nos quoque similiter servemus, tempus in omni ratione. Oportet enim eos, qui divino altari adsident, in sanctorum tractan-

erandorum tempore esse omnino continentes, ut possint id, quod à DEO simpliciter petunt obtinere. Si quis ergo præter Apostolicos canones incitatus sit aliquem eorum, qui sunt in sacris, presbyterorum, inquit, vel diaconorum vel Hypodiaconorum conjunctione cum legitima Uxore & consuetudine privare, deponatur. Similiter & si quis presbyter vel diaconus suam Uxorem pietatis prætextu ecegerit, segregetur, & sic perseveret, deponatur. Adducitur ex parte à Gratiano c. quoniam dist. 31. Ex quo duo imprimis notanda veniunt. 1. Ecclesiæ Romanæ constitutionem, de perpetuâ Clericorum ab Uxoribus abstinentiâ in hoc concilio prorsus reprobata & rejecta fuisse, 2. Neque conjugia ante ordinationem contracta impedimento habita fuisse clericatui, nec proinde dissolvi debuisse, & potuisse ad eò presbyteros & diaconos etiam, post ordines receptos Uxoribus suis cohabitare, quod concedere noluit Ecclesia Latina.

XXXI. Sed & in Occidentis quibusdam provinciis multa sæpè inter Clericos movebatur contradictio, plurimique semper existebant, qui legem istam sibi parum placere verbis & facto contestabantur. Et videtur alicubi sæculo undecimo atque dormitasse lex ista, aut prorsus inter mortua fuisse. Cum enim Hil-

debrandus sive Gregorius VII Ecclesiæ Romanæ regimen accepisset, non aliter, nisi vi factâ obtinere potuit, ut lex ista de cœlibatu Sacerdotum deinceps observaretur. Referam istud verbis Lamberti Schaffnaburgensis, qui Hildebrandi obitus memor fuit, & optimam ejus rei cognitionem habuit. Sic igitur ille in historiâ anni Cl. LXXIV. Hildebrandus Papa cum Episcopis Italiæ conveniens jam frequentibus synodis decreverat, ut secundum institutâ antiquorum canonum presbyteri Uxores non habeant, habentes aut dimittant, aut deponantur; nec quisquam omnino ad sacerdotium admittatur, qui non in perpetuum continentiam vitamque cœlibem profiteatur. Hoc decreto per totam Italiam promulgato crebras literas ad Episcopos Galliarum trans mittebat, præcipiens, ut ipsi quoque in suis Ecclesiis similiter facerent, atque à contubernio sacerdotum omnes omnino feminas perpetuo anathemate rescarent. Adversus hoc decretum protinus vehementer infremuit tota factio Clericorum; hominem planè hæreticum & vesani dogmatis esse clamitans, qui oblitus sermonis Domini, quo ait: non omnes capiunt hoc verbum, qui potest capere, capiat; & Apostoli, qui se non continent, nubant: Melius est enim nubere, quàm uris: violentiâ exactione homines vivere cogeret ritu angelorum, & dum

consuetum cursum naturæ negaret, fornicationi & immunditiei frenum laxaret. Quod si pergeret sententiam confirmare, malle se sacerdotium, quàm conjugium deferere, & tunc visurum eum, cui homines sorderent, unde gubernandis per Ecclesiam DEI plebibus angelos comparaturus esset. Nihilominus ille instabat, & assiduis legationibus Episcopos omnes socordia ac desidia arguebat, & nisi ocyus injunctum sibi negotium exsequerentur, Apostolicâ se censurâ in eos animadversurum comminabatur. Archiepiscopus Moguntinus sciens non parvo constare operam hanc, ut tanto tempore inolitam consuetudinem revelleret, atque ad rudimenta nascentis Ecclesiæ senescentem jam mundum reformaret, moderatius agebat cum eis, & primo eis in dimidium annum inducias & deliberandi copiam dedit, hortans eos, ut quod necessariò faciendum sit, sponte faciant, & tam sibi quàm Romano Pontifici necessitatem adimant, aliquid in eos, quod secus sit, decernendi. Ad ultimum congregatâ Synodo in Erfordiâ mense Octobri presens jam imminabat, ut delegatâ omni tergiversatione in presentiarum aut conjugium abjurarent, aut sacri altaris ministerio se abdicarent. Multas contra illi nationes afferebant, quibus instantis perurgentisque improbitatem eludere sententiamque cassare niterentur. Cumque adversus Aposto-

lica sedis auctoritatem, quâ se ille ad hanc exactionem præter voluntatem propriam compulsus obtendebat, nihil argumenta, nihil supplicationes precesque proficerent; egressi tanquam ad consultandum, consilium ineunt, ut in Synodum non redeant, sed injussi omnes in domos suas discedant. Nonnulli etiam confusis vocibus clamabant, melius sibi videri, ut in Synodum regressi ipsum Episcopum, priusquam execrabilem adversum eos sententiam promulgaret, Cathedrâ Episcopali deturbarent, & meritâ morte multato insigne monumentum ad posterum transmitterent, ne quis deinceps successorum ejus talem sacerdotali nomini calumniam struere tentaret. Quùm ad Episcopum relatum esset, hoc eos machinari, commonitus à suis, ut tumultum, qui oriebatur, maturâ moderatione praverteret, misit ad eos foras, rogavitque, ut sedato peccatore in Synodum regrederentur, se, quùm primum opportunitas arrisisset, Romam missurum, & dominum Apostolicum, si qua posset ratione, ab hac sententia austeritate deducturum.

XXXII. Quievit ita negotium, istud per integrum annum, & securi interim Uxoribus suis cohabitabant Sacerdotes. Sequente verò anno MLXXV, mense Octobri coacta iterum fuit Synodus Moguntinæ.

libi

Ubi inter alios (ita pergit Lambertus) Episcopos, qui convenerant, aderat Curranſis Episcopus, Apostolica ſedis literarum & mandata deferens, quibus ei ſub interminatione gradus & ordinis ſui præcipiebat, ſicut antea quoque multis legationibus præceperat, ut præbyteros omnes, qui intra ſuam diœceſin eſſent conjugati, cogeret aut in præſentiarum conjugibus renunciare, aut ſe in perpetuum ſacri altaris miniſterio abdicare. Quod dum facere vellet, exſurgentes, qui undique aſſidebant Clerici, ita cum verbis conſuebant, ita manibus & totius corporis geſtu in eum debaccebantur, ut ſe vitâ comite ſynodo exceſſurum deſtineret. Sic tandem rei difficultate ſuperatus, ſtatuit ſibi deinceps tali quaſtione omnino ſuſſedendum, & Romano Pontifici relinqvendum, ut cauſam, quam ipſe toties inutiliter propoſuiſſet, ille per ſemetipſum, quando & quomodo vellet, peroraret. Hæc Lambertus, cui addi poſſunt, quæ ſcribit Sigebertus Gemblacenſis ad ann. MLXXIV, & quæ de tyrannide Hildebrandinâ collegit Claudius Eſpencæus, de continet. lib. 1. cap. 12. Non dubito, Ivonem Carnotenſem Clericorum conjugatorum cœtus intellectos voluiſſe, cum ad Rogerium præbyterum impudicè viventem ſcriberet epiſt. 29. Hoc quaſi argumentum ad deſenſionem ſuarum abuſionum ſubſannando ſibi

adſciſcunt quidam Eccleſiarum cœtus. Eo enim tempore difficile fuit continentiam Clericis imperare, multiqve adhuc extiterunt conjugio ligati. Vid. Franc. Juret. ad Ivon. epiſt. 218.

XXXIII. Eventus ſcilicet docuit, legem hanc de cœlibatu Sacerdotum non fuiſſe Eccleſiæ convenientem. Inter virtutes legis hæc imprimis reſertur, quod debeat eſſe honeſta, & de rebus licitis, atqve de illis, quæ ſunt in noſtrâ poteſtate. At talis non eſt lex de cœlibatu, cum perpetua illa, quæ imperatur, continetia & caſtitas extra noſtram poteſtatem ſit, & vires naturæ ſuperet. Non nego, dari nonnullos, quibus iſtud donum datum eſt; ſed negari viciffim nequit, extraordinarium iſtud planè eſſe, atqve hinc pauciſſimis contingere, nec ulli mortalium à Deo promiſſum eſſe, ut merito cenſeatur ſacrilègè divinam ordinationem violare, qui certo hominum generi, quod de dono iſto incertum eſt, conjugio interdicat. Placet omnino ſententia Panormitani ad c. cum olim X. de cler. conjug. num 4. dum ait: *Papa etiam cum majori parte concilii non poterit indicare continentiam certo generi perſonarum poſt promotionem eis reſiſtentibus & reſuſtantibus quia continentia eſt res, quæ poteſt perſuaderi, imperari autem non. Et.*

Kk 2 poſt

post pauca sub num. 5. de lege cœlibatus hunc in modum discribit: *Credo pro bono & salute animarum, quod esset salubre statutum, ut volentes continere relinquere voluntati eorum, non valentes autem continere, possint contrahere: quia experientia docente contrarius prorsus effectus sequitur ex illâ lege continentia, cum hodiè non vivant spiritualiter, nec sint mundi, sed maculantur illicito coitu cum corum gravissimo peccato: ubi cum propriâ uxore esset castitas. Unde deberet Ecclesia facere, sicut bonus Medicus, ut si medicinâ experientiâ docente potius officit, quàm prosit, eam tollat.*

XXXIV. Quod si jam à Pontificibus rationem prohibitionis exquiras, ab ipsius ejus autoribus non aliam accipies, quàm quod carnali concupiscentiâ contaminati acceptabile Deo munus offerre nequeant, neque exaudiantur à Deo, quorum mens & conscientia est coinquinata. *c. proposuisti & c. seq. dist. 82.* Georgius Cassander in consultatione, quam eâ de re Ferdinandi I & Maximiliani II mandato conscripsit, rationes has reddit: *Quarum, inquit, prima fuit, ut ministri Ecclesiæ castè, pudiceque in Ecclesiâ serviant, ut sancti, sancti contrahant atque dispen-*

sant. Altera, ut avaritia causa praevideretur, quam rei familiaris procuratio & liberorum cura adferre solet. Tertia, ut à cum rei familiaris liberi expeditius & attentius res divinas administrarent. Paulus enim ait, Maritum mundana curare, ut Uxori placeat; cœlibem verò ea quæ sunt Domini curare, ut Domino placeat, &c. Sed agnoscit, mox ipse verbis sequentibus, rationes istas nostris temporibus, quibus juvenes nondum sibi cogniti nec explorati ad ministerium admittuntur, non convenire. Causa illa, inquit, quibus majores ad constitutionem hanc faciendam inductos esse diximus, non solum hodiè cessarunt, sed etiam in contrarium sunt conversa. Nam primum vidimus hoc decreto usque adeo castitatem & continentiam in Christo non confirmari, ut per illud ad omne libidinis & flagitii genus fensum aperta esse videatur. Item usque adeo non refrenatam in Clero avaritiam, ut etiam freta magis laxata esse videantur. Tum res in plerisque Sacerdotibus ita compamta sunt, ut conjugum piarum consortio non modo ad functiones Ecclesiasticas obeundas non impediuntur, sed etiam ad earum promotionem adjuvantur ab eis, quem-

quemadmodum de patre suo Gregorio & matre Nonna Gregorius Nazianzenus testatur. Sunt & contraplerique calibes, qui usque adeo calibatus suo ad ea, quæ DEI sunt expeditius curanda non incitentur, sed etiam contra curis huius seculi supra reliquos homines immergantur & obruantur, &c. Concludit tandem, relaxari debere statutum istud, & honestos etiam maritos ad ministerium Ecclesiasticum admittendos esse.

XXXV. Videtur Cassander, ut fuit integræ mentis & candidi pectoris, non satis penetrasse arcana aulae Romanæ, neque explorasse rationes, quibus lex cœlibatus hodiè quàm maxime nititur. Eas nobis in Concilio Tridentino haud paulo alias explicavit Rodolphus Pius Cardinalis Carpenfis, referente Petro Svav. in hist. Concil. Trid. lib. 5. p. m. 517. Si, inquit, connubia permittantur Sacerdotibus, id inde secuturum, ut familiam, Vxorem ac liberos alentes ad Principis quivque sui obedientiam respiciens Pontificis obsequium detrectet: ut liberorum charitas ab officio ad omnem Ecclesiæ fraudem, ac præiudicium abducatur: ut de sacerdotiis in familias suas hereditario jure adsciendis cogitent: ut denique intra breve tempus sedes Apostolica Urbis Romana cancellos non exscendat. Ante institutum calibatum sedem Romanam nullam ex aliis civitatibus ac regionibus fructum percepisse, per hunc

adeptum dominatum omnium sacerdotiorum, quæ matrimonium exiguo tempore illi eriperet.

XXXVI. Hæc sunt scilicet cœlibatus sacerdotalis arcana & curiæ Romanæ secreta consilia, quæ aliam honestiorem causam mentiuntur, & *ὡς φασιν* ex puritate cultus divini mutantur. Nec mirari hinc amplius quisquam potest, eò vesaniz processisse nonnullos, ut statuerent, fatius esse, quam plurimas domi à clerico haberi meretrices, quàm ut unam habeat honestam Vxorem. Nempe à concubinis & meretricibus tantum Apostolica sedis haud imminet periculum, quàm ab honestis Vxoribus. Sed profecto ista Clericorum vivendi ratio jam diu displicuit Bernhardo. *Væ*, inquit, inimicus hominum sulphurei illius incendii reliquias infelices circumquaque dispersit, execrabilis illo cinere Ecclesiæ corpus adpersit, & ipsorum quoque ministrorum ejus nonnullos sanie fœdissimâ spurcissimâque respersit. Ingressuntur cum hac maculâ sanctuarium DEI viventis, inhabitant cum maculâ, templum sanctum Domini polluentes, iudicium multiplex accepturi, quod & tam gravissimas conscientias gerunt, & nihilominus se ingerunt in sanctuarium DEI. — Eset autem sine dubio melius nubere, quàm uri, & salvari in humili gradu fidelis populi, quàm in Cleri sublimitate & deterius vivere.

& districtius judicari. Multi enim, non quidem omnes, sed tamen multi, certum est, nec latere queunt pra multitudine, nec pra impudentia quarunt. multi utique libertatem, in qua vocati sunt, in occasionem carnis diffundere videntur, abstinentes remedio nuptiali, & in omne deinceps flagitium effluentes.

XXXVII. Sed nolo Camarinam hanc movere diutius. Plura qui considerat, & quam impudica sit in Ecclesia Latina, Clericorum castitas, nosse cupit, adeat is Alvarum Pelagium de planctu Eccles. Georg. Wicelium in via reg. Joh. Juell. advers. Harding. part. 4. Andr. Rivet. in Jesuit. vapul. cap. 3. Georg. Calixt. de conjug. Cler. Lepida est ratio differentiae inter jus civile & Cano-

nicum, illo incestuosus & adulterinis liberis alimenta denegante, hoc decernente, quam reddit Joh. Petr. de Ferrariis in prax. tit. 49. n. 27. & 28. Utrumque jus, inquit, habet in se rationem. Nam ratio juris civilis fuit, ut reprimeretur vitium carnis; ratio autem Clericorum fuit (quia luxuriosi sunt & carent uxoribus, ut ampliaretur facultas luxuriandi,) quia inhumanum erat, quod anima creata fame periret, qua non peccavimus, &c. Salsè perstringit oelibatum clericorum, ideò scil. carere eos Vxoribus, ut ampliaretur facultas luxuriandi. Scilicet. illis plus placet Venus vaga & desultoria, quam casta & legitima.

CAPVT XV.

De vitiis & delictis Diaconorum.

- I. Vitium quatenus differat à flagitio, peccato, scelere, &c. II. Quae diaconorum vitia sint recensenda. III. Eorum cum delictis militum comparatio. IV. Distinctio inter delicta & casus privilegiatos in Galili exorta. V. Ex neglectu muneris reatus. VI. Diaconorum, factus & in superiores presumptio. VII. Exemplum hujus rei prolatum, VIII. & causa duplex indicata, IX. ex auctore quaestio- num veteris & novi testamenti. X. Quare diaconi Romana Ecclesia non sunt superiores alius. XI. Diaconus vrbicus, item Episcopus, magistratus, &c. XII. Diaconus ne sedeat coram presbytero.

XIII.

XIII. Diaconorum ebrietas, XIV. Stupra, fornicatio. mulieres
 οὐκ ἐξουσιοῦται, XV. Pollutio laborum, XVI. auaritia, XVII.
 ex sordida Clericorum cupiditate monstratur, XVIII. & senere,
 asuria. XIX. an crimen hoc sit mere Ecclesiasticum? XX. Cleri-
 corum ira, inuidia, uisitata cupiditas, & quæ hinc Ecclesia mala.
 XXI. Pervicacia, rabies, veritatis neglectus, convicia. XXII.
 Quare Deus hac permittat. XXIII. Per vitia ministri personalia
 non corrumpitur ministerium aut destruitur. XXIV. Vitiis
 perpetuas.

I. **V**itia flagitiis leviora esse, scribit A Gellius *l. i. noct. Attic. cap. 17.* Quod agit indomita cupiditas ad corrumpendum animum & corpus suum, flagitium vocatur. Augustin. *lib. 3. de doctr. Christ. c. 10.* Vitium verò est turpis habitus animi. Unde, si à peccato & culpa accuratè distingvi debeat vitium, doceat Moralista, vitium esse in habitibus & in actibus virtuti contrariis, peccatum verò & culpam solum in actibus consistere. Job. Azor. *instit. moral. lib. 4. cap. 1.* Et quia sæpe confunduntur, crimen, delictum, peccatum, scelus, flagitium, &c. ut vocabula ista in significatione genuinâ distingvenda sint, non Theologi tantum, sed J Cti etiam sæpe solliciti sunt. Ex multis videri possunt, Gerhardus Johannes Vossius *in histor. Pelag. lib. 2. part. 3. th. 2.* Nicol. le Maître *de bon. Eccles. lib. 1. cap. 8.* Tiberius Decianus *tr. Crim. lib. 1. per tot.* Petr. Theodoric. *Colleg. criminal. disp. 1. th. 1.* Anton Mathæus *de crim. in prolegom. cap. 1.* Prosp. Farinac. *lib. 1. cap. 18.*

II. Nos ea cura non tangit, quandoquidem non vitiis tantum, sed flagitiis etiam & atrocissimis criminibus inquinati quandoque esse solent diaconi. Et ab his recensendis lubens abstinere, nisi quotidia- adhuc sæpe numero occurrerent, exempla, quæ antiquorum Patrum querelas eâ de re identidem in memoriam revocant. Nec tamen, ut singula quæque enumerem, expectari vel potest vel debet, cum & diversæ atque multiplices delictorum species sint, & exempla infinita, & Patrum sententiæ haud paucae. Sufficiet igitur, si ex immensâ copîa talia hîc consignemus, quæ summa quasi & extantiora capita constituent, reliqua cujusque alterius indutrix relinquentes. Nec enim id hîc intendimus, ut de moribus doctrinam plenè tradamus, sed ut describamus tantum, quibus delictis sanctissimum officium contaminatum haud rarò fuerit, & contaminari adhuc soleat.

III. Præmittendum verò adhuc est, applicari hîc posse distinctionem deli-

delictorum, quam in personâ militis observatam voluit. *Jctus in l. 2. ff. de re militari.* Militum nempe delicta sive admissa aut propria sunt, aut cum cæteris communia, quorum ratione etiam persecutio aut propria, aut communis est. Communia sunt, quæ etiam in reliquos homines cadunt, ut homicidium, adulterium, furtum, &c. Propria, quæ milites, ut milites admittunt, quæque adeo specialem militiæ rationem includunt. Talia plurima referuntur in *l. 3. ff. eod.* Sic enim delinquit defensor, emansor, qui in exploratione emanet, qui à fossato recedit, qui stationis munus relinquit, qui ab excubatione desistit, qui ad diem commeatus non venit, qui ad hostem confugit, qui in bello arma mittit vel alienat, qui vallum transcendit, aut per murum castra ingreditur & similes alii. Conf. Tib. Decianus *tr. crim. lib. 7. c. 15.* Alexand. ab Alexandr. *genial. dier. lib. 2. c. 13.* Ad eundem modum Ecclesiasticorum admissa sive delicta aut propria sunt, id est, quæ illi ut Ecclesiastici admittunt adversus Ecclesiasticam disciplinam; alia verò communia sunt, quæ non jam ut Ecclesiastici, sed ut civium numero, atque in Rep. constituti admittunt. Nam, ut rectè ipse etiam Bellarminus *lib. 1. de Cler. cap. 28.* agnoscit, Clerici præterquam quod Clerici sunt, sunt etiam cives & partes Reip.

politice. Hæc igitur ratione diaconorum delicta propria sunt, quando illi delinquant in officio suo, vel committendo vel committendo, quando non agunt, ut debent, aut quando aliter agunt.

IV. Canonistæ recentiores in alio significato accipiunt delicta communia, quando ea opponunt, casibus privilegiatis. Nempe communia delicta illis dicuntur, de quibus in iudicio Ecclesiastico agitur; casus autem privilegiati, quorum cognitio ad iudicem secularem pertinet. Utrobique subjectum delinquens debet esse clericus, ne quis ad alios id pertinere putet. Atque ea distinctio in Galliis primum exorta videtur. Cum enim à Romanâ Ecclesiâ exemptio Ecclesiasticorum ab omni potestate seculari magno conatu adstrueretur, nec Gallia tamen omnem jurisdictionem, quam à multis seculis in personas Ecclesiasticas exercuerat, deferere & renunciare vellet, temperamentum aliquod per hanc distinctionem excogitari cœpit, idque in gratiam Ecclesiasticorum non omnino improbatum fuit. Neque tamen animadversum tunc est, poni ita sensim fundamenta exemptionis universalis ab Ecclesiasticis tam enixè affectatæ, & eis hæc ratione concedi, quod maxime cupiebant, non subesse eos jure communi potestatibus secularibus, quandoquidem casus, pro-

propter quos iudices seculares in eos animadvertabant, vocabantur privilegiati, ac si scilicet ex privilegio ab alterius beneficio proveniente id fieret. Quem errorem, totiusque distinctionis commentitias rationes solidè detegit Benignus Milletotus in Divionensi Curia Consiliarius, in aureo libello de delicto communi & casu privilegiato.

V. Hâc igitur distinctione omiffa, neque de priore quidem multa nobis erit sollicitudo, quandoquidem, quæ circa officium delinquuntur, facillè intelligi poterunt ex illis, quæ de officio diaconorum ipso supra abunde adduximus. Id enim si quoquo modo neglectum, aut contrarium quid commissum fuerit, reum facit diaconum, poenamque meretur secundum canones aut cuiusque loci statuta decernendam. Tàm peccat ille, qui non facit, quod facere debet, quàm qui facit quod facere non debet. Atque ita jus est etiam in civilibus negociis, ut puniatur negligentia ejus, qui quid facere debuit, l. 7. C. de bon. proscript. Quin imo gravius delinquit iudex, & graviore poenâ dignus est, qui negligens est in officio, quàm qui per imperitiam judicat: cum negligens omittat id, quod facere debet, imperitus autem faciat, quod ignorat. Gabr. Alvarez de Velasco de jud. perfect. rubr. 15. annot. 1. n. 23. Quemadmodum igitur in muneribus Ecclesiasticis si qui inter

Episcopos ita desides atque negligentes reperti fuerint, ut nulla ab eis Ecclesiæ speranda sit utilitas, impune id ferre non debent c. pervenit & c. seq. dist. 84. ita etiam diaconi poenâ digni sunt, qui munere suo abutuntur, & negligenter id obeunt, cum non exigua pars ministerii Ecclesiastici eis concredita sit.

VI. Inter communia diaconorum delicta eminet & certo modo proprium fuit fastus & superbia, quâ sæpenumero presbyteris insultarunt, eisque superiores videri voluerunt. Ordinum ~~sanctorum~~ talis jam diu constituta fuerat, ut à subdiacono usque ad Lectores omnes subditi essent diacono Cardinali in Ecclesiâ representantes ei honorem. porro Pontifici presbyter, presbytero diaconus, diacono subdiaconus, subdiacono acolythus, acolytho exercista, exorcista lector, lectori ostiarius, ostiario abbas, abbati monachus in omni loco repræsenteret obsequiū, sive in publico, sive in gremio Ecclesiæ c. à subdiacono dist. 93. seqvioribus tamen temporibus insuper habito hoc ordine diaconi plus sibi sumpserunt, & tantum non contemptui aliquando habuerunt tum presbyteros, tum Episcopos. Testantur id non conciliorum tantum decreta, sed privatæ etiam Episcoporum epistolæ, quibus acerrimè infectati fuerunt hanc diaconorum præsumptionem. Plurima talia concessit Gratianus

tiam apud omnes comparabat. Communiter verò omne hoc matum ex bonorum administratione, quæ illis concredita erat, oriebatur, propter quam non Romæ tantum, sed ubique etiam maiore obsequio diaconi, quam presbyteri frequentabantur. Sic enim fieri solet, ut rationales, quique ætariis præfecti & fisci curatores sunt, maiore semper cultu afficiantur, quam alii in altiore licet gradu & dignitate constituti.

IX. Utriusque huius causæ mentionem facit supracitatus autor quæstionum Veteris & novi testamenti, d. l. *Quingram*, inquit, *Romana Ecclesia diaconi modico inuerecundiores videantur, sedendi tamen dignitatem in Ecclesia non presumunt.* -- Sed quia *Romana Ecclesia ministri sunt*, idcirco bono ambiliores putantur, quam apud ceteras Ecclesias, propter magnificentiam Urbis Romana, quæ caput esse videtur omnium civitatum. Si itaque sic est, hoc debent & sacerdotibus suis vindicare: quia si ii, qui inferiores sunt, crescent propter magnificentiam civitatis, quanto magis qui potiores sublimandi sunt. -- Vides quid pariat vana presumptio. Immemores enim relatione mentis, eò quod videant *Romana Ecclesia se esse ministros*, non considerant quid illis à Deo decretum sit, & quid debeant custodire; sed solunt hac de memoria assidue stationes domesticas, & officialitas, quæ per suggestiones malas seu bonas nunc pluri-

mum potest. (Intelligit œconomos & servos administrationi ad iunctos, qui ratione officii frequentiores erant apud diaconos quam presbyteros.) *Hi sunt, qui faciunt eos ordinis sui non considerare rationem.* Dum enim per adulationem obsequuntur illis illicite, precipites illos faciunt, ut plus sibi putent licere: quippe cum videant non sic deferri sacerdotibus, ac per hoc anteferrî se putant. Sed testimonio, inquit, diaconi sit presbyter, quasi istud ad prærogativam pertineat magnitudinis. -- Ecce Laicorum testimonio creati sunt diaconi, &c.

X. In iisdem argumentis confundendis etiam Hieronymi epistola supra ex Gratiani compilatione adducta, occupata est. Verba quæ huc faciunt sunt ista: *Nec altera Romana Urbis Ecclesia, altera totius Orbis existimanda est.* -- Si auctoritas quaeritur, orbis maior est urbe. -- Potentia divitiarum & paupertatis humilitas vel sublimiorem vel inferiorem episcopum non facit. Ceterum omnes Apostolorum successores sunt. Sed dices: quomodo Roma ad testimonium diaconi presbyter ordinatur? Quid mihi proferat unius Urbis consuetudinem? Quid paucitatem, de qua ortum est supercilium in Leges Ecclesie vendicas? Omne quod nrum est plus appetitur. Pulegium apud Indos pipere preciosius est. Diaconos paucitas honorabiles facit, presbyteros turba contemptibiles facit. -- Sciant diaconi quare

L l 2 consti-

constituti sunt. Legant alia Apostolorum & recordentur conditionis suae.

— Qui provehitur, de minori ad majus provehitur. Aut igitur ex presbytero ordinetur diaconus, ut presbytero major comprobetur, in quem consecravit ex parvo, aut si ex diacono ordinatur presbyter, noverit se Laicia majorem sacerdotibus esse minorem.

XI. Dum hæc scribo, in mentem mihi venit canon decimus octavus Concilii Arelatensis I, qui sic habet: De diaconibus Urbicis, ut non aliquid per se præsumant, sed honor presbyteris reservetur. Videtur hic canon, de diaconis Urbis Romæ, qui propterea Urbici dicuntur, conceptus esse. Etsi enim plerique omnes statuunt, Concilium istud provinciale fuisse, ex illorum tamen, qui subscripserunt, nominibus, quorum maxima pars periiit, apparet, ex toto Occidente congregatos tum fuisse Episcopos, qui utique circa disciplinam Ecclesiæ Romanæ canonem conscribere optimo jure potuerunt. Uti enim Urbis per antonomasiam & καὶ ἐξ ὧν Romam denotat: sic & Urbicus Romanum. Ita Urbicus Episcopus à Paulino *epist.* i. dictus est Pontifex Romanus. Sed & Paulino antiquior Optatus Afer Zephyrinum Urbicum appellat, *lib.* i. qui & Romæ Episcopus & Romanus origine fuerat. Sic confessores & Cle-

ricos Urbicos nominat Cyprianus *epist.* 40. Romanos intelligens: Urbicos Magistratus Svetonius in *Augusto* c. 46. Urbica negocia Ulpianus l. 51. ff. de administr. & peric. tut. Urbicos pistoris & urbana ministeria Paulus l. ult. ff. de excus. tut. l. 4. §. si ita ff. de penu leg.

XII. Urbici igitur isti diaconi, quia sæpissimè adversus presbyteros cervicem erigebant, quod se majore cultu à populo observari animadverterent, nec attenderent, presbyteros ab ipso institutionis initio in altiore gradu positos fuisse, iteratis censuris coercerantur. Et, quia inde exemplum etiam in aliis Urbibus capiebant diaconi, hinc & illis fibula injecta non unis vicibus fuit. Res notior est, quam ut prolixiore commentario comprobetur. Utque eo magis conditionis suæ memores existerent diaconi, in quamplurimis conciliis constitutum fuit, ut diaconi præsentem presbytero ne federent, nisi jubente eo. Cumque nihilominus diaconi in fastu illo suo persisterent, suasque illas præsumptiones summo cum canonum contemptu repeterent, addi tandem in synodo Trullanâ fuit comminatio pœnæ haud contemnendæ. Verba refert Gratianus c. ult. dist. 93. *Præcipimus, ne diaconus, quamvis etiam indignitate, b. e. in officio quolibet Ecclesiastico sit, ante presbyterum sedeat.*

-- Si

Si quis vero presumpserit hoc tyrannice facere, a proprio gradu repulsus, ultimus omnium fiat in ordine suo. Et haecenus de affectatâ Diaconorum superbiâ.

XIII. Sed & aliis vitiis dediti semper quamplurimi fuerunt diaconi. Ebrietatem jam diu notarunt Canones, qui dicuntur Apostolici *cap. 42. Episcopus vel presbyter vel diaconus aleis & ebrietatibus vacans vel desistat, vel deponatur, & Justinianus*. Gratianus: *damnetur, c. 1. dist. 35.* In Concilio Agathensi *c. 41.* quem idem refert Gratianus *c. ult. ead.* Similiter constitutum legitur: *Ante omnia Clericis vitatur ebrietas, quæ omnium vitiarum fomes & nutritrix est. Itaque eum, quem ebrium fuisse confiterit, ut ordo patitur aut triginta dierum spacio à communione submoveatur, aut corporali subdatur supplicio.* Similia ex libris poenitentialibus refert Ivo *in decret. part. 13. imprimis c. 81.* ex poenitentiali Romano: *Qui per ebrietatem vomitum facit, si presbyter aut diaconus est, 40. dies peniteat; si monachus, 30. dies, si clericus 20. dies: si laicus, 15. dies.* Plura coacervari hic possent, si digna res esset prolixiore tractatione. Exemplum diaconi per ebrietatem miserè pereuntis refert Gregorius Turonensis *hist. lib. 10. c. 14.*

XIV. De stupris & fornicatione diaconos olim suspectos faciebant, mulieres *ovellæ*, de quibus su-

pra jam nobis fermo fuit. Scribit Cyprianus *lib. 1. epist. 11.* suo tempore diaconos cum virginibus, quales se credi volebant, non modo eodem lecto, sed & lecto uti voluisse, & illas, cum propterea reprehenderentur, iactasse nihilominus, se virgines esse, & ad obstetricum iudicium provocasse, interea turpiter multa fecisse. Animadvertentes hoc Patres in Concilio Niceno, sub isto prætextu turpem impudicitiam velari, talium mulierum consuetudinem Clericis prorsus interdixerunt, *can. 3.* Secuta deinceps in aliis synodis similia decreta, sed quæ inveteratum hoc malum nunquam tollere prorsus potuerunt. Ipse etiam Justinianus severâ constitutione *novellâ 123. c. 29.* prohibitionem istiusmodi iteravit. Sed & istam parum profecisse, argumento sunt tot alia subsecutis seculis decreta synodalia. Suspectas enim ejusmodi mulierculas domibus clericorum ejici jussit Synodus Quinisexta in Trullo habita *can. 5.* Nicæna II, *can. 18.* Aquisgranensis *can. 39.* Moguntiacensis *c. 10.* Metensis *c. 3.* Claramontensis *c. 9. & 10.* Turonensis I, *c. 3.* Nantensis *c. 3.* Cabilonensis *c. 3.*

XV. In epistolâ Basilii Archiepiscopi ad Amphiloichium Canonici *can. 70.* mentio fit diaconi, qui in labris pollutus est, quod is à ministerio prohiberi debeat. Verba ita habent: *Diaconus qui pollutus*

est in labris, & se eo usque peccasse confessus est, à ministerio prohibebitur: ut autem sit Sacramentorum cum diaconis particeps, dignus habeatur. Id ipsum autem presbyter quoque. Si quid autem amplius peccasse quis deprehensus fuerit, in quocunque sit gradu, deponetur. In commentario disquirat Bassamon, quid sit sacramtum hominem in labris pollui? Et varias refert interpretationes, de quibus ait Aristenus, in scriptis tradi non oportere propter rei turpitudinem. Ego non aliud intelligo opus monstrosum, quam cujus sæpè meminit Martialis in epigrammatibus.

XVI. Pari modo etiam avaritiæ vitium maximè frequens jam olim fuit inter diaconos, uti inter Clericos reliquos. Notatque eos inprimis Hieronymus ad Eustochium: Alii presbyterium & diaconatum ambiunt, ut mulieres licentius videant. Quidam in hoc omne studium vitamque posuerunt, ut matronarum nomina, domos, moresque cognoscant: ex quibus unus hujus artis princeps, (quosaciliùs cognito discipulos recognoscas) cum Sole festinus exsurgit: salutandi ei ordo disponitur, viarum compendia requiruntur, & penè usque ad cubacula dormientium sinex importunus ingreditur. Si pulvillum viderit, si manile elegans, si quid suppellectilis domestica, laudat, miratur, attrahat, & se his indigere conque-

rens non tam impetrat, quàm extorquet: quia singule metuant, veredarium Urbis offendere, &c.

XVII. Pertinet huc ejusdem Hieronymi ex epistola ad Nepotianum, in hereditas investiva, quàm Clericorum sordidissima artificia, ut ex facultatibus morientium compendium sibi faciant, describit: Audio, inquit, in senes & annos absque liberis quorundam turpe servitium: ipsi apponunt maculam, obsident lectum, purulentiam stomachi, & phlegmata pulmonis manu propria suscipiunt: pavent ad introitum Medici: frementibusque labiis, an commodius habeant, sciscitantur: & si paululum senex vegetior fuerit, periclitantur, simulatag, latitid, mens intrinsecus avaretur. Timent enim, ne perdant ministerium, & vivacem senem Mattheum annis comparant. O quantæ apud DEUM merces, si in presenti precium non sperarent! Quamvis sudoribus hereditas cassa exoptetur? minori labore margaritum Christi emi poterat, &c. Quætuariam hanc & sordidam Clericorum cupiditatem, ut coërceret Valentinianus Imperator, constitutionem promulgavit, quæ etiamnum extat in l. 20. Cod. Theodof. de Episc. Eccles. & Cler. his verbis: Ecclesiastici, aut ex Ecclesiasticis, vel qui continentium se volunt nomine nuncupari, viduarum ac pupillarum domos non adeant, sed publicis exterminentur judiciis, si post hæc eos ad fines earum

varium vel propinqui putaverint defendendos. Consensus etiam, ut memoratim ibi de ejus mulieris, qui se privatim sub prætecto religionis adjunxerint, liberalitate quæ ungu, vel extremo judicio possunt adipisci: Et omne in tantum inefficax sit, quod alicui horum ab his fuerit derelictum, ut nec per subiectam personam valeant aliquid vel donatione, vel testamentis percipere, &c. Non hæc odio in personas Ecclesiasticas scripta lex est, sed in avaritiam & sordes, quibus inquinati hereditate Ecclesiæ nomen prostituebant, & turpissima lucra sub religionis & cultus divini pallio sectabantur, ut adversus Baronium eleganter defendit Jacobus Gothofredus in not. Conf. Nicol. le Maître de bon. Eccles. lib. 2. c. 1. Renat. à Valle in Hipparch. pag. 88.

XVIII. Inter avaros primum ferè locum obtinent feneratores, qui proinde legibus tum Ecclesiasticis tum civilibus nunquam non coerciti fuerunt. Potissimum verò in Clericis id improbatum semper fuit, si qui sænus exercere haud erubuerint. In concilio Arelatensi l. c. 12. constitutum est, ut ministri, qui feneratorantur, juxta formam divinitus datam à communione abstineant. Idem jam ante decretum legitur canone Apostolico 44. & in Concilio Niceno c. 17. & in Eliberitano c. 20. Verba refert Gratianus dist. 47. & c. 14. q. 4. Et sanè jam diu odiosum nomen est usura, sed quæ nihilominus toto

die datur & accipitur. Et videntur Canonistæ recentiores damnare eandem odio ferè solius nominis, cum interim sub alio colore permiffa & licita eis fiat. Nec enim alia est ratio annuorum reddituum, qui emi & vendi solent, quique proinde in fraudem legis inventi haud frustra dicuntur. Vid. quæ dixi differt. de Mobarr. num. 22. seq. Sed ea quæstio propriè huc non pertinet. Illud certum est, siue licitas facias usuras, siue illicitas, utrobique verendum esse, ne non sitis respondeat eventus. Altero enim casu, si usuræ omnino damnentur, conscientia sine dubio arctius adstringentur, quam Deus ipse voluit; altero autem, si vel minimum concedatur, statim sub illo prætecto effrenis licentia arripitur, quæ temperari deinceps difficulter poterit.

XIX. Πολιτικὸν ὁ Ψισμα in hac materiâ observavit Johannes Petrus de Ferrariis in prax. Papiens. tit. 43. gloss. 3. n. 11. & 12. quando scribit: Sunt tamen nonnulli, qui dicunt, quod nimia Clericorum multitudo, & nimia usuriorum prohibitio statum destruit Laicorum. Et porro: Creditur tamen à pluribus, quod ideo Clerici simul conveniunt sic acriter prohibere usuras contra Imperiales sanctiones, ut Laicos eorum jurisdictio submitterent, sicut & in diversis aliis casibus submittere studuerunt. Perstringit scilicet errorem quorundam Canonistarum, qui dicebant,

æerunt, esse hoc crimen merè Ecclesiasticum, & de foro suæ duntaxat, Ecclesiæ, ita ut secularis iudex nequeat de eo cognoscere, nisi ubi sola facti quæstio vertitur. Vld. Car. Molinæ. *de usur. num. 155.*

XX. Possent recenserî multo plurâ vitiorum genera, quibus contaminati Clerici scandalum subinde præbent latissimè serpens, nisi abstinere nos juberet religionis, quam profitentur, sanctitas. Magnum pondus habet morum integritas, magnam habet auctoritatem conjuncta, manfuetudini constantia, denique plurimùm valet severitati copulata humanitas. Sed quotusquisque est, qui, ut imperet affectibus suis, animum sufficienter instruat, qui de jure suo, quod ipse sibi laud raro fingit, quicquam remittat? Istis sub tunicis deploratissimæ nonnunquam mentes latitant, intolerabili arrogantia, ferventissimâ irâ, virulentâ invidia, pertinacissimo odio, & extremâ vindictæ cupiditate flagrant. Ac dolendum sanè est, amarulentis quorundam contentionebus totam Christianæ rei labefactari tranquillitatem. Neque enim res intra argumentorum conflictationem consistere solet, sed plerumque atrocibus utrinque conviciis pugna crudescit, dentatis libellis res geritur, ac recrocantibus maledictis tumultus in rabiem exit. Hæc aliquoties parvis initis orta sæpenumerò vastissimum gignunt incendium, sit-

que, ut malum, quod initio ceu leve neglectum fuerat, paulatim auctum, tandem erumpat in grave discrimen tranquillitatis Christianæ.

XXI. Et hæc quidem inter ipsos unius Ecclesiæ cives contingere, quandoque solent, neque aliam plerumque causam habent, quam quod nemo errorem suum, quem comisit, agnoscere velit. Est enim hoc perûnacia plerisque mortaliū ingenis insitū, ut quod semel quocunque casu pronunciaverint, nunquam tueri desinant, etiamsi compererint, sese perperam pronunciaffe. Primum pudor obstat, is per contentionem proficit in perviciam, perviciâ tandem exit in rabiem, ita fit, ut dum utrinque crudescit pugna, utrinque veritati vis inferatur. Nihil deinceps tam consideratè, nihil tam simpliciter, nihil tam circumspicte scribi potest, quod non rapiatur in calumniam, ut adeò nec loqui tutū sit, nec tacere. Tandè, quod per se non possunt, aut quod facere verentur, per subornatos agunt, conducto Charilo quopiam aut malo Rhetore. Tanta est lædendi libido, tanta fides rei cum faciliimæ tum sceleratissimæ.

XXII. Sæpè admiror, homines professione pietatis insignes id sibi permittere, quod omnium maximè cum verâ pietate pugnat. Sed mirari defino, quoties mecum perpendo, in acie eos stare, & insultibus atque spiculis diaboli ante omnes expositos esse. Qui pugnam init, in eo totus est,

ut

ut robustissimas hostis copias uno impetu deleat, reliquas faciliè vinci posse persuasus. Haud aliter, communis mortalium hostis fortissima Christianorum præsidia aggreditur, & Theologorum animos, quos sibi maximè infestis novit, & à quibus sibi metuendum perspicit, variis vitiis atque criminibus inquinat, ut vel hac ratione, dum aliter non potest, à statione dejiciat; sed quos ipsos divina mirabiliter sustinet potentia. Et patitur quidem DEUS in oviculas suas Satanam & mundum hunc totis artibus ac viribus suis insurgere, verum arcanis suis consiliis omnia mala vertit in bonum. Solus enim ille Rex Regum novit, & uti bonis & abuti malis in suam gloriam & Ecclesiæ salutem.

XXIII. Quoties igitur vel insignes Theologos, vel alios Ecclesiæ ministros, vitiis deditos & affectibus suis indulgentes conspicio, toties cogitandum puto, noluisse DEUM per angelos nobiscum agere, sed per peccatores. Nec enim propterea infectum aut contaminatum dicere licet ministerium, cum hoc ex divinâ institutione observandum sit, neque per vitia ministri personalia, corrumpi aut destrui queat. Nam si visibilis solis istsus nudus, cum per loca fatidissima transseunt, nullâ contra-
bus inquinacione maculantur: multo magis ipsius qui istum visibilem fecit, virtus nullâ ministri indignitate

constringitur. Nam & Judas cum fuerit sacrilegus atque fur, quicquid egit inter Apostolos pro dignitate commissi sibi, beneficia per indignum data nulla ex hoc detrimenta senserunt &c. c. secundum dist. 19. Si justus fuerit minister, inquit Augustinus, computo eum cum Paulo, qui gloriam suam non querit, dicens: Ego plantavi, Apollo rigavit, DEUS autem incrementum dedit. Qui verò superbus fuerit minister, cum Zabulo computabitur. Sed non contaminatur donum Christi, quia per illum purus fluvius transit & venit ad fertilem terram. Scio quia lapis ex aquâ fructum ferre non potest, etsi per lapideos canales transit aqua ad arcolas, in canali lapideo nihil generatur, sed hortus plurimum fructum affert. Spiritualis enim virtus sacramenti, ut lux pura ab illuminandis excipitur: sed per immundos transiens non coinquatur. apud Gratian. c. si justus 1. q. 1.

XXIV. Quocirca præstat abstinere ab ulteriori hujus capitis continuatione, quàm prolixiore enarratione vitiorum, quibus Clerici sæpè toti immeriti sunt, politiam Christianam prostituere. Vitia erunt dum homines sunt. Et ipsi sanctissimi homines nihil humani à se alienum esse fateantur oportet. Sed & Ethnicis humana naturæ corruptio non ignota fuit, quibus perpetua ab omni peccato abstinencia supra humanam conditionem esse dicitur; corruptio

Mm

tamen

tamen illa, qualis & quanta sit, & unde originem habeat, ex solo naturæ lumine cognosci non potuit. Agnovērunt illi σύμφωνον τὸ ἀμαρτανειν ἀνθρώποις; sed neque causam tanti mali neque pondus intellexerunt. Intelligunt autem Christiani, qui per liberam declinationem voluntatis & executionem operis contra legem DEI à primis parentibus faciā, omnium & singulorum hominum vires pessimè corruptas, totamque posteritatem miserè infectam sentiunt, tantā quidem

cum πανολέθρα, ut nemo quivquam sine peccato vitam transigere queat. Nemo, inquit Lactantius lib. 6. Instit. c. 13. esse sine delicto potest, quamdiu carnis indumento oncratus est: cujus infirmitas triplici modo subjacet domino peccati, factis, dictis, & cogitationibus &c.: Et mox: Itaque etiam justī homines, qui frenare se possunt ab omni opere injusto, nonnumquam tamen ipsā fragilitate vincuntur, ut vel in irā malum dicant, vel in adspēctū rerum delectabilem cogitatione tacitā concupiscant.

CAPUT. XVI.

De foro Diaconorum competente.

- I. Ecclesia, qua talis, nullum habet judicium, aut jus fori contentiosi. II. Atque hæc etiam fuit primitiva Ecclesia prius. III. Leges ac Sanctiones civiles ab Ecclesiasticis multum discrepant. IV. Excommunicatio, censuræve aliæ, ex potestate coercendi jurisdictionali non proveniunt. V. Excommunicatio, pœna non nisi privativa est. VI. Potestas omnis in Ecclesia coercitiva ex civili potestate arcessenda. VII. Judicium Episcopale bodiurnum, qua ratione ab antiquo discesserit. VIII. Potestas ejus coactiva pars est & potestate civili decerpta. IX. Vel Principis indulgentia & consensu constituta. X. Episcoporum, Metropolitanorum aliorumque jurisdictionis ordinaria. XI. Eam Abbates & ceteri prælati inferiores non videntur habuisse. XII. Abbates olim subiecti Episcopis, Pontificū privilegiis demum exempti. XIII. Ordinarium diaconorum penes Episcopum; in actionibus realibus etiam forum seculare. XIV. Magistratus civilis in Ecclesia ministris potestas probata, XV. exemplo Pauli, provocantis ad Cæsarem. XVI. Fragmentum Clementis Romani supposititium. XVII. Itemque Alexandri I Papa, XVIII. & Marcellini, de Clericorum exemptione à seculari jurisdictione. XIX. Constantini Magni constitutio

entio, XX. spuria. XXI. Silvestri Papa lepida decreti sententia, XXII. & absurditas ex Hincmaro demonstrata. XXIII. Ipse Silvester causam in Principis consistorio peroravit. XXIV. Epistola Julii Romani Episcopi commentitia. XXV. Valentinianus Senior Episcoporum judicia in certis quibusdam causis adprobavit. XXVI. Sed constitutio desideratur. XXVII. Ambrosius eam recitans explicatur. XXVIII. Septuaginta Episcoporum iudicium. XXIX. In illo damnatus Chronopius provocavit ad Imperatorem. XXX. Constitutio Gratiani illustrata. XXXI. Ex illa iudiciorum discrimen. XXXII. Communia clericorum delicta ab illustribus vindicata potestatibus. XXXIII. Constitutio Gratiani recepta in Oriente. XXXIV. Canon Concilii VI CPni expensus, XXXV. Et de causa pecuniaria per suas partes examinatus. XXXVI. Delicta Ecclesiastica levia sacro iudicio destinantur. XXXVII. Iudiciorum Ecclesiasticorum gradus, & exorta hinc provocationes. XXXVIII. Quando Synodus Provincialis adiri potuerit. XXXIX. Concilium totius dioeceseos illa superius fuit. Dioecesis, qualis tractus. XL. Metropolitanzorum conventus apud Patriarcham. XLI. Adpellationum & Jurisdictionis Ecclesiasticæ gradus. XLII. Theodosii constitutio, XLIII. à pessima Gratiani obtruncatione vindicata. XLIV. Nec Rufinus juvare Gratianum potest. XLV. Decreto Concilii Carthaginensis III lux. XLVI. Honorius Imp. Ecclesiastica judicia arctius restrinxit. XLVII. Epistola Innocentii Papa examinata. XLVIII. Honorius Episcopis pristinum privilegium restituit. XLIX. Alia ejusdem constitutio, L. limitate intelligenda. LI. Ea fuerunt abusi clerici, de quibus posthac machinantes. LII. Joannes primicerius Notariorum privilegia Ecclesiastica evertit; Valentinianus III restituit, cujus constitutio illustrata. LIII. Canon IX Concilii Calchedonensis contra Balsamonem adfertur. LIV. Valentinianus modo privilegium fori Episcopalis imminuit. LV. Cujus legislatio à Baronii criminationibus liberatur. LVI. Quomodo invaluerit opinio, competere Jurisdictionem Episcopis jure suo. LVII. Imperatores identidem resisterunt. LIX. Marciani Imp. constitutio, conveniri posse Clericum in iudicio seculari. LIX. Seculo VI Clerici consensu episcopi in publico iudicio causas perorant suas. Marcellini epistola spuria. IX. Justiniani de Episcopali Jurisdictione constitutiones aliquot perodiis allata & explicata. LXIV. Ejusdem

tempore jam fuit nota distinctio inter delicta Ecclesiastica & communi-
 na. LXV. Novella CXXIII caput 21. LXVI. ulterius propa-
 nitur, LXVII. & illustratur. LXVIII. Non potest hac legislatio
 impugnari ab ullo, qui de maiestate recte sentit, cum sit Imperialis, non
 sacerdotialis; mandatoria, non executoria, &c. LXIX. Canon
 Concilii Matifconensis septimus explicatur. LXX. pariter & ejus-
 dem octavus. LXXI. Mox in Hispania quoque clerici prohibiti, ne in foro
 seculari starent. LXXII. Pelagii II Pontificis modestia de foro Clerico-
 rum privilegiato. LXXIII. Vehementia Gregorii magni. LXXIV. Po-
 testas Papa à temporibus Phoca Imp. LXXV. ei sequentes Imperatores
 semper oppositi. LXXVI. Lis circa cognitionem criminis, à Canonico pa-
 trati, in Gallia tempore Juonis Carnotensis. LXXVII. Iudicia Clerico-
 rum in confinia seculi XIII ex mente coævorum. LXXVIII. Crimini-
 communis Iudex. LXXIX. Primus regiam & secularem potestatem ex-
 cussit Hildebrandus. LXXX. quæ sententia nimium placuit aliis.
 LXXXI. ut hinc plurima pristinis constitutionibus adversa statuerent.
 LXXXII. In atrocibus quoque delictis exemptionem obtinebant.
 LXXXIII. quodnam inde scandalum oriatur in plebem. LXXXIV.
 vanitas hujus exemptionis indicata. LXXXV. Forum Ecclesiasti-
 cum non nisi in causis & Criminibus Ecclesiasticis competens est. LXXXVI.
 Generalium de clericis discessum ad Diaconos applicatio.

IN quid temerè hic statuatur,
 aut magistratuum civilium
 potestas in dubium vocetur, præmi-
 tendum est, Ecclesiam, quæ talem
 quatenus scilicet est coetus hominum
 ministerio verbi & Sacramentorum,
 ad regnum DEI congregatorum, nul-
 lam habere jurisdictionem proprie
 sic dictam, nullum iudicium. Cum
 enim doctrina Evangelica vitam æ-
 ternam pro fine, atque animam hu-
 manam pro materia atque subiecto
 nato habeat, per doctrinam autem
 istam Ecclesia colligatur, & in esse
 constituatur, tota ea occupari debet

in internis conscientiarum motibus di-
 rigendis, minime omnium in manu
 aut vi externâ adhibendâ. Proinde
 nullatenus iudicat ea aut impe-
 rat per externum aliquod regimen
 potestatem ἀναγκαστικὴν compre-
 hendens; sed sollicita est tantum de
 mediis necessariis ad beatitudinem,
 conformiter ad causas effectuales spi-
 rituales religionis Christianæ appli-
 candis: h. e. svasivè tantum & di-
 rectivè per verbi divini prædicatio-
 nem & Sacramentorum dispensatio-
 nem, atque monitorum moralium
 crebram atque iteratam suggestio-
 nem.

hem. Anima namque, ut proprium subiectum doctrinæ Evangelicæ interno solum non externo movetur principio; atque adeo Ecclesia, ut fundata est, iure divino neque territorium neque jus gladii, neque jus fori contentiosi, neque proinde jurisdictionem habet, uti optime id exponit Autor libelli *de Eccles. & potest. n. 11. seqq.* qui habetur inter scripta Theologorum & Jctorum Parisiensium.

II. Neque alia fuit praxis Ecclesiæ primitivæ, quæ sub Imperatoribus & magistratibus idololatriæ congregabatur. Neque enim uti eam tum poterat jurisdictione tali externâ, quam ne habebat quidem. Nul- lum tum Episcopis erat forum, nulla compete- bat jurisdic- tio contentiosa, sed audientia tantum, & simplex notio. *l. 25. C. de Episc. & Cler. Novell. Valentin. de Episc. judic.* Sed neque hæc quidem in omnes personas ex- tendebatur, neque indifferenter in omnibus casibus usus erat; sed in Ecclesiasticas tantum personas & in rebus Ecclesiasticis compete- bat. In reliquis omnibus contentiosa omnis jurisdic- tio, & omnis disceptatio forensis tam severe illis erat prohibita ut absurdum crederetur & Clerico- rum ordini opprobriosum, si peritos sevellent ostendere disceptationum forensium. *l. 41. C. de Episc. & Cler.*

Nec idcirco publicatio testamento- rum, quæ tamen contentionis ex- pers videbatur, apud eos fieri per- mittebatur. *d. l. 41. & l. 23. C. de te- stament. Add. Benign. Milletot. de de- lict. comm. & cas. privi. pag. 27.*

III. Multa scilicet & magna inter le- ges civiles & Ecclesiasticas est dif- ferentia, uti solide & enucleate ex- ponit Petrus de Marcâ de concord. sa- cerd. & imp. lib. 2. c. 16. n. 6. seqq. Le- ges Ecclesiasticæ ad Ecclesiæ ordi- nem externum compositæ non neces- sitate sed voluntate, non timore corporali, sed dilectione subiecto- rum nituntur; civiles autem leges etiam in invitos feruntur & cum po- testate coactivâ. Imperio civili non solæ singulorum civium rationes commissæ sunt, sed totius Reip. salus, & hæc vel maxime atque potissi- mum, etsi cum damno & detri- mento atque perniciæ singulorum; sed Episcopali regimini Ecclesiæ sa- lus ita est commissæ, ut singulorum præcipue saluti invigilare oporteat, nec curari possit universum corpus aliquorum membrorum perniciæ, sed ad exemplum Magistri nonaginta novem oves deferendæ sint, ut cen- tesima ad caulas reportetur. Sic & poenæ ex legibus civilibus prove- nientes, & censuræ, quibus utitur Ecclesia adversus contumaces & sceleratos multum discrepant.

Princeps enim adulterum aut cædis reum gladio plectit, eum in finem, ut puniat, neque emendationis spem tum attendit; Ecclesia vero non exigat pœnam, sed morborum curationem: itaque non infligit excommunicationem, ut mactet; sed ut poenitentem ad salutem reducat.

IV. Cave tamen hinc putes, excommunicationem & reliqvas censurarum species ex jurisdictione provenire. Ut maximè enim potestatem hanc, quã in sceleratos utitur Ecclesia, separatam faciamus à potestate merè internâ, quæ in prædicatione verbi & dispensatione Sacramentorum consistit; nego tamen, omne id quod ad disciplinam & bonum ordinem conservandum constituitur, ex potestate coercitivâ jurisdictionali semper provenire. Perspicuè id patet ex illis, quæ à Collegiis omni jurisdictione destitutis per modum conventionis statuuntur. Quæ quidem dici quandoque solent leges propter *ἀναλογία* illam, quam habent cum propriè dictis legibus, quantum ad effectûs dirigendi & obligandi, talem tamen potestatem, qualem leges verè requirunt, nunquam supponunt. Neque nos movent, quæ de potestate jurisdictionis Ecclesiæ competente magnificè prædicant Canonistæ. Illam enim si ex origine suâ metiaris, quanta scilicet ab autore & institutore Christo concessa fuit, nullam omninò annexam

habuit potestatem cogendi externè & violenter. Et in his namque primordiis consideravimus hæcenus hanc potestatem, quatenus scilicet Ecclesiæ antiquitûs competiit, non quatenus nunc se habet ex concessione Principum, uti mox explicabimus.

V. Nec movet porro, quod excommunicatio exclusionem à visibili Ecclesiæ coetu inferat, & ex hoc maximè coercitiva esse videatur. Siquidem tota ea, si quæ est, pœna non nisi privativa est, neque in effectum deduci poterit, nisi suâ sponte pateat excommunicatus. Si autem sese ingerat iterum de facto coetui fidelium, non erit potestatis Ecclesiasticæ, quæ talis, adhibitâ externâ violentia eum abigere & manu armatâ repellere; sed ad contumacem coercendum, si necessarium aut opportunum videatur, potestas politica imploranda erit, & brachium seculare adhibere oportebit. vid. Marc. Ant. de Dominis, *de Rep. Eccles. lib. 5. cap. 2. n. 30.* Tantum abest, ut pœnas Ecclesiasticas etiã omnium atrocissimas, quantum intelligi in Ecclesiâ, quæ tali, possunt ad potestatem *ἀναγκαστικήν* referre liceat.

VI. Apprimè autem notandum est, loqui nos de potestate Ecclesiasticâ, quæ tali, non de personis Ecclesiasticis, quippe quæ & spirituali & temporali potestate ex instituto sequioris Ecclesiæ sæpè sunt præditæ. Nec tamen potestates illæ propter rea con-

confundenda sunt. Utraque seorsim subsistit; quanquam non semper utraque seorsim, sed spiritualis quandoque ope & auxilio secularis potestatis operatur. Potestas namque Ecclesiastica absolute & in se considerata imponit penam per modum directionis seu præcepti; potestas vero civilis infligit eandem per modum coercitionis. Quod si coercitio talis accesserit ad præceptum Ecclesiasticum, tota ea potestati civili accepta referenda est, neque ex potestate Ecclesiastica, ut ea jure divino se habet, derivari ullo modo potest.

VII. Quæ igitur hodiè extant & in usu sunt judicia Ecclesiastica, longe alia sunt ab illis, quæ antiquitus fuerunt. Cum enim in summa omnium veneratione essent Episcopi, & propter integritatem quam ubique declarabant, gravissima sæpè controversæ decisioni & arbitrio eorum subicerentur, nec quisquam ferè esset, qui non in illorum opinione acquiesceret, coepit hinc, antiquo jure sublato, jurisdictio Episcopalis vires accipere, easque alienas planè & aliunde comparatas. Aliquando enim ex benignâ & liberali Principum concessione aut permissione judicia instituebant; aliquando autem invitatis Principibus per invasionem & violentam usurpationem jurisdictionis maximam partem ad se rapiebant, etiam exclusis illis, quibus ea jure

competebat. Nec quicquam adeo contingere poterat porro, etiam in civilibus negotiis & inter personas seculares, quod non affectarent iudicio suo decidere Episcopi, hoc tantum excepto, quod cognitio de possessione alicujus rei aut juris principibus erepta non est omnino, non, quod hanc sibi Pontifices vindicare non tentaverint, sed quod Principes semper hæc in re habuerint adversos. Cujac. *ad c. 4. extra qui fil. sint legit.* Hæc ratione singulare istud forum atque iudicium, quod Episcopale dicitur constitutum est, idque speciali deinceps jure & noviter adornato processu, quem Pontifices ex æmulatione & odio in Imperatores excoGITARUNT, regi coepit.

VIII. Meminisse tamen oportet, omnem istam potestatem coactivam, quâ utuntur Episcopi in suis judiciis, partem esse potestatis secularis, & ex hæc veluti decerptam. Ex quo sequitur, judicia Ecclesiastica potestatis terminos notissimos & ab initio positos excedere, atque hinc planè heterogenea esse, non provenientia ex potestate politicâ principibus & magistratibus competente. Agnovit id Jacobus Almainus Doctor Parisiensis in *lib. de dominio nat. civ. & Eccles. in probat. 2. conclus.* dum ait: *De ratione potestatis Laice est, posse penam civilem infligere, ut sunt mors, exilium, bonorum privatio &c.: sed nullam talem penam ex institutione divi-*

autem Episcoporum sibi subditorum dioecesibus ea, quæ jurisdictionis & legis dioecesanæ vulgò dicuntur, exercere minime queant. Præter Episcopos verò etiam inferiores Prælati in Ordinariorum censu referuntur, qui scilicet jurisdictionem in subditos habent vel ex consuetudine vel ex privilegio, quales sunt Abbates, Decani, Plebani seu Rectores Ecclesiarum parochialium, Priores quandoque & Archidiaconi, aliisque, de quibus videri possunt Antonius Dadinus Alteserra *ad c. 13. X. de offic. jud. ord.* Anton. Bengueus & Franc. Pinford. *de benefic. tit. de mod. acq. benef. §. 13.*

XI. Videntur tamen Abbates & cæteri prælati inferiores talem ab initio jurisdictionem non habuisse. Imò verò antiquitus obtinuit, ut Abbates nec non ipsi monachi, secularium Clericorum administrationi & regimini subessent, & in ultimum Clericorum locum retruderentur, si credendum Gratiano, qui *c. à subdiacono dist. 93.* verba Synodi Romanæ II sub Sylvestro habitæ hoc ordine recenset: *A subdiacono usque ad Lectores omnes subditi sint diacono Cardinali Viro reverendissimo in Ecclesiâ representantes ei honorem. Porro Pontifici presbyter, presbytero diaconus, diacono subdiaconus, subdiacono acolythus, acolyto exorcista, exorcista lector, lectori ostiarius, ostiario abbas, abbas monachus in omni loco representet obsequium, sive in publico, sive*

in gremio Ecclesiæ. Dixi, à Gratiano sic recenseri verba. In editionibus enim Conciliorum & apud Ivonem haud paulo aliter se habent, quod etiam observarunt, qui jussu Gregorii XIII Gratiani decretum emendarunt.

XII. Quicquid hujus sit, certum est illud, Abbates olim in universum omnes subiectos fuisse jurisdictioni Episcopi. Unde in Concilio Aurelianensi I, *c. 19.* constitutum legitur: *Abbates pro humilitate religionis in Episcoporum potestate consistant. Et si quid extra regulam fecerint, ab Episcopis corrigantur.* Et in Aurelianensi II, *c. 21.* *Ut Abbates, qui Episcoporum præcepta despiciunt, ad communionem nec penitus admittantur, nisi contumaciam humilitate susceptâ dependant.* Quæ verò impetratæ deinceps fuerunt à Pontificibus Romanis monasteriorum exemptiones, Episcoporum in dioecesi suâ regimen non difficile tantum reddiderunt, sed & toti Hierarchiæ valdè perniciosæ extiterunt. Vid. quæ dixi à Lancellotti *Instit. lib. 1. tit. 19. §. 11.* etsi concedamus, plurima talia privilegia non ad jurisdictionem & legem dioecesanam, uti vocant, sed tantum ad electionem Abbatum & liberam bonorum administrationem aut rerum dispensationem pertinuisse. De quâ re videri poterunt Nicol. le Maistre *de bon. Ecclesiæ part. 2. lib. 2. c. 1.* Franc. de Bon. *Ecclesiæ part. 2. lib. 2. c. 1.* Franc. de Bon. *Ecclesiæ part. 2. lib. 2. c. 1.* Franc. de Bon. *Ecclesiæ part. 2. lib. 2. c. 1.* pag. 88.

XIII. Quia igitur Episcopo regulariter & ex primo Ecclesiæ instituto in universam suam dioecesim & omnes in eâ personas Ecclesiasticas jurisdictio competit, consequens hinc est, ordinarium diaconi forum esse penes Episcopum, scilicet ille actione personali conveniri aut rei partes in tali causâ sustinere debeat. Actiones enim reales adversus eum etiam in foro seculari institui possunt. Et hoc Episcopi forum declinare non poterant Clerici, nisi & pars altera & ipse etiam Episcopus in aliud iudicium consenserint. Id ita jam olim obtinuisse patet ex *canone 9. Concilii Chalcedonensis*, qui est in Codice canonum Ecclesiæ universæ centesimus octogesima septimo: *Si quis Clericus litē cum Clerico habuerit, propriū Episcopū ne deferat, & ad secularia iudicia ne excurrat. Sed prius causam agat apud propriū Episcopum, vel cetē de Episcopi sententiā apud eos, quos utriusque pars elegerit, iudicium agitur. Si quis autem præter hac fecerit, canoniciis penis subijciatur, &c.* Hoc casu etiam in Laicos iudices compromitti potuisse, non obscure produnt verba adducta, quorum hic est sensus: Non licere Clericum in iudicio seculari convenire, nisi ipso volente consensiente insuper Episcopo. Apertè magis id permittit Synodus Aurelianensis IV, *can. 20. in fin. Si causam habentibus placuerit ire ad iudicium, forē ex voluntate communi permittente præposi-*

to Ecclesiæ, *Clerico licentiā tribuatur*, scilicet. Utriusque partis consensus requiritur, & permissio insuper & potissimū quidē Episcopi. Sed quia hic articulus de foro Clericorum, & quatenus illi in iudicio seculari conveniri possint, à Canonistis obscurè tractatur, operæ pretium erit, brevem ex historia antiquiorum temporum commentarium hic annexere.

XIV. Apostolos & doctrinā & exemplo suo sustinuisse, ministros Ecclesiæ potestatibus secularibus subiectos esse debere, & magistratum civilem fundatam in illos habere jurisdictionem, ex libris Novi Testamenti constat. Celebre est dictum Pauli *Rom. XIII. 1. Omnis anima potestatibus supereminentibus subiecta esto.* Istam propositionem antiqui Interpretes tam latè exponunt, ut nullam omninò exceptionem admittant. Chrysostomi *homil. 23. in Epist. ad Rom.* hæc sunt verba: *Omni-bus hæc jubet & Sacerdotibus & monachis, non tantum secularibus, vel sifueris Apostolus, aut Evangelista vel Prophetæ, aut alius quilibet. Et addit. Nam si Ethnicus tunc imponentibus hanc legē sancit, quanto magis sub fidelibus hæc fieri oportet.* Ne scilicet quis putet, sub Principe Christiano aliam planè esse ferendam faciem, Ethnicis Principibus cogente necessitate parendum fuisse, secū se rem habere sub Principe Christiano. Hanc sententiā refutat Chrysost. sub

indè Paulus ipse, *d. e. vers. 5.* dum ait, *Magistratibus morem geri oportere, non tantum ob iram, sed etiam propter conscientiam*, h. e. non tantum metu poenæ, sed etiam, quia hoc est pars pietatis & cultus divini. Eodem modo Bernhard. *in epist. 42.* ad Archiepiscopum Senonensem scribit: *Omnia animæ potestatibus sublimioribus subdita sit, si omnis, & vestra. Quis vos excipit ab Universitate? si quis tentat excipere, constatur decipere &c.*

XV. Id ipsum Paulus suo etiam comprobavit exemplo. Cum enim vidisset, Judæorum calumniis atque mendacijs invidiosius se onerari, nec posse citra injuriam ex tribunalibus eorum judicari, beneficio juris utendum sibi censuit, & ad superiorem, Cæsarem nimirum, provocavit: *Ad tribunal Cæsaris stitit, inquit, ubi me oportet judicari Act. XXV, 10.* Ac ne quis putet, astu declinatum ab eo fuisse periculum, Lucas *Act. XXIII, 11.* non obscure docet, factum id impulsore, Spiritu S. Dum igitur ab Apostolo Paulo provocatur ad tribunal Cæsaris, penes Cæsarem etiam in ipsos Apostolos summum fuisse imperium certum est. Nec audiendus est Bellarminus quandoque scribit Paulum fuisse coactum appellare ad Cæsarem eumque pro iudice suo agnoscere oportuisse de facto, non de jure, quia tunc Petri potestas nec agnita nec credita fuerit. Ubi enim oportuit Apostolum judicari, ibi de jure subje-

ctus fuit iudicio. Quod ipse, dum provocat, agnovit, quandoquidem librum ipsi fuit, utrum provocare velit. Vid. Robert. Abbot *de supremâ pot. Reg. prælect. 6.*

XVI. Dum ita se gessit Paulus Apostolus, & in iudicio seculari causam suam ventilari voluit, merito in dubium vocatur. Clementis Romani fragmentum, quod decreto suo inseruit Gratianus *c. si qui 11. q. 1.* Verba ita habent: *Si qui ex fratribus negotia habent inter se: apud cognitores seculi non judicentur, sed apud presbyteros Ecclesiæ, quicquid illud est, dirimatur.* Nisi universalem hanc addidisset notam, dicerem, verba ista explicari debere de causis & controversiis Ecclesiasticis. Sed cum ita definit decretum suum proponat Clemens, quem à Petro ipso ordinatum referunt nonnulli, adeoque cœvum Apostolis faciunt, Apostoli autem aliud & docuerunt, & in praxi præstitērunt, facile hinc liquet, non venire istud fragmentum ex disciplinâ Apostolicâ adeoque verum esse, quod jamdiu observarunt eruditi, scriptorem istum antiquum quidem, sed supposititium & mendaciorum multorum manifestum esse, adeoque ob fidem sublestat indignum, cujus multum ratio habeatur. Ipsa illa epistola ad Jacobum fratrem Domini, ex quâ fragmentum adductum, depromptum est, à plerisque om-

nibus manifeste *voſeſe* arguitur, inprimis ex eo, quod Jacobus ad quem scribitur epistola multo ante Petrum obierit, & tamen in his epistolis Jacobo significetur mors Petri. Vid. Bellarmin. *de Scriptor. Eccles.* Dav. Bondell. in *Pſeudo Iſidor. p. 28. ſeq.*

XVII. Non melioris notæ est Alexandri I Pontificis fragmentum, quod ex ſecundi ſeculi hiftoriâ profert Gratianus *c. relatum 11. q. 1.* his verbis: *Relatum eſt ad huius ſanctæ & Apoſtolice ſedis apicem, cui ſummarum diſpoſitiones cauſarum, & omnium negotia Eccleſiarum ab ipſo Domino tradita ſunt, quaſi ad caput pro ipſo dicente: Tu es Petrus & ſuper hanc Petram ædificabo Eccleſiam meam, quod quidam amuli Chriſti ejusdemque ſanctæ Eccleſiæ inſidiatores, Sacerdotes DEI ad iudices publicos accuſare præſumant, cum magis Apoſtolus Chriſtianorum cauſas ad Eccleſias deferri & ibidem terminari præcipias, &c.* Hanc Alexandri epistolam iudem conſiſtam & commentitiâ eſſe oſtendit idem Blondellus *d. l. p. 171.* Nec ergo eſt, ut de ipſius interpretatione multum ſimus ſolliciti. Sed nec congruè explicat verba Apoſtoli PſeudoAlexander. Dum enim à litibus inter fideles ſubortis componendis gentiles excludit Paulus *1. Cor. VI. 4.* non eò id facit, quod erant Laici, ſed quod inſideles, & quod melius eſſet, à fidelibus controverſiam decidi. Nec ergo turbare voluit ordi-

nem iudiciorum, aut Laicorum rejicere iudicia.

XVIII. Ex ſeculo tertio eoque præcipiti adducitur à Gratiano Marcellini Papæ epistola ſecunda, ex quâ *d. cauſ. 11. q. 1. can. 3.* iſta deſcripſit verba: *Clericum cuiuslibet ordinis abſque Pontificis ſui permiſſu nullus præſumat ad ſecularem iudicem trahere, nec Laico quolibet Clericum licet accuſare.* Sed & hanc Marcellini epistolam totam conſiſtam & ex variis poſteriorum temporum ſententiis conſutâ eſſe modo laudatus notat Blondellus. Verba autem adducta inveniuntur in decretis Concilii Aurelianenſis III, *c. 31.* quod anno Chriſti DXL celebratum fuit. Quâ de re infra dicetur commodius. Nobis interim ſufficit oſtendiſſe, ex primorum trium ſeculorum ſcriptis nihil præſto fuiſſe Gratiano, ex quo probare potuiſſet, Clericos iuriſdictione ſeculari exemptos fuiſſe, neque iudicia talia agnoſcere debuiſſe. Imò verò ex notiſſimis illis decem perſecutionibus, quibus per trecentos annos graviter afflicta fuit Eccleſia, ſatis perſpicuum eſt, ad ſecularium iudicum tribunalia Epiſcopos & clericos reliquos quotidiè ſteſiſſe, neque quenquam fori incompetentiam tùm objeciſſe. Quod ſi dixeris, exceptionem iſtam metu omiſſam fuiſſe, quæſo ego, quid poteſt timere ille, qui mortē non timet? potuiſſent illi eadē cōſtantiâ, quâ tormenta deſpuerunt, etiâ iudicē rejicere & ejus iudiciū exceptione declinare.

XIX. Inter seculi quarti monumenta ad Episcopalem jurisdictionem pertinentia multum jactatur, privilegium Constantini Magni, quod Theodosio adscribit Gratianus *cap. quicumq.* 11. q. 1. ideo scilicet quia in Codice Theodosiano habetur, uti existimat Antonius Augustinus *de emend. Grot. lib. 2. dial. 11.* Referam id verbis, prout apud Gratianum extant: *Quicumque litem habens sive peritor fuerit, vel in initio litis, vel decursis temporum curricula, sive cum negotium peronatur, sive cum jam taperit promi sententia, si judicium elegerit sacrosancti sedis antistitis, illico sine aliqua dubitatione, etiamsi alia pars refragatur, ad Episcoporum judicium cum sermone litigantium dirigatur. Et can. seq. Omnes itaq. causa, quæ pratorio vel civili jure trahantur Episcoporum sententiæ terminata, perpetuo stabilitatis jure firmentur, nec ulterius licet retractari negotium quod Episcoporum sententiâ deciditur.* Constitutio hæc directè quidem ad præsentem materiam non facit; quia tamen judicia Episcopalia tantis privilegiis per eam munita sunt, ut lite etiam pendente & in judicio seculari atque inter personas seculares versante, quicumque esset causæ status, si alterutra pars, alterâ licet obducante, Episcopum sibi judicem deposceret, illicò ad ejus cognitionem lis referretur, turpe sanè esset. Clericostàm sanctum, tantisque privilegiis & laudibus or-

natum, atque ab Laicis tam cupidè expetitur judicium relinquere, atque ad secularia judicia provocare velle, præsertim cum hæc ratione in personas Clericorum jurisdictione Episcopalis præ cæteris fundata sit.

XX. Sed tamen etiam hanc Constantini legem *υποβολιμαία* esse, enucleatè ostendit Jacobus Gothofredus in *Cod. Theodof. ad eand.* propter paradoxa & absurdas ampliaciones, quæ in eâ continentur. Primum enim id valde offendit, quod uni tantum ex litigatoribus, altero licet dissentiente, liceat causam ad judicium Episcopale deferre, quodque ille, qui refragatur, judicium hoc agnoscere debeat, id quod planè videtur iniquum & juri adversum, tum etiam constitutionibus sequentium Imperatorum contrarium. Alterum est, quod in quovis processû articulo, etiam cum jam promi coeperit sententia, ad judicium Episcopi alterutri parti provocare liceat. Denique quod nulla ætatis haberi debeat ratio, neque minoribus restitutionis beneficio succurrendum sit, si causa in judicio Episcopali decisa fuerit. Tanta scilicet fuit ex privilegio Constantiniano hujus judicii dignitas, tanta de sententiis ejus præsumtio. Sed singulis istis capitibus reliqua omnis refragatur jurisprudentia & ipsa naturalis ratio. Ut taceam, quàm inconditè se habeat

verborum structura, uti prolixè probat *d. l. i.* Jacobus Gothofredus. Quæ omnia *duferrius* hujus privilegii totam evertunt & prorsus extingunt.

XXI. Eodem seculo quarto Romanam sedem tenuit Silvester, Papa, ex cuius decretis sub eadem *c. ii. q. 1.* Gratianus hanc refert sententiam: *Nullus Clericus vel diaconus vel presbyter propter quamlibet causam intret in curiam, nec ante civilem judicem suam presumat dicere causam.* Factum istud decretum dicitur in Synodo Romanâ II. habitâ anno salutis CCCXXIV. Et quia paulo prolixius illic sub *can. 16.* exponitur sententia Sylvestri non pigebit ea hic adscribere: *Nemo clericus, vel diaconus, aut presbyter propter causam suam quamlibet intret in curiam, quoniam omnis curia à cruore dicitur & immolatio simulachrorum est. Quoniam si quis Clericus in curiam introierit, anathema suscipiat, nunquam rediens ad matrem Ecclesiam. A communione autem non privetur propter tempus turbidum.* Lepide est ratio, quam ab Etymologiâ petit Pontifex, & lepida est ipsa eîam Etymologia. Sed nec coherent inter se, anathema fieri, & tamen à communione non excludi. Anathematissimus enim non à fraternâ tantum societate separat, sed ab ipso Christi corpore rescindit. *c. fin. 3. q. 4.*

XXII. Et ut clariùs pateat, quid de istis Sylvestri decretis sentiendum sit, adscribam verba Hincmari Archiepiscopi Remensis *ex epist. de presbyteris criminosis*, quæ in editione Jacobi Sirmondi est quadragesimâ octava, *tom. 2.* Ille enim, postquam vidisset, sententiæ suæ Sylvestri decreta valdè obstare, *sub num. 21.* hunc in modum verba facit: *Ceterum quoniam quidam quasi in auctoritate proferunt, sanctum Silvestrum Papam decrevisse talia, quæ catholica Ecclesia inter synodalia decreta non computat, quæ majores nostri inde nobis tenenda suis posteris reliquerunt, hic necessarium ponere duximus. Scriptum namque est in quodam sermone, sine exceptoris nomine de gestis S. Sylvestri excepto, -- eundem S. Sylvestrum decrevisse, ut nullus Laicus crimen Clerico audeat inferre, & ut presbyter non adversus Episcopum, non diaconus adversus presbyterum, non subdiaconus adversus diaconum, non exorcista adversus acolytum, nec lector adversus exorcistam, non damnetur Praesul in septuaginta duobus, &c. : Sunt ipsissima verba, quæ habentur inter decreta Synodi Romanæ II, *c. 3.* Pergit nunc Hincmarus: *Quæ dicta quam diversa à sanctis canonibus & sacris legibus sint nemo est, qui dubitet, qui & hæc distacum ratione attenderit, & sacras regulas ac leges diligentius legit.**

Et

Et primum quidem scriptum est, ut nullus Clericus contra Clericum testimonium accusationis ferat, & mox subsequitur, in quantum testibus presbyter vel diaconus valeant condemnari, & testes & accusatores sine infamia, & Uxores & filios habentes, & Christum predicantes fiant. Quod quam absurdum sit, ut Uxores & filios habentes potius ad testimonium recipi debeant, quam continentes & religiosi, ratio aperta demonstrat, &c. : Sequuntur plura, quibus perquam accurate hoc agit, ut absurditatis convincat decreta, quæ sub Silvestri nomine circumferuntur. Inter alia concludit: Quapropter credendum non est, eundem sanctum Virum talia constituisse, quæ in memorato sermone continentur scripta. Et licet propter hæreticos & gentiles qui tunc persequerentur catholicos, fortè talia dixerit, tamen posteriorum sententia tenenda est &c.

XXIII. Imò verò ipse suo exemplo cemprobavit Silvester, non posse à personis Ecclesiasticis declinari iudicia secularia. Cum enim accusatus fuisset à nonnullis, haud veritus est ille causam suam apud Constantinum Imp. perorare. Et petiit quidem deinceps Concilium Romæ congregatum, ut, si quæ porro incidere causa Pontificem Romanum concernens, liceret sibi eam in Concilio decidere, aut saltem, ut liceret ei causam suam in Consistorio Prin-

cipis peragere, non apud magistratus. Epistola Concilii ad Gratianum Imp. exarata extat in appendice Codicis Theodosiani, quam addidit Jacobus Sirmondus. Ex quâ colligi potest, eo tempore nondum creditum fuisse, exemptionem Clericorum à iurisdictione seculari esse juris divini, uti hodiè doceri quandoque in Ecclesiâ Latinâ solet. Imò sequitur inde, forum Clericorum privilegiatum concedi ex indulgentia Principum, & ex ipsorum arbitrio pendere, nec licere adeò Clericis, si quid seculi constitutum fuerit, frena mordere, aut refractariis esse.

XXIV. Porro producit Gratianus d. l. can. 4. testimonium ex Concilio Niceno. Id ita se habet: *Judices esse non debent nisi quos ipse, qui impetitur elegerit: aut quos suo consensu hæc sancta sedes aut ejus primates auctoritate hujus sanctæ sedis delegaverint.* Sed rectè animadvertunt Interpretes, hæc verba non esse ex concilio Niceno, sed ex Julii Pontificis epistolâ 2. c. 34. de promota, qui Julius seculo hoc IV Romanæ Ecclesiæ Episcopus fuit. Istam verò epistolam, ex quâ verba relata desumpta sunt, totam commentitiam, ex variis Conciliorum atque Patrum scriptis confarcinam esse præclare ostendit David Blondellus in *Psepho Isidor.*

pag. 457. seqq. ubi pag. 473. verba hæc à Gratiano adducta specialiter perstringit. Nec tamen, si genuina essent, multum facerent ad exemptionem Clericorum sustinendam, quandoquidem ea tam generalia sunt, ut de quibusvis iudicibus, etiam secularibus, explicari commodè queant.

XXV. Videamus quid hoc seculo IV legibus Imperatorum constitutum fuerit. Et primum quidem refert Ambrosius epist. 32. Valentinianum Seniore Episcoporum iudicia in certis quibusdam causis approbasse. Sic enim scribit ad ejus filium Valentinianum juniorem: *Augusta memoria pater tuus non solum sermone respondit, sed etiam legibus suis sanxit, in causâ fidei vel Ecclesiastici ordinis alicujus eum judicare debere, qui nec munere impar sit, nec jure dissimilis, (hæc enim verba rescripti sunt,) hoc est, Sacerdotes de Sacerdotibus voluit judicare. Quin etiam si aliâs quovis argueretur Episcopus, & morum esset examinanda causa, etiam hanc voluit ad Episcopale iudicium pertinere. Et porro: Quando audisti clementissime Imperator, in causâ fidei Laicos de Episcopo judicasse? Ita ergo quâdam adulatione curvamus, ut Sacerdotalis juris sumus immemores, & quod DEUS donavit mihi, hoc ipse aliis putem esse credendum. At mox: At certè, si vel scripturarum seriem divinarum, vel vetera tempora retineamus, quis est, qui abnuat, in causâ inquam fidei E-*

piscopos solere de Imperatoribus Christianis, non Imperatores de Episcopis judicare, &c.

XXVI. Constitutionem ipsam consideramus, quæ sine dubio per injuriam temporis perijt. Extat alia ejusdem Valentiniani in Codice Theodosiano l. 20. quor. app. non recip. quàm valdè interpolatam Codici Justiniano l. 2. de Episc. aud. inseruit Tribonianus. Ea ita habet: *Quoniam Chronopius ex Antistite idem fuit in tuo, qui fuerat in septuaginta Episcoporum ante iudicio, & eam sententiam provocatione suspendit, à quâ non oportuit provocare, argentariam multam, quàm hujusmodi sacro sanctio generalis imponit, cogatur expendere. Hoc autem non sicut nostro volumus accedere, sed his qui indigent fideliter erogari. Quod in hac causâ & ceteris Ecclesiasticis fiat. Constitutionem hanc cum recensisset Cardinalis Baronius ad ann. 369. num. 40. non ea tantum, sed & verbis Ambrosii innui putat sanctionem generalem illam, quâ vetitum erat, ne Clerici coram secularibus iudicibus causam dicerent. Id verò rectè refutat Jacobus Gothofredus ad d. l. 20. cum hoc seculo inaudita, adhuc fuerit doctrina, quæ Ecclesiasticos secularibus potestatibus subducit, nec aliam proinde sanctionem subintelligi debere scribit, quàm illam, quâ quinquaginta librarum argen-*

phyrini epistolâ sentiendum sit, quam argenti multa appellanti imposita est, h.e. l. 15. § 16. *Cod. The. quor. appell. non recip. Add. Jac. Russ. ad l. 2. C. de Eips. au.*

XXVII. Ex dictis ergo Ambrosii verbis hoc colligitur, Imperatorem Valentinianum permisisse Episcopis, ut de causis fidei, atque Ecclesiastici ordinis, h.e. de causis merè Ecclesiasticis, tum etsi causa morum incidere, h.e. de levibus Episcoporum delictis, sententias ferrent. Eamque explicationem ipse contextus confirmat. Primum enim mentionem facit causæ fidei, vel Ecclesiastici ordinis. Hanc ait ex lege Valentiniani judicari debere ab Episcopis, eo quod in talibus causis Ecclesiasticis Sacerdotes de Sacerdotibus commodissime sententiam ferant. Deinde dicit, si morum esset examinanda causa, etiam hanc ad Episcopale iudicium remissam fuisse à Valentiniano. Morum autem causa non alia est, quàm quæ leve aliquod delictum concernit. Criminales enim causæ, quæ ex delictis communibus oriebantur, secularibus iudiciis reservatæ manebant, ut & causæ pecuniariæ, sic tamen, ut in his liceret utriusque partis consensu ad iudicem Ecclesiasticum sive forum Episcopi ire, ejusque sententiâ expetere. Id enim cum Laicis liceret, non potuit denegari clericis, ne deterioris conditionis esse viderentur.

XXVIII. Cæterum, ut hoc obiter addam, cum dicatur in constitutione

Valentiniani alterâ, Chronopii in septuaginta Episcoporum iudicio prius damnatum fuisse, non videntur mihi septuaginta præcisè Episcopi in unum congregati causam definivisse. Sed accipi ea verba debent de synodo provinciali, quod ejusdem provincie Episcopi convenerint, & Chronopium damnaverint. Utrum autem septuaginta illi fuerint, an plures, an pauciores, forte parum refert. Debet enim talis causa, quæ Episcopus accusatur, intra provinciam audiri, & à compvincialibus terminari c. *ultra § seqq. 3. q. 6.* & indignum est, ut ille ab extraneis iudicaretur c. *peregrina ibid.* Dicitur autem septuaginta Episcoporum iudicium fortè ideò, quia ejusmodi synodus comparatur iudicio septuaginta Seniorum cum filiis Israel, qui causas suas Moyse proposuerunt, *can. 41. concil. Niceni*, inter eos, qui ex Arabica versione prostant. Nec enim ullibi legitur, Episcopum à septuaginta cœpiscopis condemnari debere, quanquam in epistolâ Zephyrini ad Episcopos Sicilienses primâ, quam refert Ivo Carnotensis in *Decreto part. 5. cap. 245.* & in Synodo Romanâ II, *cap. 3.* à Sylvestro constitutum legatur, non debere Episcopum condemnari, nisi per septuaginta duos testes convictus fuerit nec presbyterum nisi 44. versus eum præstò sint testimonia. Ut enim non repetam, quæ de auctoritate Synodi Romanæ dixi supra, nec inquiram longius, quid de Ze-

adversus Turrianum prolixè examinat Blondellus in *Pseudo Isidoro* p. 237. seq. sufficet hic, quod de presbyteris per *Thymotheum* addit Hincmarus d. l. n. 24. *Si presbyter approbati non poterit, nisi cum tot idoneis testibus, sicut ibidem scriptum est, nunquam probabitur. Sunt enim apud nos presbyteri, qui tot parochianos non habent* &c. Idem dici potuerit de Episcopis, quod vix fieri possit unquam, ut septuaginta duo testes in eadem causa inveniuntur.

XXIX. Id verò expeditum non est, quid sibi velint verba Constitutionis Valentinianæ initialia, & qualiter se habuerit provocatio Chronopii. Hoc innuere videntur, damnatum eum prius fuisse in iudicio LXX Episcoporum, sive synodali: appellasse eum deinceps ad Præfectum Urbi, & denuò condemnatum: provocasse eum porro ad superiorem, Imperatorem nimirum, & hanc appellationem rejectam esse idèò quod ab sententiâ istâ appellari non deberet. Quæ ratio facit, ut inscriptionem constitutionis vitiosam esse existimem, eamque non ad Præfectum Urbi, sed ad Præfectum Prætorio exaratum statuam. Siquidem à sententiâ Præfecti Prætorio appellare non licuit. l. un. ff. de Offic. præf. Prætor. l. 17. ff. de min. l. 19. l. 30. l. 35. C. de appell. benè tamen à sententiâ, quam tulerat præfectus Urbi, l. 38. ff. de minor. l. fin. Q: de hiis qui propt. met. jud. non

app. Quomodo verò à sententiâ Synodali appellari ad iudicium seculari potuerit, id, uti dixi, nondum expeditum est. Videtur Valentinianus etiam in iudicio morum, quod Episcopis concesserat, reservasse sibi & magistratibus suis cognitionem ulteriorem, ut si fortè per imperitiam aut corruptelam potestate suâ abuterentur Episcopi, id emendari deinceps in iudicio appellationis posset.

XXX. Valentiniano successit Gratianus, cujus constitutio anno CCC LXXVI. promulgata in Codice Theodosiano l. 23. de Episc. ita se habet: *Primos est causarum civilium, idem in negotiis Ecclesiasticis obtinendū sunt, ut si qua sunt ex quibusdam dissensionibus levibusque delictis ad religionis observantiam pertinentia, locis suis & à sua diæceseos synodis audiantur: exceptis, quæ actio criminalis ab Ordinariis extra ordinariusque iudicibus aut illustribus potestatibus audientia constituit.* Constitutio hæc & causas distingvit Ecclesiasticorum sive Ecclesiasticis personis intentatas, & iudicia, quibus causæ istæ dirimi & iudicari debeant. Causas facit triplices, alias ait ex quibusdam dissensionibus oriri, alias denique ex publicis iudiciis. De pecuniariis causis nullam facit mentionem, quod dubium nullum fuerit, eas omnes in iudiciis secularibus ventilari debere, sive adversus Ecclesiasticas personas instituerentur, sive ad-

adversus Laicos. Qvoddissenfiones in religione attinet, æqviffimum est, ut de iis in foro Ecclesiastico difceptetur. Pertinentqve eò verba Ambrofii fupra relata: *Quando audifli, clementiffime Imperator, in caufa fidei Laicos de Epifcopo iudicaffe?* De levibus delictis jam fupra diximus, ex inituto Valentiniani antecelforis eorum cognitionem iudiciis Ecclefiafticis conceffam fuiffe. Et per delicta tamen non promiffuè qvævis, fed illa tantum qvæ ad religionis obfervantiam, pertinent, qvæ difciplinam & ordinem Ecclefiafticum lædunt, qvæqve Ecclefiaftica ἑγκλήματα, feu αμαρτήματα vulgò dicuntur, & Ecclefiafticorum propria funt fubintelligi debere, verba manifefte produnt. Reliqua autem Ecclefiafticorum delicta, qvæ communia diximus cap. anteced. foro feclari refervantur.

XXXI. Iudicia ita difcriminat. Gratianus, ut diffidia qvidem & delicta Religionem aut difciplinam Ecclefiafticam attinentia locis fuis & à fuz diœcefeos fynodis audiantur; caufæ autem criminales ab ordinariis extraordinariisqve iudicibus aut illuftribus poteflatibus definiantur. In priori membro triplex forum contineri enucleatè tradit Jacobus Gothofredus *ad d. l. 23. ubi loca, qvæ in hoc textu memo-*

rantur, explicat de iudicio Epifcopi, tum &, qvòd alterum & fuperius eft forum, de fynodo totius provincie, qvam Metropolitanus cum omnibus provincie Epifcopis facit. Sequitur tandem forum adhuc altius, Synodus nempe diœcefeos qvam facit Patriarcha vel Primas feu Exarchus cum Epifcopis ex multis provinciis fibi fubjectis. Etfi enim diœcefeos vocabulum ambiguum fit, & modo territorium Epifcopi, modo integram provinciam Archiepifcopi, modo multas fimul provincias denotet, uti id probat Jacobus Sirmondus, *ad Apollinar. Sidon. lib. 9. epift. 16.* Chriſtoph. Juſtell. *ad Cod. Can. Ecclef. African. can. 56.* Ultima tamen fignificatio propriiffima eft, qvat. fcil. fignificat complexum multarum provinciarum, vocabulo à civili adminiftratione petito. Circa diffidia igitur in Religione, & delicta Clericorum levia tres gradus iurisdictionis ab Imperatore referuntur. Primus eft fori Epifcopalis, alter Synodi provincie, & tertius Synodi diœcefeos. Qvi ultimus tantam autoritatem fententie conferebat, ut provocare ab eà nullo modo liceret, uti in fequentibus dicam.

XXXII. Qvòd delicta Clericorum communia concedit, ea vindicare ait Imperator ab ordinariis extraordinariisqve iudicibus aut Illuftribus poteflatibus. Ordinarij iudices

tum erant in Urbe præfectus Urbi, l. 1. ff. de off. præf. Urb. in provinciis Præfides l. 6. §. pen. ff. de off. præf. & Proconsules, l. 6. ff. de off. Procons. quibus in ipsâ creatione merum imperium conferebatur. Extraordinarii erant, quibus Imperator cognitionem extra ordinem mandabat. Illustres potestates dicebantur alii, ut præfecti prætorio &c. Vid. Jacob Gutierrez de offic. dom. Aug. lib. 1. c. 4. Probat igitur hæc Gratiani constitutio, circa crimina Clericorum nihil omnino mutatum eo tempore fuisse, sed eorum cognitionem ad secularia iudicia pertinuisse, ut olim; reliquam autem audientiam Episcopis & synodis concessam venire ex indulgentiâ Principis, qui in favorem Ecclesiasticorum privilegiata ista fora instituit, ut ne promiscue illi inter fratres subrostrânos ad tribunalia stare; & causas suas perorare cogerentur.

XXXIII. Qvod ita in Occidente constituerat Gratianus Imp. id in Oriente non invito Imperatore suo acceptarunt Patres Constantinopol. anno CCC LXXXI habitum fuit, sive in aliquo posteriore, uti putat Gvilielmus Beyerregius in not. ad dist. Const. Constantinop. cum in Dionysii Exigui aliisque vetustis latinis collectionibus nihil tale inveniatur, sed in Græcis tantum, Johannis Antiocheni & Theodori Balsamonis, qui

Canonem istum, quem mox recensuimus, Constantinopolitano Oecumenico vindicant, eumque num. 6. ponunt. Verba in versione Latina ita habent: *Quoniam multi Ecclesiasticum ordinem confundere & subvertere volentes, inimicis & sycophanticis adversus Orthodoxos Episcopos, qui Ecclesias administrant, accusationes quasdam confingunt, nihil aliud quam Sacerdotum bonam existimationem contaminare & in pace degentium populorum tumultus concitare conantes: eâ de causâ placuit sanctæ Synodo Episcoporum, qui Constantinopoli conveniunt, nec sine discussione admittere accusatores, nec omnibus eorum qui Ecclesias administrant, accusationes permittere, nec omnes excludere; sed si quis propriam quidem querelam, id est privatum intendat Episcopo, ut detrimentum aliquo vel injuriâ aliquâ ab ipso affectus, ως πλεονεκτηθεῖς, ἢ ἄλλο τι ὡς τὸ δίκαιον παρ' αὐτοῦ πεινθῆς; in ejusmodi accusationibus, nec accusatoris personam, nec religionem examiniari. Oportet enim Episcopis conscientiam esse omnibus modis liberam, & cum qui sibi injuriam factam esse dicat, cujuscunque religionis jus suum consequi. Si autem sit crimen Ecclesiasticum, quod Episcopo intenditur tunc examinari personas accusatorum: ut primum quidem hæreticus non liceat Orthodoxos Episcopos pro rebus Ecclesiasticis accusare. Hæreticos autem dicimus & qui olim ab Eccle-*

siâ abdicati sunt, & qui sunt postea à nobis anathematizati : ad hac autem & eos, qui se sanam quidem fidem confiteri præseferunt, avulsi autem sunt & abstissi & adversus Canonicos nostros Episcopos congregationem faciunt. Præterea autem etsi aliqui eorum ab Ecclesiâ ob aliquas causas prius condemnati & ejecti & vel excommunicati fuerint, sive ex Clero sive ex Laicorum ordine nec licere eis Episcopum accusare, priusquam proprium crimen absterferunt. Similiter autem & eos, qui prius rei facti accusatique sunt, non prius ad Episcopi vel aliorum Clericorum accusationem admitti, quàm se obceptorum sibi criminum insontes ostenderit. Sed si nonnulli nec hæretici nec excommunicati fuerint, nec prius damnati vel aliquorum criminum accusati, dicant autem se habere aliquas adversus Episcopum criminationes, eos jubet sancta Synodus primum quidem apud provinciam Episcopos accusationem persequi, & apud eos probare crimina Episcopi, qui aliquarum rerum accusatur. Quod si evenierit, ut provinciales Episcopi crimina, quæ Episcopo intentata sunt, corrigere non possint, tunc ipsos accedere ad majorem Synodum dioecesis illius Episcoporum pro hac causâ convocatorum, & accusationem non prius intendere, quàm æquale periculum sibi statuant, si quidem in rebus examinandis accusatum Episcopum calumniari convicti fuerint. Si quis autem ita, quæ, ut prius decla-

ratum est, decreta fuerunt, contempsit ausus fuerit vel Imperatoris aures molestiâ afficere, vel secularium Principum judicia vel universalem Synodum perturbare, neglectis Dioecesis Episcopis, eum nullo modo esse ad accusationem admittendum, ut qui canonibus injuriam fecerit, & Ecclesiasticum ordinem everterit.

XXXIV. Agitur quidem in hoc canone inprimis de actionibus adversus Episcopum intentatis, & qualiter se habere debeant actores aut accusatores ; Fittamen in eo aliquando etiam reliquorum Clericorum, mentio, ut inde concludere liceat, haud disparem rationem aliquo saltem casu observandam esse, sicubi adversus reliquos, qui in ordine sacro sunt, actio aut accusatio instituitur. Casus ille talis est, si quis, qui in reatu ipsemet est, accusare Episcopum aut Clericum velit, antequam accusationis nexu se liberaverit. Videamus autem potissimû, quid de foro decretum fuerit. Et primum quidem agitur de causâ privatâ, quæ pecuniariâ demum æstimatione litis absolvitur, uti commentatur Zonaras, quando scil. quis de damno dato aut injuriâ sibi illatâ conqueritur. Et in tali causa non attēdi debere qualitatem actoris decernitur. Ubi autem & in quo judicio causa ejusmodi ventilari debeat, expressum quidem non est; ex quibusdam tamen verbis colligi potest, in foro Ecclesiastico dic-

ceptionem instituendam esse. Dicitur enim: *Decrevit sancta Synodus Episcoporum, qui Constantinopoli conveniunt, non sine examine accusatores admittere &c.* & circa finem: *Si quis autem iis, quæ decreta fuerunt contemta ausus fuerit vel Imperatoris aures molestiâ afficere, vel secularia Principum judicia, vel universalem synodum perturbare, - cū nullo modo esse ad accusationem admittendum, &c.* Decernere non potest Synodus, quid in judiciis secularibus observari debeat. Per consequens, quicquid hîc de examine dicitur; id ad judicia Ecclesiastica referendum est.

XXXV. Ergone pecuniariæ, quæ adversus Episcopos competunt, actiones in judiciis Ecclesiasticis peragendæ erunt? quas tamen ex legibus Imperatoris ad forumulare pertinere paulo ante dixi. An dicemus, mutatum id esse tam celeriter, quod ante quinquennium Gratiano Imperatori placuit? Imò verò, quid dici hîc debeat, obscurum & dubium est, net nisi per conjecturas effugere licet. Attendatur tamen sequentiâ. Primum, quod supra dixi, à plerisque statui, canonem hunc non seculo hoc quarto, neque in Concilio Constantinopolitano generali, sed recentiori aliquo conscriptum esse. Deinde, Episcopis id tantum tributum, ne accusationes adversus eos in judiciis fierent, sed apud alios Episcopos explorarentur; reliquorum Clericorum respectu jus com-

mune relictum esse, neque speciale hoc privilegium eis indultum. Tertio: forte etiam differentiam aliquam ex imperio Orientis & occidentis petendam esse, cum aliter Romæ aliter Constantinopoli habere se res poterit, indulgentibus scilicet & conniventibus Imperatoribus. Quarto, videri Patres Constantinopolitanos admodum timide hunc canonem composuisse, & sub specie molestiæ derivandæ palpum Imperatori obtrudere voluisse, ut eo facilius ille in hoc forum Ecclesiasticum consentiret. Si quis, ajunt, iis, quæ decreta fuerunt, contemta ausus fuerit vel Imperatoris aures molestiâ afficere, vel secularium Principum judicia, vel universalem synodum perturbare, neglectis omnibus diœcesis Episcopis, eum nullo modo esse ad accusationem admittendum. Quomodo verò ad accusationem non admittetur, qui ad Imperatoris aures aut secularia judicia accusationem suam deferat? nisi statuas, etiam hæc judicia illi interdicta esse. Quod num à coetu Ecclesiastico fieri possit, aut num secularis iudex ad tale decretum obligatus sit, valde dubito.

XXXVI. Et hæc quidem de causâ pecuniariâ. Quod delicta Episcoporum concernit, oppidò notandum est, non agi in hoc canone de quibusvis eorum criminibus, sed Ecclesiasticis tantum. Ita habent verba: *ἡ δὲ ἐκκλησιαστικὴν εἰς τὸ πᾶσι φερόμενον ἔγκλημα τῶ ὁποιοῦν.* Si autem sit cri-

mien Ecclesiasticum, quod Episcopo inten-
ditur, &c. Et porro: *ἀποστρέφει τὸν π*
αῖς ἐκκλησιαστικὰς καὶ τὰς ὁμοειδῆς
κατηγορίας; dicant autem, scil. accu-
 satores, se habere Ecclesiasticas aliquas
 adversus Episcopum criminationes, &c.
 Quæ sint illa Ecclesiastica ἐκκλησιαστικά,
 five delicta, supra explicavi, levia sc.
 illa, quæ ad religionis observantiam
 pertinent, quæque disciplinam & or-
 dinem Ecclesiasticum lædunt, & mo-
 rum causam constituunt. Ista cum ita
 limitatè iudicio Ecclesiastico destinat
 Synodus, reliqua omnia iuri commu-
 ni & iudicijs secularibus reliquisse
 censent. Iam est. Ut adeo circa ista talia
 nihil adhuc quicquam eo tempore
 immutatum inveniatur.

XXXVII. Præcipuum verò, quod
 ex hoc canone Constantinopolitano
 observandū est, versatur in enumera-
 tione iudiciorum Ecclesiasticorum,
 quorum jam supra aliquam feci men-
 tionem. Erant enim eorum quidam
 veluti gradus, perinde uti in iudicijs
 secularibus, poteratque ab uno ad al-
 terum iusto ordine provocari. Pri-
 mum enim cuilibet Episcopo suo erat
 ἐπισκοπὴ & iurisdicção, adeoque oportebat
 diaconum conveniri primum
 coram Episcopo suo. Quod si sus-
 pectum esset diacono iudicium istud,
 aut diacono ipsi cum Episcopo suo res
 esset, poterat ille provocare ad Episco-
 pos vicinos, si quidem Synodus provin-
 cialis cogit illico non poterat, aut ad
 hanc, si præsto esset talis congregatio.
 Iudicium Episcoporum vicinorū ma-
 xime probatum fuit in Concilijs Afri-

canis, quibus constitutum fuit, ut Epi-
 scopus à duodecim Episcopis, & pres-
 byter à sex Episcopis cum proprio suo
 Episcopo audiat, & diaconus à tri-
 bus. *Vid. can. 12. 14. 20. 28. & 125. in cod. can.*
Ecel. Afr. Utrum autem à iudicio horū
 vicinorum Episcoporum ad synodum
 provincialem provocare licuerit, non
 ausim asserere. Imò verò tutius id ne-
 gabitur, tum quod Episcopi illi Syno-
 di provincialis vices sustineant, tum
 quod eligi ab accusato soleant, uti pa-
 tet ex *can. 20. eujusd. cod.* At si ex cōsen-
 su partiū electi iudices fuissent, etiam
 à pauciore numero, quā n constitutū
 est, non licebat provocare. *can. 15. ibid.*

XXXVIII. Ubi tales iudices cōpro-
 missarii electi non fuissent, adiri po-
 terat Synodus provincialis vel in pri-
 mā instantiā, si cum Episcopo res esset,
 vel per appellationem, si inferior ali-
 quis in iudicio Episcopi gravatus fuisset.
 Synodus illa provincialis constabat
 ex omnib; totius provincię Episcopis
 cū suo metropolitano seu primate, aut
 Episcopo primæ sedis. Tales Synodos
 bis in anno haberi debere Concilium
 Nīcenū *can. 5.* præscriperat, idq; repe-
 titū Concilium Antiochenum & Chal-
 cedonenſe Sed Justin. Imp. *Novell. 1*
23. & 137. celebrationem horum
 Conciliorum semel tantum in anno
 fieri concessit, quod etiam secuta est
 Synodus in Trullo, *c. 8.* & secunda Ni-
 cæna *c. 6.* Agebatur in illis de causis
 Clericorū & Laicorū, qui ab Episcopis
 suis excommunicati erāt, audiebātur
 accusationes adversus Episcopos, ex-
 pediebātur difficultates, quæ contin-

gebant circa administrationem bonorum Ecclesiasticorum, & in universum tractabantur omnes controversiæ & dubitationes, quæ ad ceremonias sacrorum, personas & res Ecclesiasticas pertinent. Ista concilia ex quâ ratione celebrari desierint, optimè exponit Petrus de Marca de *concord. sacerdot. & imp. lib. 6. c. 15.*

XXXIX. Superiora adhuc erant, Concilia totius dioeceseos, quæ à Patriarcha sive exarcho cum metropolitani & Episcopis totius dioeceseos celebrantur. Dioecesis hoc loco accipitur pro tractu & collectione plurium diversarum provinciarum, quæ eundem modum provincia pro collectione plurimorum Episcopatum. Quæ eundem modum igitur Episcopus pluribus presbyteris, & parochis, & metropolitanus sive Archiepiscopus pluribus Episcopis, itemque Exarchus sive patriarcha pluribus metropolitani præerat: ita conventus ab unoquoque cum sibi subiectis facti vel synodi simplicis, vel synodi provincialis, vel synodi dioeceseos nomine veniebant. Sic & Exarchus h. l. eundem denotat, qui aliàs dicitur patriarcha, integræ scilicet dioeceseos inspector & Episcopus primus. Ita explicat Ballamon *ad Concil. Chalcedonens. c. 9. Provincia Exarchus est, ut mihi quidem videtur, non unicuique, provincia metropolitani, sed metropolitani totius dioecesis. Dioecesis autem, est quæ multas sub se habet provincias.* Et Zonaras *ib. Exarchorum*

dioecesanorum nomine nonnulli patriarchas, alii metropolitanos intelligi voluit. Scilicet hoc nomine nonnunquam etiam Metropolitani designabantur, quod quampluribus testimoniis comprobatur Christophorus Justellus *ad Cod. Can. Eccles. African. can. 39.* Et de Patriarchâ quidem quando usurpatum Exarchi nomen fuit, additum plerumque legitur vocabulum *dioeceseos*; quando verò metropolitani eo designabantur, simpliciter illi exarchi dicebantur. Sed quia inter Metropolitanos adhuc aliqui præcipui honoratioresque erant, qui tamen Patriarcharum nomine non veniebant, illi non simpliciter Exarchi, ut cæteri, sed *ὀπίσθεντοι ἐξαρχοι* appellabantur. Vid. Petr. de Marca *de Constantinop. patriarch. instit. pag. 144.*

XL. Conventus isti Metropolitanorum apud Patriarcham fiebat annuâ, bimâ aut trimâ die, imò si gravia atque ardua negocia repente inciderint, extra ordinem ad luitum Patriarchæ cogeantur. Eoquæ accedere tenebantur Metropolitanî loco & die, quem Patriarcha constituisset, iudicaturi in eis quæstiones ad fidem vel ad disciplinam spectantes, sive in primâ instantiâ, sive in secundâ & per modum appellationis, prout causæ conditio exegerit. Et quia tales Synodi suo quæque Patriarchæ subditæ erant, earum autoritas suprema esse debuit, neque fieri poterat

ut

ut ab aliâ quâpiam jurisdictione penderet. Itaque nulla à decreto talis Concilii appellatio fieri poterat, ne quidem ad Synodum universalem. Hoc enim est, quod in canone Constantinopolitano condemnatus prohibetur *οικουμενικὴν σύνοδον ἐπελάσσειν*, universalem Synodum perturbare. Non enim patriarcharum sententiæ provocationem recipiunt, ait Photius Patriarcha Constantinop. in *Nomocanone* lib. 9. c. 1.

XLI. Hæc igitur erat appellatio-nis ratio, ut à presbyterio unius Ecclesiæ seu parochiæ, aut Episcopi sententiâ ad plurimum Episcoporum confessum, aut ad synodum omnium Episcoporum provinciæ & ab hac ad Concilium totius dioceseos provocaretur. Hi etiam erant jurisdictionis Ecclesiasticæ gradus, quos pro conditione rei conventi observari oportebat. Aut enim Clerico res erat cum alio eidem *ἡσυχαστῇ* sub-jecto clerico, & tunc Episcopus, cui uterque subiectus erat, ordinarius erat iudex; aut cum Episcopo ipso, & tunc ad Synodum provinciæ eundem erat, aut denique cum provin-ciæ metropolitano, quo casu lis ad Exarchum aut Patriarcham referri debebat. Et hi limites erant, intra quos Ecclesiastica jurisdictio conti-nebatur. Eamque procedendi ratio-nem uberius exposuit Concilium Calchedonense c. 9. & 17. itemque Justinianus Imp. l. 29. C. de aud. Episc.

ubi instantias ita describit, ut nullam omnino præteriri debere statuat, nec saltum admittat omisso iudice infe-riore, & patriarcharum de non ap-pellando privilegium lege suâ con-firmet. Cujus Imperatoris eâ de re constitutiones infra plenius videbi-mus. Pergendum nunc nobis est ad alia, quæ Justiniani *νομοθεσίαι* an-tecedunt.

XLII. Ut verò absolvamus ea, quæ ex seculo IV restant, præteriri hic non debet Constitutio Theodo-sii, quæ recensetur in Codice Theo-dosiano l. 3. de Episcopali judic. Verba, quæ huc pertinent, operæ præ-cium est, hæc adscribere. — *Idcir-cò continuâ lege sancimus, nomen Epi-scoporum vel eorum, qui Ecclesiæ neces-sitatibus serviunt, ne ad judicia siue ordinariorum siue extraordinariorum judicum perturbatur. Habent illi ju-dices suos, nec quicquam his publi-cis commune cum legibus, quantum ta-men ad causas Ecclesiasticas pertinet, quas decet Episcopali auctoritate desi-di. Quibuscumque, igitur mota fuerit questio, quæ ad Christianam pertineat sanctitatem, eos decebit sub eo iudice litigare, qui præsul est in suis partibus omnium Sacerdotum, id est, per Ægypti diocesein, Optate Karissime ac jucundis-sime. Quare laudabilis auctoritas tua, arbitrio temperato, quicquid negotio-rum aliunde incidet, terminabit: habi-turo Pontificium sacra discepcionis Timotheo Episcopo, quem sibi omnes*

etiam suo iudicio præulere. Est enim Vir, cum omnium Sacerdotum susceptione venerandus, tum etiam nostro iudicio approbatus.

XLIII. Legem hanc Decreto suo inseruit Gratianus, sed pessimè truncatam, & sensu Legislatoris intentioni planè contrario. Audiamus ipsum, uti eam *c. continuâ II. q. 1.* in compendium redegit: *Continuâ lege sancimus, ut nullus Episcoporum vel eorum qui Ecclesiæ necessitatibus serviunt, ad iudicia sive ordinariorum sive extraordinariorum iudicum protrahatur, habent enim illi suos iudices, nec cuiquam his publicis est commune cum legibus.* Ecce, quàm perversa est hæc interpretatio, dum omittuntur verba, quæ addi debuissent: *quantum tamen ad causas Ecclesiasticas pertinet, quas decet Episcopali auctoritate decidi.* Quis enim ex verbis Gratiani non colligeret, statuisse Imperatorem, generaliter omnes Ecclesiasticorum causas debere in iudiciis Ecclesiasticis & coram Episcopo tractari? At limitatè ille & restrictè de causis tantùm Ecclesiasticis constitutionem suam intellectam voluit, qualiter jam ante constituerat Gratianus Imperator. Vid. Benign. Milletot. *de delict. comm. & c. s. privil. p. 77.* Taceri tamen nec istud hic debet, constitutionem hanc Theodosii non videri genui, nam Jacobo Gothofredo, in libris veterum memoriarum versatissimo, qui multa

vo^{ro} de^{re}as argumenta congeffit, ut ad eò hodiè de *du^{re}veria* hujus constitutionis dubitare valde oporteat. Quicquid tamen hujus sit, id conforme planè est cæteris hujus ætatis legibus, quod distinguere jubeat, inter causas Ecclesiasticas sive ad Christianam sanctitatem pertinentes, & alia negocia aliunde accidentia hoc est, pecuniaria & criminalia.

XLIV. Neq; excusari potest Gratianus, quando ad palliandam suam, quam in constitutione Theodosii fecerat, depravationem, subjungit dictum Constantini Imperatoris ex Rufini *hisor. Eccles. lib. 10. c. 3.* his verbis: *Item Constantinus Imp. præfatus in sanctâ Synodo, quæ apud Nicæam congregata est, cum querelam quorundam Clericorum conspiceret contra se deferendam, ait: Vos à nemine dijudicari potestis, quia ad Dei solius iudicium reservamini.* Præterquam enim, quod autoritas Rufini tanta non sit, ut illi sine teste fides haberi debeat, quod jamdiu conqvesti sunt Viri eruditi, ipse etiam hic Constantini sermo parum facit ad iudicium Episcoporum universale atq; exemplum probandum. Imò verò ipsa verba ostendunt, modestè studuisse Constantinum, nec rigori judiciorum submittere voluisse Clericorum intentatas invicem querelas. *Quæ, inquit Milletotus d. l. p. 68. Si audire noluist, si pro ratione temporum & occasionis,*

sonis, quæ basis & fundamentum est omnis prudentis actionis, hunc nascentem ignem existimavit ab ipso initio suffocandum, tanto sanè major ejus auditoris in eo apparuit, quo minus eam legum formulis submisit, & extr. ordinario modo controversias ipsorum extinxit. Qui judiciorum formulas tenent, sciunt, non tantum administrari justitiam, quum norma patribus præscribitur scribendi & producendi, contradictiones & salvationes opponendi, & secundum productiones jus dicitur; sed etiam cum in causæ introductione pars rejicitur in finem non recipiendi: quum supplex libellus aut rejicitur, aut aliò remittitur; quin etiam quum utring, factâ productione incito Scro suspensam iri licet, id est, non judicandam pronuntiatur. Quæ sanè procedendi rationes non manant à defectu potestatis aut autoritatis judicis, sed ipsius prudentiæ sunt signa. --- Neq; sanè quispiam id ausit asserere, fuisse suæ potestatis abdicationem, sed potius ejusdem executionem, quod Theodoretus observat in conclus. sermonis quem habuit Imperator ad istius Concilii Patres. Maxima pars Concilii, inquit, verbis ejus obtemperavit & mutuam concordiam doctrinamq; sanam amplectata est. Idem Imperator deinceps satis nosum fecit, se hoc facto insignis facilitatis noluisse se abdicare suâ in Ecclesiasticos potestate, cum in epistola, quam ad Nicomedis cives scripsit, de quibusdam Episcopis loquens, ait:

Erga istos ingratos aliquod supplicium censui statuendum, & propterea mandatum dedi, ut à suis abrepti sedibus quam longissimè relegarentur, &c. Et oppidò notandum quod sub hac eadem causâ ii. q. i. c. Sacerdotibus, Gratianus recensent sententiam Gregorii M. quæ in epistolâ ad Mauritium Imperatorem expressit, ubi postquam hoc Constantini factum retulisset, hanc illico subjungit *Antiphras*: In quâ sententiâ sibi magis ex humilitate, quàm illis aliquid prestitit ex reverentiâ impensâ.

XLV. Sub finem seculi IV anno scil. Christi CCCXC VII celebratum fuit Concilium Carthaginense III ex cujus decretis Gratianus c. placuit, ibid. hoc recenset: Placuit, ut quisquis Episcoporum, presbyterorum & diaconorum seu clericorum, cum in Ecclesiâ ei crimen fuerit intentatum, vel civilis causa fuerit commota, si derelicto Ecclesiastico judicio, publicis judiciis purgari voluerit, etiam si pro ipso lita fuerit sententia locum suum amittat, & hoc in criminali actione, in civili verò perdat quod evicit, si locum suum obtinere maluerit, &c. Reliqua enim, quæ apud Gratianum sequuntur, à collectore fortè ad marginem adscripta, & à librariis deinceps contextui inserta, inde colligit Christoph. Justellus in not. ad Cod. can. Eccles. African. pag. 21. quia in omnibus codicibus non inveniuntur. Hoc autem canone

coërcitam voluerunt Patres Carthaginienses Clericorum levitatem & procacitatem, qui post causam in Ecclesiastico judicio tractari coëptam, spretis & relictis iudiciis Ecclesiasticis, seculari se arbitrio iudicioque committunt. Nempe liberalius aliquando nonnulli Principes præter causas ad religionem spectantes etiam alias nonnullas, inter ipsos etiam Laicos, si videlicet ita compromississent litigatores, agitari in iudiciis Episcoporum permiserunt, idque Constantino Magno placuisse testatur Sozomenus *lib. 1. c. 9.* Idem etiam ab Honorio anno mox sequente CCCXCVIII. permissum, constitutio ejus ostendit, quæ extat in *l. si qui 7. C. de episc. aud.* sub triplici scilicet hac limitatione 1. Ut adsit consensus partium 2. Ut civile tantum agitur negotium, 3. Ut Episcopus more arbitri sponte residentis se habeant. Hanc Imperatorum benignitatem utraqve manu adprehenderunt Episcopi in conciliis congregati, & ut eo latius fimbrias suas extenderent, suæque iudicia magis stabilirent, legibus publicis decreta addiderent; cumque turpe visum esset, Clericos iudicia sua Ecclesiastica spernere, quæ à Laicis tantâ cum fiducia frequentarentur, fibulam illis injecturunt, & sub gravi comminatione prohibuerunt, ne quis postquam actio in iudicio Ecclesiastico coëpta fuit, ad iudiciumulare deinceps pro-

vocet. Criminalis autem actio, cuius hic fit mentio, intelligenda est, quæ instituitur de crimine levi & moribus, uti supra explicavimus.

XLVI. Videtur autem circa hæc tempora Imperium & Sacerdotium non usquequaque convenisse, si penitus attendamus constitutionem Honorii Imp. quæ anno mox sequente CCCXCIX edita est, & in Codice Theodosiano *l. 1. de relig.* his verbis prostat: *Quotiens de religione agitur, Episcopos convenit judicare; cæteras vero causas, quæ ad ordinarios cognitores vel ad usum publici juris pertinent, Legibus oportet audiri.* Quod si rectè percipio mentem Imperatoris, videtur ille per decretum Concilii Africani irritatus, arctiorem reddere voluisse jurisdictionem, Episcopis hæcenus ab Imperatoribus liberaliter concessam. Quia enim illi noluerunt admittere, ut ab Ecclesiasticis iudiciis in causis civilibus & criminalibus ad secularia iudicia Clericis aditus pateret, Imperator vicissim Ecclesiastica ista iudicia ita restrinxit, ut in illis de religione solum judicare fas esset, cæteræ omnes causæ iudiciis secularibus relinquerentur. Atque hæc constitutio privilegium fori Episcopalis à Constantino concessum prorsus ademit, ut neque Laicis deinceps amplius liceret in istud iudicium consentire, nisi de religione inter eos agatur.

XLVII. Pergimus ad seculum V, ex cuius memoriâ apud Gratianum *d. l. can. 25.* primum testimonium est Innocentii Pontificis ex epistola ad Viâtricium Rhotomagensem: *Si qua causa*, inquit, *vel contentiones inter Clericos & Laicos, tam superioris ordinis, quàm etiam inferioris fuerint exorta, placuit, ut secundum Nicenam synodum congregatis omnibus eisdem provincia Episcopis iudicium terminetur.* Verba hæc longiori cum appendice repetuntur in capitularibus Karoli M. *lib. 2. cap. 287.* & nihil novi constituunt, dummodo secundum supra tradita de causis Ecclesiasticis explicentur. Utrum autem Epistola ipsa Innocentii tantæ autoritatis sit, ut aliq̃z inde peti possint probationes, nunc non disputo, quāquam non desint, quæ moveri queant, idque malè habet Binium *in not. tom. 1. Concil.* Quicquid sit, hoc tantum principaliter in eâ deciditur, non debere in controversiis Clericorum decidendis alterius provincie iudicium implorari, sed in eadem provinciâ omnia ejusmodi negocia à congregatis ejus provinciæ Episcopis expedire oportere.

XLVIII. Negari tamen nequit, admodum variè hisce temporibus sese habuisse judicia Ecclesiastica. Idem enim Honorius Imp. q̃vextremo seculi superioris anno de religione tantum judicare voluit Episcopos, anno CCCCXVIII, pristinum

eis privilegium restituit, ut liceret deinceps cuivis forum istud eligere; adjunxit insuper axioma aliud multo illustrius, sententias scil. eorum appellationi non debere esse obnoxias. Constitutio extat in *l. 8. C. de audient. Episc.* Episcopale iudicium statum sit omnibus, qui se audiri à sacerdotibus elegerint, eamque illorum iudicationi adhibendam esse reverentiam jubemus, quā vestrâ deferri necesse est potestativis, à quibus non licet provocare. Per iudicium quoque officia, ne sit cassa Episcopalis cognitio, definitioni executio tribuatur. Scripta est hæc constitutio ad Theodorum præfectum prætorio, primum Galliarum, tum temporis autem Italiae. Qualem igitur Præfeti Prætorio præ cæteris officialibus domus Augustæ habuerunt prærogativam, ut ab eorum sententiâ nulla reliqua esset provocatio *l. 1. §. 1. ff. de off. præs. prætor.* talem etiam acceperunt ab Honorio Episcopi, ex paritate scil. rationis in *d. l. 1.* adductæ, quia creditur Princeps, eos, qui ob singularem industriam, exploratâ eorum fide & gravitate, ad hujus officii magnitudinem adhibentur, non aliter iudicaturos esse pro sapientiâ ac luce dignitatis suæ, quā ipse foret iudicaturus. Probè tamen notandum, easdem istas conditiones in hac *l. 8.* attendi debere, quas in præcedente *l. 7.* observari voluit idem Honorius, uti supra exposui.

XLIX. Post quadriennium, anno scilicet CCCCXII, prodit nova Honorii Constitutio in l. 41. C. Theod. de Episc. & Cler. quâ Clericis valde consuluit, ne promiscuè & temerè à quibusvis accusatoribus impetrentur. Clericos, inquit, non nisi apud Episcopos accusari convenit. Igitur si Episcopus, vel presbyter, diaconus & quicumque inferioris loci, Christiana legis minister, apud Episcopum, (siquidem alibi non oportet) à quâlibet personâ fuerint accusati, sive ille sublimis Vir honores, sive ullius altioris dignitatis, qui hoc genus laudabilis intentionis arripit, noverit docenda probationibus, monstranda documentis se debere inferre. Si quis ergo circa hujusmodi personas non probanda detulerit, auctoritate hujus sanctionis intelligat, se jacturæ famæ propria subjacere, ut damno pudoris, existimationis dispendio, discat sibi aliena verecundia impune insidiari saltem de cetero non licere. Nam sicut Episcopos, presbyteros, diaconos, ceterosque, si his objecta comprobari potuerint, maculatos ab Ecclesiâ venerabili æquum est removeri, ut contempti post hæc & misera humilitatis inclinati despectu, injuriarum non habeant actionem, ita similis videri debet justitia, quod appetita innocentia moderatam deferri justissimus ultionem. Ideoque hujusmodi duntaxat causas Episcopi, sub testificatione multorum, actis audire debent.

L. Generalia admodum sunt verba, quæ Constitutioni huic alicubi inferuntur, ut concludere inde quis posset, valde ampliata, & ad quasunque sive actiones sive accusationes extensam fuisse jurisdictionem Episcoporum. Quis enim id non putaret, si *dominus* & quasi in breviculo concepta legerit verba initialia? Clericos non nisi apud Episcopos accusari convenit. Et porro: Si apud Episcopum, siquidem alibi non oportet, fuerint accusati. At si totus verborum contextus attentius inspicatur, apparebit, debere ea intelligi de crimine Ecclesiastico tantum, in spiritualibus commissio, aut levi alio ad morum judicium pertinente, nec decessisse adeo Honorium à sententiâ Antecessorum suorum, nec aliam ei mentem fuisse. Diserte enim agit de tali delicto, quod verecundiæ alterius insidiatur, cujusque nomine removeri tantum posse accusatus; non ergo de illo, quod ad usum publici juris pertinet, & hucusque à secularibus judicibus jure communi puniri oportuit. Idque confirmant verba ultima, quæ insigniter restringunt, quicquid in antecedentibus constitutum fuit: Ideoque, inquit, hujusmodi DUNTAXAT causas Episcopi sub testificatione multorum, actis audire debent.

LI. Hæc tamen Imperatoris benignitate non contenti Episcopi Afri-

Africani jurisdictionis suæ limites sæpissimè excesserunt, inque eam rem decreta fecerunt admodum sibi proficua, sed Imperatoribus penè injuriosa. Quia enim potestatem habebant lites etiam inter Laicos dirimendi, uti supra exposui, incivile eis visum fuit judicari ab illis, quos judicare possent ipsi. Et hinc igitur judicia illa secularia, quibus subiecti erant, declinare omnibus modis studebant, decretâ etiam ponnâ, si quis secus fecerit. Talem *ἀντονομίαν* præ se ferre mihi videtur canon dicimus nonus Concilii Milevitani II, quem adducit Gratianus *d. c. 11. q. 1. can. 10.* *Placuit ut quicumque ab Imperatore cognitionem publicorum judiciorum potierit, honore proprio privetur; si autem Episcopale judicium ab Imperatore postulaverit, nibilei obstit.* Celebratum hoc fuit concilium anno CCCCXVI, atque sic quadriennio post, quàm Constitutio Honorii edita fuerat. Publica autem judicia ex communi hujus ætatis usu secularia dicebantur, quatenus opponuntur Ecclesiasticis. Vid. Hieron. Bignon. *ad Marculfi form. pag. 441.* Canon sine dubio loquitur de Clericis judicium postulantibus, & quidem in causâ tali, cujus cognitio pertinet ad judicem secularem. Ut enim in causâ etiam Ecclesiasticâ, aut tali, quæ leve ali-quod delictum concernit, Episcopale judicium ab Imperatore postule-

tur, necesse non est, quandoquidem id jam ante lege publicâ ab ipso Imperatore stabilitum & confirmatum fuit. Ergo intelligendum hîc tale judicium, quod specialiter impetrari debuit, quale est judicium Episcoporum in causâ criminali aut aliâ, quæ regulariter ad cognitionem judicis secularis pertinet. Sic enim puto, & ex verbis canonis colligo, Imperatores quandoque extra ordinem causarum talium cognitionem judicibus Ecclesiasticis commississe. Sensus igitur canonis hic est, Clericum in tali causâ ad judicium seculare tendentem, & ne declinari istud a reo queat, Imperatoris confirmationem petentem, ab officio removendum esse; quod si verò episcopale judicium ab Imperatore petierit, hoc ei impune esse. Id scil. quod ordinarium fuit, ferre non poterant, Episcopi; extraordinarium facilius admittebant, quod hâc ratione ab jurisdictione seculari sensim se exemptos fieri posse putarent, quodque extraordinarium, sæpè iteratum, facile in ordinarium commutari non ignorarent, exemplo interdictorum, §. 8. *Instit. de interd. B. Bachov. de act. disp. 1. n. 27.* Bern. Sutholt *de jurisd. num. 320.*

LII. Dum ita Episcopi privilegiis suis conservandis & augendis intenti sunt, diem suum obiit Honorius, & Valentiniano III, qui in imperio succedebat, non nisi quinque annos nato,

nato, Johannes primicerius Notariorum tyrannidem Imperii Occidentalis occupavit, & privilegia Ecclesiastica prorsus evertit. Eo verò non multo post occiso, Valentinianus III, aut potius, cum ipse adhuc teneræ ætatis esset, mater ejus Placidia, anno CCCCXXV, eadem plenè restituit, promulgatâ eam in rem constitutione, quæ extat in l. 47. Cod. Theod. de Episc. Privilegia Ecclesiarum omnium, quæ seculo nostro Tyrannus invidens, pronâ devotione revocamus. Scilicet, ut quicquid à Divis Principibus constitutum est, vel quæ singuli quique Antistites pro causis Ecclesiasticis impetraverunt sub panâ sacrilegii, jugi solidatâ aternitate, serventur. Clericos etiam, quos indiscretim ad seculares judices debere deduci infausus Presumptor edixerat, Episcopali audientia reservamus. Fas enim non est, ut divini muneris ministri temporalium potestatum subdantur arbitrio. In hac constitutione nihil novi, nec amplius quid concessum est Ecclesiæ ministris, sed restituta solum privilegia antiqua. Dicit enim Imperator, revocare se privilegia, quæ tyrannus inviderat; eum indiscretim, h. e. nullo facto discrimine causarum, Clericos ad judices seculares remisisse; reservare se proinde eos Episcopali audientia, in quâ antehac causæ eorum ventilatæ fuerunt. Jacobus Gothofredus ad h. l. titubat, & ex generali ratione, quæ

in fine constitutionis subnectitur eò inclinât, ut putet, generalem fuisse mentem Valentiniani, & Episcopali audientia omnes Clericorum causas attribuere voluisse. Me verò id non movet. Opponit enim divini muneris ministros temporalibus potestatibus, illosque his subjici non debere contendit, quatenus scil. sunt divini muneris ministri, & quatenus in ministerio suo delinquunt. Hæc enim ecclesiastica, ἐκκλησιαστικά, & si quæ alia ad iudicium morum pertinent, audientia episcopali jam diu fuerunt reservata. Nec infrequens est, rationem generalem dispositioni alicui subnectere, quæ ex ipsâ dispositione deinceps explicari & restringi debet.

LIII. Istâ Valentiniani ætate habitum fuit Concilium Calchedonen-
se anno CCCCLI, cujus canonem, nonum huc facientem jam supra sub initium hujus dissertationis recensuimus, ubi simul notavimus, verba istius canonis non obscure innuere, Episcopo consentiente licere auctori clerico clericum reum in iudicio seculari convenire. Quod etsi neget Theodorus Balsamon in commentar. firma tamen & fixa penes me manet ea sententia, quæ robur etiam accipit ex eo, quod dicitur: ἀλλὰ περὶ τῶν ἐκκλησιαστικῶν ἡμῶν τῶν ἰδίων ἐπονομασθῶ. prius causam agat apud proprium Episcopum. Illud enim, περὶ τῶν ordinem

& gradus judiciorum denotat, ut si prius causa in Episcopi foro iudicata fuerit, per modum appellationis deinceps devolvatur ad iudicium seculare. Sensus igitur hic est, non esse Clerico in actione, quam habet adversus Clericum, excurrendum ad iudicia secularia, nisi prius apud proprium Episcopum causa agitata fuerit. Eâ verò illic cognita provocari optime posse ad iudices seculares. Et hunc modum procedendi jam antea fuisse in usu, ex Valentiniani Senioris constitutione supra adductâ patet, eumque suis temporibus renovavit Justinianus Imp. novell. 53. & 123. cap. 21.

LIV. Vix disceserant ex Concilio isto Patres, cum constitutionem novam ederet Valentinianus III, quâ privilegium fori Episcopalis valde imminutum, & penè omnis cognitio, olim concessa, ademta fuit. Extat illa inter novellas Valentiniani sub tit. 12. de Episcopali iudicio. Verba ipsa, quia interpretationem continent Legum ab Honorio latarum, quas supra adduxi, digna sunt, quæ hic legantur. De Episcopali iudicio diversorum sæpè causatio est. Ne ulterius querela procedat, necesse est præsentī lege sanciri. Itaque cum inter Clericos iurgium vertitur, & ipsis litigatoribus convenit, habeat Episcopus licentiam iudicandi, præcunte tamen vinculo compromissi. Quod & de Laicis, si consentiant, au-

toritas nostra permittit. Aliter eos iudices esse non patimur, nisi voluntas iurgantium interposita, sicut dictum est, conditione præcedat. Quoniam constat, Episcopos & presbyteros forum legibus non habere, nec de aliis causis, secundum Arcadii & Honorii divalia constituta, quæ Theodosianum Corpus ostendit, præter religionem posse cognoscere. Si ambo ejusdem officii litigatores nolint, vel alteruter, agunt publicis legibus & jure communi. Sim verò petitor Laicus seu in civili, seu in criminali causa cujuslibet loci Clericum adversarium suum, si id magis eligat, per auctoritatem legitimam in publico iudicio respondere compellat. Quam formam etiam circa Episcoporum personam observari oportere censuimus. Ut si in huiusmodi ordinis hominis actionem pervasionis & atrocium injuriarum dirigi necesse fuerit, per procuratorem solenniter ordinatum apud iudicem publicum inter leges & jura consistant: iudicatus existat ad mandatores sine dubio reversuro. Quod his religionis & sacerdotii veneratione permittimus. Nam notum est, procuratorem in criminalibus negotiis non posse concedi. Sed ut sit ulla discretio meritum, Episcopis & presbyteris tantum id oportet impendi. In reliquis negotiis criminalibus juxta legum ordinem per se iudicium subire coguntur. Si ab executore conventi parere detrectent, servato juris ordine sententia teneat contumaces. In clerico

rico petitorum consequens erit, ut secundum leges pulsati forum sequatur, si, ut dictum est, adversarius suus ad Episcopi vel presbyteri audientiam non praeferat ad sensum. Pœna defensoribus negotii, qui in eodem extraordinario iudicio adfuerint atque egerint, huiusmodi constituta, ut causidicum officii amisso, & cum existimationis & interdictionis civitatis damna percillant, &c.

LV. Cardinalis Baronius, cum in *annalib. ad ann. CCCCLII, num. 52.* huius constitutionis mentionem fecisset, bilem effundit in Legislatorem, eumque acriter perstringit. Ait, indignam planè Christiano Principe eum edidisse sanctionem, turpiterque eam Romæ promulgasse: illi post latum impium hoc edictum nulla cessasse prospera, sed adversa, cunctaque in deterius esse prolapsa, atque penitus labefactata, ipsumque demum miserando interitu periisse. At verò deliquisse Valentianum in eo, quod privilegia Episcopis ab Antecessoribus suis concessa revocaverit, quodque jurisdictionem, quam illi non nisi ex benignitate & indulgentiâ Imperatorum habere potuerunt, limitaverit, maximamque ejus partem ademerit, nemo mihi perivadebit. Ex adversitatibus, quæ insecutæ fuerunt, fingi nequit delictum; neque credam Baronio, ideo Attilam in Italiam irruptionem fuisse, quia Valentianus judi-

cia Ecclesiastica, forique exceptione Clericis olim concessam restrinxerit. Ita scilicet solemus in ius, quæ gravia nobis videntur, fortuita ad culpam trahere, causamque rerum adversarum ex injuriis nobis factis accessere, & in vindictam interpretari omnia, quæ eveniunt, infausta.

LVI. Restiterunt nihilominus Episcopi in Conciliis congregati. Anno enim vertente in Synodo Andegavensi c. 1. constitutum legitur: *Ute contra Episcopale iudicium Clericis non liceat resilire, neque inconsultis sacerdotibus secularium iudicia expetere.* Et in Concilio Venetico c. g. *Clerico; nisi ex permisso Episcopi sui servorum suorum secularia iudicia adire non liceat. Sed si fortasse Episcopi sui iudicium caperit habere suspectum, aut ipsi de proprietate aliqua adversus ipsum Episcopum fuerit nata contentio, aliorum Episcoporum audientiam, non secularium potestatum debet ambire. Aliter, à communione habeatur alienus.* Sensim enim ista jam invalescebat opinio, competere jurisdictionem Episcopis jure suo; ipsos autem & omnes clericos secularibus iudiciis esse exemptos, nec posse adeò Imperatorem quicquam constituere, quod exemptioni huic suæ adversum esset. Cum igitur cogerentur aliquando Clerici promulgatis in eam rem constitutionibus, secularia iudicia adire, requirere nihilominus solebant consensum Episcoporum,

scopi, (qui tamen impedire id non poterat,) saltem ne id fieret in detrimentum aut perniciem jurisdictionis, quam sibi fingeant, Ecclesiasticæ, & ut suo potius Episcopo, quam legi Imperatoriæ paruisse dicerentur. Nec dubito, observatum ita fuisse per reliquas seculi quinti ætates, etsi ex illis pauciora supersint monumenta.

LVII. Suas res nihilominus egerrunt Imperatores, & usurpationibus Clericorum fibulam identidem injecterunt. Extat in Codice Justinianeo Constitutio Leonis in l. 33. de Episc. & Cler. quâ exemtos eos jurisdictione seculari nequaquam voluit, sed privilegium tantum de non evocando concessit. Omnes, inquit, qui ubique sunt, vel posthac fuerint orthodoxæ fidei Sacerdotes & Clerici cujuscunque gradus sint, monachi quoque in causis civilibus ex nullius penitus majoris minorisve sententiâ judicis commonitoria ad extranea judicia pertineantur: aut provinciam aut locum aut regionem, quam habitant, exire cogantur. nullus eorum Ecclesias vel monasteria propria, quæ religionis intuitu habitant, relinquere miserabili necessitate jubetur, sed apud suos iudices ordinarios, id est, provinciarum Rectores, in quibus locis degunt, Ecclesiarum ministeriis obsecundent, omniumque contra se agentium excipiant actiones, ut his horis saltem atque temporibus, quibus religiosos Viros à turbulentâ observatione prætorii vocare contige-

gerit, cumq; eos ad tempus petitorum intentio calumniosa laxaverit, ad sua se monasteria & venerabiles Ecclesias conferentes, sapienti animo, precatione sollicitâ, faciliusque de proximo sacrosanctis altaribus obsecundent, in suis laribus domiciliisq; constituti, &c. Sequuntur alia de personis Ecclesiasticis, quæ observari debeant in judiciis. Constitutio ipsa edita est circa annum CCCCLXX.

LVIII. Speciale est, quod de Clericis Constantinopolitanæ Ecclesiæ subiectis anno CCCCLVI constituit Marcianus Imperator, ut aut apud Archiepiscopum ejus Urbis, aut apud Præfectum prætorio pro lubitu actoris conveniri possent. Idque tamen ipsum argumento est, non absurdum tàm visum fuisse, jubente ita Imperatore conveniri posse Clericum in judicio seculari. Constitutio habetur in l. 25. C. de Episc. & cler. Cum Clericis in judicium vocatis pateat Episcopalis audientia, volentibus tamen actoribus; si actor disceptationem sanctissimi Archiepiscopi noluerit experiri, eminentissima tunc sedis examen contra catholicos sub Viro reverendissimo Archiepiscopo hujus Urbis Clericos constitutos, vel contra reverendissimum Oeconomum tàm de suis, quàm de Ecclesiasticis negociis sibi met noverit expetendum, qui in nullo alio foro, vel apud quemquam alterum judicem eosdem clericos litibus irretire & civilibus vel criminalibus negociis teneat innectere, &c. Concordat, & con-

glutinanda est constitutioni huic altera illa, quæ extat in l. 13. C. de episcop. aud. & ab eodem Imperatore, ad eundem præfectum prætorio, atque in eadem causâ conscripta est. Utamque confirmavit ex parte, ex parte mutavit seculo septimo Heraclius Imperator, *constitutione novella*, quæ extat in jure Græco Romano lib. 2. p. 73.

LIX. Quæ seculo sexto habita fuerunt Concilia, Clericos in judicio seculari causas suas perorare non prohibent, dum tamen id fiat cum consensu sui Episcopi. Sic enim decretum in Synodo Agathensi c. 32. anno DVI, recentente Gratiano c. clericum 11. q. 1. *Clericum nullus presumat*, (in editionibus Conciliorum legitur: *Clericus nec quenquam presumat*) apud secularem judicem episcopo non permittente pulsare: Sed si pulsatus fuerit, non respondeat vel proponat: nec audeat criminale negotium in seculari judicio proponere. Et in concilio Epauhenfi can. 11. *Clerici sine ordinatione Episcopi sui, adire vel interpellare publicum judicium non presumant; sed & si pulsati fuerint, sequi ad seculare judicium non presumant*. Et in Aurelianensi III, anno DXL, can. 31. *Clericus cujuscunque gradus sine Pontificis sui permissu nullum ad seculare judicium presumat attingere. Neq. Laico, inconsulto Sacerdote, Clericum in seculare judicium liceat exhibere*. Verba hæc, ut supra docui, Gratianus sumisse se profitetur ex

epistolâ Marcellini, sed confictâ & commentitiâ. Idcirco rectius Aurelianensi huic Concilio vindicantur, nec tamen aliud probant, nisi quod Clericus sine consensu Episcopi sui forum seculare adire non debeat, ne tam autoritate juris civilis communis, quàm Episcopi sui id fecisse videatur.

LX. Jam igitur ad Justiniani Imp. tempora devenimus, qui enucleatè admodum, & distinctè tradidit, quousq. pertinere debeat Episcopalis jurisdictio, & quæ judicium secularium circa personas Ecclesiasticas sint partes. Celebres in hanc rem maxime sunt duæ ejus novellæ, octogesima tertia scilicet & centesima vigesima tertia c. 21. quarum illa an. DXXXIX, hæc vero anno DXLI, edita est. Prioris verba hæc sunt: *Plurimas sacras scribentes leges & de DEO amabilibus Episcopis, & reliquo omni sacerdotio, nec non de reverendissimis monachis, & nuper hoc agentes, in quibus volumus reverendissimos monachos, apud solos civitatis episcopos, sub quibus sunt monasteria, conventiones suscipere* (intelligit novellâ 79. eodem an. DXXXIX à se promulgatam,) *petiti sumus à Menna, Deo amabili Archiepiscopo hujus felicissimæ civitatis & universali Patriarchâ* (notetur hic, agnovisse Mennam, fontem omnis jurisditionis, etiam Ecclesiasticæ, esse penes Imperatorem, nec posse se propriâ autoritate quicquid eâ de re statuere) *reverendissimus Clericus hoc dare privilegium*, (ergo ex privilegio Imperatoris

toris Episcopi suam habent jurisdictionem, non jure suo, non per *avtoritatem*, nec per exemptionem aliam, quam quæ ab ipso Imperat. concessa est, ut si quis habet adversus eos quamlibet pecuniariam causam, prius ad Deo amabilem Archiepiscopum pergat, sub quo constitutus est, & interpellet eum, & ex non scripto iudicium mereatur, (h. e. sine scripturâ solenni, ut neque ex libello in jus vocandi sint, neque ex libello dicenda sententia uti exponit Cujacius) & si hoc fiat: nec inquietet eum, nec trahat ad auditoria civilia, neq. a sacro eum vacare faciat ministerio, sed ex non scripto examine negotium sine damnis, & accipiat formam forsam etiam scriptam, si hoc quoque partes voluerint & poposcerint & liberentur alterutro certamine (h. e. alterutro electo, ut vel scriptis vel sine scriptis procedatur, alterum cessare oportet.)

LXI. Si verò (pergit Justinianus) aut propter causam naturam (e. g. si causa sit feudalis, aut si actio realis instituta sit) aut propter quandam fortè difficultatem non fuerit possibile Deo amabili Episcopo decidere negotium, tunc licentiam esse & ad civiles iudices pergere, & privilegium omnibus custoditis, quæ reverendissimis Clericis sacra præstant Constitutiones & litigare & examinationem fieri, & terminum imponi liti, & ita liberum fieri causam, clarissimis iudicibus secundum nostras constitutiones vel leges prudentibus cum magnanimitate & velo-

citer lites decidere, ut non propterea hujusmodi causas sacris amoveantur obsequiis, & cum oporteat DEUM placari & decencia sacerdotibus agi, auditoriis detineantur, & illis turbis atque inhirente tumultu litigantium animabus. (turbulentam observationem prætorii dixit Leo Imp. in l. 33. C. de Episc. & Cler. supra adductâ.)

LXII. Si tamen de criminibus conveniantur, si quidem civilibus (quæ aliàs dicuntur communia & legibus publicis vindicantur, ut est adulterium, homicidium, &c.) hic quidem competentes iudices, in provinciis autem earum præfides sive iudices non transcendente lite mensum duorum, spaciū, ex quo liti contestatio sit, quatenus brevis imponatur causa terminus. (Relinquit ergo Justinianus, quod ad hæc usque tempora obtinuit, ut propter ejusmodi crimina Clerici idem cum Laicis fortiantur forum, neque aliquam privilegii exceptionem obtendere valeant.) Illud palam est; si reum esse putaverit eum, qui convenitur, provincia præfex & pœnâ judicaverit dignum, prius hunc spoliari a DEO amabili Episcopo sacerdotali dignitate, & ita sub legum feri manu. (Degradationem intelligit, quæ omnem dignitatem, ordinem ac privilegium tollit. Et hanc Canonistæ sequiorum temporum, tùm deum habere locum volunt, quando à capitali supplicio est periculum, quod tamen, ne infligatur, quam maxime cupiunt. Et hanc de-

gradationem tot circumstantiis requisitis involvunt, ut rarissimè ad eam perveniatur.)

LXIII. Pergit adhuc Justinianus: *Si verò Ecclesiasticum sit delictum, e- gens castigatione Ecclesiasticâ & multa, DEO amabilis Episcopus hoc discernat, nihil communicantibus clarif- fimis provinciæ judicibus. Neq; enim volumus talia negotia omnino scire ci- viles judices, (digna Imperatore sen- tentia, qvi ea, quæ ministerium Ec- clesiasticum dedecent, ad tribunalia deferri noluit, ut ne labasceret, quæ illi debetur, reverentia) cum oporteat talia ecclesiasticè examinari, & emendari animas delinquentium per ecclesiasticam multam, secundum sa- cras & divinas regulas, quas etiam nostræ sequi non dedignantur leges. (Non dedignantur, inquit, ἐκ ἀπαξίας, non quod necesse sit semper sequi, sed quod non respuant eas, nec detreçant aut recusent sequi, in iis præsertim, quæ Rempublicam ejus- que axiomata non attingunt. Intel- ligit autem potissimum canones conciliorum, cum & Canonicum jus a- liquando dicatur divinum. Aug. Barbosa in c. nimis 30. X. de jurejur. n. 2.) Si verò quædam prius contesta- te sunt leges, hæc maneat in ipso sche- mate, velocem accipientes finem: om- nibus quæ jam à nobis sancitæ sunt, si- ve super sanctissimis Ecclesiis, si- ve super DEO amabilibus Episcopis, si- ve super Clericis, si- ve super monachis, pro- priam virtutem habentibus.*

LXIV. Videntur tempore Justi- niani confusa alicubi fuisse judicia, quæ tamen ipse distincta quam ma- ximè voluit. Nec verò tùm demum nata fuit distinctio inter delicta Ec- clesiastica & communia, sed rece- ptam eam jam diu probavi supra, quanquam eam sequioribus tempo- ribus inviti audirent Episcopi, nisi cùm jurisdictioni suæ exercendæ u- tilis esset. In Concilio Chalcedo- nensi act. 3. cùm Dioscorus Patriar- cha Alexandrinus ab Eusebio Dory- læorum Episcopo accusatus, & ut ad libellum responderet, à Synodo e- vocatus, perpetuò exciperet, nolle se comparere, nisi præstò essent cognitioni, qvi locum Principis in Concilio obtinebant, Cecropius E- piscopus Sebastopolitanus, unus ex tribus delegatis; qvi Dioscorum in Synodum vocabant, respondit: *Quando quædam regularia examinan- tur (καταδικάζει ὁ ἱερεὺς ὁμοῦν) neque judices neq; alios aliquos Laicos interesse oportet, nisi tantummodo tuam sanctitatem, quæ in propriâ ac- cusatur personâ. Non est igitur opus istâ tarditate aut dilatione, siquidem volueris & DEO & canonibus obedire, quæ ab accusatore dicuntur.*

LXV. Videamus nunc etiam no- vellam Justiniani alteram, centesi- mam scil. vigesimam tertiam, cujus cap. 21. ita se habet: *Si quis contra aliquem Clericum, aut monachum, aut diaconissam, aut monastriam, aut*

ascetiam habeat aliquam actionem, adeat primis sanctissimum Episcopum, cui horum unusquisque subiaceat; ille vero de causam inter eos iudicet: & si quidem utraq; pars iis quæ iudicata sunt, acquieverit, iubemus per loci iudicem hoc executioni perfectæ contundi. (Hæc ergo constitutione etiam de pecuniariis clericorum causis litigare licuit in foro Episcopali, quod anteriorum Imperatorum leges prohibebant. Sequitur nunc de appellationibus à tali sententiâ.) Si quis autem litigantium intra decem dies contradicat iis, quæ iudicata sunt, tunc locorum iudex causam examinet, (Licuit igitur à foro Ecclesiastico ad iudiciumulare provocare, quod absurdum hodiè putant nonnulli.) & si invenerit iudicium rectè factum, etiam per sententiam propriam hoc confirmet, & executioni propria tradat, quæ iudicata sunt, & non liceat secundò in tali causâ viçto appellare. (Videtur hoc integritati iudicii Ecclesiastici concessum esse, cum regulariter secunda appellatio licita, & tertia demum prohibita sit, l. nn. C. ne lic. in unâ ead. caus. tertio prov.) Si vero iudicis sententia contraria fuerit iis, quæ à DEO amabili Episcopo iudicata sunt: tunc locum habere appellationem contra sententiam iudicis, & hanc secundum legum ordinem referri & exerceri. Si tamen ex imperiali iussione aut iudicali præcepto (potuit ergo iudex secularis causam delegare Episcopo) Episcopus iudicat inter

quascumque personas, appellatio ad imperium, aut ad eum qui transmisit negotium referatur. (Usus & praxis huius periodi discere licet ex epistolis Gregorii Magni, qui lib. 2. epist. 7. refert, Mauritium Imp. causam Adriani Episcopi Thebani à diaconis suis accusati mandasse Episcopo Larisæ Johanni, & ab huius sententiâ Adrianum ad Imperatorem adpellasse.)

LXVI. Si vero crimen fuerit, (ita pergit Justinianus) quod adversus quamlibet memoriarum reverendissimarum personarum inferatur, si quidem apud Episcopum aliquis accusatur, & ipse veritatem invenire potuerit, ab honore & gradu hunc secundum Ecclesiasticas regulas deiciat, & tunc competens iudex hunc comprehendat, & secundum leges litem examinans causa finem imponat. (Hæc ergo constitutione etiam Episcopis de crimine clericorum examinationem potuerit concedit Justinianus, non ut puniant, sed ut, si talis repertus fuerit, puniendum tradant iudici seculari, & eum prius dignitate Clericali exuant) Si vero prius civilem iudicem adeat accusator, & crimen per legitimam examinationem potuerit approbare, tunc Episcopo locorum gesta monumentorum palam faciat, & si ex his agnoscatur propositum crimina commisisse eum, tunc ipse Episcopus hunc secundum regulas ab honore sive gradu, quem habet, separet; iudex autem ultionem vi inferat legibus congruen-

tem. Si verò Episcopus putaverit gesta non justè confecta: tunc liceat ei disferre & nudare honore seu gradu accusatam personam: ita tamen, ut hujusmodi persona sub legitimâ cautelâ fiat, & ita ad nos negotium tam ab Episcopo quam à judice referatur, ut nos hoc cognoscentes, quæ nobis videntur, jubeamus. (Reservavit igitur sibi Imperator supremam & ultimam cognitionem, si quidem parum inter se convenerint Episcopus & judex secularis.)

LXVII. *Si quis autem (sunt adhuc verba Justiniani) pro pecuniariâ causâ contra aliquam omnium memoratarum personarum habuerit actionem aliquam, & Episcopus distulerit inter eas judicare, licentiam habeat actor civilem judicem adire: ita tamen, ut accusata persona nullo modo cogatur fidejussorem dare, sed solam cautionem sine jurejurando cum hypothecâ suarum rerum exponere. Si verò pro criminali causâ accusatio contra aliquam memoratarum personarum proponatur, sub legitimâ cautelâ accusata fiat persona. Si autem Ecclesiastica causa est, nullam communionem habeant judices civiles talem examinationem, sed sanctissimus Episcopus secundum sacras regulas causæ finem imponat.* (Ita scilicet recurrit Justinianus ad distinctionem, quæ jam diu observata fuerat, inter causas Ecclesiasticas & pecuniarias, ne ex eo, quod delictorum communium cognitionem utrisque commise-

rit tùm Episcopis, tùm judicibus secularibus inferret quis, etiam Ecclesiasticorum criminum cognitionem utrisque communem esse debere; cùm utique crimina ejusmodi sub causis Ecclesiasticis comprehendantur, quarum cognitio foro Ecclesiastico meritò reservatur.)

LXVIII. Hæc fuit Justiniani Imperatoris, quam, etsi ex potestatis defectu impugnent nonnulli, alii excusent quodammodo, uti videre licet apud Card. Baron. *ad ann. DXXVIII. n. seqq.* jure tamen optimo consistere fatebuntur omnes, qui de majestate rectè sentiunt. Qvis enim dubitet, competere curam circa sacra Principi cuique summo ex vi ipsâ majestatis, quâ pollet, & quâ princeps est, & quidem jure gentium, abstractâ qualitate religionis seu cultûs? ita ut in quocunque cultu, quæm ipse pro divino habuerit, potestatem hanc suam exercere possit. Quia enim Reip. administratio eo fine illi à divino Numine concredita est, ut civium tranquillitatem procuret; ex illo capite etiam de religione constituendâ & disciplinâ Ecclesiasticâ firmandâ sollicitus esse debet, cùm cives in officio suo erga se, & erga Principem religionis cultu, veluti vinculo quodam adstringantur. Nec tamen propterea involare eum dicemus in potestatem sacerdotalem, quæ in executione muneris Ecclesiastici consistit. Imperialis est Principis potestas, non Pontificalis aut

Sacer-

Sacerdotalis : coactiva est, non directiva aut definitiva in causis fidei : mandatoria est non executoria. Externa est & temporalis, non spiritalis & interna. Sed hæc mittimus, vi-
furi deinceps, quid post Justiniani tempora Episcopi in congregationibus suis decreverint.

LXIX. Anno DLXXXII habitum fuit Concilium Matisconense, cujus duo canones, septimus & octavus ad nostrum institutum faciunt. Prior ita se habet : *Ut nullus Clericus de quâlibet causâ extra discussionem Episcopi sui à seculari iudice injuriam patiat* aut custodia deponatur. *Quod si quicumque iudex cujuscunque clericum absque causâ criminali, id est, homicidio, furto, aut maleficio, hoc facere fortasse præsumpserit, quamdiu Episcopo loci illius visum fuerit, ab Ecclesia liminibus arceatur.* Excipitur hic homicidium itemque furtum & maleficio, nec dubito, etiam alia delicta atrociora, quæ communia dicuntur, excipi debere, ut adeò illorum cognitio ad forum seculare pertineat, uti aliquoties ab Imperatoribus constitutum fuit. Illud vero præsumptionem Episcoporum arguit satis violentam, quod iudices extra casus exceptos adversus clericum procedentes excommunicatione feriant, & ab Ecclesiæ liminibus arceant. Quæ comminationi fallor nullo antehac canone expressa legitur. Quod enim in concilio Aga-

thenensi *can. 8.* statutum fuit, uti id repetit Gratianus *c. placuit 21. 45.* id intelligendum de casu, quando clericus propter delictum Ecclesiasticum ab Episcopo condemnatus iudicis secularis tutamen implorat. Concilium autem Aurelianense IV *in can. 20.* quod idem planè cum Matisconensi decretum edidit, nullam talem adjunxit comminationem. Ita nempe evenit, ut posterioribus temporibus audentiores facti Episcopi, plus sibi quotidiè sumserint, suamque potestatem auxerint.

LXX. Canon ejusdem Concilii octavus hic est : *Ut nullus Clericus ad iudicem secularum, quicumque, alium fratrem de Clerico accusare, aut ad causam dicendam trahere, quocunque loco præsumat, sed omne negotium Clericorum aut in Episcopi sui, aut in presbyteri, aut archidiaconi præsentia finiatur.* Quod si quicumque Clericus hoc implere distulerit, si junior fuerit, uno minus de quadraginta ictus accipiat, si certè honoratior, 30 dierum inclusione mulctetur. Generaliter admodum conceptum est hoc decretum de omni negotio Clericorum, atque idcirco nisi de negotio civili istud interpreteris, minus concessum videtur Clerico accusanti, quam iudici cognoscenti. Nempe secundum tenorem canonis antecedentis potest iudex secularis crimen à Clerico perpetratum punire; de eo autem accusare eundem non potest

Rr

Cleri-

Clericus alius in eodem iudicio, quanquam denunciare id possit Episcopo. Quicquid hujus sit, novum planè videtur genus pœnæ, quod additum est, plagarum scilicet undequadrigenarum, quod quidem ad exemplum Pauli 1. Cor. XI. 24. & ad ritum atque consuetudinem Veteris testamenti, Deut. XXV. 3. institutum videtur. Coërcitos autem quandoque verberibus fuisse Clericos, docent verba Ivonis Carnotensis, quibus in epist. 29. alloquitur Rogerium presbyterum: *Quoniam sub disciplina & timore Domini à pueritia tuâ nutritus es & eruditus, & in excessibus regularis vitæ tam verborum, quam verberum severitate correctus, &c.*

LXXI. Hæc ita in Galliâ constituta erant. Non multo post etiam in Hispaniâ coërciti fuerunt Clerici, ne ad forum seculare causas suas amplius deferrent. In Concilio enim Toletano III, c. 13. hoc factum fuit decretum: *Diuturna indisciplinatio & licentiæ inoluta presumptio usque eo in illicitis ausibus aditum patefecit, ut Clerici Concilios suos neglecto Pontifice, ad judicia publica pertinbant. Proinde statuimus hoc de cætero non presumi. Sed si quis hoc facere presumpserit & causam perdat, & à communione efficiatur extraneus.* Legitur apud Gratianum c. inoluta II. q. 1. Sed per errorem, ut canon Concilii Milevitani. Ex eo autem discimus, diu viguisse Constitutiones Imperato-

rias, & secundum illas in foro seculari de causis Clericorum disceptatum fuisse. Id verò dissimulare Episcopos in Concilio congregatos, & quod ex Constitutionibus licuit, imò oportuit, id diuturnæ indisciplinationi & licentiæ inolutæ adscribere. Cæterum ex plerisque hie decretis liquidò patet, sub generali verborum apparatu & usu deinceps subsecuto sensim derogatum fuisse constitutionibus Imperatorum, & exemptionem Clericorum ex aliis planè fontibus derivatam fuisse.

LXXII. Modestior tamen circa idem tempus fuit Pelagiùs II Pontifex, qui in epistolâ ad Sergium Cancellarium, cujus fragmentum extat apud Gratianum c. si quisquam II. q. 1. de foro Clericorum privilegiato ita sermonem facit, ut Imperialibus sanctionibus aliquam tribuat auctoritatem. *Si quisquam*, inquit, *Clericus sive inferioris, sive potiori gradus petitor existat, & contra Laicam personam suas dirigat actiones: iste modus omnibus non alibi quam apud provinciam judicem negotium suum dicturus occurrat. Si quis autem Laicus Clericum cujuscunque gradus duxerit esse pugnandum, ad Episcoporum iudicium in eadem civitate vel territorio constitutorum proponat eas, quas se habere existimat, actiones, quem ordinem legibus per omnia convenientem atque consentaneum demonstrari illa regula manifestat, quæ præcipit actionem rei fo-*

rum semper sequi pulsati. Clericis vero pulsatis in Episcopali iudicio forum competere, principalium quoque sanctorum designat auctoritas. Non videtur sanctionum harum mentionem fecisse Pelagius, nisi ad Cancellarium, quem per eas obtundere oportuit, scribendum fuisset.

LXXIII. Defensori tamen Siciliæ haud paulo acerbius rescripsit Successor Pelagii Gregorius Magnus: *Pervenit ad nos, quod si quis contra quoslibet Clericos causam habeat, de spectis eorum Episcopis, eosdem Clericos tuo facias iudicio exhiberi: quod si ita est, valde constat esse incongruum: sed hac tibi auctoritate precipimus, ut deinde hoc facere non presumas: sed si quis contra quemlibet Clericum causam habuerit, Episcopum ipsius adeat, ut aut ipse cognoscat, aut certè ab ipso iudices deputentur, aut si fortè ad arbitros eundem est, partes ad eligendos iudices ab ipso executio deputata compellat. Si quis verò Laicus vel Clericus contra Episcopum causam habuerit, tunc te interponere debes, ut inter eos aut ipse cognoscat, aut certè te admovente sibi iudices eligant. Nam si sua unicuique Episcopo iurisdiclio non servatur, quid aliud agitur, nisi ut per nos, per quos Ecclesiasticus custodiri ille ordo debuit, confundatur. Refertur à Gratiano c. pervenit 11. q. 1. Sed animadvertendum, Defensorem istum Siciliæ non fuisse Magistratum civilem, quanquam & ab Impera-*

toribus defensores provinciarum, quandoque constitueretur; sed fuisse clericum à Pontifice Romano ordinatum, ut pauperum defensioni inserviret, patrimonialia Ecclesiæ curaret, & alia negocia à Pontifice subinde commissa expediret, tum &, quod fragmentum allegatum docet, ut de lite, quæ adversus Episcopum movetur, cognosceret. In hoc autem reprehendit Defensorem istum, quod Clericos reos non pateretur, apud Episcopum suum primam instantiam habere, sed illicò ad suum tribunal traheret. De istiusmodi defensoribus à Pontifice constitutis vid. Martinus Magerus à Schönberg de advocat. arm. cap. 2. num. 131. seqq.

LXXIV. Expedivimus ita per integra sex secula historiam iurisdictionis Ecclesiasticæ, qualiter ea per indulgentiam Imperatorum, ampliata aut restricta, & in Conciliis subinde repetita fuerit. Ut longius & ad proximiora nostris tempora excurramus, nulla ratio svalet. Fatemur enim, quod de Imperatoris Phocæ ætate, notat Cedrenus in *Compend. hist.* omnis generis mala deinceps in humanum genus quasi exundasse. Nec dubito, plurimam eorum causam inde extitisse, quod Imperator rogante Papâ Bonifacio Romanæ Ecclesiæ sedem caput omnium Ecclesiarum statuerit, uti narrant Be-

da, Paulus Diaconus, Anastasius Bibliothecarius, Ado, Aimoinus, & alii. Ex hac enim prerogativa non in Ecclesias tantum universas & singulas, sed in ipsa etiam deinceps imperia, & in universum terrarum orbem, tam quoad regimen Ecclesiasticum, quam seculare involavit, suoque nutu & arbitrio totum genus humanum summosque in eo Principes stare voluit Papa Romanus. Cumque huic dominatui stabiliendo maxime faceret exemptio Clericorum universalis ab omni jurisdictione seculari, id maxime operam dederunt Pontifices, ut universis pervaderent, (pervadere autem, seculis illiteratis & crassissimâ barbarie obductis facile poterant,) exemptionem illam non antiquitatis tantum, & à primâ Ecclesiæ origine, sed etiam jure divino competiisse. Sic enim factum, ut vererentur omnes sacra Clericorum capita quovis modo offendere, eorumque iram & fulmina in se provocare.

LXXV. Restiterunt tamen subinde Imperatores atque Principes, & regiam suam jurisdictionem non prohibitionibus tantum adversus Clericos decretis, sed etiam, si contra niterentur Episcopi, poenali iudicio, pignorum scilicet capione & multarum exactioe, donec ab invasione cessatum esset, masculè defenderunt. Præverat namque ita exemplo suo Justinus Imperator in l.

23. *C. de testam.* Hinc itaque Carolus Calvus Imperator in capitulari anno DCCCXLIV Tholosæ dato, ut subveniret presbyteris Septimanæ ab Episcopis suis insigniter, quandoque vexatis, non modum tantum, qui, in visitandis parœciis tenendus esset & sumtuum quantitatem præscripsit, sed & comminatione aliquâ Regiam suam auctoritatem *cap. 8.* his verbis interposuit: *Ut Episcopi sub occasione, quasi auctoritatem habeant canonum, his constitutis Excellentia nostra nequaquam resistent aut negligant; sed Canones potius, ut intelligendi sunt, intelligere, & in cunctis observare procurent. Quia si aliter fecerint, omnimodis & qualiter canones fidelium decimis agendum statuant, & qualiter intelligi & observari cum mansuetudinis nostræ decreto debeant, Synodali dijudicatione & nostrâ auctoritate Regiâ docebuntur.* Videtur decimarum perceptionem prohibere voluisse, nâ Regiûs mandatis paruerint.

LXXVI. Etate Ivonis Carnotensis, ineunte scilicet seculo XII. contentio orta fuerat inter Regem Ludovicum Crassum Galliarum Regem, & Clerum Beluacensem circa cognitionem criminis à Canonico illius Ecclesiæ commissi. Hinc enim Ecclesia propter privilegium personæ delinquentis, illinc curia Regis propter delictum &

quali-

qualitatem facti iudicium sibi asserbat. Consultus eâ de re Ivo iuri quidem & canonibus insistere Beluacenses respondebat *epist. 137.* Regem autem valdè offensum iri, & metuendum proinde, ne per bonorum capionem Regis voluntati parère cogerentur, cui ut resisteretur pertinacitor, ipse fradere non audebat. Si, inquit, *concanonicum vestrum criminaliter impetitum alibi, quàm in Ecclesiâ examinari conceditis, canonicam legem offenditis: si audientiam Regalis Curia respiciis, Regem offenditis. In quâ disceptatione cum ipsi & ratione & auctoritate sciat is, quid sit verius, quid honestius; tamen pro temporum opportunitate sequi vos oportebit, quod infirmitati vestrae sit tolerabilius. Si autem sciremus, vos esse parricos, ut cum gaudio tolerare possitis ruinas domorum, exterminationes corporum, rapinas bonorum vestrorum, possemus vos exhortari, ut sequeremini consilium Susanna, quâ magis elegit in manus hominum incidere, quàm DEI legem derelinquere. Sed quia in donis spiritualibus consilium & fortitudo conjuncta sunt, consilium aliud, nisi quod patientia vestra tolerare possit, dare non audemus: quia qualis vestra sit fortitudo, ignoramus, &c.* Idem Ivo *epist. 271.* Paschali Pontifici Romano periculum exponit, quod ex comminatione Ludovici Regis Clero suo immineret. Isti enim, inquit, ad hoc Regem seduxerunt, quo-

modo voluerunt & valuerunt, ut minaces literas adversus clerum mihi mitteret, continentes cum minis, quod bona clericorum sibi accepturus sit, ubicunque poterit, nisi privilegium vestrum deservatur, &c. Sed nec illud prætereundum est, paratum fuisse ipsumet Ivonem calumniatoribus suis, h. e. accusatoribus aut actoribus respondere vel in Ecclesiâ, si Ecclesiastica essent negocia, vel in curiâ, si essent curialia. *epist. 22.*

LXXVII. Nolo addere plura, ne præter institutum in immensum crescat hæc tractatio. Ex dictis autem liquet, quàm accuratè distincta aliquando fuerint crimina Clericorum Ecclesiastica & communia, & hæc distinctione non observatâ quam confusè se habuerit forum Clericorum. Qui in confiniis seculi decimi tertii & decimi quarti & deinceps vixerunt Theologi, Johannes de Parisiis, Guilielmus Occam, Johannes Gerson, & alii, latius eam exposuerunt & subtilioribus annotationibus explicarunt. Supponunt scilicet quæstionem moveri de Titio aut sub eâ ratione quâ Clericus est, aut sub eâ, quâ civitatis membrum est, & inter cives recensetur. Et sic igitur committi ajunt ab eo crimen vel Ecclesiasticum, vel seculare, sive commune. Illud in admissis directè contra fidem & sacramenta atque spiritualia constituunt; hoc in iis, quæ jure gentium aut civili sunt.

prohibita. Si itaqve de Clericorum gradibus, ordinibus, muneribus & conditionibus, quæ ordinandos decent, aut de vitio ordinationum deque aliis criminibus Ecclesiasticis agatur, aut circa religionem & fidem controversia aliqua oborta sit ipsa materix tractandæ ratio ostendit, ad forum Episcopale eam spectare, etsi negari nequeat, ea, quæ ad disciplinam Ecclesiasticam pertinent, imò quæ ad conservandum unam & veram religionem faciunt, ipsi etiam potestati Principis *veuojslnj* subiacere.

LXXVIII. Si verò de crimine communi quæstio sit, interesse dicunt, utrum de jure agatur & de peccato opinionis vel erroris, ut ipsi loquuntur, an verò de facto, sive de peccato, quod ipsi vocant vendicationis. Prius volunt contingere tum, quando quis sibi persvadet, id quod committitur, non esse peccatum, quando quis furtum vel homicidium aut adulterium non habet pro peccato. Et hoc casu ajunt penes Ecclesiam esse potestatem cognoscendi & definiendi, an hoc vel illud factum inter crimina recenseri debeat, ut etiam censuris Ecclesiasticis coerceri possint, qui diversum sentiant. Alterum dicunt contingere, quando quis perpetrat crimen, ipso facto res alienas occupat, homicidium vel adulterium committit. Et de hoc facto fatentur, non spectare

id ad cognitionem Ecclesiasticam, aut audientiam Episcopalem. Monita tantum & consilia dare hic potest Ecclesia, punire & coercere non potest: innuere quid sequendum sit, & vitandum, non castigare, vel ut ipsi loquuntur, judicare de peccato innuitivè non coercitivè. Vid. Petr. de Marca de *concord. sacerdot. & imp. lib. 2. c. 3. n. 7.*

LXXIX. Sub hac distinctione diu stetit forum Episcopale, & optimè sese habuit quantum ad judicia tum Ecclesia, tum Respublica, donec universus clerus jurisdictioni seculari subductus, in unius Papæ regimen concessit. Primus omnium Regiam & secularem potestatem præfractæ atque protervè à civilibus suis excussit Hildebrandus sive Gregorius VII, Papa. *Primus ille, ut loquitur Joh. Aventinus lib. 5. imperium Pontificium condidit, quod successores per quadringentos quingentas continenter annos, invito mundo, invitis Imperatoribus adeò duxere, ut inferos superos in servitutem redegerint, atque sub jugum miserint, atque cuncta fulmine perterritent, &c.* Huic (verba sunt Onuphrii Panvinii,) cum omnes Latine Ecclesie, tum præcipuè Romana acceptum referre debet, quod libera sit, & ab Imperatorum manu eruta, quod tot divitiis, opibus & prophana ditione locupletata; quod Regibus, Imperatoribus, Christianis Principibus sit præfecta: à quo postremo,

mo, ut omnia verbo uno complectar, maximus iste, eximiusq; status, in quo Ecclesia Romana est omnium Christianorum domina; cum antea tanquam vilis ancilla non ab Imperatoribus modo, sed à quovis principe Romani Imperatoris praesidio fulto, premeretur: ab hoc maxime illius & omni seculo tremenda venerandeque Romani Pontificis & infinitae potestatis ius manavit. Nam etsi ante Romani Pontifices, tanquam religionis Christianae capita, Christi que Vicaris & Petri successores colerentur; non tamen eorum auctoritas ultra protendebatur quam in fidei dogmatibus vel asserendis vel tuendis. Ceterum Imperatoribus subeant, ad eorum nutum omnia fiebant, ab eis creabantur: de eis judicare vel quicquam decernere non audebat Papa Romanus. Primus omnium Romanorum Pontificum Gregorius VII, armis Normannorum fretus, opibus Comitissa Matildis mulieris per Italiam, potentissima confusus, discordiaque Germanorum Principum bello civili laborantium inflammatus, praeter majorum morem, contempta Imperatoris auctoritate & potestate, cum summum Pontificatum obtinisset, Caesarem ipsum, à quo si non electus, saltem confirmatus fuerat, non dico excommunicare, sed etiam regno imperioque privare ausus est. Res ante ea secula inaudita, &c.

LXXX. Ab eo tempore doceri coepit in Ecclesia Latina, Clericos

omni jurisdictione Laicorum esse exemptos, & quidem jure divino. Quae sententia eo usque placuit sequioris aevi hominibus, ut Clericorum ista exemptio, & jurisdictio Episcopalis prorsus negaretur esse ex beneficio Principum. Cumque obstarent Leges Imperatorum supra adductae, respondet Bellarminus de potest. Pontif. in reb. temp. cap. 34. Imperatores Christianos nondum satis edoctos de exemptione, quam jure divino Clerici haberent, istiusmodi leges proposuisse. Quod vero, inquit, sub piis principibus ante Justiniani temporis cause civiles & criminales Clericorum apud Magistratus politicos aliquando agerentur: dico inveniri quidem leges Principum in Codice, quae disponunt de causis Clericorum apud seculares iudices terminandis, sed inveniri etiam canones Conciliorum ejusdem aetatis, ut Carthaginensis III, Milevitani, Chalcedonensis & aliorum, quibus prohibetur Clericis accessus ad judicio secularia. Itaque piis principibus nondum satis nota & explicata erat exemptio, quam jure divino Clerici habebant: & sancti Patres paulatim eam explicare atque INTRODUCERE nitebantur. Bene habet, quod Bellarminus à sanctis Patribus INTRODUCENDAM scribit eam doctrinam, quae sanè prioribus temporibus planè incognita erat; quodque in diversa contententes fatetur Im-

Imperatores & Episcopos, prout supra plenius exposui. Agnoscit Ivo Carnotensis *epist. 49.* exemptionem istam Regum decretis & Ecclesiasticis sanctionibus inniti, nec audet ad jus divinum provocare. *Quod enim,* inquit, *à clauſtro canonicorum omnis ſecularis poteſtas ſit eliminata, jam diu ante tempora patrum noſtrorum, & Regum decretis eſt tantum & Eccleſiaſticiſ ſanctionibus multi modè roboratum.* Satiſ fuiſſet, Comiti Palatino, qui tùm negotium faceſcebat Ivoni, juſ divinum oppo-
nere, ſi quidem juſta ex eo haberi po-
uiſſet probatio.

LXXXI. Ex hoc verò principio inferunt porrò, nec Principis ſan-
ctione, nec conſuetudine, nec Pon-
tificis Romani decreto privilegium
hoc exemptionis in totum Clericis
auferri, nec Clericum ipſum re-
nunciare huic foro, aut ſecularis
judicis juřiſdictionem, ne juratò
quidem aut cum conſenſu partis ad-
verſæ prorogare poſſe, *c. ſi diligenti*
12. X. de for. comp. Didac. Covar-
ruv. *quæſt. præct. cap. 31.* Thom.
Grammatic. *decif. Neapol. 29.* Sig.
Scaccia *l. 1. de judic. c. 11.* Petr. An-
ton. de Petra *de poteſt. princ. cap. 27.*
n. 24. & 46. quanquam in hac re
plurimi alii diſſentiant. Volunt in-
ſuper, clericum coram judice ſecu-
lari conventum, ſi compareat, nec
forum ejus declinet, tanquam trans-
greſſorem Canonis per judicem Ec-

cleſiaſticum mulctari aut extraordi-
nariè puniri debere, & Laicum con-
venientem cauſà cadere. Scaccia
d. l. Jac. Menoch. de A. J. Q. J. 2. caſ.
430. Judicem autem Laicum tùm
judicandi poteſtate privari tùm &
ipſo jure eſſe excommunicatum.
Guid. Pap. *decif. 77.* Poſito etiam,
vim inferri & manifeſtè injuſtam
ſententiam pronuciari à judice Ec-
cleſiaſtico, non patiuntur tamen eò
de re diſceptari in judicio ſeculari
Regio, atque hinc legem aut con-
ſuetudinem in contrarium (qualis in
Hiſpanià eſt, quæ dicitur de las
Fuerceas) derogare dicunt liberta-
ti Eccleſiaſticæ, ac proinde dama-
nabilem eſſe, niſi id fiat expreſſà aut
tacitâ ſaltem commiſſione ſummi
Pontificis, aut quando alià vià non
eſt recurſus ad ipſum. Thom. Hur-
tado *tr. 3. reſolut. 26.* Quæ omnia
ſic *21. q. præſent.* diſcrepant ab illis,
quæ antiquitùs obtinuiffe dixi-
mus.

LXXXII. Id verò peſſimè exem-
pti eſt, quod etiam in atrocibus de-
lictiſ exemptionem locum habere
volunt. Nec enim judici ſeculari
ullam competere in Clericum ajunt
poteſtatem, niſi in degradatum,
ſed qui eo ipſo deſinit eſſe Clericus.
Degradationem autem non admit-
tunt, niſi in tribus caſibus, crimine
ſcil. hæreſeos, crimine falſi in lite-
ris Apoſtolicis commiſſio, & ob ca-
lumniam atque contumeliam gra-
vem

rem proprio Episcopo illatam. Imò verò nec degradatum quidem tradi illicò debere Curie seculari, aut certe nec in tribus illis casibus degradationem fieri debere nisi incorrigibilitas accesserit, contendunt nonnulli. Vid. Jul. Clar. *sent. lib. 5. §. pœnit. crim. qvæst. 36. num. 37. seq.* & ibi Bajardus, August. Bonfrancisc. *ad Angel. verb. & ibi caput n. 40. seq.* Optimè autem notat Petrus Molineus de *Monarch. Pontif. Rom. cap. 18.* crimina illa Clericorum, quorum cognitio Magistratui permittitur, esse talia, in quibus violatur dignitas atque status Ecclesiæ Romanæ, & ad eam tuendam magistratum accersiri non tam judicem, quam vindicem & auxiliatorem; in aliis verò atrocissimis criminibus, in quibus non tentatur nec periculo exponitur dignitas Ecclesiastica, nefas esse magistratui Ecclesiasticos limites irrumperere, aut de vitâ Clerici decernere. Sit igitur Clericus latro, adulter, homicida, incendiarius, veneficus, Reip. hostis, ipsiusque Principis persecutor acerrimus, nefas tamen erit Principi mandis in eum injicere, atque animadvertere; iudex autem Ecclesiasticus tam levem decernit pœnam aut censuram, ut expiari per eam delictum commissum haud queat.

* LXXXIII. Ex quo fit, ut notante Nicolao Boerio *decif. 69. num. 9.*

scandalum oriatur in plebem, dum vident Clericum & Laicum propter idem atrocissimum delictum diversimodè condemnari: Laicum in frustra scindi & dilaniari; clericum, verò in carcere includi perpetuo & hinc tamen quandoque liberari. *Revera videmus, inquit Julius Clarus d. l. nu. 23. quod Prælati clericos criminosos, ut plurimum leviter castigant, & licet quandoque eos ad perpetuos carceres condemnent, tamen illos postea relaxant plerumque ac dimittunt, ex quo oritur in populo scandalum, videre clericum & Laicum ejusdem delicti reos adeò diversimodè puniri, ut scil. Laicus penâ mortis afficiatur, & in frustra scindatur, clericus autem aliquâ levi penâ castigatus per forum ambulet, &c.* Privilegium verò hoc quasi ex accidenti venit. Non enim idèd pœnam sanguinis effugit Clericus facinorosus, quod eam promeritus non sit; sed quia iudex Ecclesiasticus, cui ille subest, infligere eam non potest. His namque, à quibus Domini sacramenta tractanda sunt, iudicium sanguinis agitare non licet, c. *bi à quibus 23. q. 8.* Et proinde prohibitum est jure Canonico, ne quis Clericus sententiam sanguinis dicat aut proferat, aut sanguinis vindictam exerceat, aut ubi exerceatur intersit. c. *pen. X. ne clerici vel mon.*

LXXXIV. Quandoquidem igitur
Ss Eccle-

Ecclesia neque iudices neque pœnas habet pro talium criminum merito, & crimina illa non tam Ecclesiam lædunt, quàm societatem Civilem, statumque publicum, ipsa naturalis ratio dicitur, adversus quemcunque delinquentem vindictam competere illi, penes quem est summa rerum administratio. Quod si enim iudex secularis de crimine Clericorum cognoscere non poterit, quin excommunicationi subiciatur, uti volunt hodierni Canonistæ, & iudex Ecclesiasticus aliam pœnam infligere nequit, præterquam suspensionem ab officio, depositionem, aut perpetuum carcerem, manifesta inde resultabit impunitas in delictis omnium atrocissimis. Nec sufficit ergo, quod Episcopo Londonensi rescriptis Innocentius III, Pontifex cap. 6. *X. de pœn. Ad illud, quod à nobis tertio requisivisti, qualiter Clerici in latrocinio vel aliis magnis sceleribus deprehensi puniri debeant, respondemus, quod à suis ordinibus degradari detrudi debeant in arctis monasteriis ad penitentiam peragendam.* Hoc enim etsi in foro Ecclesiastico sufficeret, quippe quod duriores pœnas decernere nequit, non sufficit tamen civitati, quæ laesa est, cuiusque partem facit Clericus delinquens, ut adeò necessarium prorsus sit auxilium brachii secularis.

LXXXV. His ita abundè explicatis concludo, forum Ecclesiasticum, non nisi in causis & criminibus Ecclesiasticis competens esse. Addiderunt principes nostri actiones personales pecuniarias, quas tamen privilegiatas, esse noluit Gratianus Imp. uti supra diximus. Quorum igitur delictorum pœna est capitalis aut corporis afflictiva, aut etiam relegatio tantum, illorum cognitio & punitio ad Magistratum spectat secularem. *Novell. 83. Carpov. in Ip. Consist. l. 3. def. 5. Add. Annæ. Robert. rer. jud. lib. 1. cap. 6.* Quod reliquas causas civiles attinet, si quidem de mobilibus fuerit quæstio, quia offibus personæ ea adhærere dicuntur, exemptioni & foro privilegiato adhuc locus erit. *Carpov. d. l. def. 7. num. 3.* Sed si quæ circa bona immobilia competunt actiones reales, quia Clerici in his non ut ministri Ecclesiæ considerantur, sed ut privati & cives ac membra Reip. idcirco privilegium fori, quod ratione & intuitu officii indultum est, in hisce talibus allegari nequit, sed coram iudice seculari sub quo res sitæ sunt, respondere tenentur *Carpov. d. def. 7. Carol. Molinæ. ad consuetud. Paris. §. 46. num. 20. Minsing. 1. Obs. 22. & 2. Obs. 67. Gail. 1. Obs. 37. num. 4. Zanger. de except. pag. 2. cap. 1. num. 261. Matth. Stephan. de iuri-*

jurisdic. l. 1. c. 31. n. 2. Tunc enim res ipsa quasi in iudicium trahi dicitur, & Rei partes sustinet magis, quam ipsa persona conventi. Sed hoc tamen casu iudex, sub cuius jurisdictione res sita est, non potest directò citare clericum, sed per subsidium iudicis Ecclesiastici. Gail. 1. *Obs. 56. num. 5.* Maranta *tit. de cunct. num. 40.* Coler. *de process. execut. p. 2. cap. 3. num. 16.* Zanger *de except. p. 2. cap. 1. num. 262.* Per consuetudinem autem sæpè jus diversum obtinet, quod de Gallia & Hispania testatur Antonius Perez *Cod. ubi in rem act. num. 6.*

LXXXVI. Illud obiter addo, de Clericis in genere quæ dicta hæcenus sunt, ad præsentem materiam de diaconis faciliè applicari. Quicquid enim prædicatur de genere, prædicatur etiam de specie generi

substratâ, & sub eo contentâ. Nic. Everhard. *loc. 6. sub num. 2.* Unde sæpè canones Conciliorum nominatis quibusdam Clericorum speciebus generale addunt vocabulum, ut universalitatem sui decreti eo clarius expriment. Vid. *c. nullus la 1. & 2. 11. q. 1. c. si quis 7. q. 6.* Generaliter autem Clerici nuncupantur omnes, qui in Ecclesiâ Christi deserviunt, inter quos propterea etiam referuntur diaconi c. *cleros dist. 21.* Nec invenitur quicquam singulare de diaconis constitutum circa rem præsentem, quod exceptionem facere possit, ut adde, quæ de Clericis in genere sancita sunt, jure optimo ad Diaconos per comprehensionem interpretationem applicentur.

CAPVT XVII.

De Archidiacono.

- I. Nominis Archidiaconi notatio venaque ætas. II. Non propter senectutem, sed industriam à diaconis electus. III. Stephanus Protodiaconus, Archidiaconus dictus, idem cum reliquis diaconis munus obijt. IV. Archidiaconi officium ex Arabica Concilii Nicani collectione signatum. V. Quod successu temporum amplius factum & honoratius. VI. Ejus è Synodo Meldenfi descriptio. VII. Consuetudo quoque hæc observanda, quæ plurima connectuntur Archidia-

Ss 2.

diaconi officio. VIII. Libertates in Ecclesiis dabant, manumissorum tabulas conscribiant. IX. Jurisdictione ad Ecclesiasticos translata plura huic axiomata accesserunt muneri. X. Visitationibus Ecclesiarum Archidiaconus interest. XI. Episcopi vicarius, oculus. XII. Propriam habuit diocesim sive parochiam. XIII. Caveat ne presentia sua oneri potius, quam emolumento sit Ecclesiis. XIV. Modus huic malo praecavendo praescriptus, XV. cuilibet prelado & sic quoque Archidiacono. XVI. Decretum synodi Oxoniensis de eadem re. XVII. Item Capitulum Hincmari, XVIII. & Concilii Cabillonensis canon. XIX. Archidiaconus archipresbytero superior, & quare. XX. Inter abusus refertur, plures uno hodie Archidiaconos in una Ecclesia esse. XXI. In Gallia Archidiaconatum princeps confert. XXII. Causa obscura notitia Archidiaconatus.

L VTI in omni ordine primus aliquis est, qui vel aetate, vel usu rerum & experientia, vel receptione in collegium istud, reliquos antecedit, cuive pleraque rerum a toto ordine agendarum cura incumbit: ita etiam in ordine diaconorum, ubi plures fuerunt, in una Ecclesia, primus semper & precipuus aliquis extitit, qui collegii istius quasi-initium esset. Is archidiaconus longo jam tempore dictus est, non quod velut ἀρχων reliquis imperaret, sed quod ἀρχὴν faceret ejus ordinis, cujus ipse erat membrum. Nec ergo necesse est, ut cum Claudio Espencero de antiquitate gradus hujus & dignitatis nimium simus solliciti, qui lib. 1. digress. cap. 6. ex Nicephoro, Sozomeno, Evagrio varia colli-

git testimonia, ut doceat, gradum hunc non ita nuperum esse. Quandoquidem ipsi etiam Canonistae tum antiquiores, tum recentiores fatentur, multum hic facere consuetudinem, & nec officium, nec jurisdictionem Archidiaconorum ubique esse uniusmodi. Nec valebit ergo argumentum, quod ex nomine petitur, ut gradum istum, prout nunc in Ecclesia Latinâ se habet, Ecclesiae veteri non incognitum fuisse colligamus. Nos, quæ de qualitate & officio archidiaconorum non anxie inquirantibus occurrent, breviter annotabimus, cum olim non alia eorum, quam reliquorum diaconorum fuerit functio, qualem abunde jam descripsimus.

II. Industriam requirit in Archidiacono Hieronymus, dum ad Evagrium

grum ita scribit: *Diaconi eligant de se, quem industrium noverint, & archidiaconum vocent.* Ex quo loco id etiam discimus, non semper etate provectionem inter diaconos, nec eum semper, qui prior in ordinem cooptatus est, Archidiaconum factum fuisse, sed eum eligi debuisse, qui industriâ reliquos anteiret. Electionem etiam fieri debuisse ab ipsis diaconis, secus atque deinceps in Concilio Agathensi c. 23. constitutum fuit, ut si officium Archidiaconus propter simpliciorum naturam implere aut expedire nequiverit, ille loci sui nomen teneat, & ordinationem Ecclesiæ, quem elegerit Episcopus præponendum. c. *Episcoporum dist. 74.* Eandem industriam in Johanne Archidiacono laudat & commendat Apollinaris Sidonius, dum in epistolâ ad Domnulum, quæ est ultima lib. 4. refert, quâ ratione Johannes ille repente & planè præter spem atque opinionem Cabillonensium Episcopus factus & proclamatus fuerit. In recensendis ejus laudibus hæc verba facit Sidonius: *Leetor hic primum, sic minister altaris idq; ab infantia; post laborum temporumq; processu archidiaconus, in quo seu gradu, seu ministerio multum re-tentus propter industriam, diu dignitate non potuit augeri, ne potestate posset absolvi.* Ut verò de industriâ, quorum ea impendi debuit, exa-

ctius constet, officia archidiaconorum brevi dissertatione expendemus.

III. Qui Stephanum protodiaconum cum Damasceno, sive archidiaconum (nec incongruè quidem, cum *Act. 17, 5.* singulari cum elogio primo loco nominetur,) statuunt, non aliud ejus tum officium fuisse evincunt, quam quod supra, ut reliquis diaconis commune, exposuimus. Primum & præcipuum eorum munus fuit colligendarum & distribuendarum *συνδροῶν* & *μεροφορίων* cura. Idque diu deinceps obtinuit in Ecclesiâ. De Laurentio Martyre, ejusque archidiaconatus officio eleganter loquitur Aurelius Prudentius:

*Hic primus è septem viris,
Qui stant ad aram proximi,
Levita sublimis gradu,
Et ceteris præstantior.
Clausuris sacrorum præsent,
Cælestis arcanum domus
Fidis gubernans clavibus,
Votasque dispensans opes.*

Hinc Isidorus apud Gratianum c. *perfectis dist. 25.* Collectam pecuniam de communione ipse accipit & Episcopo deferret, & Clericis proprias partes idem distribuit. Sed & alia pecunia fidei Archidiaconi committebatur. Majorianus Imp. in novell. sua de *Episc. jud.* Archidiaconum multam

decem librarum auri recipere jubet ab Episcopo, & inferre ei, quem ille invitum fecerit Clericum. Et Justinianus *novell. 123. c. 3.* Archidiaconos suscipere & distribuere jubet, quicquid Episcopi noviter Electi pro inthronificis & consuetudine dederint.

IV. Si credendum esset canonibus Concilii Niceni, quos ex Arabica collectione exhibuit Franciscus Turrianus, latius jam eo tempore fuit Archidiaconi officium. Id enim *can. 57.* ita describitur: *Omnibus diaconis praest Archidiaconus ad componendum si quid litis & controversia inter eos ortum fuerit, aut aliud ali-quid, quod ad judicium ejus necessa-rio pertineat. De iis autem quae ad se pertinent, nihil referat Archidiaconus ad Episcopum: sed ipse potius eorum controversias dirimat: Si quidem sub potestate & judicio ejus sunt diaconi & debet levare Episcopum hoc onere. Archidiaconus enim praest uni-verso officio orationis, & per eum gubernari & disponi debent, quaecunque ad Ecclesiam pertinent, ne si huic officio desit, transferatur hoc officium & gubernatio ad seculares, &c.* Sed à primâ canonum istorum versione dubitari coepit de eorum autoritate, nec audet Cardinalis Baronius quicquam de iis asseverare, sed aliis discutitendos relinquit *ad ann. CCCXXV n. 180.* Nec minùs tamen verosimile

est, circa ista tempora functionem Archidiaconi taliter se habuisse.

V. Successu temporis plurima alia addita sunt, praesertim postquam jurisdictio à personis Ecclesiasticis coepit usurpari: Nos ex plurimis pauca recensebimus. Isidorus in epistolâ ad Ludifredum Cordubensem Episcopum, quam refert Gratianus *c. perlectus dist. 25.* eorum officium sic describit: *Archidiaconus imperat subdiaconis & levitis, ad quem ista pertinent ministeria: ordinatio vestiendi altaris à levitis, cura incensi & sacrificii necessaria sollicitudo: quis Levitarum ad populum Evangelium legat, quis preces dicat, seu responsoria in dominicis diebus aut solennitatibus decanter. Sollicitudo quovis paraciarum, & ordinatio & jurgia ad ejusdem pertinent curam: pro reparandis diœcesanis basilicis ipse suggerit sacerdoti: ipse inquirat paracias cum jussione Episcopi, & ornamenta & res basilicarum & paraciarum gesta & libertatum Ecclesiasticarum Episcopo idem refert: collectam pecuniam de communione ipse accipit, & Episcopo defert, & clericis proprias partes idem distribuit. Ab archidiacono nunciantur Episcopo excessus diaconorum: ipse denunciat Sacerdoti in sacratio juniorum dies atq; solennitatum, & ab ipso publicè in Ecclesiâ predicantur. Quando verò archidiaconus absens est, vicem*

vicem ejus diaconus sequens adimplet.

VL De Archidiacono etiam explicat Severinus Binius, quod in Synodo Meldensi c. 35. statutum legitur: *Ut quisque Episcopus talem juxta se pro viribus habere deceret, qui juxta sincerissimum & purissimum sensum Catholicorum patrum de fide & observatione mandatorum DEI, & prädicationis doctrinā presbyteros plebium assidue instruat, & informet, ne domus DEI vivi, quæ est Ecclesia, sine lucerna verbi divini remaneat. Sed & idem talis existat, quem amor pecunie non vexet, aut reprobis moribus & conversatio reprehensibilis periculose devastet.* Ex quibus patet, tum doctrinam divinam & sacrorum procuracionem, tum disciplinam Ecclesiasticam ad archidiaconorum munus & functionem aliquatenus, & inter diaconos reliquos præcipue ad eos pertinuisse. Institutive sunt ab initio propterea, ut quæ ad diaconorum officium spectant, tam ipsi exsequerentur, quam à diaconis exequenda perficiendaq; curarent ac juberent. Hinc & ab Innocentio III Pontifice potestatem examinandi Clericos ad sacros ordines promovendos acceperunt c. ad hæc. X. de offic. Archidiacon. Quæ omnia, quantam industriam exigant, ipsa prodit rerum expediendarum qualitas.

VII. Sed admodum variant ista

officia, nec perinde se habent ubique. Unde ferè ad consuetudinem recurrendum est, si quid ex debito præstare debeat Archidiaconus, aut si de officio ejus statuendum aliquid fuerit. Quam in rem videri poterunt Antonius Bengueus & Franciscus Pinsfonius de beneficiis, itemque ex antiquis interpretibus Goffredus de Trano in summ. tit. de offic. Archidiacon. Nec fecisse extra officium puto Honoratum Archidiaconum Ecclesiæ Salonitanæ, dum restituit Episcopo suo Natali vasa sacra alienaturo, quem proinde in tutelam suam recepit Gregorius Magnus Pontifex, lib. 2. epist. 15. & 16. Sed & captivorum curam habuerunt aliquando Archidiaconi, uti ejus rei testimonium extat inter decreta Concilii Aurelianensis V, can. 20. Id etiam miserationis intuitu æquum duximus custodiri, ut qui pro quibuscunque culpis in carceribus detinentur ab archidiacono seu à proposito Ecclesiæ diebus dominicis requirantur, ut necessitas vincitorum secundum præceptum divinum misericorditer sublevetur, atque à Pontifice instituta fidei & diligenti personâ, quæ necessaria provideat, competens victus de domo Ecclesiæ tribuatur.

VIII. Aliquando etiam liberali causæ & libertatibus in Ecclesiâ dandis adhibebantur Archidiaconi, solebantque illi manumissionum tabulas

las conficere. Cujus rei elegans extat testimonium in legibus Ripuariorum sub tit. 58. Hoc etiam jubemus, ut qualiscunque Francus, Ripuarius seu Tabularius servum suum pro animæ suæ remedio seu pro precio secundum legem Romanam libertare voluerit, ut in Ecclesiâ coram presbyteris, diaconibus seu cuncto clero & plebe, in manu Episcopi servum cum tabulis tradat, & Episcopus Archidiaconum jubeat, ut ei tabulas secundum legem Romanam, quâ Ecclesia vivit, scribere faciat. Et porro sub. num 5. Quod si quis tabulas Episcoporum manibus seu Clericorum roboratas irrumpere voluerit, tunc Archidiaconus cum testibus, qui tabulas roboraverunt ante Episcopum vel Regem accedat, ut testes, quod sciunt, dicant. Quod si ille, qui causam prosequitur, acquiescere noluerit, tunc tabula in præsentia judicis perforentur, & archidiaconus in præsentie Sacramento fidem faciat, & sibi septimus super noctes septem conjuret, cum ipsis testibus, qui tabulas conscripserunt, quod ipse tabularius secundum legem Romanam fuisse ingenuus relaxatus. Et tunc ille, qui causam prosequitur in præsentie constringatur, ut se ante judicem representet, & ad partem Ecclesiæ C. solid. culpabilis judicetur, & unicuique de testibus XV. sol. culp. jud. & Archidiacono XLV. sol. culp. jud. & nihilominus tabula stabiles permaneant. Quod si archidiaconus ista adimplere contemse-

rit, & auctorem suum, qui eum ingenuum dimisit, non invenerit, tunc tabularium ipse archidiaconus cum XLV. sol. & cum omnibus rebus suis proprio domino studeat restituere, & unusquisque de testibus XV. sol. culp. jud. Hoc scilicet est, quod propter officia archidiaconi refert Isidorus loco supra adducto, eum gesta libertatum Ecclesiasticarum Episcopo referre. Conf. Hieron. Bignon. ad Marculf. p. 616. & de ritu manumissionis in Ecclesiâ Nicol. le Maître de bon. Eccles. lib. 3. cap. 9.

IX. Dubium autem non est, multa huic officio accessisse axiomata alia, postquam jurisdictionis exercitium illis conferri cœpit, sive propria ea fuerit, uti aliquando talem, nonnulli habuerunt, sive aliena, & ex Episcopi concessione cujus vicem plerumque gerere consueverunt. Vid. Anton. Bengueus & Franc. Pinson. de benefic. tit. de divis. benefic. §. 15. n. 14. seq. & ex antiquioribus Goffredus de Trano de off. Archidiacon. n. 5. seq. Sanè si jurgia audire ad ipsorum spectat officium, & emendare insuper atque corrigere debent, quæ corrigenda fuerint, quod exigit Innocentius III in c. ad hac X. de offic. Archidiacon. nec tamen relatio de iis facienda est ad Episcopum, uti statuit, quem ex versione Arabicâ adduxi, canon Nicenus, non potest omni jurisdictione destitutus esse archidiaconus, quandoquidem sine coër-

coërcitione, quantacunque demum ea fuerit, expediri vix possunt. Atque ita statuit Augustinus Barbosa, *de jur. Eccles. lib. 1. cap. 24. n. 26.* Sed in his omnibus, uti dixi, attendenda est cujusque provinciæ aut dioceseos consuetudo. Quandoquidem fieri potest, ut Archidiaconi quis nomen gerat, nec tamen simul officium faciat, uti de Archidiacono Parmensi testatur Innocentius IV. *ad c. de multa 28. X. de præbend. n. 6. & de Hispaniæ Archidiaconis Aug. Barbosa d. l. n. 8.* quod in totâ Hispaniâ nullus amplius Archidiaconus sit, qui integram jure comuni præscriptam potestatem sustineat. De Archidiaconis Ecclesiæ Constantinopolitanæ quâ in dignitate fuerint, videri poterunt Jacobus Goar. *ad Codin. Curalat. de offic. Constantinop. cap. 1. num. 1. & num. 44.* & Jacob. Gretserus *ad eund. lib. 1. observat. cap. 15.*

X. In visitationibus Ecclesiarum Archidiaconus adesse jubetur Episcopo visitanti, & præparare ea, quæ visitationem facilem reddere queant. Eam in rem extat decretum Concilii Rhotomagensis apud Ivonem Carnotensem *part. 5. decret. cap. 196.* Cum Episcopus suam diocesin circumit, Archidiaconus vel Archipresbyter eum præire debet, uno aut duobus diebus ad parochias quas visitaturus est, & convocatâ plebe annunciare debet proprii pastoris adventum, & ut omnes exceptis infirmis ad ejus synodum die-

denominatâ imprætermisit occurrunt, & omnimodis ex autoritate sanctorum canonum præcipere & minaciter denunciare debet, quod si quis absq; gravi necessitate defuerit, procul dubio à communionem Christianâ sit repellendus. Deinde adscitis secum presbyteris, qui in illo loco servitium debent exhibere Episcopo, quicquid de minoribus & levioribus causis corrigere potest, emendare sat agat, ut pontifex veniens nequaquam in facilioribus negociis fatigetur, aut sibi immorari amplius necesse sit ibi, quam expensa sufficiat, &c.

XI. Quando verò Episcopus ipse visitare Ecclesias per diocesin suam nequit, tùm archidiacono hæc potestas competit, ut vice Episcopi sui tertio quoque anno universam diocesin circumeat, & cuncta, quæ emendatione indigent, corrigat atque emendet. Est enim archidiaconus vicarius Episcopi in omnibus, & omnis cura in clero, tam in Urbe positorem, quàm eorum, qui per parochias & in agro habitant ad eum, pertinet, sive de eorum conversatione, sive honore & restauratione Ecclesiarum, sive de doctrinâ Ecclesiasticorum, vel cæterarum rerum dispositione. *c. 1. X. de offic. archidiacon.* Hinc adeò archidiaconus dicitur esse oculus Episcopi, quia lustrans actus totius Ecclesiæ, si quem videat proximum esse peccato, referre debet ad Episcopum, aut saltem atten-

tā sollicitudine præcavere, ne in præceps ille ruat, & salutis detrimentum patiatur. Atque hinc statuunt Doctores, Archidiaconos absentibus Episcopis absque aliquo facto ipso jure esse eorum vicarios, & inde vicarios natos dici. Jac. Sbrozz. *de Vicar. lib. 1. q. 3. n. 15. 16. & q. 37. n. 6.*

XII. Sed & propriam Archidiaconos alicubi habuisse diœcesin Canonistarum doctrina est ex *c. mandamus 6. X. de offic. archidiacon. c. dudum 54. X. de elect. c. dictum est, fin. dist. 94.* aut parochiam potius aliquam, quam jure suo tenebant, suo etiam jure visitabant & procuraciones inde accipiebant. Id verò si concedendum fuerit, recentioris Ecclesiæ erit inventum. Nec tamen immunes tūc Ecclesias istas dixerim à visitatione Episcopii. Facultatem enim visitandi cumulativè non privativè competere certum est. Vid. Andr. Vallenf. *ad tit. de censib. §. 4. n. 5.* quemadmodum etiam jurisdictio, ex quâ jus visitandi deducunt Canonistæ, non privativè sed cumulativè à superiore concessa intelligitur. Et talis cumlatio visitationum etiam Episcopo & metropolitano communis fuit, siquidem non proprii tantum Episcopi, sed etiam metropolitani diœceses quandoque lustrabant. Vid. Nic. le Maître *de bon. Eccles. part. 2. lib. 2. c. 1.* Posito autem, Archidiaconos jure suo pore-

statem visitandi Ecclesias habere, jurisdictio eis necessariò tribuenda erit, cum visitatio sine jurisditionis exercitio secundum Canonistas fieri nequeat.

XIII. Qualitercunque autem sive proprio, sive alieno & Episcopi nomine jus visitationis exercent, Archidiaconi, hoc illis ante omnia, observandum est, ne præsentia sua oneri potius quam emolumento sint Ecclesiis, neve per procuraciones prorsus exhauriant ærarium Ecclesiasticum. Commune hoc jam diu fuit vitium Visitatorum, immensam aut annonam aut pecuniam exigentium, & complurculos dies uno in loco commorantium, quos propterea Conciliorum quamplurium decretis compescere oportuit, ne scilicet presbyteri ingenti Episcoporum comitatu vexati non tam divinæ gratiæ distributorem & sanctioris vitæ professorem, quam raptorem ac prædonem advenisse querebantur. Nec cessavit tamen Episcoporum in istiusmodi procuracionibus exigendis avaritia, refertque Carolus Sigonius *lib. 5. de regn. Ital. ad ann. 861. de Johanne Ravennatensium Archiepiscopo, ab Episcopis suffraganeis objectum inter alia accusationis capita fuisse, quod secundo quoque anno Episcopia sua cum fermè quingentorum hominum, eorumque numero perulstraverit, ac tamdiu in singulis moram traxerit, donec omnia, quæ ad fructus*

fructus Episcopi, ad alimentum Clericorum & pauperum, susceptionem peregrinorum atque instaurationem Basilicarum pertinerent, cum magnâ illâ multitudine consumsisset, neq; ante recesserit, quam ab Episcopo ducentos manicosos sibi, familiaribus verò suis dona non modica exegisset. Conf. antiquum instrumentum Arnulphi Turonensis Archiepiscopi quod recenset Fr. Juretus ad *Iconis Carnotensis epist.* 108.

XIV. Huic malo præcavendo modum, quem excedere visitatoribus non liceret, præscribere oportuit, extatq; hæc de re decretum Concilii Toletani VII, apud Gratianum *c. inter 10. q. 3.* Cum verò Episcopus diocesim visitat, nulli præ multitudine onerosus existat, nec unquam quinquagenarium numerum (vetus editio apud Binium legendum exhibet, *quinarium*, quam proinde emendat Binus, ejusque emendationis rationem petit ex multo recentioribus constitutionibus Alexandri III Pontificis) electionis excedat, aut amplius, quam una die per unamquamq; basilicam remonandi licentiam habeat, &c. Electionis vocabulum aliquando pro licentiâ cursûs publici usurpandi, aliquando pro ipsis literis, quibus electio conceditur, aliquando pro subvectione, convectione, transvectione naviculariâ, aliquando pro ipso cursu publico accipitur. Vid. Jacob. Gothofred. in glossar. ad

Cod. Theodof. Hic verò denotat pompam illam eqvorum, jumentorum, seu curruum, quos Episcopi Ecclesiasticas visitantes in comitatu suo habebant, quorum numerus, quo major erat, eo majoribus impensis pro sustentatione opus erat.

XV. Specialior adhuc modus cui libet prælato, & sic etiam Archidiacono præscriptus est in concilio Lateranensi *cap. 4.* quod recensetur *c. 6. X. de censib.* Cum Apostolus se ac suos propriis manibus decreverit exhibendos, ut locum predicandi auferret pseudoapostolis & illis, quibus predicabat non existeret onerosus, grave nimis esse dignoscitur, quod quidam prælatorum im in procurationibus graves existant, ut interdum ecclesiastica ornamenta subditi exponere compellantur. Et longi temporis vitium brevis hora consumat. Quocirca statuimus, quod archiepiscopi parochias visitantes pro diversitate provinciarum & facultatibus Ecclesiarum quadraginta vel quinquaginta electionum numerum, episcopi autem viginti vel triginta: Cardinales viginti quinque, nunquam excedant, archidiaconi verò quinque, vel septem: decani constituti sub Episcopis duobus eqvis contenti existant. Nec cum canibus venatoriis & avibus proficiscantur; sed ita procedant, ut non quæ sua sunt, sed quæ Jesu Christi, querere videantur. Nec sumtuosas epulas quarant, sed cum gratiarum actione recipiant, quod honestè ac

competenter illis fuerit ministratum.

XVI. Aliud speciale pro Archidiaconis visitantibus decretum edidit Synodus Oxoniensis his verbis: *Ut singula Ecclesiastica officia in Ecclesia rite procedant secundum canonicas sanctiones statuimus, ne archidiaconi nimium graves existant Ecclesiis suis subditis, districtius inhibentes, ne statutum in Concilio generali in numero convectorum excedant, cum visitationis nomine debitam sibi recipiunt procurationem, nec ad talem procuracionem venientes, extraneos, ut secum veniant, invitare presumant. Sed si pro honore Archidiaconi Ecclesiarum Rectores aliquos velint invitare, hoc nullatenus prohibemus. Sed ipsi Archidiaconi nullum invitent, ne forte qui per suum adventum Ecclesias non gravarent, gravent saltem per invitatos. Unde, ut subtrahatur eis necessitas invitandi, prohibemus, ne archidiaconi tempore visitationis sue apud Ecclesiam quam visitant, capitulum teneant vel celebrent, nisi forte in burgo vel in civitate sit Ecclesia constituta. Ad hoc archidiaconis districtius inhibemus, ne aliquo modo procuracionem recipiant sine causa rationabili, nisi illo die, quo personaliter visitant Ecclesiam procurantem. Nec redemptionem pro visitatione extorquere presumant. Refertur apud Binius tom. 3. Concil. pag. 1470. Idem prorsus statuit non multo post Con-*

cilium Londonense apud eundem, pag. 1479. Ex quibus decretis, quæ fuerint eo seculo Ecclesiasticorum, quæve visitationum vitia, abunde patet.

XVII. Inter capitula, quæ ab archidiaconis suis observari voluit, Hincmarus Archiepiscopus Remensis, quæque præscripta inveniuntur tom. 1. op. pag. 738. in edit. Sirmondi, primum ita se habet: *Quando rusticanas parochias vobis commissas vel mecum, vel per vos circuitis sicut & ego, non graves sitis presbyteris in paratis quarendis: neque ducatis superflue vobiscum homines, vel vestros, proprios, vel propinquos vestros, per quos illos gravetis in cibo, & potu, & fodro ad caballos. Et providete, ne homines vestri, qui vobiscum ibunt illos dehonorent, vel hominibus illorum graves sint. Nec diu in mansionibus ipsorum presbyterorum immoremur, & si necessitas evenerit, ut in aliquo loco immorari debeatis, sic disponite vitualia vestra per circummanentes presbyteros, ut nemini graves sitis, &c. Et caput quartum: Quando parochias circuitis, nolite graves esse presbyteris, petentes friskingas, vel pisces, aut formaticos, aut annonam, aut alias quasvis res, ut habeatis, quando ad civitatem reversi fueritis, unde quasi suatribus refectiorem faciatis, ut salvis stipendiis vestris, habeatis, unde vos & vestros conducatis.*

XVIII.

XVIII. Similiter & in Cabilonenſi Concilio prohibitum eſt, ne archidiaconi nimium ſuperbientes in preſbyteros dominatum exercent, neve exactionibus eis graves exiſtant. Verba recenſentur à Gratiano c. ſin. diſt. 94. *Diſtum eſt, quod in plerique locis archidiaconi ſuper preſbyteros paracianos quandam exercent dominationem & ab eis cenſum exigunt, quod magis ad tyrannidem, quam ad reſtitutionis pertinet formam. Si enim juxta Apoſtoli ſententiam Episcopi non debent eſſe dominantes in clero, ſed forma ſaltu gregis ex animo: multo minus facere hoc iſti debent. Sini itaque contenti regulis diſciplinis & teneant propriam meſuram, & quod ab Episcopis eis injungitur, hoc per paracianos ſuas exercere ſtudeant, nihil per cupiditatem & avaritiam preſumentes.* Nempe hæc perpetua & quaſi propria ſunt Clericorum vitia, ſuperbia & avaritia, quibus eos quam maximè infeſtare ſolet communis humani generis hoſtis. Nec mirum idcirco eſt, tam frequentia adverſus cujuſque ordinis Clericos in veterum monumentis extare decreta, quibus ſaſtus ille & *πλωςζία* utcuſque coërcerentur. Et ex iſtis fontibus proveniunt plerique omnes Archidiaconorum in officio & vitæ ratione exceſſus, quos omnes enumerare & operoſum nimis foret, & ab inſtituto noſtro alienum.

XIX. Id verò præteriri nequit, quod cum diaconus inferior ſit preſbyteris, archidiaconus tamen non preſbyteris tantum, ſed ipſo etiam archipreſbytero ſuperior habeatur. c. 1. X. de offic. archipreſbyt. Ratione ejus reddunt iſtam, quod Archidiaconus curam habeat fori contentioſi, cum Archipreſbyter exerceat tantum curam fori poenitentialis. Barthol. Carthagena ad tit. de offic. archipreſb. obſ. 1. Alii ex ratione inſerviendi iſtam prærogativam deducunt, quod ſcil. inter diaconos alii inſerviant preſbyteris ſimplicibus, alii verò Episcopo; & hos propterea dici archidiaconos, eosque ratione Episcopi, cui inſerviunt, digniores eſſe ajunt preſbyteris & archipreſbyteris, non ſungentibus eo officio. Andr. Vallenf. ad tit. de offic. archidiacon. nu. 2. Nicol. Rodriguez Fermofin. ad eund. tit. cap. 2. q. 1. num. 32. Alii ſignificantius diſtingvunt ordinem à dignitate, quod reſpectu ordinis Archipreſbyter ſit major archidiacono, ſed archidiaconus major archipreſbytero, ſi dignitatem & officium ſpectes. Gofredus de Trano, & Hoſtienſis in ſum. ad tit. de offic. archidiacon. Si dicendū quod reſeſt iſta prærogativa ex arrogantia primū orta videtur, uti fieri conſuevit, ſi quis fortè ex inferioribus ordinibus eruditione, induſtria, judicio præſtet, & in rebus agendis reliquos ſuperet, quod is illicò majorem & honoratiorem affectet.

locum, & superiores etiam suos antecedere haut vereatur. Potuit igitur favor Episcopi frequentius Archidiaconi alicujus industrii, quam archipresbyteri operâ utentis, *οὐδ' ἐπ' αὐτῶν* hoc jus inducere, & repetitis exemplis confirmare, ut potius ad abusum referendum sit ejus principium, quam ad institutum boni ordinis & *εὐσεβείας*. Atque hinc non malè turbatum ordinem dicit Petrus Blesensis *epist.* 123. Porro, inquit, *dignitatis turbato ordine, archidiaconi hodiè Sacerdotibus præminent, & in eos vim & potestatem suâ juris, distinctionis exercent. Ea propter archidiaconum in presbyterum promoveri non est honorem ejus auferri, sed minui.* Id sanè olim ita interpretabatur Honoratus Archidiaconus Ecclesiæ Salontianæ, cùm eum Natalis episcopus ad ordinem presbyteratûs provehere vellet, non animo honorem augendi id fieri, sed ex vindictæ cupiditate, quod Episcopum vasa facta suis dare parentibus prohibuisset. Quâ de re legi possunt inhibitiones Gregorij Magni Pontificis *lib. 2. epist.* 15. & 16. Conf. Jac. Sirmond. *ad Apollinar. Sidonii epist.* ult. *lib. 4.*

XX. Est verò etiam illud inter abusus referendum, quod in unâ Ecclesiâ sæpè plures uno hodiè sint Archidiaconi. Sive enim per *πρωτοπρεσβυτερος*, sive per *ἀρχοδιακον* vocabulum

illud interpreteris, plures sanè primi & plures principes dari in eodem ordine sine contradictione non possunt. Romæ olim unicum Urbe totâ inter presbyteros archipresbyterum, inter diaconos archidiaconum fuisse, ex veterum monumentis adversus Ciaconium accuratè ostendit David Blondellus *in apol. pro sententiâ Hieronymi de Episc. & presbyt. sect. 3. p. m. 225.* Recentioribus verò temporibus non in unâ tantum diocesi, sed in unâ etiam Ecclesiâ duo pluresve ordinati fuerunt. Petr. Gregor. *in syntagm. lib. 15. cap. 20. num. 6.* Ita Richardus Archiepiscopus Cantuariensis, qui Thomæ successit, in diocesi suâ tres archidiaconatus, quæ uno ante contenta fuerat, ordinavit. Matthæ. Parker. *de antiq. Eccles. Britann.* Observat, tamen Nicolaus Boërius *decis. 286. num. 1.* in unâ Ecclesiâ cathedrali aut collegiatâ si plures fuerint archidiaconatus & aliæ dignitates, non tamen nisi unum nomen gerere Ecclesiæ, reliquos autem alia singulâria habere nomina.

XXI. Quandoquidem autem tot tantisque axiomatibus hodiè inter Pontificios excellit archidiaconatus, (ex quibus tamen paucissima, & ea ferè, quæ antiquiora sunt, recensuimus: de reliquis autem videri possunt Dd. *ad tit. decretal. de offic. archidiacon.*) non possumus improbare

bare consuetudinem in Gallia receptam, secundum quam conferre potest princeps archidiaconatum, quem sede vacante, vocare contigerit. Ejus meminit Anton. Mornacius *ad l. 6. C. de epis.* Quia enim ea prima est dignitas cum jurisdictione, quæ vicem obtinet vultumque quasi induit absentis Episcopi, interest Reip. & ipsius Principis, suo consensu approbari, suâque autoritate talem constitui archidiaconum, qui munus istud in salutem totius Ecclesiæ tum boni communis sustineat. Vid. Annæ. Robert. *rer. jud. lib. 3. cap. 1.* Petr. de Marca *de concord. sacerdot. & imp. lib. 8. cap. 9.* & quæ dixi *de jur. majest. exercit. 5. num. 60.* Nec obstat, quod archidiaconatus curam animarum annexam habeat, idque negotium videatur extra spheram potestatis secularis versari, eamque excedere, quia non de collatione potestatis clavi-um agitur, quippe quam ministri Ecclesiæ à Deo accipiunt immediate, sed de electione personæ ministerio illi applicandæ. Mornacius curam animarum archidiaconatui improprie inesse dicit, cum sit nomen juris. Id quod gratâ mente acceptamus, agnoscere eum, in Ecclesiâ Pontificiâ ministeria non tam ex officio, quam ex dignitate assumari, quod alibi perstrinximus.

XXII. Et hæc de Archidiaconis eorumque officio nunc sufficiant. Non dubitamus occupatum id fuisse olim in aliis pluribus, sed quæ pleraque nunc ignorantur. Fatetur Innocentius III Pontifex c. 7. X. de offic. Archidia. suo jam tempore ea penè oblitterata fuisse. *Consuluit, inquit, nos tua fraternitatis devotio, quid ad officium Archidiaconi debeat pertinere, & in quibus per ipsum cura Episcopalis sollicitudinis debeat relevari: & nos, PROUT POSSUMUS, respondemus.* Causam obscuræ ejus notitiæ Antonius Dadinus Alteser-ra *ibid.* refert ad mutationem, quæ propter superbiam archidiaconorum intervenit. Ut enim fastus, quo in Episcopos suos insurrexerunt, coerceretur, receptum aie- fuisse alibi, ut ad tempus instituerentur, alibi, ut in Ecclesiâ Romanâ & Constantinopolitanâ, Archidiaconi dignitatem penitus extin-ctam esse, alibi divisam in plures, & numero vilesceret, & sic jam Innocentii ætate Archidiaconi officium penè obsoletum, planeque incertum fuisse, quænam ad id perti-nerent. De istâ Archidiaconorum

πλοονεζία videri poterit Ivo Carnotensis *epist.*

203.

CAPUT

CAPVT XVIII.

De Subdiaconis.

- I. Subdiaconi in prima Ecclesia nulli, quare diaconorum ordini fuerint additi. II. Eorum munus ex Isidoro & Juone Carnotensi descriptum. III. Ordinatio Subdiaconorum. IV. Aliquando non fuerunt inter sacros ordines. V. Ordo non est sacer, qui votum castitatis non annexum habet. VI. Subdiaconi quando continentia votum obseruauerint. VII. In Sicilia, Hispaniaque. VIII. Seculo undecimo Subdiaconus in episcopum legi capit. IX. An Fabianus Subdiaconus primum constituerit? Fabiani epistola, Damasi Pontificale, scripta confutata.

I. Breuiores hic erimus, quandoquidem rariora sunt, quæ de hoc ordine notanda veniunt. Eos ab initio nascentis Ecclesiæ non fuisse patet ex verbis Urbani II Pontificis quæ referuntur *cap. 9. X. de et. & qual. & ord. pref.* Sacros, inquit, ordines diaconatum dicimus & presbyteratum, HOS siquidem SOLOS primitiua Ecclesia legitur habuisse. Ratio autem, cur diaconorum ordini additi fuerint Subdiaconi, nata videtur exinde, quod diaconi ad sublevandam partem aliquam ministerii Episcopi & presbyterorum, adhiberi cœperint. Conueritur enim Hieronymus ad Rusticum Narbonensem, talia multa diaconis in Romanâ præsertim Ecclesiâ imposita fuisse, præter Apostolicam disciplinam, & præter morem aliarum

Ecclesiarum, ut primum & verum diaconorum officium in diaconis fermè oblitteratum fuerit. Sicigitur substituendi, & pristino diaconorum officio adhibendi fuerunt alii, subdiaconi propterea appellati, qui oblationes fidelium, quæ pro sustentatione pauperum & ministrorum Ecclesiæ contributebantur, colligebant, & distribuiebant. B. Chemnit. *ad concil. Trid. part. 2. p. 415.* Si credendum est libro Pontificali, institutum sunt illi à Fabiano pontifice seculo tertio penè adulto, id quod tamen in dubium vocat David Blondellus *apol. de Episc. & presbyt. præfat. pag. 32.*

II. Subdiaconorum officium & munus ita describit Isidorus apud Gratian. *c. perlectus dist. 25. Ad subdiaconum pertinet calicem & patenam ad altare*

altare Christi deferre, & Levitis tradere, eiusque ministrare, urceolum quoque & aquamantile (aquimale legendum, notat Antonius Contius) & manutergium tenere episcopo: presbyteris & Levitis pro lavandis ante altare manibus aquam præbere. Sic ergo non Episcopo tantum & presbyteris, sed ipsis etiam diaconis inserviebant subdiaconi. Haud paulo prolixius eorum officium exponit Ivo Carnotensis Episcopus *serm. 2. de Eccles. offic.* *Quinto loco ordinantur subdiaconi, qui jam ministerio altaris approximant, quia vasa corporis & sanguinis Christi portant. Unde lex continentia eis imponitur, quatenus impleant illud Prophetæ: mundamini, qui fertis vasa domini, id est, ut & se ipsos exhibeant vasa in honorem, non in contumeliam: & vasa ista, quibus ministratur corpus domini, deferant ad altare & referant ab altari ad DEI gloriam, scilicet, ut fugiant omnem carnis immunditiam. Isti ministrant officiis Levitarum, & in templo Domini oblationes suscipiunt à populo. Ad istorum provisionem pertinet tantum de oblationibus ponere in altari, quantum possit populo sufficere. Ad horum pertinet officium, corporales, pallas & substratoria lavare & aquam in baptisterium ingerere. Hi cum ordinantur accipiunt patenam vacuum & calicem vacuum de manu Episcopi. De manu verò Archidiaconi accipiunt urceolum cum aqua, mantile & manutergium, quibus mundare debent ma-*

nus sacerdos & Levita tractaturi dominica sacramenta. Hoc officio usus est Dominus, quando facta cœnâ cum discipulis linteo se præcinxit & mittens aquam in pelvum pedes discipulorum. Lavit & linteo extersit, &c. De Salvatore Christo quod addit, ex lepidissimo venit commento, quod Christus ipse per omnes ordines transierit, cuius alias mentionem fecimus. Cæterum & Isidori & Ivonis tempore multa jam superstitio occupaverat Ecclesiam, nec dubium mihi est, simplicius multo, & ad mandatum divinum accommodatius ab initio fuisse subdiaconorum officium, & successu temporis cum ipsâ Ecclesiâ à pristina illâ simplicitate degenerasse.

III. Quod verò de ordinationis ritu refert Ivo, id ex concilio Carthaginiensi IV, *can. 5.* desumptum est, cuius verba refert Gratianus *c. subdiaconus dist. 23.* Subdiaconus cum ordinatur, quia manus impositionem non accipit, patenam de manu Episcopi accipit. et vacuum, & calicem vacuum, de manu verò archidiaconi accipiat urceolum cum aqua, mantile & manutergium. Ubi sollicita est glossa, qui fiat, quod manus impositio hic denegetur, cum tamen etiam Lectoribus manus imponatur, secundum *c. 1. dist. 69.* & ait, non imponi manum super caput subdiaconi, sicut super caput diaconi vel sacerdotis, non accipere eum manus impositionem consecrationem sed ordinationem. Hanc ordi-

U u dina

dinatoriam manum, siue manûs impositionem Petrus Gregorius *lib. 16. syntagm. c. 7. n. 15.* accipit de benedictione, quam differre volunt à consecratione, & ita aliquando distingvi cœpit inter χειρὸς ἱεροῦς, & χειρὸς ἁγίας, uti *cap. seq.* dicturus sum. Aliter tamen respondet Augustinus Barbosa *de jur. Eccles. lib. 1. c. 37. n. 11.* eo scilicet tempore, quo subdiaconatus inter sacros ordines computatus nondum fuit, omisam fuisse manûs impositionem, nunc v. adhiberi, postquàm illis adjungi cœpit. Id quod insignem in ordine mutationem arguit. Etsi verò in publicâ renuntiatione, approbatione & testificatione, ut per eam designetur, & ex reliquo civium cœtu externâ aliquâ ceremoniâ separetur, qui ad ministerium ecclesiasticum electus est, adhibita, ab ipsis Apostolis manuum impositio adhuc in usu sit, prorsus tamen, necessarius ille ritus non est, nec ei alliganda est gratia divîna, ut propterea, cui manus imposita non fuit, non possit habere gratiam, quæ ad ministerium necessaria est, non possit peccata remittere, nec consecrare sacramentum Corporis & sanguinis Christi.

IV. Fuisse tempus, quo subdiaconatus inter sacros ordines minimè computatus fuerit, & audivimus modò à Barbosa, & confirmatur auctoritate Innocentii III, in *c. à multis 9. X. de at. & qual. ord.* itemque in *c. 7. X. de serv. non ordin.* Ego id non impugno,

cùm & tempus fuerit, quo sacri quidam ordines, quos hodie sacritas Ecclesia Romana, planè non extiterint in rerum naturâ. Dum autem in causas inquirat Barbosa, propter quas subdiaconatus à sacris ordinibus exclusus fuerit, conjecturis fere nititur, & principia sibi fingit nusquam probata. Ait, statuere quosdam, idèò subdiaconatum sacris ordinibus annumeratum non fuisse, quia in Concilio Laodiceno *c. 21.* prohibiti fuerint ingredi in sacrarium & dominica vasa contingere. Hanc verò rationem nec subsistere, nec veram esse, cum traditio & tactus sacrorum vasorum sit materia hujus sacramenti, nec ergo prohiberi eos potuisse, ne materiam hanc utpote essentialem ordinationis sue partem attingerent. Etsi verò ipsa etiâ hæc materia conficta sit, verum tamen est, quod ait, Barbosa, ex isto Laodiceni Concilii canone probari id non posse, cum de calice & patenâ, in quibus elementa corporis & sanguinis Christi continentur, accipi debeat. Canon, inquit Balsamon *ad cund. prohibet ea, quæ ad diaconos pertinent, aggredi, seu sacra vasa tangere, scilicet corporis & sanguinis Christi. Neg. enim dixeris, non debere eos sacra vasa tangere, seu sacrum calicem & sacrum patinam, cum sunt inanes.* Conf. Severin. Bin. *ad vit. Xisti Papa I.*

V. Barbosa igitur excogitat aliam rationem, ordinem scilicet sacrum dici illum, qui habet annexum votum castitatis,

nitatis, & non sacrum illum, qui hujusmodi votum annexū non habet; Subdiaconatum autem primis temporibus ad votum castitatis non fuisse alligatum, nec sacrum ergo tum ordinem fuisse. Fundari videtur ista ratio in verbis Urbani II, quæ recensentur *de c. 9. X. de ar. & qual. ord.* ubi utrumque istud, tum relatio subdiaconatus inter sacros ordines, tum etiam votum castitatis, cui ille alligari debeat, conjungitur, & hoc veluti annexum illi & inseparabile habetur. Sed enim quid de voto castitatis sentiendum sit, supra abunde exposuimus, laudamusque integritatem, & bonam fidem Gratiani, qui *c. fors 26. q. 2.* agnovit, copulam sacerdotalem nec legali nec evangelicā, vel apostolica autoritate prohiberi, sed Ecclesiasticā lege interdici. Quæ verba Canonistis sunt fudes in oculis, adeo ut eis non esse credendum planè *αλως* asserant. Suffragatur Thomas de Vio Cardinalis Cajetanus *opuse. Tom. 1. op. 27.* Nec ratio nec autoritate probatur, quod absolute loquendo sacerdos peccet contrahendo matrimonium, quin potius & ratio ad oppositum ducit: quoniam ut patet in *37. dist. 4. sent. nec ordo*, in quantum ordo, nec ordo sacer, in quantum sacer est impeditiuus matrimonii: & in Ecclesiā occidentali olim diaconi poterant contrahere matrimonia.

VI. Sed nec tum tamen, postquam continentiz votum à subdiaconis exigi cœpit, ubique locorum id im-

perari potuit, nec obscure prodit, Gregorius Magnus apud Gratianum *c. ante dist. 31. morē istum* (ita vocat,) primum introductum fuisse in Ecclesiā Romanā, improbaturque imitationem Sicularum præproperam, quod cum nullum adhuc à subdiaconis Siciliæ emissum sit castitatis votum, ab Uxoribus suis abstinere jubeantur. Ante triennium, inquit, omnium Ecclesiarum subdiaconi Sicilia prohibiti fuerant, ut more Romanæ Ecclesiæ suis Uxoribus nullatenus miscerentur, quod mihi durum atq; incompetens videtur, ut qui usum continentia non invenit, neque castitatem promisit, compellatur à suā Uxore separari, atque per hoc, quod absit, in deterius cadat. Unde mihi videtur, ut à presenti die Episcopis omnibus dicatur, ut nullum facere subdiaconum presumant, nisi qui se victum non castè promiserit, quatenus & præterita mala, quæ proposito mentis appetita non sunt violenter non exigantur, & futura mala caute caveantur. Qui vero post eandem prohibitionem quæ antea triennium facta est, continenter cum suis Uxoribus vixerunt, laudandi atq; remunerandi sunt, & ut in bono permaneant, exhortandi. Eos autem, qui post prohibitionem factam à suis se Uxoribus continere noluerint, ad sacrum ordinem nolumus promoveri: quia nullus debet ad altaris ministerium accedere, nisi cujus castitas ante susceptum ministerium fuerit approbata.

VII. Noluit Gregorius subdiaconos, Un 2 nos,

nos, qui usum conjugii retinuerant, illico exauctorari, sed nec ad superiores gradus conscendere permisit, & ne in posterum quisquam, nisi qui abstinentiam & castitatem promississet, subdiaconus crearetur, sancivit. Ex quo illud in primis observatum velim, institutum Romanæ Ecclesiæ de continentia & castitate Clericorum difficulter admodum fuisse admissum in aliis provinciis & territoriis. Integrum ferè elapsum erat seculum, ex quo Leo Papa primus subdiaconis continentiam imperaverat. Sanctio ista legitur in epistola ejus 84. quæ est ad Anastasium Thessalonicensem Episcopum. In Sicilia tamen Romæ tam vicinâ usque ad Gregorium M. nihil tale obtineri potuit, & coactus fuit ipse Gregorius temperare rigorem illum ab Episcopis Siculis in subdiaconos suos usurpatum. Et observat insuper Baronius ad an. 589. n. 48. non in Sicilia tantum, sed & in Hispaniâ continentiam subdiaconis minimè ante ista tempora imperatam fuisse, idque probari sibi putat, ex canone quinto Concilii Toletani eo anno habiti, quod tertium vulgò dicitur, ubi sacerdotes tantum atque diaconi absque Vxoribus caute vivere admonerentur.

VIII. Et si verò obtentâ tandem subdiaconis castitatis & continentia promissio fuit, quo jure, quâve injuriâ, nunc non disputo, etsi etiam subdiaconatus sacris ordinibus deinceps annumerari cœpit, difficulter

tamen & anno demum MXCI, ab Urbano II, permissum fuit, ut subdiaconus in Episcopum eligi posset. Nempe ad id usque tempus presbyteri tantum aut Diaconi ad Episcopatum admissi fuerunt. Cum verò tempore Urbani II, in concilio Beneventano, (cujus canones edidit Stephanus Baluzius in addit. ad Petr. de Marca de concord. sacerdot. & imp. l. 8. c. 13.) disquiretetur, an non etiam subdiaconis honor ille conferri posset, placuit Episcopis & Abbatibus cum Pontifice ibi congregatis, etiam hos admitti posse, non tamen nisi rarissime, & cum consensu superioris sive Pontificis Romani sive Metropolitanî. Verba refert Gratianus c. 4. dist. 60. quæ ita se habent: *Nullus in Episcopum eligatur, nisi in sacris ordinibus religiose vivens fuerit inventus. Sacros autem ordines, dicimus, diaconatum & presbyteratum. Hos siquidem solos primitiva legitur habuisse Ecclesia. Subdiaconos verò quia & ipsi altaribus ministrant, opportunitate exigente concedimus, si tamen spectata sint vitæ, religionis & scientiæ. Quod ipsum non sine Romani Pontificis vel cum Metropolitanî scientiâ fieri firmiter permittimus, &c.* Cum verò nihilominus post integrum ab Urbano seculum, tempore Innocentii III, adhuc dubitaretur, num subdiaconus capax honoris Episcopalis esset, Pontifex adducto hoc Urbani decreto, in eandem sententiam ivit, & decisionem suâ dubitationem omnem sustulit.

sustulit, c. p. X. de st. qual. & or. praf.

IX. Tandem verò & hoc observandum est, Fabiano Pontifici vulgo ascribi, quod fecerit septem subdiaconos, qui septem notarii imminerent, ut gesta martyrum in integrum colligerent. Atque id non tantum in libro Pontificali refertur; sed etiam ipse de se totidem verbis jactat Fabianus in *epist. 1.* Nempe Clemens Romanus Pontifex (ita fertur) certos constituit notarios, qui res à martyribus privatim aut publicè gestas describerent. Ea deinceps acta Pontifex Antherus diligenter conquisivit, & ne vel interirent, vel ab Ethnicis corrumperebantur, in Ecclesià recondidit. Hæc ita sanctè creduntur in Ecclesià Latinâ. Sed cum tota Fabiani epistola conficta sit, uti eleganter ostendit David Blondel-

lus in *Pseudodisdor. p. 286.* & Pontificale Damasi tale non sit, ut cum eo velis in tenebris micare, vix erit, ut assertum istud inter homines libertati suæ relictos fidem inveniat. Quàm depravata & corrupta, quibusque fabulis & mendaciis referta sint martyrologia, inter eruditos constat, & videri obiter poterit Johannes Dalaus de vero usu *Patr. cap. 4.* Fatetur ipse Melchior Canus *loc. Theol. lib. 11. c. 6.* Dolenter, inquit, dico potius quàm contumeliosè, multo à Laërtio severius vitas philosophorum scriptas, quàm à Christianis vitas sanctorum, longè, incorruptius & integrius. Sætonium res Caesarum exposuisse, quàm exposuerunt Catholici non res dico Imperatorum, sed martyrum, Virginum & Confessorum.

CAPVT XIX.

De Diaconissis.

- I. Duplex Diaconissa significatur. II. Ita dicta, quod nupta olim fuerit. III. Diaconissa jam in Ecclesia Apostolica constituta. IV. Testimonio Scripturæ pariter & Clementis Alexandrini Tertullianique. V. Plinius ministras appellat. *Προβόδες, ὁρναῖς, ἡδύται.* VI. Etiam servæ huic ministerio destinate. VII. Earum in Ecclesia officium, VIII. ex Epiphanio indicatur. IX. In balneis quoque ministrarunt. X. Ipsi Januarum in Ecclesia concredita suis custodia. XI. Interpretes negotiorum inter episcopum & mulieres. XII. Cæcivæ & peregre advenstantibus præsto erant. XIII. Curam agro-

Un 3

tantiam

tantium habebant. XIV. Diaconissa Constantinopolitana. XV. In consilium de rebus domesticis adhibita. XVI. Hinc atate prove-
tiores in istum lectum ordinem. XVII. Quare juniores hoc munere
fuerint exclusi? XVIII. Lex Theodosii quinquagesimum requirit
annum. XIX. Concilium Chalcedonense quadragesimum. XX. Ra-
tio diversitatis ex Nic. Rodriguez Ferosino. XXI. Qui eam ex
Græcis hausit. XXII. Aliquando nullæ virginis facta sunt diaconis-
se. XXIII. Veteres vocabula vidua virginisque promiscue usurpa-
runt. XXIV. Semel in diaconissam electa nubere prohibebatur, vi-
tam in castitate transactura. XXV. Basilii de hac re sententia. XXVI. item Patrum in Concilio Chalcedonensi, XXVII. Justiniani. Vi-
ri ουελουκτοι. XXVIII. Ratio in diaconissarum numerum acci-
piendi. Duplex Χειροθεσία, ευλογίας και καθ'ερανως. XXIX. Consecratio quoque diaconissis applicata. XXX. An Ecclesiasticis,
an Laicis personis, accensende sunt diaconissa. XXXI. Baronii πα-
ρορμα. Synodus Nicæna adserta, XXXII. & explicata. XXXIII.
Dua diaconissarum species. XXXIV. A Canonistis inter Laicos
communiter referuntur. XXXV. Propter insolentiam & majō-
rum affectationem placuit in Conciliis aliquot hunc ordinem proflus
abolere. XXXVI. Canon Concilii Arausiacani I. vigesimus sextus.
XXXVII. In occidente desinens diaconissarum ordo, regitur diu-
tius in Oriente. XXXVIII. De hereditate diaconissarum Theodosii
Constitutio. XXXIX. Cur voluerit pauperibus ex diaconissarum
testamentis nihil adquiri.

I. Diaconissæ vocabulum ambi-
guum est. Aliquando enim
significat Diaconi Uxorem, quæ &
diacona dicitur, quemadmodum E-
piscopi Uxor episcopa, & presbyte-
ri presbytera. In Concilio Turonen-
si II, c. 14. statutum legitur: Episco-
pum episcopam (h. e. conjugem, uti
patet ex can. præced.) non habentem
nulla sequatur turba mulierum, &c. Et
can. 20. Si inventus fuerit presbyter
cum suâ presbyterâ, aut diaconum cum

suâ diaconissâ, aut subdiaconum cum
suâ subdiaconissâ, annum integrum
excommunicatus habeatur. Ita & in
Concilio Antiocheno c. 21. Non
licet presbytero in uno lecto post acce-
ptam benedictionem cum presbyterâ
suâ dormire, nec in peccato carnali
misceri, nec diacono, nec subdiacono
(sc. cum suâ diaconissâ & subdiacono-
nissâ.) Taliter etiam accipitur pres-
bytera apud Gratianum c. pen. dist.
32. Et in concilio Romano I, sub
Gre-

Gregorio II, c. 1. & 2. utrumque vocabulum presbyteri & diaconi in tali significato invenitur. Aliquando autem & in significato quidem Ecclesiastico usitatus denotat feminam viduam aetate jam provectam, & in Ecclesiâ quaecunque ministerium sustinentem.

II. Secundum priorem vocis acceptionem nolumus nunc de diaconissis disquirere. Id tamen ex allegatis canonibus patet, diaconissam dici non idcirco, quod matrimonio juncta sit Diacono, sed quod juncta fuerit. Quamprimum enim diaconus ordinem suscipiebat in Ecclesiâ Latinâ sequiore, abstinere jubebatur matrimonii usu. Quam bene, supra speciali tractatione expositum est. Diaconissa igitur dicebatur, quæ nupta olim fuerat illi, qui nunc factus est diaconus, cuique post diaconatum susceptum misceri amplius carnali conjunctione prohibetur. Atque adeo in pristini matrimonii memoriam mulier talis ex presenti marito olim sui statu nomen accipiebat, ut diaconissa vocaretur, quæ tamen diaconi uxor amplius non erat, sed quasi hostis ab eo caveri debebat. d. c. pen. dist. 32. hoc unicum scilicet in solatium suum habituras, quod ex dignitate mariti noviter acquisitâ stricturam aliquam sibi communicatam sentiret, quodque exinde inter mulieres prærogativam aliquam & æquales jus jactare pos-

set. Conf. Baron. ad ann. 34. num. 289.

III. Potius est, ut in posteriore, vocis significato, qui secundum Ecclesiæ instituta proprius magis est & usitator, rem aggrediamur. Ubi ante omnia circa originem observandum venit, antiquissimam eam esse, & diaconissas in ipsâ Ecclesiâ Apostolicâ jam tum fuisse constitutas. Paulus in epist. ad Rom. cap. XVI, 1. Phœben mulierem ex tali ministerio commendat. Commendo, inquit, vobis Phœben sororem nostram, quæ est in ministerio Ecclesiæ, quæ est in Cenchreis. Cenchreæ Corinthiis parebant. Dicebatur ita prorsus eorum & sita in eo civitas ad sinum Sarranicum. Vid. Strabo, Pausanias & alii. Phœbe igitur, quæ Ecclesiasticum illic loci officium gerebat, *Μενοεισα* dicitur Paulo. Origenes ita commentatur: Hic locus Apostolicâ autoritate docet, etiam feminas in ministerio Ecclesiæ constitui. Et paulo post: Locus hic duo pariter docet, & feminas in Ecclesiâ ministerio constitui, sive ministras in Ecclesiâ haberi, & tales in ministerium adsumi debere, quæ adfuerint multis, & per bona officia ad eam usque laudem meruerint pervenire, quæ religiosam Phœben Apostolus profequitur. Eò referunt nonnulli, quod idem Paulus ait 1. Timoth. V, 9. Vidua eligatur non minus sexaginta annorum, quæ fuerit unus Viri uxor, in operibus bonis

niste testimonium habens, si filios educavit, si hospitio recepit si sanctorum pedes lavit, si tribulationem patientibus subministravit, si omne opus bonum subsecutus est.

IV. De hoc Apostolorum instituto ita loquitur Clemens Alexandrinus lib. 3. Strom. Paulus quidem, certe non veretur in quâdam epistolâ suam appellare conjugem, quam non circumferebat quod non magno ei esset opus ministerio. Dicit itaq; in quâdam epistolâ: Non habemus potestatem sororem mulierem circumducendi, sicut & reliqui Apostoli: Sed hi quidem, ut eut consentaneum, ministerio, quod divelli non poterat, predicationi scilicet attendentes, non ut uxores: sed ut sorores circumducebant mulieres, quæ una ministratura essent apud mulieres, quæ domos custodiebant, per quas etiâ in gynaceum absq; ullâ reprehensione, malave suspitione, ingredi posset doctrina Domini. Et Tertullianus lib. 1. ad Uxor. c. 7. Quantum detrahant fidei, quantum obstreperant sanctitati nuptia secunda, disciplina Ecclesiæ & præscriptio Apostoli declarat, cum digamos non finit præsideret, cum viduam adlegi in ordinem, nisi univirum, non concedit.

V. Plinius in relatione ad Trajanum lib. 10. epist. 97. ministros eos vocat: Quo magis, inquit, necessarium credidi, ex duabus ancillis, quæ ministra dicebantur, quid esset veri & per tormenta querere. Concilium Laodicenum can. 11. eas vocat πρεσβυ-

ιδας, h. e. viduas seniores. Hoc tamen vocabulum non omnibus diaconissis tributum fuisse, sed illis tantum, qui essent γράμματα, vetulae, colligi potest ex verbis Epiphaniî hares. 79. ubi & πρεσβυιδας atque πρεσβυιδας distingvit. Παράτηρίον ἦ, inquit, ὅτι ἀρεῖ ἀλεκτοισσῶν μόνον τὸ ἐκκλησιαστικὸν ἐπιθεῖν ἔγωγμα, χήρας τε ὠνόμασεν, ἡ τῶν τῶν ἐν χήρασι πρεσβυιδας, ἡ δαμῦ ἦ πρεσβυιδας, ἡ ἱεροσας προστάξι. Observandum est diaconissis Ecclesiasticum ordinem indignis se, quas etiam viduas nominavit, & ex his adhuc etate provectiores sive ancillas, πρεσβυιδας, nusquam autem presbyteras aut sacrificulas constituit. Eadem in dicto canone Laodiceno vocantur πρεσβυιδας, quod certam sedem haberent in Ecclesiâ, non longè fortè à templi foribus, uti infra dicitur.

VI. Ex adducto Plinii loco etiam id patet, non liberas tantum personas, sed servas etiam & ancillas huic ministerio destinatas fuisse, quia scilicet in regno Christi differentia inter servum & liberum nulla est, Coloss. III, 11. cum in uno Spiritu & in unum corpus omnes baptizati sint, servi, sive liberi, 1. Cor. XII, 13. Etsi autem jure Romano quæstionem in criminalibus de servis contra dominos habere regulariter non liceat, nisi in certis casibus, l. 1. C. de quæst. quia id indignum videtur esse, & Domini morte

morte ipsâ tristius, ut loquitur Cicerone *orat. pro Milone*, sive ut habet Theophilus, quia *Φύσει ὁ δῦλός ἐ δεικνύται πολέμιός*, nec oportet in rebus dubiis salutem dominorum, fervorum arbitrio committi. Jct. Paulus *lib. 5. sent. tit. 16.* servum tamen universitatis sive corporis in caput civium aut singulorum, qui sunt de illo corpore, torqueri posse, scribit Ulpianus in *l. 1. §. 7. ff. de quest.* Habuit igitur Plinius ejusmodi diaconissas pro ancillis totius corporis sive Ecclesiæ Christianæ, causamque Christianorum pro tali, in quâ quæstio optimo jure adhiberi posset. Cumque Jctorum regula hæc sit, incipiendam esse quæstionem ab eo, à quo facillimè sciri verum iudex crediderit *l. 1. §. 2. ff. de quest.* aut ab eo qui timidior est vel teneræ ætatis videtur. *l. 18. pr. ff. cod.* putavit Plinius, per sexum infirmioreni facilius prodipi posse, quod subesse credebatur, crimen, & sic ancillas istas quæstioni subjecit. Quid verò exquisiverit, quid invenerit, sequentia ejus verba docent, quæ legi possunt.

VII. Ministerium ipsum & officium diaconissarum non videtur, fuisse unusmodi. Qvale autem fuerit, omnibus ferè hodie ignotum est, inquit Matthæus Blastares in *synag. lit. Γ. cap. 11.* In Concilio Carthaginiensi IV. *can. 12.* hoc illis conceditum fuit munus, ut mulieres baptizandas instruerent atque docerent, quid responderi debeat baptizatori,

quæve ratione post baptismum vitam instituenda sit. *Vidue vel sanctimoniales*, quæ ad ministerium baptizandarum mulierum eliguntur, tam instructæ sint ad officium, ut possint apte & sano sermone docere imperitas & rusticas mulieres tempore, quo baptizande sunt, qualiter baptizatori interrogatæ respondeant, & qualiter accepto baptismo vivant. Id munus in Orientali potissimum Ecclesiâ viguisse ab Hieronymo discimus, qui in *epist. ad Rom. cap. 16.* ita scribit: Sicut etiam nunc in Orientalibus diaconissæ mulieres in suo sexu ministrare videntur in baptismo & ministerio verbi: quia privatim docuisse feminas invenimus, sicut Priscillam, cujus Vir Aquila vocabatur. Idigitur, quod in orientali receptum erat Ecclesiâ, in suâ etiam, quæ ad occidentalem spectabat, ipso eo, quo Hieronymus florebat, tempore recipi voluit Ecclesia Africana.

VIII. Aliud earum officium commemorat Epiphanius *d. 1.* quando ait: Ministerium quidem diaconissarum appellatarum ordo est in Ecclesiâ, sed non ad sacrificandum, neque ut quicquam aggredi permittantur, verum reverentia gentiæ muliebris generis, aut propter horam balnei, aut visitationis affectionis, aut laboris (in Græco est, ἡ δὲ ὡρὴν λουτρῶν, ἡ ἰατρικῆς καὶ θύρας, quando scilicet propter morbum corpus inspiciendum est, ἡ πόσις) Et quando nudatum fuit corpus mulieris, ut ne à Viris sacrificantibus conspiciatur, sed à ministrante mu-

liere, cui præcipitur à Sacerdote, ut curam gerat ad tempus indigentis mulieris in tempore denudationis corporis ipsius, ita ut ordo bona discipline & Ecclesiastica bona constitutionis, valde scientificè munitus sit, in mensurâ regule. Si rectè percipio mentem Epiphani, videtur ille digitum intendisse ad ritum veteris Ecclesiæ, quo denudari oportuit corpora baptizandorum: Exuebant enim illi vestimenta, & nudi in lacum sive fontem eo sine constructum descende-
bant, ibique toti aquis mergebantur, & quidem ter mergebantur, & ter emergebant, & tandem è lacu adscendebant. Cum igitur mulieres ante baptismum essent lavandæ, ungendæ, (unctos enim fuisse baptizandos à summis capillis ad ima docet Cyrillus Hierosolymitanus *carechysmytagogicâ* 2.. Et primam quidem unctionem, quæ in fronte fit à diacono, reliquas à diaconissâ perficere debere dicitur in *constitut. Apostol. l. 3. c. 15.*) immergendæ, ne sacerdoti oculi læderentur, præsto aderant hæ viduæ, quæ iis omnibus manum admovebant. Et tum demum, quando ita præparatæ erant mulieres, quæ ratione masculi etiam à diaconis præparabantur conferri à sacerdote solebat baptismus. Et hoc est, quod dicit Justinianus Imp. *novell. 6. c. 6.* debere diaconissas ad sacrum venire ministerium & adorandis ministrare baptismatibus, & aliis adesse secretis, quæ in venerabilibus

ministeriis per eas ritè aguntur.

IX. Ex eodem Epiphani loco discimus, non in rebus sacris tantum & religionis ritibus operam suam præstitisse itas diaconissas, sed etiam in rebus domesticis, videlicet in balneo, aut quando propter morbum aliquem corpus vel inspiciendum vel curandum fuerit. Quod idem repetit Epiphanius in *compend. doctrin. de fid. Eccles. Sed & Diaconisse constituuntur in ministerium mulierum solum, propter reverentiam, si opus fuerit balnei gratiæ, aut visitationis & inspectionis corporum.* Quod de balneis ait, id non de voluptuariis illis intelligendum est, quæ inter delicias & luxus instrumenta commemorari à bonis autoribus solent, quibusve vix adhibet ejusmodi mulieres ab honestâ conversatione & vitæ integritate conspicuæ, sed de *ἡγία καὶ ἁγία λουτρῶν ἐνίκαι*, si balneum necessarium fuerit, fortè propter affectum & constitutionem corporis, cui medendo necessarium erat ministerium forminarum, atque illarum potissimum, quæ autoritate publicâ ad id munus destinatæ erant.

X. In Ecclesiis ipsis & cœtu fidelium hoc fuit earum officium, uti commentatur Zonaras *ad can. 11. Concilii Laodicensi*, edoctus ita, ni fallor, ab autore Constitutionum Apostolicarum *lib. 2. cap. 57.* quod ingredientibus in Ecclesiam feminis, veluti magisterio quodam fungentes, præessent, ac suo quamque ordine,

dine ritè consistere juberent, & quo
quamque loco quove modo unicui-
que standum esset, docerent. In
quem finem sine dubio januarum,
quâ mulieres Ecclesiam ingredie-
bantur, custodia concredita erat, si
credendum Constitutionibus Apo-
stolicis lib. 8. cap. 28. ubi dicitur:
Diaconissa non benedicat, neq. faciat a-
liquideorum, qvæ presbyteri aut dia-
conifaciunt, nisi qvòd januas custodit,
& presbyteris ministrat, cum mulieres
baptizantur, idq. propter decorum &
honestatem. Repetitur in jure Græ-
co-Romano in schol. ad tit. 4. sect. 2.
Epir. S. can. Eodem pertinent ver-
ba epistolæ ad Antiochenos Ignatio
perperam adscriptæ: ἡρώδης καὶ
φρῆνός τῶν ἀγίων φυλάκων, τὰς ἐν
χαίρῃ διακόνους. Saluto custodes san-
ctarum portarum diaconissas, qvæ sunt
in Christo. Ad quem locum videri
poterunt, qvæ notat Jacobus Uffe-
rius Archiepiscopus Armachanus
pag. 109. Et sub tali schemate com-
parat eas Claudius Espencæus Theo-
logus Parisiensis lib. 1. digress. cap. 17.
mulieribus in ostio tabernaculi ex-
cubantibus, de quibus agitur Exod.
XXXIII, 8.

XI. Porro, si qua mulier alia cum
Episcopo, aut vice versâ Episcopus
cum muliere negocium haberet, in-
terpretes erant hæ diaconissæ, suam-
que tum operam interponebant, ne
quid suspecti ex tractatibus istis ab
vulgo colligeretur. Sic enim loqui-
tur autor Constitutionum Apostoli-

carum lib. 3. cap. 15. *Eliges qvq. dia-*
conissam fidelem & sanctam ad mini-
strandum mulieribus. Evnire enim so-
let aliquando in quibusdam domibus,
ut non possis propter infideles mittere
diaconum ad mulieres, mittere verò
possis diaconissam propter cogitationes
improbiorum, ad multa enim indigemus
diaconissas, &c. Et lib. 2. c. 26. Dia-
conissam honorate, ut representet vobis
Spiritum S. nihilve ea agat aut loquat-
ur absq. diacono, sicut neq. Spiritus S.
quicquam privatim agit aut loquitur;
quin potius ad honorem Christi volun-
tatem ejus spectat, & ut non contingit
credere in Christum sine doctrinâ Spi-
ritus S. Sic ad Diaconum aut Episco-
pum nulla mulier sine diaconissa acce-
dat, &c. Hæc tamen comparatio vix
est, ut tolerari queat. Nec infrequens
est isti autori, plurimas tales ineptias
ex ingenio suo comminisci, easq. su-
ppositio suo operi subinde inferere.

XII. Præstabant verò diaconissæ
etiam alia charitatis officia, erga ca-
ptivos, peregrè advenientes, ægro-
tantes, aliosqve, quibus ope & con-
silio succurrebant. De captivis cele-
bre est testimonium Luciani, homi-
nis blasphemæ & omnium religionû
acerrimi contemtoris, in disserta-
tione, quam de morte Peregrini con-
scripsit. Peregrinus ille Philosophus
Christianam religionem aliquandiu
secutus & ob eam in carcerem con-
jectus fuerat. Id cum retulisset Lu-
cianus ita pergit: *Christiani hanc rem*
graviter & indignè ferentes nullam

non impendebant operam & planè movebant omnia tentantes si quo modo illum furtim possint eripere. Deinde animadvertentes hunc conatum frustra esse nihil tamen ex altero, quo captivus egebat, obsequio intermittebant, verum omnia cum magnâ fide & diligentia præstabant. Ac manè quidem illicò videre erat iuxta carcerem præstolantes anus viduas quaspiam, ἡγεῖα τινὰς. --- Exin omnis generis cana inferebantur varia, ac sacri inter sese sermones dicebantur, &c. Vidua illa sine dubio erat diaconissa. Quemadmodum enim inter alia officia diaconis etiam hæc cura incubuit, ut captivis præsto essent, suamque operam addicerent: ita etiam diaconissas similem curâ in se suscepisse certum est, nec dubito, minore cum periculo diaconissas munus illud expedire potuisse, quam diaconos ipsos, quibus maxima sæpè tempestas imminuit.

XIII. De ægrotantibus & infirmis, ut per diaconissas observati fuerint, unicum nobis sufficit testimonium Hieronymi *ad Nepotianum*.: *Quod si huiusmodi non fuerint consanguinitatis, castimonieque persona, multas anus nutrit Ecclesia, quæ & officium præbeant, & beneficium accipiant ministrando (ægrotanti) ut infirmas quoque tua fructum habeat elemosyna.* Certè ad curam ægrotantium illi potissimum adhibendi sunt, qui medicorum præcepta & ordines exequi velint & possint, docetque u-

sus & experientia, mulieres admodum idoneas in eam rem esse. Thomas Actius *de infirm.* part. 1. cap. 46. n. 7. Inde nosocomia ante penitus ignota Christianorum Pontificum rogatione à principibus fundari & constitui cœperunt, uti patet ex *tit. C. de Episc. & Cler.* in iisque vel mulieres curandis ægrotis destinatae, vel parabolani, ita dicti, quod neglecto omni periculo suæque salutis immemores infirmis curandis operam navarent. l. 17. & 18. *C. de Episc. & Cler.* Jacob. Gothofred. *ad l. 42. C. Theod. de Episc.* Alciat. l. 4. *disposit.* c. 9.

XIV. Ab hospitalitate Chrysostomus valdè commendat Olympiadem mulierem, nomine, generis splendore, opibus, multarum disciplinarum peritiâ, ingeniique dexterritate insigniter ornatam, quod, cum menses circiter viginti in matrimonio vixisset, incorrupto deinceps pudore vidua & in ætatis adhuc flore consistens, nuptias iteratas spreverit, & in religiosæ vitæ exercitio tantum promoverit, ut digna judicaretur, quæ in Ecclesiæ Constantinopolitanæ diaconissam ordinaretur. *Eam, ait, non se tantum, sed & quosque Constantinopolin venissent, Episcopos, monachos, sanctos patres & viros religiosos hospitio excepto apprehensâ dexterâ liberaliter atque benignè tractasse.* In jam dictæ Civitatis Diaconissarum numerum relatas tum fuisse Proculam, Pentadiam, Sylvanam, honestas mulieres, Consulari gene-

re prognatas, illustrium Virorum vi-
duas commemorant, qui vitam Chry-
sostomi scripserunt, easque ajunt à
Viro sancto jamjam in exilium abi-
turo, in baptisterium vocatas, & ne
qua illarum ab consuetà suà in Dei
Ecclesiam benevolentia deflisteret.,
multis cum precibus admonitas fuisse.
Fuit & Nicareta Virgo, quæ si-
milis charitatis officia plenà manu
præstabat, quanquam illa in diaconi-
ssarum numero non esset, nec ut
honorem istius nominis susciperet,
perfvaderi à Chrysostomo posset.

XV. Fuérunt insuper tales dia-
conissæ adhibitæ sæpè in consilia, ut
sententiam suam in rebus ad priva-
tam cuiusque vitam pertinentibus
exponerent, inprimis si de matrimo-
nio ineundo negotium esset, ne
qua temerè Viro jungeretur, quem
fugere debuisset. Ejus rei vestigium
invenisse se putat Gabriel Albaspin-
xus lib. 1. observat. 24. in verbis
Tertulliani ex lib. de monogamia c. 11.
*Ut igitur in Domino nubes secundum
legem & Apostolum, (scilicet tamen vel hoc
curas) qualis es id matrimonium po-
stulans, quod eis à quibus postulas, non
licet habere, ab Episcopo monogamo, à
presbyteris & diaconis ejusdem Sacra-
menti, à Viduis, quarum scilicet in te
recusasti.* Hac verba non malè ex-
plicat Albaspinxus, quod petere ma-
ritum à Vidua nihil aliud sit, quam ei
nubendi consilium exponere, cum-
que eà de futuri Conjugis moribus,
& vivendi consuetudine communi-

care, ut si honesti & à Christiana fi-
de minimè alieni viderentur, salvà
religione, & majore cum fiducia nu-
bere possent.

XVI. Talibus officiis, muneribus
atque consiliis cum adhibitæ fuerint
diaconissæ, id maximè cavebant san-
cti *regulæ*, ut in ordinem eum
reciperent fœminas non nisi ætate
profectiores. Paulus Apostolus
1. Tim. V. 9. præcipit, non aliam ad-
mitti debere, quam quæ sexagesi-
mum ætatis annum attigit aut potius
excessit: *Vidua*, inquit, *eligatur non
minor annis sexaginta.* Idque præce-
ptum diu ita observatum fuit, ut
præcisè exactam atque expletam eam
ætatem requirerent. Nulla, inquit
Theodosius Imp. in l. 27. C. Tb. de E-
pisc. nisi emensis sexaginta annis ad
diaconissarum consortium transferen-
tur. Putarunt nempe, facilem dein-
ceps dispensationi futurum esse lo-
cū, & innumeras exceptiones exco-
gitatum iri, si vel tantillum remitte-
tur de tempore præscripto. Ætatis
hujus sexagenariæ etiam mentionem
facit Tertullianus lib. de veland. virg.
c. 9. loquens de viduis: *Ad quam se-
dem præter annos sexaginta non tan-
tūm univira i. e. nupta aliquando eli-
guntur, sed & matres, & quidem e-
ducatrices filiorum, &c.* Et Basilus M.
episc. 2. ad Amphilocheum, can. 24. *Vi-
dua sexaginta annos nata, si rursus cum
Viro habitare voluerit, boni commu-
nionis non dignabitur (h. e. excommu-
nicetur) donec ab impunitatis pertur-
batione*

batione cessaverit. Sed si ante sexaginta annos eam in numerum retulerimus nostra est, non mulieris culpa, (quia scilicet Apostolicam constitutionem transgressi sumus.) Et Hieronymus lib. 2. comment. in Es. Non ecclesiasticis sustentatur vidua alimentis, nisi quæ sexaginta annorum est, & maturitatem habet morum pariter & amatis.

XVII. Quid ergo? inquit Chrysostomus in 1. Tim. V. homil. 14. Num illam annorum metimur numero? At id cuius meriti est? Neg, enim in ipsa est, sexagesimum impleffe annum. Non igitur sola ætas inspicienda est, imò si sexagenaria quovis sit major, & bonis operibus careat, eligenda non est. Quid igitur tantâ diligentia designat aetatem? Causam postea ponit, non à se ipso, sed à Viduis ipsis inveltam, &c. Sequitur enim apud Apostolum, juniores Viduas ad ministerium hoc Ecclesiasticum idèd non admittendas esse, quoniam propter ætatis levitatem, excusso tandem onere sibi imposito, de repetendo potius matrimonio cogitant, quo fit, ut ministerium deserant, cui se obstrinxerant. Rectè autem notat Chrysostomus solam ætatem sexagenariam non sufficere, ut in numerum diaconissarum aliqua referatur, sed requiri insuper alias virtutes, quas latius ipse ex suggestione Apostoli exponit.

XVIII. Legem Theodosii supra memoratam refert Justinianus in l. 9. Cod. de Episc. & cler. sed in annorum numero valdè depravatam &

corruptam. Quinquaginta enim tantum ætatis annos exigit ad ejusmodi munus sustinendum, & quidem inconsideratè admodum secundum præceptum Apostoli, cum sexaginta requisiverit Apostolus. Plerique tamen Interpretes omnes errorem, hunc per librariorum incuriam commissum agnoscunt. Quandoquidem & Photius in nomocanone tit. 1. cap. 28. correctâ adhuc editione usus fuit, dum ait: *Constitutio nona tituli primi libri primi Codicis non concedit diaconissam fieri, quæ sexagesimum annum non superavit.* Et testatur Ludovicus Russardus, in tribus manuscriptis exemplaribus invenisse se genuinam lectionem, quæ etiam in Codice Theodosiano retenta est. Vitiolior adhuc est editio Parisiensis, quam anno MDXVI Andreas Boucardus publicæ luci exposuit, textumque hunc valdè obscurum aut ambiguum reddidit, dum numerum annorum alternativè conceptum voluit, hoc modo: *Nulla nisi emensis quinquaginta vel sexaginta annis secundum præceptum Apostoli ad diaconissarum consortium transferatur.*

XIX. Ab hoc tamen jure, quod sexaginta annos præscripsit, deinceps recessum fuit. In concilio enim Chalcedonensi quadragesimus annus, ut terminus à quo, constitutus fuit, can. 14. *Diaconissam mulierem, ante quadragesimum annum non ordinari, & eam accuratè probatione.* Refertur à Gratiano c. diaconissam.

27. q. 1. Similiter in Concilio Qvinto sexto *can. 14.* constitutum fuit, ne diaconissa ante quadraginta annos ordinetur. Medio vero, quod utrumque hoc Concilium intercessit, tempore Justinianus Imperator diversimodè legem posuit. Modo enim, quinquagesimum annum definitum voluit, uti factum *per Novell. 6. c. 6.* in quâ tamen falso divinas regulas, quas sequi se profitetur, jactitat, modo ad quadraginta annos habilitatem diaconissarum restrinxit, uti videre licet ex *novell. 123. c. 13.* Diaconissam verò non ordinari in sanctâ Ecclesiâ; quâ minor est annorum quadraginta aut ad secundas venerit nuptias. Verosimile mihi videtur, in parvis quibusdam Ecclesiis aliquando propter defectum sexagenariarum, minores ætate ad ejusmodi munus promotas, & ex dispensatione illâ legem deinceps factam fuisse.

XX. Rationem diversitatis aliam post alios tradit Nicolaus Rodriguez Fermosinus *ad rubr. de offic. Archidiacon. qvæst. 1. n. 73.* tempus nempe quadraginta annorum virginibus, alterum viduis deligendis statutum fuisse; has enim propter experientiam voluptatis & exercitium rei Veneræ olim consuetum majori indiguisse examine & longiori probatione. Verum unde Fermosinus cum sociennis suis id habeat, nullibi exponit. Etsi enim concedendum sit, etiam Virgines in ordinem diaconissarum lectas & receptas fuisse ali-

quando, quod tamen ubique non obtinuit, non arbitror tamen, ex verbis vel canonum vel legum, differentiam hanc, quam fingunt, elici posse. Imò verò dum indefinitè loquuntur Patres & Imperatores, nec inter subiecta distinctionem faciunt, nolim ego limitare, aut restringere, quod illi universaliter assertum voluerunt.

XXI. Eam distinctionem, nâ fallor, primi commenti sunt Græci. Qværit nempe & objectionem sibi movet Johannes Zonaras *ad can. Chalcedonens. 15.* cur Paulo sexaginta annos præscribente, 40. annos natam mulierem ordini diaconissarum adscribi licere Synodus constituerit? Et respondet: Dicunt, Apostolum quidem de viduis, Synodum autem de virginibus statuisse. Nam quæ se ad quadraginta annos integram incorruptamque conservavit, nec ullam ex virili commercio voluptatis partem degustaverit, postea diaconatus quoque, honore & gratiâ auctam, animum ad nuptias incendere, & ejus vita cupiditate, cuius nullum antea usum habuit, accendi non ita facile est. At vidua, quippe in cubile Viri olim deducta, voluptatumque, illecebris delinita, erit ad libidinem proclivior. — Viduam igitur, quod libidini longè proclivior sit, quàm Virgo, ætate proveciorem eligi oportere, magnus Apostolus censuit, &c. Hæc Zonaras libramentum quasi faciens inter libidinis æstus Virginum & Viduarum præcordia.

in.

infestantes. Idem docet Mathæus Blastares, in *Synagm. alphab. lit. r. cap. 11.* Atque id in scholas suas transplantarunt Canonistæ, morum scilicet atque affectuum arbitri & moderatores experientissimi. Qui tamen doceri poterant ab Hieronymo *lib. de vitando suspecto contub. libidinem in virginibus majorem famem pati, dum dulcius esse putant, quod nesciunt.*

XXII. Fuit enim verò tempus, quo nullæ in ordinem diaconissarum receptæ fuerunt Virgines. Idque non ex Apostoli tantum instituto patet, qui Viduam, unius Viri olim uxorem, eligendam præcipit, sed etiam ex loco Tertulliani supra allegato, quem his verbis continuat: *Ad quam sedem præter annos sexagimum, non tantum univira, id est, nupta aliquando eliguntur, sed & matres, & quidem educatrices filiorum, scilicet, ut experimentis omnium affectuum, struente, facile norint ceteras & consilio & solatio juvare, & ut nihilominus ea decurrerint, per quæ femina probari potest, adeò nihil virgini ad bonorem de loco permixtum est. Reprehenditque in verbis antecedentibus Episcopum, quod virginem juvenulam diaconissam fecisset: Scio, inquit, alicubi virginem in viduatu ab annis nondum viginti collocatam, cui si quid refrigerii debuerat Episcopus, aliter utique, salvo respectu disciplina præstare potuisset, ne tale nunc miraculum, ne dixerim, monstrum, in Ecclesiâ de-*

taretur: virgo vidua, hoc quidem portentuosior, quod nec quæ vidua caput texit, utrumque se negans, & virginem quæ vidua deputetur, & viduam quæ virgo dicatur. Epiphanius tamen ætate etiã Virgines in tale consortiū venisse, probant verba ejus in compend. doctr. de fid. Eccles. Sed & diaconisse, inquit, constituuntur in ministerium mulierum solum, propter reverentiam, si opus fuerit, balnei gratiã, aut visitationis & inspectionis corporum. Et ipsa sint etiam, quæ in unius nuptiis continenter se habuerunt, aut ab unius nuptiis viduitatem servarint, aut semper virgines sint. Et ad hæc seqviora tempora refero, quod in Constitutionibus Apostolicis lib. 6. c. 17. legitur: Diaconissa verò eligatur Virgo pudica: Sin autem non fuerit virgo, sit saltem vidua quæ uni nupsit, & fidelis atque bonorum sit. Nec enim satis constat, quo tempore Constitutiones istæ cõpilatæ fuerint, cum aliæ eas ad exitum sæculi secundi, aliæ ad sæculum tertium, quintum & sextum referat, ut alibi docui.

XIII. Cavendum verò etiam hoc est, ne in lectione Veterum Scriptorum vocabulis viduæ & virginis promiscuè sæpè usitatis decipiamur. Ignatius in *epist. ad Smyrnaeos* salutare jubet τὰς παρθένους τὰς ὁρφανὰς καὶ χήρας, virgines vocatas viduas. Et Clemens Alexandrinus *lib. 7. Strom. i. c. 12.* inquit, ὡς οὐ παρθένος αὐτὴς παρθένος. Vidua per continentiam rursus virgo. Sic & viduam non solum eam quæ aliquan-

do nupta fuisset, sed eam quoq; mulierem, quæ Virum non habuisset, appellari, ait Labeo *Jctus in l. 242. ff. §. 3. de V. S.* Eodem modo & virgo apud Virgilium *6. Ecl.* Palsiphae appellatur, quæ jam trium liberum mater fuerat. Et Terentius in *Adelph. act. 4. scen. 6.* mulierem post partum virginem vocat. Conf. Taubman, *ad Plant. Cistellar. act. 2. scen. 3. p. 385. & ad Strich. act. 1. scen. 2. pag. 1053.* Olim tamen viduam propriè dictam, non aliam in diaconissarum numerum lectâ fuisse Tertulliani locus supra allegatus ostendit, ubi exfertè dicit, non nuptas tantum, h. e. quæ nuptæ aliquando fuerunt, eligi debere, *sed & matres, & quidem educatrices filiorum.* Quod de virginibus dici nequit. Ad eundem modum etiam Theodosius constitutione supra adductâ, viduam, cui *votiva domi proles sit*, eligere jubet. Planè ad mentem Apostoli, qui inquirere vult, *si in minoribus* quov, utrû liberos educaverit. Ideò scil. quod specimen beneficentiæ, quæ potissima harum mulierum virtus est, in suis jam ediderit, & simili etiam erga alios affectu propensa censeatur.

XXIV. Cæteras diaconissarum virtutes, quibus se habiles ad ejusmodi officium reddiderint, lubens nunc prætereo. Videri de illis poterunt Claudius Espencæus & alii qui in Epistolam Pauli ad Timotheum commentarios ediderunt, tum & ex Jctis nostris Jacobus Gothofredus *ad septè distam l. 27. C. Theod. de Episc. & Cler.*

Id tamen omitti non debet, quod, ubi semel in diaconissarum ordinem recepta aliquæ fuisset, matrimonio deinceps jungi amplius non potuerit. Cujus rei præcipua ratio videtur ista, quod indigna crederetur nupta, quæ ex facultatib; Ecclesiæ aleretur. Atq; idcirco sexagenariæ eligebantur, quod libidinis flammæ in illis extinctæ crederentur. Quoniam tamen etiam juniores quandoq; in ordinem istum cooptabantur, difficile erat, continentiam his ita imperare, ut nō aliquæ subinde secundas nuptias appetere. Et quia fieri poterat, ut etiam sexagenariæ aliquando libidinis æstu percitæ ad secunda vota adspirarent, prohibitione opus erat, & eâ quidem poenali, sed majore, uti arbitror, & graviore, indictâ poenâ, quam pro ratione culpæ.

XXV. Basiliius M. in *epist. ad Amphilo- chium 2. can. 24.* rem ita definit: *Viduam, quæ in viduarum numerum recepta est, h. e. quæ ab Ecclesiâ in diaconatum suscepta est, censuit Apostolus nubentem esse despiciendam* (h. e. ut Zonaras explicat, non esse amplius ex Ecclesiæ redditibus alendam; at Apostolus, dum ait: *juniores viduas devota*, non agit de illis, quæ collegio viduarum adscriptæ jam erant, sed prohibet, ne juniores ejusmodi viduæ in numerum diaconissarum recipiantur.) -- Porro *Vidua sexaginta annos nata, si rursus cum Viro habitare voluerit, boni communione non dignabitur, donec ab impuris atq; perturbati-*

sione cessaverit. Sed si ante sexaginta annos eam in numerum retulerimus, nostra est non mulieris culpa: Veniā eam dignam putat Basilius, quā cum nondum sexaginta annos nata esset, diaconissa creata fuit, propterea, quod qui eam elegerunt, legem Apostolicam sexaginta annos præscribentem neglexerint, & sic ipsi potius poena digni fuerint. Sexagenarias verò, & quæ ætate eam excederunt, si matrimonio junctæ fuerint, à communione segregandas censuit, donec ab impuritatis perturbatione cessaverint, h. e. donec à viro sibi juncto discesserint, cum quo non nisi impura potuit esse conjunctio.

XXVI. Severiores adhuc fuerunt Patres in Concilio Chalcedonensi, qui can. 15. hunc in modum decreverunt: *Diaconissam mulierē ante quadagesimum annum non ordinari, & eam cum accuratā probatione. Si verò acceptā manuum impositione aliquanto tempore in ministerio permanserit, & postea se ipsam nuptiis tradiderit, Deignitia injuriam faciens, illa anathematizetur cum eo, qui ei conjunctus est.* Dum juniores in numerum diaconissarum per hunc canonem admittæ fuerunt viduæ, quas κατὰ ἑξῆς viὰν, lascivire scribit Apostolus 1. Tim. 5. 11. durum utiq; est, matrimonio ita eas prohibere, ut cum maritis suis, quibus contra prohibitionem deinceps nupserint, excommunicationis vinculo teantur. Nec verò accurata probatio, quam præcedere volunt

Patres Chalcedonenses, quicquid facit, cum ἐξ ἑῶν ille, de quo loquitur Apostolus exferere se poterit, tum demum, cum viduæ illæ ex bonis Ecclesiæ, quibus alebantur, benè saginatae fuerint, sumta metaphora à jumentis, quæ benè saginata ferocunt, & ruptis aut avulsis habenis quaquaversum vagantur. Ideo prohibet, ne adolescentiores ejusmodi viduæ ad capeffendam Ecclesiæ beneficentiam admittantur, quod metuendum sit, ne in vegeto corpore desidia ardor; sanguinis nullo labore edomiti, libidinem accendat. Et has utiq; veniā dignas censuit Basilius Magnus. Caterum an votum perpetuæ castitatis nuncupaverint istæ tales diaconissæ, & quid sit illud, quod dicit Paulus, juniores viduas, si violatā promissione suâ nubserint, damnationē incidere, quod primam illam fidem irritam fecerint, enucleatè tradit Chemnitius in ex. an. concil. Trid. sess. 8. part. 3. p. m. 479. seq.

XXVII. Justinianus Imp. in novell. 123. c. 30. omnem etiam suspicionis causam evitari à diaconissis jubet, quæ oriri posset ex conversatione Virorum. *Diaconissam, inquit, nullo modo cum viro, ex quo potest inhonestæ vitæ emergere suspicio, habere permittimus. Si verò hac non observas, sacerdos, sub quo subjacet, admoneat eam, ut omnibus modis talem Virum episcopi & suâ domo. Si verò hoc dissulerit agere, Ecclesiastico ministerio & proprio emolumento is alienato monasterio tradatur.*

Sibi omni sue vite tempore degat, &c. Videtur diaconissæ aliquæ tum temporis habuisse Viros *συνεστώτες*, qui quales fuerint, supra exposui. Et hos quidem prohibet Justinianus *b. l.* & diaconissas contumaces removeri atque in monasterium trudi debere decernit. Quæ pœna tum temporis mulierum quasi propria & frequentissima fuit.

XXVIII. Sequitur, ut videamus, quâ ratione mulier electa in diaconissarum consortium recepta fuerit. Factum autem id sine dubio cum solennitate aliquâ, ut alii actus omnes præstantiores, sive civiles, sive Ecclesiastici. Plurima in hanc rem testimonia ordinationis vocabulo utuntur. Tertullianus in exhortat. ad castitat. Quante igitur & quæ in Ecclesiis ordinari in Ecclesiâ solent. Et lib. 1. ad Vxor. c. 7. Disciplina Ecclesiæ digamos non sinit presidere & viduam allegi in ordinationem nisi univinum non concedit. Græci vocabulis *χειρονομία* & *χειροθεσία* utuntur, uti videre licet *can. 19.* Concilii Niceni I, & *can. 15.* Concilii Chalcedonenfis, it. in novelis Justiniani, *b. c. 6. & 123. c. 13.* Sed observandum *χειροθεσία* vocabulum (quod ordinationem denotat. *χειρονομία* enim ad electionis actum propriè pertinet, quod electiones olim protensis manibus fierent) dupliciter acceptū fuisse, nec semper consecrationem significasse. Duplex n. olim fuit *χειροθεσία*, *ἐκλογίας* videlicet, & *χειρονομίας* seu *καθολογίας*. Hæc

propriè ordinationi aut consecratio dicebatur, & adhibebatur, quoties Episcopus aut presbyter ministerio Ecclesiastico destinabatur; illa verò, et si eadem impositionis manuum ceremoniâ fieret, id tamen non conferebat, quod prior ista. Adhibebatur, enim etiam lapsis, pœnitentibus & redeuntibus ab hæreticis ad Ecclesiam, item baptizatis, & aliis. Vid. Christoph. Justell. in not. ad cod. can. Eccles. univ. p. 155. & conf. Ivo Carnot. *epist. 41.*

XXIX. Evolenti tamen mihi veterum placita videtur aliquando invaluisse opinio, etiâ diaconissis propriè dictam consecrationem applicatâ fuisse & adplicari debere. In Concilio Arausicano I, *c. 26.* statutum fuit: *Diaconissa omnimodo non ordinanda; si quæ jam sunt, benedictioni quæ populo impenditur, capiti submittant.* Et in Concilio Aurelianensi II, *c. 18.* Placuit, ut nulli postmodum fœmina diaconalis benedictio pro conditionis hujus fragilitate credatur. Quid enim hic diaconalis benedictio? non certè illa, quâ olim diaconissæ inaugurabantur, quippe quam conditionis hujus fragilitas nō respuebat, sed innuitur benedictio talis, qualli inaugurabantur diaconi mascululi. Et hanc fœminis quoque applicatâ fuisse nō abscurè innuit, & ne id porro fiat, prohibet canon Aurelianensis. Similis prohibitio facta fuit in Concilio Epaunensi *c. 21.* Viduarum consecratione, quæ diaconas vocant, ab omni regione nostrâ penitus abrogamus, solâ eis pœnitentia bene-

benedictionem, si converti ambiunt, imponendo. Ordinationis ritum olim usitatū describit Mattheus Blastares in Syntagm. alphab. lit. F. c. 11. his verbis: Ea ad sacram mensam adducta velo tegitur, extremitatibus ejus propendentibus, & postquam dictum fuerit: Gratia divina qua infirmū medetur, nec pedes movet, nec genu, sed tantū caput inclinat, & tūc Antistes manum in eam imponens precatur, ut diaconissa officium inculpatē exsequatur, castitatem & honestam vitam rationē colens, & sic in sacris templis assidua sit. — Deinde collo ejus sub velo Antistes onariū diaconi imponit, præterens duas ejus extremitates, in tempore autem participationis post diaconos sacra mysteria participat, deinde poculum ex antistitis manu accipiens, nemini tradit, sed in sacram mensam reponit. Hæc verò solennitas plus involvere videtur, quàm nuda benedictio. Et in constitutionibus Apostolicis lib. 8. cap. 20. recensetur oratio in ordinatione diaconissæ adhiberi solita, quæ non multum differt ab eâ, quæ cap. antec. 18. ordinationi diaconi destinata fuit.

XXX. Disquiri hinc cœpit, utrum Diaconissæ Ecclesiasticis personis annumerandæ, an verò Laicis. Disputationi ansam dedit Concilii Niceni canon decimus nonus, qui ita se habet: *De Paulianistis, si ad Ecclesiam catholicam confugerint, definitum est, eos omnino rebaptizari. Si qui verò præterito tempore in clero fuerint, si quidem inculpati & irrepre-*

hensibiles, rebaptizati ordinentur ab Episcopo Catholica Ecclesia. Si verò examinati minus apti deprehensi fuerint, deponi eos convenit. Similiter autem & de diaconissis & omnino de his, qui sub canone versantur, eadem forma servabitur. Diaconissarum autem meminimus, quæ in habitu quidem effe censentur, quia verò nullam manuum impositionem habent, ut omnino inter Laicos ipsa deputentur. Ex his verbis conficit Cardinalis Baronius ad ann. Christi 34. n. 288. & cum eo alii plures, Synodum Nicanen diaconissas inter Laicas numerasse.

XXXI. Sed Baronium prægressus incusat, eumque non inspectâ satis exemplaris fide locutum, contendit Augustinus Barbosa de jur. Eccles. lib. 1. c. 36. n. 9. & canonem Nicenum hunc in modum explicat: *Statuunt Patres quid faciendum de Paulianistis, i. e. qui à Paulianistarum hæresi revertebantur: decerniturque, ut iterum baptizentur, & restituantur in eum gradū Ecclesiasticum, in quo antea fuerant, si digni tamen extiterint, imponaturq; manus ab Episcopo, sicut ei, cui nuxquam antea erat imposita. Deinde decernunt, quid de diaconissis fieri debeat, quæ apud Paulianistas erant, & ad fidem Catholicam transibant, ut scilicet baptizentur denuo & inter Laicas deinceps non diaconissas habeantur. De his autem tantum, non de diaconissis Catholicis sermonem esse, probat Barbosa deinceps ex verbis, quæ reperiuntur in can. 17. ejusdem Concilii*

ex Arabico translato. Et tandem ver-
bis canonis Niceni 19. vulgaris hoc
addit glossema: Quæ in ordine invē-
ta sunt, vel in eadem specie sunt, i.e.
ab eadem hæresi, Diaconissæ veniunt
computandæ inter Laicas scilicet Ca-
tholicas, quia manus impositionem
non habent. Quam enim, inquit por-
ro, habere possunt apud Paulianistas,
quæ ab illis discedentes iterum bapti-
zabantur? imò ex isto canone potius
colligitur, sacras & religiosas personas
fuisse diaconissas Catholicas, &c. Se-
cundum Barbosam igitur sensus Ca-
nonis Niceni hic erit, diaconissas
Paulianistarum, quia impositionem
manuum habere nequeunt, idèd
quod verum baptismum nondum
acceperint, si ab illis discesserint, re-
baptizari quidem debere, sed inter
diaconissas catholicas connumeran-
das non esse. Eamque sententiam
prævisse videtur Aristenus Græcus
ad d. can. 19. Nicen.

XXXII. Omnis difficultas vide-
tur ex Canonis Niceni textu græco
& ejus versionibus oriri. Græca sic
habent. Εὐνήθη μὲν ἡ τῶν Διακο-
νισσῶν τῶν ἐν τῷ ὁνόματι ἐξισταθη-
σῶν, ἐπεὶ μὴ ἡ χειροθεσίαν πρὸς ἑχ-
σιν, ὥστε ἐξάπαντι ἐν τοῖς λαϊκοῖς
αὐτὰς ἐξιστάτω. Hæc verba ita
ἐκ τῶν παλαιῶν Franciscus Florens An-
tecessor Aurelianensis in dissertat.
ad rubr. de vit. & honest. Cler. Licet
diaconissa consecrationem non habe-
ant, ut Clerici, sed tantum manus im-
positionem, tamen speciei tenus & habi-

tu videntur esse de Clero, τῶν ὁνομα-
σθῆναι in rei veritate omnino inter Laicos
computantur. Schema verò hoc etiam
ex eo comprobatur Florens, quod dia-
conissæ olim in notitiam, indicem,
catalogum & matriculam Ecclesiæ
relatæ fuerint, inter personas scilicet
quibus sumtus & alimenta ab Ec-
clesiâ suppeditabantur. Nec ab hac
explicatione abludit versio, quàm
ἐκ τῶν παλαιῶν tertio loco posuit, & se-
cundæ editionis esse dicit Severinus
Binus. Illa enim verbis ex Græco
versis subjungit: Similiter autem
diaconissa, quæ in catholico canone non
habentur, simili loco, id est, Laice &
tāquam non consecræ, deputentur.

XXXIII. Ex his ipsis tamen ver-
bis conficit Petrus Gregorius de be-
nefic. c. 37. n. 6. duas olim fuisse species
diaconissarum, unam earum, quæ
non erant in catholico canone, tan-
quam Laicarum, alteram consecra-
tarum. Istas species ita distinguit.
Guilielmus Beveregius ad can. 19.
Concil. Niceni, ut una fuerit τῶν ἐν τῷ
ὁνόματι, altera τῶν ἐν τῷ ὁνόματι. Non
malè. Videntur enim aliquæ inter
expectantes receptæ, ut ministerio
huic sensim advesierent, nec tamen
relatæ illicò in matriculam Ecclesiæ,
quippe quæ nec ordinatæ adhuc e-
rant, neque alimenta ex Ecclesiæ re-
ditibus accipiebant, interim tamen
ab officio. quod sustinebant, non
minus diaconissæ atque reliquæ, quæ
consecratæ erant, dicebantur. Et se-
cundum hanc distinctionem cano-

nem Nicenum explicat Johannes Zonaras: *Virgines*, inquit, olim DEO dicatæ erant castimoniam professæ, quas Episcopi consecrabant, ex Synodi Carthaginensis canonè sexto, earundemq; custodia curam gerebant, ex ejusdem Synodi 47. canonè. Ex earum Virginum numero opportuno tempore, cum videlicet quadragesimum annum implevisset, diaconissæ ordinabantur. Verum hæ mulieres vigesimo quinto ætatis anno certum quendam habitum ab Episcopis accipiebant, ut 140. allatæ Synodi canonè videre est. Hujusmodi ergo virgines, diaconissarum nomine, quæ habitu censentur, manuum verò impositione sacratæ non essent, synodus intelligit, ac hæresin suam consistentes, ab eaq; se abstinentes, inter Laicos annuementas esse decernit.

XXXIV. Etiam si verò diaconissæ promiscuè omnes à Canonistis communiter inter Laicos referantur; concedit tamen Nicolaus Rodriguez Fermosinus ad rubr. de offic. Archid. quæst. 1. n. 70. gavisas eas semper fuisse immunitate Ecclesiastica, & hinc optimo jure personis Ecclesiasticis accessisse. Idcirco enim in matriculam Ecclesiæ, & quidem primo post diaconos loco, referebantur, ut ex relictibus Ecclesiæ alimentis eis, perinde ut aliis personis Ecclesiasticis, exhiberentur. Neque negari potest, ministerium earum in multis convenisse cum ministerio diaconorum. Nec dubito multum inde Ecclesiæ accessisse utilitatis, in-

ter foeminas præsertim, quæ minorum vultus verebantur, & utiliter admodum diaconissis interpretibus uti poterant. Quælis tamen earum fuerit status, quæve vivendi ratio, & qualiter se officium earum Ecclesiasticum habuerit, vix quisquam sufficienter explicabit, & quæ supra annotavimus, difficulter admodum ex veterum Scriptorum ruderibus eruuntur.

XXXV. Cæterum cum mulieres illæ tanto in honore haberentur, & multiplici munere concessio inolefcerent, atq; majora indices affectarent, placuit non unis vicibus in Conciliis particularibus consortium istud & ordinem prorsus abolere. Non obscure id prodit canon undecimus Concilii Laodicensi: *Quod non oportet eas quæ dicuntur viduæ seniores vel præfidentes in Ecclesiâ constitui, aut ordinari*, uti vertit Dionysius Exiguus. Gratianus istum canonem prolixioribus refert verbis c. ult. dist. 32. *Mulieret quæ apud Græcos presbyteræ appellantur, apud nos autem viduæ aut seniores univiræ & matricuræ appellantur in Ecclesiâ tanquam ordinatas constitui non debere decernimus*. Atq; ita legitur etiam in secundâ editione apud Severinum Binium, qui tamen pro vocabulo matricuræ, vocem matricularia substituit. planè ad mentem Francisci Florentis, qui loco supra citato, matricularia legem, dum putavit, à matrice scilicet & novitiâ Ecclesiæ, sive matricula illâ,

in quam diaconissæ noviter receptæ olim referebantur. De matriculâ illâ vid. Hieron. Bignon ad Marculphi form. pag. 615.

XXXVI. Eodem pertinet Concilii Arausici I. cano vigesimus sextus: *Diaconissa omnimodo non ordinanda. Si quæ jam sunt, benedictioni quæ populo impenditur capita submittant.* Et canon decimus octavus Concilii Aurelianensis II. *Placuit ut nulli postmodum fœmina diaconalis benedictio pro conditionis hujus fragilitate credatur.* Sed enim, uti supra dixi, videtur mihi in his canonibus abrogata potius ordinatio, quæ invaluerat, quàm diaconissarum officium. Quia enim diaconissæ in matriculâ diaconis proximæ erant, & uti Mattheus Blastares d. l. probat, etiam ad altare admittebantur, faciliè potuit opinio ista occupare & invalescere, debere eas diaconali benedictione, uti loquitur canon Aurelianensis, in ordinem istum recipi. Nec aliter interpretor canonem vigesimum primum Concilii Epaunensis: *Viduarum consecrationem, quas diaconas vocat, ab omni regione nostrâ penitus abrogamus, solum iis penitentia benedictionem, si converti ambiunt, imponendo.* Non loquitur de abrogatione ipsarum diaconissarum, sed consecrationis tantum, quæ hæcenus ex falsa persuasionem eis collata fuerat.

XXXVII. Sed fuit tamen ipsum totum diaconissarum officium, in Latinâ præsertim Ecclesiâ. In orien-

te enim diutius eas retentas, & seculo adhuc duodecimo earum aliquod munus fuisse testatur Theodorus Balsamon *respons. ad Marci patriarchæ Alexandrini interrogationem* 35. quæ responsa extant in *jure Græcæ Rom.* ab Johanne Leunclavio edito fol. 381. Interrogatio ita se habet: *Divini canones diaconissarum meminērunt. Querimus, quæ sit earum officium?* Respondet Balsamon: *Olim aliquando ordines diaconissarum canonibus cogniti fuere, habebant quæ ipsa gradum ad altare. Menstruorum autem inquinatio ministerium earum à divino & sancto altari expulsi.* (Eandem rationem refert Mattheus Blastares d. l.) *In sanctissimâ autem Ecclesiâ sedis Constantinopolitanorum diaconissæ deliguntur, unam quidem communicationem non habentes ad altare, in multis autem habentes conventum, & muliebrem catum ecclesiasticè dirigentes.*

XXXVIII. Tandem verò illud etiam notandum est, Theodosium Magnum in gratiam diaconissarum & heredum ejus elegantem edidisse constitutionem, quæ extat in l. 27. *C. Theod. de Episc. & Cler. ne Ecclesiæ, Clerici & pauperes jure capiendi ullum haberent ex ultimâ diaconissæ voluntate. Nihil, inquit, de monilibus & suppellectili, nihil de auro, argento, ceterisque clare domus insignibus sub religionis defensione, consumat, sed universa integra in liberos, proximos, vel in quoscunque alios arbitrii sui*
existit

existimatione transcribat. Ac si quando diem obierit, nullam Ecclesiam, nullum Clericum, nullum pauperem scribat heredes. Careat namque necesse est viribus, si quid contra vetitum circa personas specialiter comprehensas fuerit à moriente confectum. Immo, si quid ab his morienti fuerit extortum, nec tacito fideicommissio aliquid Clerici in fraudem venemabilis sanctionis callidâ arte, aut probrosâ eujsupiam conbibentia deferatur: extorres sint ab omnibus, quibus inhiaverant bonia. Et si quid fortè per epistolam, codicillum, donationem, testamentum, quolibet denique detegitur genere conscriptum erga eos, quos hâc sanctione submovimus, id nec in iudicium devoceatur, sed vel ex intestatois, qui sibi competere intelligit, statuti hujus definitione succedat. Si quis se agnoscit filium, si quis probat propinquum, si quis denique vel casu, vel iudicio, pro solido, pro portione heres, legatarius, fidei commissarius apertis deprehenditur codicillis, fruatur fortuna munere, conscientia sua fructu. Et submotis his atque dejectis in hereditariis corporibus, potestate utatur heredu.

XXXIX. Rationem, cur Theodosius noluerit Ecclesiis & pauperibus & Clericis quicquam ex diaconissarum testamentis acquiri ipsa, quodammodo prodit Constitutio, eamque duplicem, infirmitatem scilicet consilii ex parte diaconissarum testamentis condentium, quæ persuaderi oppido faciliè poterant, ut libe-

ris suis aut propinquis neglectis facultates suas sub specie pietatis, Ecclesie aut Clericis relinquerent, hâc ratione æternam beatitudinem sibi comparari existimantes; & avaritiam ex parte persuadentium atque instantium Clericorum, quæ tanta sæpè est, ut extortum merito dicatur Imperatori, quod à moriente imptetrabatur. Utramque hanc rationem haud paulo clariùs edisserit idem Imperator in *l. seq. 28. cod.* ubi selegem promulgasse ait (intelligit autem *d. l. 27.*) ne quis Clericus, neque sub Ecclesie nomine mancipia supellestem, prædam, vel ut infirmi sexus dispoliator invaderet, & remotis affinibus ac propinquis, ipse sub prætextu Catholicæ disciplinæ se ageret viventis heredem. Et quanquàm in recentiori aut noviori hâc constitutione, anteriorem illam in *l. 27.* de diaconissarum liberalitate à Clericis non acceptandâ latam nonnihil immutaverit, permiseritve, ut liceret diaconissis mobilia sua in Ecclesiam & Ecclesiasticos per donationem inter vivos conferre; de testamentis tamen atque ultimis voluntatibus, itemque de fundis & immobilibus quod constituit, nihil omnino immutatum voluit. Id enim, quod facilius quis facit, (uti solent mulieres faciliores & liberaliores esse in ultimis voluntatibus, quàm inter vivos,) inhibere consueverunt Legislatores frequentius.

SOLI DEO GLORIA

INDEX RERUM ET VERBORUM,

Quæ in hoc Opere continentur. Quorum Prior
Numerus Caput, Posterior autem Paragraphos
denorat.

A.

ABBATES ab initio non habebant Jurisdictionem, dein à Papa impetrârunt, XVI. 11.12.

ÆTAS.

Certa ætas requiritur ad ministros Ecclesiæ, VII. 1. seqq. add. Diaconus.

In quâ ætate apti olim ad Diaconatum, 4. seqq.

Non certa ætas in Novo Testamento exacta, 22.

Quælibet ætas non est apta ad Ecclesiæ ministeria, 23.

Quare ab hac ætate recessum in præxi, 24.

dein Lege publicâ, 25. 26.

Judicium de ea Lege publica, 27.

AGAPÆ.

Inter Agapas quid olim datum, III. 8.

In Agapis Clemens dicit Diaconis prærogativam fuisse, XIII. 81.

In Agapis Diaconis duplum, quare & quâ intentione datum, 81.

ALÆ turpitudine, XIII. 85.

AMBROSIIUS an in Epistolâ ad Eph. commentatus? VIII. 9.10.

APOSTOLI.

Apostolorum facta sunt ad imitationem proposita, IV. 1.

Apostolorum ritus in ordinatione Diaconorum an negligi possit? VI. 14.

Apostoli prædicatio quid sit? VIII. 34.

Apostoli & Seniores synecdochicè sumuntur quandoque pro totâ Ecclesiâ, IX. 3.

APOSTOLICUS.

Apostolicæ constitutiones quam habeant fidem, IV. 7.

Sunt antiquæ, VIII. 55.

Quo tempore nate, XIX. 22.

APOCRISIARIÏ, XIII. 91.

ARCHIDIACONUS.

Archidiaconi in concilio Viennensi impetrant potestatem ferendi crucem, VIII. 33.

INDEX RERUM

Sic dicuntur non ratione Imperii,
sed ordinis, XVII. L

Ad eos requiritur industria, 2.

Eliguntur à Diaconis, quod mutat
concilium Agathense, ib.

Archidiaconus primus dicitur Ste-
phanus, 1.

Ejus primum officium & quædam
addita, seqq.

Ejus officium non ubiq; idem, 7.

Adhibebantur libertatibus in Ec-
clesia dandis, & conficiebant
tabulas manumissionum, 8.

Nonnulli eorum habuerunt Ju-
risdictionem, quid cogno-
scendum ex cujuslibet provin-
ciæ consuetudine, 9.

Adfunt Episcopo visitanti, 10.

Visitant vice Episcopi, qui ne-
quit, 11.

Alicubi habuerunt parochiam &
jus visitandi cumulativè non
privativè, ac propterea secun-
dum Canonistas Jurisdic-
tionem, 12.

Visitent sine onere & damno Ec-
clesiæ, 13, seqq.

Superior est Archidiaconus pres-
bytero & Archipresbytero, 19.

Per abusum sunt plures Archi-
diaconi in unâ Ecclesiâ & dioce-
cesi, 20.

Archidiaconatus rectè confertur
à Majestate, 21.

Plura eorum officia ignorantur,
22.

ASSISTERE SACERDOTIBUS
quid sit? VIII. 27.

ATHANASIUS Diaconus fortiter
se gessit in concilio, IX. 7.

AVARITIA Diaconorum, XV. 16.

B.

BASILICÆ falsò à Valesio fin-
guntur Romæ, V. 10.

C.

CALICES à primis Ecclesiæ in-
cunabulis vitrei, VIII. 28. 29.

CANONES Arabici editi à Turri-
ano sunt dubiæ fidei, 1. 9.

CANONICUS.

Requisita veri Canonici, IV. 49.

Qvales deinde creati, ib.

Qvi ad Canonicas preces teneantur,
& superstitio circa easdem, VIII.
36.

CARDINALES possunt uti purpu-
râ & pileo rubrò, XII, 14.

Dicti sunt ita & Diaconi Romæ,
III. 24.

CATECHUMENI

Qvi sint & quotuplices, VIII. 41. 43.
Pœna peccantium, ib.

Exire jubentur à Diacono post Sa-
cræ Scripturæ auditionem, aut
post orationem, VIII. 42.

Cur non interesse poterant myste-
riis Sacramentorum, 45.

Illis datur aliquid loco Eucharistiæ
& quare? 46.

Si fortuito intuiti Sacrificia sacrò
fontè abluébantur, ib.

CHA-

ET VERBORUM.

CHARACTER

Quid sit Pontificiis, VI. 23.

Habet nullum fundamentum in SS. vetustis Patrum scriptis, ratione firmâ, ib.

Characteris indebitas non est causa non repetendæ ordinationis, ibid.

CHIROTHESIA quid sit, & quàm variè accipiat? VI. 4. XIX. 28.

CHIROTONIA quid sit? & varia ejus acceptio, VI. 4. 5.

CHRISMA quid sit, & qui eò perungantur apud Pontificios, VI. 20.

CHRISTIANÆ fidei mysteria olim summâ cum reverentiâ peragebantur, VIII. 40.

CLAMARE erat Diaconorum, VIII. 59.

CLERICUS.

Clericorum prærogativa ficta, I. 3.

Ordo separatus jussu divinò, ib.

Ordines quot sint? 4.

Distinctio in Sacerdotes & ministras, 8.

Constitutorum in sacris certæ species non rectè à Lanceloto asseritur, 8.

Numerus minuendus censetur à Cassandro & Justiniano, 16.

Vera causa augendi & minuendi numerum, V. 5.

Clerici non habebant olim jus petendi alimenta à populo, V. 8.

An negotiari possint? vide Negotiatio.

An possint exercere tabernaculū vid. Taberna.

Iis non licet uti lucidis & coloratis vestibus, exceptis Cardinalibus, XII. 13. 14.

Eorum luxur ægrè potuit coerceri, 15.

Adolescentes non habebant suas cellulas, sed erant in communi conclavi, XIII. 2.

Eorum pietas erat insignis tempore communionis, degeneravit inventis beneficiis & sublatâ communione, 22.

Potest exercere artem honestam, 23. seqq.

Clericum an dehonestet res secularis? vid. Secularis.

Habent rectè distinctas ab aliis vestes, XII. 1. 3. 10.

Habuerunt vestes peculiæres in Israëlita Rep. 2.

Peculiæres illæ vestes non sunt determinatæ, sed determinantur usu, 4.

Eorum vestes sint decentes & honestæ per multas LL. Ecclesiasticas, 5. seqq.

Clerici pravè eas LL. Ecclesiasticas applicabant, 8.

(um, II.

Interdicuntur iis manicæ vestibus Clericis non licet jure Canonico conducere possessiones cum exceptione laxata potestas hæc à Justiniano, XIII. 45. 46.

Ratio hujus prohibitionis, 47.

INDEX RERUM

An Clerici possint postulare? vid. Postulare.

An possint iudices esse? vide Judex.

Clericus nihil suscipiat, quod impedit sacrum ministerium, XIII, 59.

An Clericos deceat militia? vid. Militia.

An tutela? vid. Tutela.

Clericorum tota vita consistit in docendo & discendo, 60.

Clericis maximè necessarium studium Theologicum, 61.

Clerici abutuntur variè eò studio, 62. 63. 64. 65.

Clericis studium Jurisprudentiæ rectè interdictum, ubi exceptiones Canonistarum ineptæ, 66. 67. 68.

Studium Medicum rectè interdicitur, 69.

Clericis ex quâ ratione ars Chirurgica interdicta, 70.

Clericorum imperitorum ignorantia superba, XIII. 76.

Clerici conviviis interesse possunt, sed tenentur discedere ante ludos theatrales, 83.

Clerici non debent incedere personati & larvati, 84.

abstineant à ludis aliis, maximè ab alea jure Civili & Canonico, 85. 87.

Qui ludi illis permisi, 88.

Iis non rectè in latinâ Ecclesiâ interdictum matrimonium, XIV. 1.

Clerico satius est meretrices habere quàm uxorem secundum Pontificios, & quâ ex causâ, 36.

Clericorum castitas in Ecclesiâ Latinâ impudica, 37.

Clerici vitiosi & quare & quomodo judicandum de illorum vitiis, XV, 20.

Clericis quare maximè insidietur diabolus, 22.

Iactat illis rixandi libido, 20. 21.

Clericorum exemptio, vid. Forum.

Clerici utebantur stolâ, XII. 9.

CLERICATUS necessitas, I. 3.

COELIBATUS.

In Concilio Nicæna patres volentes cœlibatum Clericis imponere, impediuntur à Paphnutio, XIV. 14.

Primò cœlibatus Clericorum electorum receptus consuetudine, 15.

Causæ consuetudinis ejus, 18.

Cœlibatus contubernales, 16. XV. 14.

Cœlibatus viri contubernalis nequit esse virgo per Concilium Nicænum, 17.

Cœlibatum Clericis primus Siricius Lege imposuit, Africanos tantum svasit, 19. 20. 25. & quo successu, 21. seqq.

Lex de cœlibatu excitavit Clericos nec probata ab omnibus & quare? 29.

Non obtinuit in Ecclesiâ Græcâ, 30.

Ei

ET VERBORUM.

Ea contradictum in quibusdam
occidentalibus provinciis &
seculo XI. videtur deſuetudi-
ne inumbrata lex de cœliba-

tu 31. 32.

Non convenit Eccleſiæ 33.
prætextus Eccleſiæ Romanæ 34.
vera ratio 35.

Judicium Bernhardi 36.

Agre ad cœlibatum rediguntur

Subdiaconi XIX. 6. 7.

COLOBIUM

Diaconi cœutebantur olim XII. 29.

Illi purpura erat intexta ib.

quod Sylveſter mutavit ib.

Differentia inter Colobium & Dal-
maticam ib.

Erat olim habitus etiam Episco-
porum 30.

COMMUNIO

Inter Clericos olim fuit XIII. 1. 2.

Dein ſublata eſt 42.

Quod improbat & ſaſtiditur a
patribus aliisque 5.

Prima cœmunio Chriſtianorū Lau-
datur & quamdiu duraverit 6.

Ab ea cœmunionem primò reſe-
ſerunt Laici & quare, poſteâ &
Clerici 7. 8.

Communio inordinata improba-
tur 10.

Communione ſublata degenera-
runt Clerici XIII. 22.

COMPETENTES qui olim fue-
runt VIII. 41.

CONCILIUM

Tridentinum non rectè ſancit de
minoribus ordinibus I. 13.

Idem putat non dehonestare Cle-
ricum officium ſeculare in aula
principis XIII. 26.

Concilium Arelatenſe non fuit
provinciale XV. 11.

Concilium quid ſit in ſenſu Eccle-
ſiaſtico IX. 1.

Ejus neceſſitas expedientiæ &
haberi neceſſitas gradus pro
diverſitate objecti ib.

Apoſtoli ſingulari Dei providen-
tia normam præſcripſerunt 2.

Ad Concilium tota Eccleſia eſt
adhibenda ſed cum diverſâ
potestate pro diverſa aptitu-
dine Subjectorum 3. 4.

CONJUGIUM

Non rectè interdictum in Latinâ
Eccleſiâ Clericis XIV. 1.

Balamon cum Leone putat matri-
monium cum Diaconatu non
poſſe conſiſtere 2.

Quare non decidenda res ex eorū
ſententiâ 3.

Conjugium non erat interdictum
Diaconis, ſeculo I. II. III. & ini-
tio ſeculi IV. XIV. 5. 6. 7.

Quare conjugium contrahendum
eorum qui conſtituti in ſacris
ordinibus à patribus ſeculi IV.
improbatum non verò contra-
ctum 12.

Conjugii uſus in Concilio Elibe-
rino interdictus Clericis tem-
pore celebrandæ ſolennis Eu-
chariſtiæ 13.

Conjugium non interdicitur Cle-
ricis

INDEX RERUM

eticis Canone 3. Concilii Nicæni

16.

A conjugati presbyteri oblatione non est abstinendum per concilium gangrense 17.

CONVERSARE quid sit & qui Conversi dicti sint VII. 8.

CONSECRATIO est Synonymum ordinationis VI. 3.

CRUCEM portare in processibus erat Diaconorum Deinde & Archidiaconorum officium VIII. 35.

D.

DALMATICA

EA utebantur Diaconi XII. 28.
Ejus ratio denominationis ib.

Forma & quod principum quandoque fuerit habitus ib.

Olim & Episcoporum 30.

Differentia inter Dalmaticam & colobium 29.

Sylvester Dalmaticam primò Diaconis tribuit 29.

Dalmaticis utebantur Sacerdotes ante Casularum usum 31.

DECIMÆ

In Ecclesiâ N. T. non erant Decimæ XIII. 11.

Non sunt ex jure naturæ & absolute necessitatis quoad quotam ib. & 12.

Refutantur argumenta contrariæ sententiæ 13. 14.

Quæstio : utrum consuetudine possint minui & tolli proponi-

15.

Primo tempore & in N. T. dabatur præcise decima pars non ex simplici necessitate 16.

Decimæ Deinde sunt variè affectæ culpa Laicorum & Clericorum & variæ ortæ controverfiæ & quæstiones circa Decimas XIII. 17.

De modo circa Decimas servando in Ecclesia Magdeburgensi instrumentum vetus 18.

Decimarum quarta olim aut tertia pars destinata Clericorum alimentis 19.

Pars Decimarum quæ superest an ad alios usus an vero ad pauperum alimenta spectet quæritur ib.

DELICTA

Militum & Ecclesiasticorum sunt vel propria vel communia XV. 3.

Delicta communia & Canonistis contradistingvuntur privilegiatis & origo ejus distinctionis 4.

Quæ propria Delicta Diaconorum 3.

Delictum commune Diaconorum, superbia & avaritia, & causæ ejus 6.7.8.9.10.

DIACONUS

Hoc vocabulum variè sumitur II. 1.2.3.

Quandoque

ET VERBORUM.

Quandoque continet vocabulum Episcopi & quare ib.

Vocatur minister 4. & reliqua Synonyma III. 24.

Utrum & Sacerdos II. 5.

Est dictus Levita 10.

Quare Levita dictus 11.

Prima Diaconorum institutio non à Christo sed Apostolis. III. 1.

Diaconorum institutio non est Sacramentum ib.

Diaconorum instituendorum causa impulsiva 3.

Diaconi non admissi ab initio ad mensam sacram III. 8.

Diaconorum officium primum ib. & 13. 21. 22. VIII. 1.

Diaconis in quo sensu mensa ministerium tributum 9.

Diaconi primi ab Apostolis non constituti ministri Altaris III. 19. 11.

Quod negant pontificii & iis respondetur 12. 13. 14. 15. 16. 17. 18. 19. 20.

Diaconorum officium non est confundendum cum alio munere accedente 21. 22.

Solebant promoveri Diaconi ad altiora officia Ecclesiastica VIII. 1.

Diaconorum leve erat officium III. 23.

Diaconorum creatio in constituta Ecclesia petenda ex constituta Ecclesia IV. 4.

Diaconi primi non ex Græcis tantum electi sed etiam ex Hebræis 3.

Diaconorum requisita ex examine cognoscenda 4.

Diaconi primi à tota Ecclesia, electi, qui mos diu retentus deum mutatus 5. 6.

Diaconorum electio Apostolica, non observata deinde est 46. seqq.

Diaconorum primorum numerus Septenarius & quare V. 1. & 7.

Quidam statuunt præcise septem Diaconos esse debere 6. 8. à quibus hoc negatum 8. 9.

Diaconorum numerus Romæ 10. 11.

Diaconorum numerus est arbitrius 11. 12.

Diaconis ab Apostolis omnibus imponebantur manus VI. 14.

A solo Episcopo per concilium Carthaginense III. ib.

Diaconi quidam possunt esse temporarii, quidam non VL. 24.

Diaconorum Ordinatio peragenda in Ecclesia Latinâ tempore juniorum 27.

Ex quâ ratione ib.

In quâdam Græcâ Ecclesia omni die ib.

Olim certâ in ætate scil. 15. ann. in Eccl. Occidentali ad Diaconatum admittebantur VII. 4. seqq.

Item in Orientali 11.

INDEX RERUM

Ab hac ætate Diaconorum est recessum in utraqve Ecclesiâ **12.** seqq.

Utrum liceat recedere qværitur & deciditur **22.**

Diaconi an docendi munus habuerint pugnatum est inter Seraviam & **Bezam VIII.3.4.5.6.7.**

Inter munus docendi Diaconorum & aliorum differentia ex loco Ambrosii elicitur **8.**

Diaconi qvomodo munus prædicandi habuerint. **11.**

Diaconis competit Sacramento administratio siue distributio, qvod & consecratio, non satis probatur à Juellio **12.** seqq.

Diaconis olim potestas non fuit consecrandi sed distribuendi Eucharistiam **18.** Nisi presbyter præfens **20.** qvi hoc alicubi concessit Diaconis ex facilitate **ib.**

Diacono non licuit dein officia sua exercere sine præscitu Episcopi neqve Eleemosynas distribuere neqve baptizare &c. **21.**

Diaconorum qvi peragunt officium sine consensu Episcopi, poena & qvare poena statuta **22.**

Diaconis qvid olim qvid hodie ex mente Canonistarum liceat **23.**

Diaconorum alia officia **24.** seqq.

Assistere & ministrare Sacerdotibus **27.**

In patenâ & calice oblationes

inferre & disponere in altari **28.29.**

Componere mensam Domini & vestire **32.**

Crucem ferre **33.**

prædicatio Evangelii & Apostoli **34.**

OFFICIUM precum **36.** non Canonicarum **37.**

Diaconi preces fundebant super qvos **39.**

Diaconorum officium erat denunciare ut exeant post peracta circa unumqvemqve solemnia **36.**

Recitare nomina **38.**

Clamare. **39.**

pacem annuntiare olim qvod eis dein ademptum & qvare **40.**

Diaconi multa alia officia habebant **61.**

Diaconorum potestas deminuta **62.**

Diaconi an possint exomologesia **facere VIII.63.**

possunt interesse conciliis & interfuerunt tempore Apostolorum & post eos **IX.5.6.7.8.**

Diaconi sunt remoti à conciliis ambitione astutiâ Episcoporum & aliis ex causis **9.10.**

Diaconos jus suffragii in conciliis habuisse contra negantes evincitur **11.**

Diaconi aliquando admisi in concilium sine jure suffragii ut observarent Episcopos, unq. ex illis

ET VERBORUM.

lis praelegebat codicem Canonum & adventantes introducebant 12. 13. 14.

Diaconi in Synodis aliquando loco Episcoporum subleripserunt decretis Synodalibus, quod dein mutatum ex causa IX. 15. 16.

Diaconi in Synodis quandoque Notariorum munere functi sunt 17.

Diaconi ab Episcopis & Presbyteris tandem extra omnem dignitatem positi & ad reverentiam ac alia officia exhibendum coacti sunt X. 1. Ad quod Episcopis occasionem dederunt sua procacitas & superbia Diaconi & seculo 3. & 4. superpientibus diaconis imitabatur Synodus Nicæna depositionem 6.

Diaconis non licet sedere inter presbyteros 7. quæcunque sit congregatio per Synodum Nicænam vel paulo post 8. it. Concilio Arelatensi 9. Carthaginensi ne quidem loqui licebat Diacono nisi interrogato 10. Agathensi 11.

Diaconi concedente presbytero poterant sedere 15.

Quidam Diaconorum semper tenebantur Episcopo esse praesto 18.

Diaconi oculi Episcoporum sunt propter curam provitæ & moribus parochianorum XI. 1. 2. 3.

Diaconis commissa cura ægrotorum & infirmorum 4.

Diaconorum cura peregre advenientes excipere, in eorum conditionem inquirere, ad carceres committere & martyrum desideria exaudire, imo sepelire 6. 7.

Diaconorum vita erat olim communis XIII. 1.

Diaconi non cellulis inhaerebant nisi infirmi sed plerumque conclavi Episcopi & quare 2.

Diaconorum mores in vita 7. seqq.

Diaconi Responsales sive Apocriarii erant in aula Constantino-politana 91.

Diaconis an matrimonium licitum vid. conjugium.

De Diaconorum delictis, vid. delicta.

Diaconorum superbia & ejus causa XV. 6. 7. 8. 9. 10.

Coercetur concilio Arelatensi 11.

Diaconi in aliis urbibus coercerantur more urbicorum 12.

Diaconorum ebrietas 13.

Diaconi suspecti fornicationis. 14.

Diaconus labiis pollutus 15.

Diaconorum avaritia 16.

Diaconi sunt hereditæ 17.

Fœneratores 18.

Diaconorum forum ordinarium penes Episcopum si conveniantur personalisatione XVI. 13.

b

Reali

INDEX RERUM

Realis actione conventi stant etiam in foro seculari ib.

DIACONISSA

Homonymia XIX. 1. 2. 3.

Earum origo ex primitiva Ecclesia

3. 4.

Synonymia 5.

Servae eligebantur etiam Diaconissae 6.

Officium earum 7. ad 16.

Sexagenariae olim viduae eligebantur Diaconissae 16. 17.

A qua etate dein & publica lege recessum est & qua occasione 19.

Falsa ratio diversae aetatis Diaconissarum 20. 21.

Virgines ab initio Ecclesiae non sunt receptae in numerum Diaconissarum, in sensu proprio sed viduae 20. & 21.

Diaconissarum virtutes inter quas abstinencia à matrimonio 24.

Earum poena si nubarent 25. 26. 27.

Solebant solenniter eligi sed non consecrari 28.

Veteres putabant Diaconissas considerari 29.

Diaconissae utrum inter personas Laicas an Ecclesiasticas referenda 30. seqq.

Diaconissarum ordo abrogatus 35. 36. citius in Latina quam in Graeca Ecclesia 37.

Constitutiones Theodosii in gratiam Diaconissarum 38. 39.

DIACONIA quid sit III. 24.

DIACONICUM

Quid sit II. 15. 16.

Ejus Synonymum 17. & X. 9.

Discipuli qui sint in Actor.

Apost. cap. 6. IV. 2.

Divinus cultus nequit facile carere ritibus externis VIII. 24. qui non sint superstitionis ib.

E.

ECCLÉSIA

Instituit ordines minores I. 7.

Sequi debet Ecclesiam constituendam in eligendis ministris IV. 6.

Ecclesiae severitas in delinquentes VIII. 51.

Ecclesiae ministri ab initio à superbia infestati sunt & hoc malum modo severe vindicandum modo ignoscendum X. 14.

Ecclesiae redditus dividebantur in quatuor partes XIII. 4.

Ecclesiae minister non ordinandus sine titulo 20.

Ecclesia quid sit XVI. 1.

Ecclesia quae talis non habet jurisdictionem proprie dictam ib.

Ecclesia primitiva sub Imperatoribus Ethnicis non exercuit jurisdictionem sed audientiam 2.

Ecclesia consideratur vel quae potestatem quam habet à Christo vel quae illam quam habet à principibus 4.

Ecclesia

ET VERBORUM.

Ecclesiæ potestas excommunicandi non infert jurisdictionem ib.
Ecclesiasticæ Leges discrepant à civilibus 3.

ELECTIO conf. Diaconus Electionis ratio quæ olim & quomodo mutata ministrorum Ecclesiæ IV.5. seqq.

Ab electione Clericorum non rectè exclusus est à principibus olim reliquus populus 35.37.

Electionem revocare ad normam veteris Ecclesiæ frustra consti-
sunt Episcopi 40.

Ad Electionem Clericorum olim populus non consentiendi sed suffragandi gratia adhibitus IV. 42.

Electio non tantum de Episcopis propriè prædicatur 43.

Ab Electione Apostolicâ Diaconorum in Ecclesiâ Cathedrâ & Colleg. recessum 46. seqq.

Electio quomodo ab ordinatione differat VI. 1.

ENERGUMENI

Qui sint VIII. 47.

Multi erant primis Ecclesiæ temporibus ib.

Neque ad officia Ecclesiastica neque Eucharistiam neque preces fidelium & quare non admissi 48.

Erant admodum abjecti à cœtu fidelium 49.

poterant cultu divino durante in loco certo adesse congregationi sacre usque ad dimissos catechumenos 50.

Quibus precibus dimissi sunt à Diacono ib.

EPISCOPUS.

Vocatur & aliquando Diaconus II. 3.

Conantur abusum circa electionem Clericorum revocare IV. 40.

Ab Episcopis prædicandi officium transit ad fratres Regulares VIII. 34.

Episcopi astutè & ambiciosè aliiq. ex causis arcent Diaconos à Conciliis IX. 9. 10.

Non erant olim diversi à presbyteris prærogativam sibi sumpturunt & in presbyteros & Diaconos X. 1.

Episcopis præsentibus presbyteri quoque modestiæ causa aliquando poterunt 16.

Nequeunt sine presbyteris aut Diaconis administrare res Ecclesiasticas & dispensare eas sine illorum præscitu metu poenæ X. 19. 20.

Sine Episcopi præscitu Diaconi Eleemosynas dare nequeunt ib.

Episcopi abusi sunt suâ potestate adversus diaconos, principes & alios Episcopos X. 21. 22.

b 2

Episco-

INDEX RERUM

Reali actione conventi stant etiam in foro seculari ib.

DIACONISSA

Homonymia XIX.1.2 3.

Earum origo ex primitiva Ecclesia 3.4.

Synonymia 5.

Servæ eligebantur etiam Diaconissæ 6.

Officium earum 7. ad 16.

Sexagenariæ olim viduæ eligebantur Diaconissæ 16.17.

A quâ ætate dein & publicâ lege recessum est & quâ occasione 19.

Falsa ratio diversæ ætatis Diaconissarum 20.21.

Virgines ab initio Ecclesiæ non sunt receptæ in numerum Diaconissarum, in sensu proprio sed viduæ 20. & 23.

Diaconissarum virtutes inter quas abstinencia à matrimonio 24.

Earum poena si nuberent 25. 26. 27.

Solebant solenniter eligi sed non consecrari 28.

Veteres putabant Diaconissas considerari 29.

Diaconissarum utrum inter personas Laicas an Ecclesiasticas referendæ 30. seqq.

Diaconissarum ordo abrogatus 35. 36. citius in Latinâ quàm in Græcâ Ecclesiâ 37.

Constitutiones Theodosii in gratiam Diaconissarum 38.39.

DIACONIA quid sit III.24.
DIACONICUM

Quid sit II.15.16.

Ejus Synonymum 17. & X.9.

Discipuli qui sint in Actor.

Apost. cap.6. IV.2.

Divinus cultus nequit facile carere ritibus externis VIII.24. qui non sint superstitiosi ib.

E.

ECCLÉSIA

Instituit ordines minores I.7.

Sequi debet Ecclesiam constituendam in eligendis ministris IV.6.

Ecclesiæ severitas in delinquentes VIII.51.

Ecclesiæ ministri ab initio à superbis infestati sunt & hoc malum modo severè vindicandum modo ignoscendum X.14.

Ecclesiæ redditus dividebantur in quatuor partes XIII.4.

Ecclesiæ minister non ordinandus sine titulo 20.

Ecclesia quid sit XVI.1.

Ecclesia quâ talis non habet Jurisdictionem propriè dictam ib.

Ecclesia primitiva sub Imperatoris Ethnicis non exercuit Jurisdictionem sed audientiam 2.

Ecclesia consideratur vel quâ potestatem quam habet à Christo vel quâ illam quam habet à principibus 4.

Ecclesia

ET VERBORUM.

Ecclesie potestas excommunicandi non inferit Jurisdictionem ib.
Ecclesiasticæ Leges discrepant à civilibus 3.

ELECTIO conf. Diaconus Electionis ratio quæ olim & quomodo mutata ministrorum Ecclesiæ IV. 5. seqq.

Ab electione Clericorum non rectè exclusus est à principibus olim reliquus **populus** 35. 37.

Electionem revocare ad normam veteris Ecclesiæ frustra consti- sunt Episcopi 40.

Ad Electionem Clericorum olim populus non consentiendi sed suffragandi gratia adhibitus IV. 42.

Electio non tantum de Episcopis propriè prædicatur 43.

Ab Electione Apostolicâ Diaconorum in Ecclesiâ **Cathedræ** & Colleg. recessum 46. seqq.

Electio quomodo ab ordinatione differat VI. 1.

ENERGUMENI

Qui sint VIII. 47.

Multi erant primis Ecclesiæ temporibus ib.

Neque ad officia Ecclesiastica neque Eucharistiam neque preces fidelium & quare non admissi 48.

Erant admodum abjecti à cœtu fidelium 49.

poterant cultu divino durante in loco certo adesse congregationi sacræ usque ad dimissos catechumenos 50.

Quibus precibus dimissi sunt 1. Diacono ib.

EPISCOPUS.

Vocatur & aliquando Diaconus II. 3.

Conantur abusum circa electionem Clericorum revocare IV. 40.

Ab Episcopis prædicandi officium transit ad fratres Regulares VIII. 34.

Episcopi astute & ambiciose aliisq; ex causis arcent Diaconos à Conciliis IX. 9. 10.

Non erant olim diversi à presbyteris prærogativam sibi sumserunt & in presbyteros & Diaconos X. 1.

Episcopis præsentibus presbyteri quoque modestiæ causa aliquando poterunt 16.

Nequeunt sine presbyteris aut Diaconis administrare res Ecclesiasticas & dispensare eas sine illorum præscitu metu poenæ X. 19. 20.

Sine Episcopi præscitu Diaconi Eleemosynas dare nequeunt ib.

Episcopi abusi sunt suâ potestate adversus diaconos, principes & alios Episcopos X. 21. 22.

INDEX *RERUM*

Episcopi volunt gestari à Diaconis
24.

Episcopi Aurelianensis insolentia
adversus Diaconum suum 25.

Episcoporum forum & iudicium
quomodo ortum XVI. 7.

Episcoporum potestas coactiva
est pars secularis potestatis 8. &
dependet à Regimine principum 9.

Episcopatus utrum sit ordo I. 4.

EUCCHARISTIA cum celebranda
dimittebantur à Diacono Cate-
chumeni, energumeni, poeni-
tentes, competentes VIII. 41.

EXCEPTORES qui fuerint in Sy-
nodo & quomodo creditum iis
hoc munus IX. 17.

EXCOMMUNICATIO

Non provenit ex Iurisdictione
XVI. 4.

Excommunicationis exclusio non
infern vim coactivam 5.

EXOMOLOGESIS quid sit VIII.
63. seqq.

F.

FLORENS non rectè sentit de
Clericorum prerogativà I. 3.

FORUM

Ordinarium Diaconorum pe-
nes Episcopum si convenian-
tur personali actione. XVI. 13.

Seculare sortiuntur realiter
conventi ib.

Forum seculari nasciuntur Mi-
nistri Ecclesiæ 14. 15. seqq. ubi
respondetur contrariis.

A Foro civili removet Clericos
Silvester ex ineptâ ratione 21.
22. quod ipse non servat 23.

Pro foro Clericorum nihil in con-
cilio Nicæno statutum 24.

Imperator Constitutiones circa il-
lud seculo IV. 25. seqq.

Quid in Oriente 33. seqq.

Circa forum Clericorum quid à
Theodosio constitutum 42. seqq.
in concilio Carthagenensi III. 45.
Honorio Imper. 46. in fine Sec.
IV.

Innocentio papa 47.

Honorio in principio Seculi
Vti 48. 49. 50.

Episcopis Africanis 51.

Johanne & Valentiniano 52.

Concilio Chalcedonensi 53.

Valentiniano III. 54.

qui defenditur contra Baro-
nium 55.

renitentibus Episcopis 56.

Marciano in specie de Clericis
Constant. Ecclesiæ 58.

Concilio Seculo Vto 59.

Iustiniano 60. seqq.

qui defenditur 68.

Concilio Matisconensi & ca-
non. 9. ejus. 69. 70.

Conci-

ET VERBORUM.

Concilio Toletano III. 71.

Pelagio III. cō papā Romano

72.

Ab Imperatore post Secul. VI.
tum occasio magni augmen-
ti addita 74. renitentibus a-
lilis Imperat. 75.

Quid circa forum Clericorum Se-
culo XII. mō statutum 76.

Circa forum Clericorum distin-
ctum est à Dd. Seculo XIII.
XIV. & deinceps 77. 78.

Foro seculari in totum exemit Cle-
ricum Gregorius M. 79.
inde opinio orta esse juris divi-
ni 80. Et quæ ex illā opinio-
ne elicit 81.

Forum Clericorum privilegiatum
& quæ magna delicta non sine
scandalo & detrimento civita-
tis 82. 83. 84.

De foro Ecclesiastico in genere 85.

G.

GRANDÆVUS quia dicatur
VII. 6.

GRATIANUS

Testimonium ejus alienum à pra-
xi Ecclesiæ antiquæ. IV. 6.

Confundit perpetuo Martinum
papam cum Martino Bracaren-
si Episcopo IV. 31.

H.

HELLENISTÆ

Qui sint III. 3.

Eorum viduæ exclusæ à quo minis-
terio 4. Harum viduarum mur-
muris tenor 5.

HOSPITIA

inter amicos inventa propter spur-
ca in cauponis consortia XIII.

44.

Constitutio variè accipitur II. 14.

I.

IGNATIUS Ejus epistolæ sunt
supposititiæ III. 17.

JUDEX

Judici sedenti Litigantes stando in
Rep. Rom. reverentiam exhibe-
bant X. 16.

Judex potest esse Clericus jure no-
vol licet non jure antiquo XIII.

52.

A Judicis officio quidam putant
rectius removeri Clericum ib.

Judex vel ordinarius vel delega-
tus XVI. 10.

JUDICIUM.

Episcopale quomodo ortum XVI.

7.

Dependet idem à regimine
principum 8. 9.

K.

K Antiqua Ejus variæ acceptio I.

2.

Constitutio

by

Quid

ET VERBORUM.

Quid significet VIII. 6. 7.

L.

LABIIS pollutus XV. 15.
LAICI admittendi ad Concilia

IX. 4.

Qvam habeant in illis auctorita-
 tem ib.

Lector quare officium habeat
 VIII. 34.

Lectiois ceremoniæ VIII. 35.

Leges Ecclesiasticæ differunt à ci-
 vilibus XVI. 3.

Aurugyia variè explicatur II. 12.

LIBERI.

Incestuosus & adulterinis quare
 jure civili alimenta denegentur
 & jure canonico concedantur
 ratio *lepida* XIV. 37.

Liberis supposititiis uti quomodo
 liceat. XI. 5.

M.

MANICÆ Interdictæ Clericis:
 apud Parthos in usu & tan-
 dem apud Romanos XII. 12.

MANUUM impositio

Unde hic ritus ortus VI. 8.

Quare ab Apostolis adhibita 9. 10.
 13.

An eundem effectum producat in
 omnibus ib.

Quas habeat rationes 10.

An à Deo mandata 13.

Quare hodie retineatur ib.

Aliter exercebatur ab Apostolis
 aliter secundum concilium Car-
 thaginense IV. 14. an liceat re-
 cedere ab Apostolorum ritu ib.

Sine manuum impositione ordi-
 nabantur Subdiaconi XII. 3.

Manuum impositioni non est al-
 liganda divina gratia ad mini-
 sterium necessaria, ib.

MENSA.

Non eadem mensa sacra cum com-
 muni III. 7.

Mensæ sacræ cura non est Diaco-
 nis mandata ab initio 8.

Mensa variè accipitur III. 9.

Mensariorum officium ib.

Mensa Domini variè accipitur
 VIII. 32.

Mensa communis quid sit XII. 4.

MILITIA

Non decet multis ex causis Cleri-
 cos XIII. 59.

MINISTRI verbi divini.

Nomen iis peculiare rectè im-
 ponitur L. 3.

De eorum præ eminentiâ Floren-
 tis sententia falsa ib.

Qui olim nomine ministri vene-
 rint II. 8.

Ministorum Ecclesiæ tres ordi-
 nes

ET VEBORUM.

nes facit Dionysius Areopagita 12.
Ministri nomen variè sumitur 14.

MINISTERIUM

Est vel actiuum vel passiuum III.
4.
Ministerium mensæ quid sit 6.9.

MISSA

Catechumenorum unde sit dicta
& quid sit. VIII. 44. 16. 55.

N.

NEGOCIATIO.

Neqve iure civili neqve Canonico Clericis omnimodo interdicta XIII. 31. 32. 33. 34.
Dat ansam contrahendi avaritiam
& scandalum 35.

Improbatur in Diacono 36.

Non est in se mala 37. 38.

Triplex negotiatio & quæ ex illis decent Clericos 39. seqq.

NOMEN

Nominum recitatio erat Diaconi officium, origo ejus & modus peragendi VIII. 57.

O.

OBLATIONES

Quid sit & ratio denominationis VIII. 30. 31.

ORARIUM.

Quid sit apud profanos & Ecclesiasticos Scriptores XII. 17. 18.

Ejus varia Etymologia 19.

Oratio forte utebantur Diaconi soli in Orientali Ecclesiâ, in Occidentali Ecclesiâ etiam presbyteri & Episcopi 20. 21.
Orarium gestabant presbyteri in utroq; humero, Diaconi in uno, videlicet sinistro 22.

Orarii usus erat ut Diaconi signum darent illis qui præparabant ordines 23. 24. 25.

Orarium habuit formam fasciæ sut mantilis non stolæ neque sudori detegendo neque mucò expellendo adhibitum 26.

ORDINATIO.

Non sumitur pro electione presbyterorum IV. 43.

Quomodo differat ab electione VL.

Perficitur nomine totius Ecclesiæ ib.

Ordinatio quid notet 3.

Ordinationis Synonymum consecratio ib. & *χειροτονία* 4.

Ordinatio quare peracta ab Apostolis, manuum impositione 9.

Ordina-

INDEX RERUM

- Ordinatio an sit præcise necessaria**
ad id ut quis sit minister Ecclesiæ
II. 12.
- Ordinationis formula precum**
non in SS. 15. philippo affingitur ib.
- Ordinatio an ab uno peragenda**
& quâ impositionem manuum
& quâ benedictionem 16.
- Ordinationi Diaconi non adhibetur**
Chrisma apud pontificios
VI. 20.
- Ordinationi ab hominibus unctio**
addita 21.
- Ab ordinatione quare rejicienda**
22.
- Ordinatio quare non reputatur,**
& quod non propter indelebitatem
characteris 23.
- Ordinatio Diaconorum quo tempore**
in Latinâ & Græcâ Ecclesiâ
peragenda 27.
- vel necessitatis gratia in Ecclesiâ**
8.
- Ordo sacer quid sit pontificis ib.**
- Ordines minores instituendi occasio.**
9. 10. 11.
- Ordines non sunt Sacramenta 12.**
- Ordines minores possunt augeri,**
minui, tolli ab Ecclesiâ & Concilium
Tridentinum non recte contradicit 13.
- De ordinibus minoribus iudicium**
Cassandri 14.
- Habentes hodie nomina minorum**
Ordinum non necessario ordinandi &
arbitrarius est numerus, 35.
- Ordo quid significet Romanis &**
quâ variè VI. 2.
- Ordo pontificis est Sacramentum**
37.
- Ordines inferiores non subsunt**
in Latinâ Ecclesiâ legi de cœlibatu
XIV. 16.

ORDINARE

Quid sit VI. 2. & rectè Clericis tribuitur
ib.

ORDO

Quid notet pontificis I. 4.

Varia acceptio ib.

Quotuplex ib.

Dividitur à Lancelotto 5.

Ordinum institutio antiqua 6.

Ordines minores sunt ex nudâ Ecclesiæ
ordinatione 7.

Ordines sunt vel commoditatis

OSTIARIUM

Magnus eorum numerus in Ecclesiâ
Constantiopol. I. 16.

P.

Palea quare ascripta Const. Justiniani apud Gratianū VII. 11.
Papa

ET VERBORUM.

PAPA olim quilibet Episcopus ap- Jure novo quibusdam ex causis &
pellatur. XIV. 7. quare permiffum 50. 51.

PATENA fuit à primis Ecclesiæ
incunabulis vitrea VIII. 28. 29.

PASTORUM potestas præcipua in
Synodis, & æquare IX. 4.

PERSONA

Personarum in Ecclesia divisio I. 1.
Origo ejus incerta ib.
Personatus quid fit VII. 16.

PHILOSOPHIA

Utilis est Theologiæ vid. Theolo-
gia.
De philosophorum gentium sa-
lute nequit spes concipi quanta
de Christianis XIII. 73.
Horum scripta quomodo & quâ
intentione legenda 74.
Pœnitentiæ gradus & tempus VIII.
52. 53. 54.

POPULUS

Haber jus suffragii in electione
Clericorum IV. 42.
Non semper exercet hoc jus eli-
gendi Clericos per se sed & per
alios 45.

POSTULARE

Qua ex ratione interdictum Cleri-
cis jure antiquo Canonico XIII.
48.

POTESTAS Spiritualis

& temporalis sunt separatæ pote-
states licet in unâ persona con-
currant XVI. 6.

PRECES

Qualis earum formulæ in ordina-
tione Diaconorum VI. 15.
Preces Canonice VIII. 36.
Qualis Diaconi ib. 37. 38. 39.

PRESBYTER

Presbyteri sæculi IVto post ordi-
nationem non poterant matri-
monium inire XIV. 11.

PRINCEPS.

Principi soli non competit jus eli-
gendi Episcopos IV. 35.
Attamen ex causa Reip. ib. & 37.
Principes sunt abusi potestatis eli-
gendi 37. 38. 39. 40.

R.

RELIQUIÆ.

Circa reliquias superstitionis E-
piscopi Lulitanæ X. 24.
Reliquiæ non ignominiose tra-
dendæ: non verò debetur illis
cultus ib.

Regia-

c

Regionarii dicebantur Diaconi
Romæ III. 14.

RITUS EXTERNI

Cultui divino additi bona intentione debent carere superstitione VIII. 26.

Quis introducere & abrogare possit ib.

RUFINUS

Judicium de ejus auctoritate VIII. 14.

S.

SACERDOS

Sacerdotes vocantur & Diaconi II. 5.

Sacerdotis vocabulum sumitur vel propriè vel impropiè 6.

Prædicatur de Episcopis & presbyteris 7. & VIII. 27.

Sacerdos quo in sensu obtineat in N. T. II. 10.

Sacerdotis nomen quare tribuitur presbyteris II. 12.

Sacerdotibus assistere & ministrare Diaconorum officium & quale VIII. 27.

Sacerdotis nomen includit quandocumque omnes Clericos 14.

Sacerdotes in Israëliticâ Rep. peculiari veste utebantur in templo, an & extra templum incertum est XII. 2.

Sacerdotum officium sanctum, & ut liberi sint ab injuriis ac ut reverentiâ illis exhibeatur, exigis peculiarem vestem 1. 10.

SACRAMENTA

Ordines non sunt Sacramenta I. 12. Sacramentorum divisio Scholastica falsa ib.

De Sacramentorum materiâ & signis in ordinibus, inter Ecclesiæ Romanæ Dd. non convenit VI. 17. eorumque conciliatio tentata à quibusdam ib.

Sacramenti ordinis forma præfertur à pontificiis falsa, incerta & à pontificiis falsa, incerta & à S. S. & Ecclesiâ antiquâ ignorata. 19.

Sacramentorum distributio Diaconis concessa non consecratio VIII. 18.

Scil. absente presbytero eoque alicubi præsentem ex facilitate 20. & tandem etiam præsentem & consensu Episcopi 21.

SECULARIS

Artes seculares dehonestant Clericos admodum Canonistas XIII. 26.

Secularibus officiis in aulis præesse Concilium Tridentinum non putat alienum à Clerico ib. & falsò explicant 2. Tim. 2. 27.

Secularis cura non omnis aliena à Clerico sed ea quâ animi intentio implicatur 28.

Quæ res seculares alienæ à Clerico, nequeunt in specie exponi 10.

SEPTENARIUS

Septem

INDEX RERUM

Septem Diaconi sunt à prima Ecclesià N. T. electi V. 1.

Septenario numero mysterium adscribitur & plenitudo 2.

Septenario Diaconorum inesse mysterium negatur V. 3. Ratio ib.

SIRICIUS PAPA

Ejus epistolæ non sunt suppositivæ XIV. 23.

STARE

Stare alio sedente & non nisi iussu ejus posse sedere est subjectio servilis X. 15.

STICHARIUM

vestimentum erat Diaconis cum Episcopis commune XII. 27.

Episcoporum Sticharium erat forma distinctum à Diaconorum Stichario ib.

Utrum Sticharium idem cum albâ ib.

Sticharia in Ecclesiâ Orientali quædam erant purpurea & quare ib.

STOLA

Erat vestis & mulierum & virorum XII. 9.

SUBDIACONI

Seculò Vtò inter sacros ordines relati & sic subjecti Legi de concubatu XIV. 27.

Ab initio Ecclesiæ non fuerunt XIX. 1.

Originis eorum occasio ib.

Subdiaconorum officium 2.

Ordinantur sine manuum impositione & quare secundum pontificios 3.

Quare non inter sacros ordines olim relati Barbosa rationes 4. 5.

Subdiaconis votum castitatis non ubique potuit imperari 6. 7.

Postquam in sacros ordines relati difficulter admitti sunt ad Episcopatum 8.

Subdiaconorum 7narius vulgò Fabiano adscribitur & an verum sit. 9.

SUPERBIA

Ad eam homo inclinatur X. 14.

Etiâ ministri Ecclesiæ ib. & 21.

STUDIUM

Theologicum necessarium Clericis XIII. 61.

Studii Theologici abusus 62. 63. 64. 65.

Juridicum Studium recte interdictum Clericis 66. 68.

Canonistarum exceptiones inanes 67.

Studium Medicum rectè interdictum Clericis 69.

T.

TABERNA Eam nequis exerceat Clericus XIII. 43.

Vilitas ejus 44.

THEO.

ET VERBORUM.

THEOLOGIA, vid. Studium
Theologiæ studio utilis philoso-
phia XIII. 71.

In Theologia philosophiæ usus
laudatur 72. abusq vituperatur 71.

Theologiæ inserviunt Disciplinæ
philosophicæ inæqualiter, ma-
ximè Logica & Metaphysica 75.

TEMPLUM

Templi Sophiæ vastitas V. 5.

TITULUS

Quid sit & quorupliciter sumatur
cum origine harum acceptio-
num XIII. 20. 21.

TONSURA

Omni Clero & sic Diacono etiam
necessaria XII. 32. & quare ib.
variat modus tonsuræ ib.

TUTOR

Testamenta dari non poterat tu-
tor primò Clericus XIII. 53.

Justinianus ab omni tutela libera-
vit: Dein distinctionem addi-
dit 54. 55.

Tutela post Justiniani ævum indi-
stinctè Clericis interdicta 57.

Tutela rectè interdicta ut pluri-
mum Clericis 58.

U.

VESTIS

Vestibus volebat Alexander
Severus distingvere officia &
conditiones hominum, dissva-

dentibus Ulpiano & Paulo XII.
1.

Vestibus distingvere Sacerdotes
congruum est ib.

Ut in Israelitica Rep. 3.

Vestis Clericorum non sunt de-
terminatæ, determinandæ usu

4.

VIRGO

Quandoque de viduis predicatur
XIX. 23.

VISITATIO

Modo visitandi præscribitur XVII.
13. 14. 15. 16. 17. 18.

A visitandi jure ad Jurisdictionem
concludunt Canonistæ 12.

Jus visitandi habent Archidiaconi
alicubi proprium ib.

VITIUM

Distinctio est inter vitium & fla-
gitium XV. 1.

UNCTIO

Est addita ordinationi ab homini-
bus, neque à Christo neque ab
Apostolis VI. 21.

Quare ritus unctionis in ordina-
tione rejiciendus 22.

URBICUS

Diaconi Urbici qui sint XV. 11.

USURÆ

Nomen earum improbatum à re-
centioribus Canonistis non res
XV. 18.

Crimen usurarium esse merè Ec-
clesiasticum perstringitur. 19.

✽ (o) ✽





